

652
1961/2



652/2

1
1961

65

Հայաստանի Հանրապետության
Մշակույթի նախարարություն

ՄԺՎԿ



ლიბერალურ-მხატვრული და
საზოგადოებრივ-პოლიტიკური
უწყება

საპარტიზო სპეციალური მდიარების
კავშირის აპარის განყოფილების
ორგანო

შ ი ნ ა კ რ ს ი

6. გვარიშვილი—ლექსები	3
6. მალაფონია—ლექსები	5
ჯ. ჯაქელი—ჩრდილოეთის ციალი (მოთხრობა)	7
პ. რუკუა—ლექსები	16
მ. ვარშანიძე—ლექსები	17
აღ. ჩხაიძე—ქუჩა (მოთხრობა)	19
ლ. გელაძე—ლექსები	32
დ. კვიციანიძე—სარეცელი (ნოველა)	34
რ. ჩხარტიშვილი—სახწაული! (ლექსი)	40
ს. დემურხანაშვილი—პატარა ქალიშვილი (მოთხრობა)	41
ა. ჩხაიძე—ჩემო აჭარავ!	47
ბ. კაკიტაძე—მინიატურები	48
ი. ბერიძე—ლექსები	50
ბ. ურუშაძე—სისხლიანი სურათი (მეომრის დღიურიდან)	51
ე. მუჯირი—ლექსები	53
ე. ჰემინგუეი—კანარის ჩიტი ქალი- შვილისათვის (მოთხრობა, ინგლისურიდან თარგმნა გ. მაჭულაძემ)	54

კრიტიკა და პუბლიცისტიკა

ზ. ართილაძე—გ. ი. ლენინი საქარ- თველოს შესახებ	58
6. დუმბაძე—„არსენა მარაბდელის“ ზოგი- ერთი მხატვრული ხერხი	62
დ. კომანხიძე—მწვანე მშენებლობის გადაუდებელი პრობლე- მები	67

82-58

1

1961

იანვარი
თებერვალი



კუბლიკაცია

აღ. ჩავლიუზილი—შალვა დადიანის
ერთი კერძო წერილი 70

ლიტერატურული კალენდარი

პ. ჯორბენაძე—დიდი ხელოვანის
ტრაგედია 72

აჭარის წარსულიდან

პ. ცაშიტარია—ბრძოლა საბჭოთა ხელის-
უფლების დამყარებისა და განმტკი-
ცებისათვის აჭარაში 75

წიგნის თარო

ხ. ხალვაში—შეუდრეკელი პატრიოტი . 78


მ. სვანიძე—საინტერესო ანტირელიგიური
წიგნი 80

სატირა და იუმორი

შ. შუბლაძე—სარეკელა (იგავ-არაკი) . . 81

ა. სამსონია—სტუდენტობა და სიყვარუ-
ლი (მოთხრობა) 82

შურნალ „ლიტერატურული აჭარის“
1960 წლის ნომრების შინაარსი . . 94



რედაქტორი შოთა ქურიძე

სარედაქციო კოლეგია:

ხ. ახვლედიანი, ნ. გვარიშვილი, პ. ლორია, მ. ვარშანიძე (პემგ. მდივანი),

აღ. ჩავლიუზილი, ფრ. ხალვაში.

ნანა გვაჩიშვილი

ყოველ ახალ წელს

მეგონა ლამით ნისლებში ვიღაც
 თეთრ-თეთრ ყვავილებს ფურცლებს აცლიდა
 და ალიონზე სუყველას ერთად
 ჩემს გასაჩარად ვზავნიდა ცოდან...
 ვერ მოვიშორე ეს ბაღის ფიქრი,
 ახლაც ის ვიღაც მეგულვის ცაში...
 მაგრამ ეს რა ქნა?.. ყვავილთა ფიფქი
 ჩამომავარა სუყველა თმაში!

უ მ ჩ ე

ძველად ჩადრის ქვეშ ქალებს პირბადე ფეჩე ეკეთათ.

თვალი არ მოგკრას ვინმემ,
 ვაი თუ შეგიყვარდა!..
 ხურავდა ქვეყნის სარკმელს
 ერთი პატარა ფარდა.
 ქალის ღიმილი მარტო
 უნდა პირბადეს შერჩეს.

თვალბეჭუყუნა რომ ხარ,
 იცოდეს მხოლოდ ფეჩემ.
 ახლაც გულსა მტკენს ბოდმა,
 ვინ შეგითოკა ხელი
 და ჩამოგკიდა თვალზე
 ეს შავი საბურველი?

დედოფალი გამობრძანდა

დედოფალი გამობრძანდა,
 ყველას რჩება თვალი.
 ნურც შენ სტირი, ნურც გვატირებ,
 თარინინა ნანი.
 მთვარე გიცდის სახლის წინა,
 დოლი-ზურნაც არის,
 რაღას უცდით, დაუკარით
 თარინინა ნანი.

ყმაწვილობა გრჩება შინა —
 ნაწნავების ქროლვა,
 დედას კიდევ ჩაეხუტე,
 აწი სტუმრად მოვა.
 მაყრის ცხენი დაამშვენე
 შენი ალვის ტანით,
 გოგოებო, მიუმღერეთ
 თარინინა ნანი.

ნ ა წ ნ ა ვ ე ბ ი

მთის ასულო, საქართველო გინდა მართლა დამიღუპო?
თამარ მეფეს თომარჯილის ქვეშ ნაწნავი ჰქონდა ტყუპად,
ქეთევანი — მზე ველებს ატარებდა თმებში იებს,
გახსოვს? ქართველ ქალობისთვის ნაწნავებით დაითრიეს.

შეხე წარსულს — მუზარადი გრეხილ ნაწნავს ველარ იტევს,
წყნეთელ გოგოს თმებზე აბნევს მეფე ცრემლის მარგალიტებს.
თმებზე მეტი სამკაული რა ჰქონიათ ქართველ ქალებს,
თავზე თმების გრეხილები ვაზებზევით დაატარეს.

თმაგაშლილი დედაკაცი ყველასათვის იყო გლოვა,
მერდინის ქვეშ დალალ-კავი ქართლის დედამ დაგვიტოვა.

შენ კი, საით გადაჰყარე ქეთევანის ნაწნავები,
ზედ ეყარა წამებულის ცრემლიანი წამწამები,

ზედ ეფინა დასაფიცი თავლეჩაქი ცისებრ წმინდა.
სად გაქვს გიშრის დალალეები? სიო ყვავილს ჩაგიწინდა!

რ უ ბ ა ი ე ბ შ ი

ჩამორუკრუკდა რუ ბაიებში,
ბაიებს უმღერს ტკბილ რუბაიებს,
თან გულს უტოკებს პატარა იელს
კორღზე ჩამომჯდარ ლურჯთვალა დებში.

ბ ვ ი რ ი ლ ა

ატამმა ვარდის ჩაიცვა კაბა,
გადმოიხედა მაღალ სერიდან:
თეთრმა გვირილამ პატარა ქოლგით,
ნეტავი საით გაისეირნა?



ნესვორ მაღაზონია

დ უ მ ი ლ ი

ლამე ჩამოდგა, იცი როგორი?
 ასე მეგონა, შენ დამაცქერდი.
 ლამე ჩამოდგა, იცი როგორი?
 შენს კაბასავით შავი ხავერდი.
 ლამე ჩამოდგა ჩუმი და წყნარი.
 სწორედ ისეთი, როგორც შენა ხარ.
 გულში დაფარა მზის ნაპერწკალი
 და შენც გასწავლა გულში შენახვა?
 ო, ჩემო კარგო!

ლამის დუმილი
 და შენახული დილის დიმილი
 მხოლოდ დილამდე დარჩება ასე.
 შენ კი
 არ იცი დილა-საღამო,
 თითქოს ლამე ხარ დაუსაბამო
 და ამ დუმილით სამსალას მასმევ.
 გახსენი ბაგე შეუღარები,
 მითხარი რამე, გემუღარები!

ზ ა მ თ ა რ ი

ქარი ქრის.
 ო, ქარმა ცოტა ხნის წინათ
 ფოთლები მოსტაცა ტყეს,
 ღრუბელი აწვალა,
 დაწურა წვიმად
 და მერე შფოთავს და სტვენს.
 ზამთარი.
 თან მოჰყვა გიზგიზა ბუხარს,
 ცივსა და ყინვების დროს,
 თან მოჰყვა,
 რომ თოვლის ზღაპარი უთხრას
 უფოთლო ხესა და რტოს.
 ბარშიც რა უღმერთოდ მოთოვა.
 მაინც
 არ ცხრება
 და ისევ თოვს.
 გული კი მოელის ვარდიან მაისს
 და გაზაფხულის სიმღერას მთხოვს.

მე არ მოვკვდები

გაზაფხულს მზე და ყვავილი მოაქვს,
ლიმილს აფრქვევენ ატმის ტოტები.
ძლიერაც გსურდეს, ვერ მოშორდები,
ძლიერაც გსურდეს, ვერ დაღონდები...
არა, ყველაფერს თავისი დრო აქვს,
და გაზაფხულზე მე არ მოვკვდები!

ზაფხულის ცა და ღაღარი მომწონს,
ზღვის სილურჯე და ზვირთის ციალი,
ალუბალი და მარწყვი ცვრიანი,
ზურის ყანა და ველის ნიავი...
ჩვენი მცხუნვარე მზე დაილოცოს!
არა, ზაფხულში მე არ მოვკვდები!

სოფლის ბარაქა და სილამაზე,
სიმინდის რძე და ვაზის მტევანი,
კალოს ლხინი და ღამის თევანი,
ძაჭრის დუდილი და შადრევანი —
ვის არ მოხიბლავს შემოდგომაზე!..
არა, რთველის დროს მე არ მოვკვდები!

ქარბუქმა თოვლი დაყაროს ბარში
და მთები დასხდნენ დარბაისლებად,
დაე, საფლავზე თვლემდნენ ლოდები
და ტყის ქათამმა იფიქროს ფშანში —
ნეტავი მთა თუ გადაისვლება...
არა, ზამთარში მე არ მოვკვდები!

მეყო ჭირის და ვარამის ზიდვა!
აქლა ბედნიერ ჩემს სამშობლოში
უფრო ბედნიერ დღეს ველოდები!
და ვინღა მოწყვეტს ჩემს ვარსკვლავს ციდან!..
ო, არასოდეს, წლის არც ერთ დროში
არა და არა, მე არ მოვკვდები!



ჯემალ ჯაყელი

ჩრდილოეთის ციალი

მან პაპიროსი პირველად შეიძინა და კოლოფი ისე მოუხერხებლად გახსნა, რომ გამყიდველმა გაიღიმა და თავიდან ფეხამდე ჩაათვალიერა ეს ლაქლაქა, ნამდვილი მთის შვილი, რომელსაც მკლავებზე ფოლადის ფერი დაჰკრავდა და ტანადაც ფოლადურად ჩამოსხმული, მყარი აგებულებისა ჩანდა.

— მოგწონს?

ალიმ ღრმად ამოაბოლა, მაგრამ გული ვერ მოიოხა და თავის გაქნევით თქვა:

— სიყვარულით ნაკეთებია, მაგრამ... რბილია. მაგარ თუთუნს ვარ მიჩვეული.

— არაფერია, შეეჩვევი! — უთხრა გამყიდველმა. კარებისაკენ მიმავალს თვალი გააყოლა და ინატრა: მაგის მხარ-ბეჭი და შეძლება მომცაო.

ალი ცაცხვის ძირას, ძელსკამზე ჩამოჯდა.

ახლო-მახლო არავინ ჩანდა და უკვირდა, სად წავიდაო ხალხი.

მუშათა უბანი ასე დაცარიელებული არასოდეს ენახა. სკამს გადააწვა, ფეხი ფეხზე გადაიღო და პაპიროსის კოლოფს დააკვირდა.

ბიჭებმა ჩაიარეს და შესძახეს, მაგრამ მათთვის ყურადღებაც არ მიუქცევია. ის კოლოფზე რუსულ წარწერას უკირკიტებდა, მაგრამ არა ესმოდა რა და გაახსენდა, თუ როგორ გაწითლდა რუსი გოგონას წინაშე, რომელიც რუსულად გამოელაპარაკა და ვერაფერი გაუგო.

მოსადამოვდა.

ახლოდან მოისმა სახელდახელოდ აგებული ელსადგურის გუდგუდი, ცაცხვის ფოთლებში ოქროსფრად გამოსცრა სხივები და მის გაკუთხულ, გაუპარსავ სახეს დაანათა.

ალის ნაცნობი ხმა შემოესმა, მიიხედა და მათი უბნის ბრიგადირი მოსე გვარამიძე იცნო.

— აქ რას აკეთებ, ალი?

— ვისვენებ. — მოკლედ მოსჭრა და პაპიროსის კოლოფი ღიმილით გაუწოდა.

— ოჰო! „ძიგარას“ დაანებე თავი? რავა დიდკაცურად აბოლებ!..

ალის ეწყინა ასეთი ხუმრობა და თავი დახარა. მოსემ გამამხნეველად დაჰკრა ბეჭზე ხელი და უთხრა:

— წამოდი. სასეიროდ წავიდეთ მუშათა კლუბში.

ალი ზანტად წამოდგა და გაჰყვა.

— პირის გაპარსვა დაგვიწყებია, ალი!

— საპარსი არ მქონდა და...

კლუბს რომ მიუახლოვდნენ, ისეთი სასიამოვნო მუსიკის ხმა მოესმათ, ალის გულზე მოეშვა და, მის არსებაში თუ რამ მიძინებული იყო, გამოაღვიდა.

მუშებს ლამაზად ეცვათ, „საგარეოდ“. ვიღაც კოსტუმიანმა ახალგაზრდამ ალის მეგობრულად გადასდო ხელი და თავისკენ მიიზიდა. ალიმ წამით ვერ იცნო ის, ვიღაც ინჟინერი ეგონა. მაგრამ დარბაზის სვეტს რომ გასცილდნენ და შუქი პირდაპირ სახეში მოხვდათ, ღიმილით შესძახა:

— ბიჭო, შენ კოტე ხარ?

— ჰო, მე ვარ, ველარ მიცანი?

— ასე გამოწყობილი არასოდეს მინახიხარ. ძალიან გმვენის ეგ კოსტუმი. ალიმ ახლა უფრო იგრძნო მისი ჩაუცმელობა — ძველი შარვალი, გარღვეული ფეხსაცმელი... და თავი დახარა, მაგრამ ამ დროს კვლავ გაისმა საოცრად მიმზიდველი მელოდია და ალის ყველაფერი დაავიწყდა.

დარბაზს თვალი მოავლო. რამდენიმე წყვილი ცეკვავდა. ალის არასოდეს ენახა ასეთი ცეკვა და კოტეს გულუბრყვილოდ უთხრა:

— კაცო, ასე ჩახუტებული ცეკვა გაგონილა?

კოტეს გაეცინა და ჰკითხა:

— აბა შენ რას ეძახი ცეკვას?

— რასა და... განდაგანას, ხორუმს... კაცები ცალკე უნდა ცეკვავდნენ, ქალები — ცალკე. — და თავისი სოფელი გაახსენდა, სადაც არათუ ასე ჩახუტება, უბრალო გახუმრებაც არ შეიძლებოდა მეზობლის გოგოსთან.

— ის წყვილები, ალბათ, ერთმანეთის ნათესავები არიან! — დასძინა ალიმ და კოტეს გადახედა.

— არა, კაცო! ერთმანეთს არც კი იცნობენ... მამაკაცს ვინც სურს, იმას შესთავაზებს ცეკვას, ქალიც უარს არ ეტყვის, სირცხვილია.

ალიმ გულიანად გაიცინა. შემდეგ კოტეს დააკვირდა, ხომ არ მაბრიყვებდნო, მაგრამ რაკი დარწმუნდა, მართალს ეუბნებოდა, ესიამოვნა. შემდეგ ჩაფიქრდა და წარმოიდგინა: აი, თითქოს გავიდა დრო, ხელფასი კაი ბლომად მიიღო, ახალი კოსტუმი შეიძინა, ცეკვა ისწავლა, სხვებივით თამამად მოვიდა კლუბში და... ვინც მოსწონს, იმას შესთავაზა ცეკვა... რა ბედნიერებაა?!

თავი ასწია და მოცეკვავეებს დააკვირდა. უცებ ერთი წყვილი შემოტრიალდა და... ასეთი ლამაზი ქალიშვილი ჯერ არ დაუნახავს ალის. ფეხის წვერებზე იიწია და უნდოდა სულ ემზირა ამ ქერათმიანი, ტანლერწამა ქალისათვის, მაგრამ ისინი მოცეკვავეებს შეერივნენ და თვალს მიეფარნენ. ალიმ წინა რიგებისაკენ გაიწია, მაგრამ უცებ გაახსენდა, რომ ცუდად ეცვა, შერცხვა და უკანვე მიდგა. გული ქვეყნად დაუტეველი ნათელი სურვილებით აევსო, გაბრუნდა და კოტესკენ გადაინაცვლა.

— თუ ძმა ხარ, მართალი მითხარი, ვინც შენ გსურს, იმას გამოიწვევ საცეკვაოდ?

— ჰო-მეთქი, ხომ გითხარი!

— უარი რომ თქვას?.. სირცხვილს ვიღამ გაუძლოს!

— ფიქრი ნუ გაქვს. ეს განდაგანა ხომ არაა, კაცო!

ალიმ სიამოვნებით გაიღიმა. თვალები გაუბრწყინდა... თავისთავში რაღაც მტკიცედ გადაწყვიტა და გარეთ გამოვიდა. ასეთი ნათელი განწყობილება, მიზნები და სურვილები არასოდეს ჰქონია მას.

* * *

ალი მაღალმთიანი სოფლიდან გაიწვიეს აწქესის მშენებლობაზე. მას თანასოფლელებიცა და მეზობელი სოფლის ახალგაზრდებიც ახლდნენ. ხალხი ყველა კუთხიდან შეგროვდა. მშენებლები და მებათქაშეები ერთ ბრიგადაში გაერთიანდნენ. შემდღებლები — მეორეში, მნგრეველები და მეღალუმეები — ცალკე...

— შენ რა სამუშაოს შესრულება შეგიძლია? — ჰკითხეს კოტეს.

— მე სპეციალობა არა მაქვს, რასაც დამავალდებთ, იმას გავაკეთებ.

ახლა ალის მიუბრუნდნენ:

— შენ, მთაკაცო?

— მე კოტესთან ვიქნები. რაც მაგას არა აქვს. ის არც მე მაქვს. — ასე უპასუხა, რადგან არ იცოდა რას ნიშნავდა „სპეციალობა“.

გაიცინეს და კოტეს გვერდში ამოუყენეს.

კოტესა და ალის „სპეციალობის“ ბევრი აღმოჩნდა. მათ ბრიგადირად მოსე გვარამიძე დაუნიშნეს, სამუშაო ცალკე უბნებად დაყვეს და ხალხი გაანაწილეს.

მოსემ მეტრნახევრიანი რკინის სატეხები და უროები გამოიტანა, ბიჭებს ჩამოურიგა და ალის უთხრა:

— დაიჭირე ეს ურო. — და კოტეს სატეხი მიაწოდა. — თქვენ ინჟინრის მიერ მინიშნებულ ადგილას კლდეებს ჩახვრეტთ და ლალუმის ასაფეთქებლად მოამზადებთ. აბა, თქვენ იცით, ბიჭებო, რამდენსაც იშრომებთ, იმდენს მიიღებთ.

ეს ბოლო სიტყვები რომ გაიგონა, ალიმ სადღაც შორს გაიხედა და გაიღიმა. თითქოს იქ ხედავდა: დედის საკაბეს, კალოშებს... თავისთვის — ტუფლებს, კოტეს რომ აქვს, ისეთ კოსტუმს, პერანგს, ოღა-სახლებში ჭრაქების ნაცვლად აბრიალებულ ელნათურებს... და ეს ყუთიანი კაცი რვაკილოგრამიან უროს ისეთი ხალისით დასწვდა, რომ მოსეს უღვაშებში ჩაეცინა.

გაჩაღდა მუშაობა. აქეთ მანქანები აზრიალდნენ, იქით სანგრევეები ადაგდაგდა, უროებიც ახმაურდა... „პლათინაზე“ ბიჭებმა წყალს მხარი უქციეს და კაშხლის ჩაბეტონებას შეუდგნენ. ვინ ბათქაშს ამზადებდა, ვინ საარმატურე რკინის ღერებს მიათრევდა, ვინ კიდევ ბრიკეტს აწყობდა.

კოტეს მარჯვედ ეჭირა სატეხი და უროს ძალუმი დარტყმითა და სახვრეტის მონაცვლებით სიღრმისაკენ მიიწვედნენ.

— დღეს რამდენ საღალუმეს გავჭრით? — იკითხა ალიმ.

— ათამდე! — მოკლედ უთხრა და შეაგულიანა. — დაჰკარი, აგერ მოსე მოდის, შეგვხედავს და გაეხარდება.

— ვინ არის, კაცო, მოსე?

— ჩვენი ბრიგადირი. ვერ ხედავ რამსიმაღლეა?

ალიმ გაიღიმა და ძალუმი დაჰკრა.

მოსე გვარამიძეს მართლაც გაეხარდა მათი გულმოდგინება და შექება სცადა: სხვებიც თქვენებრ რომ მუშაობდნენ, ჩვენს ბრიგადას წინ ვერვინ დაუდგებაო.

სალამოს ლალუმების გუგუნმა გააყრუა იქაურობა. აჭარის ხევს ისეთი გუგუნი პირველად ესმოდა. მთები შებარბაცდნენ, თითქოს გულიდან ამოგდესო დიდი ხნის ბოღმა, ფეხქვეშ გაიგდეს და ახლა გამარჯვებულის იერით ზემოდან დასცქეროდნენ.

* * *

ალის და კოტეს მუშათა უბანში ერთი კარგი ოთახი მისცეს. ისინი მეგობრულად ცხოვრობდნენ. კოტეს თავისუფალ დროს ღვინის დაღვევა უყვარდა, ალის კი ყურძენი ერჩია. მალე ისინი ისე დაძმობილდნენ და დამეგობრდნენ, რომ ორივეს მეტსახელი გამოუნახეს და ალიკოტე დაარქვეს. ყველაფერი ზიარი აქვთ და სახელიც ზიარი ჰქონდეთო.

— კოტე, მაი ჯემპარი არ გებრალემა, სამუშაოზე რომ იცვამ?

— მაგის უკეთესი ერთი კიდეც მაქვს და ამიტომ შეველიე.

— მე რომ მასეთი ჯემპარი მქონდეს, საგარეოდ ჩავიცვამდი.

— ახლა რომ პირველ ხელფასს აიღებ, ჯემპრზეც გეყოფა და კარგ კოსტუმზეც.

ალის ჩაეცინა.

— მაინც რამდენი გამოგვეწერება?

— ორას მანეთამდე ხომ ხელში გვაქვს! კოტა უფრო ენერგიულად თუ ვი-მუშავებთ, კიდეც მეტი გამოვა, მაგრამ მთავარი ისაა, საქვეყნო საქმე გაკეთდება. — დამარწმუნებლად უთხრა კოტემ და სატეხი მოატრიალა. ალიმ მოწყვეტით დაჰკრა ურო და გაიფიქრა: ორასი მანეთი, ალბათ, მთელი წლის მანძილზე არ შემოუვიდოდა მამაჩემსო, და დასაკრავად შემართული ურო მხარზე დაიდო. მერე კოტეს ჰკითხა:

— დღეს თოთხმეტ სალალუმეს ვერ გავაკეთებთ? მოსეს ძალიან ეჩქარება, იქნებ მალე გავუშვათ სინათლე.

— ჩვენზეა დამოკიდებული, მეტსაც გავაკეთებთ... მოსე რაა, ყველას ერთნაირად გვაწუხებს საქმე.

ალის გაეხარდა და ურო მხრიდან ისე მოწყვეტით დაუშვა, სატეხი ლამის გაიღუნა.

სადილისათვის რომ შეისვენეს, მოსემ სახარატოდან პირგაკეთებული სატეხები გამოიტანა და დაბლაგვებული შეცვალა.

გავიდა რამდენიმე დღე. ალი ისე შეეჩვია მუშაობას, სახლში წასვლა აღარ აგონდებოდა. კვირაობით კინოში წასვლასაც ასწრებდა, ცეკვებზე შეჭვრეტასაც და, თუ დრო მორჩებოდა, საბილიარდში კედელს აეტუხებოდა და გუნებაში ფიქრობდა, „ვინ მოცილიმა მოიგონა ამ კოჭების გორებაო“. ყველაზე უფრო მაინც ცეკვები აინტერესებდა და ოცნებობდა, თუ ვიქნები ისე ბედნიერი, რომ ნადიასთან ვიცეკვო. ამ ცისფერთვალა ნადიამ ხომ პირველი დღეებიდანვე მოხიბლა და მოაჯადოვა. თუმცა ის ველარაფრით მოიგონა, იმ დამეს ნადია ვისთან ცეკვავდა. როგორც კი მისი სახე წარმოუდგებოდა თვალწინ, მაშინვე ოცნება გაიტაცებდა და ცდილობდა გოგონას ყურადღება რითიმე დაემსახურებინა. აი ახლაც მოაგონდა იგი, უცნაური ქერა გოგონა...

და შემართული ურო ისე ძლიერად დაჰკრა სატეხს, რომ კოტეს კინალამ ხელიდან გაუვარდა იგი.

— ნელა, კაცო, მოზომილად და ხერხიანად დაჰკარი. ცარიელი ძალა რა ბედენაა...

ალი წელში გასწორდა და ოფლი მოიწმინდა. მომავალი ქალ-ვაჟი შენიშნა და კოტეს ჰკითხა:

— რა მაგის პასუხია, მაგრამ... ვინ არის ის ორი კაცი, ჩვენსკენ რომ მოდიან?

კოტემ სპეცტანსაცმელში ვაყურად გამოწყობილი ინჟინერი ქალი ნადია სოკოლოვა და ბრიგადირი მოსე გვარამიძე იცნო.

ალი შეცბა. „ნუთუ ეს ნადიაა, თანაც ინჟინერი?“ ეწყინა, რომ ნადია ინჟინერი ყოფილა. მას უბრალო მუშა ეგონა და იმედი ჰქონდა არც ცეკვას და არც საუბარს ითაკილებსო ჩემთან.

ინჟინერმა და ბრიგადირმა ჩანახვრეტები გაზომეს და კლდეზე ცარციით აღნიშნეს, თუ სხვაგან სად და რა სიღრმეზე უნდა ჩაეხვრიტათ. წასვლისას ნადიამ თავით ფეხამდე ჩათვალიერა ალი და გაუღიმა.

— შენ მოეწონე, ბიჭო, უბნის ინჟინერს. — გაეხუმრა კოტე.

— ეგ ნამდვილად ის ხომაა, მაშინ ცეკვებზე რომ იყო? არა, ინჟინერს მე არ მოვეწონებოდი.

— სისულელეა. მოეწონე! ჰა, დაჰკარი, დღეს ჩვიდმეტი სალალუმე ჩაგვეკრიტო, სადამომდე ორს კიდევ მოვასწრებთ.

ალიმ უხალისოდ, დუნედ დაჰკრა ურო. ძალიან სწყინდა, რომ ნადია სოკოლოვა ინჟინერი ყოფილა. აბა, როდის იყო ინჟინერი და ისიც ისეთი ლამაზი, უბრალო მუშას კადრულობდაო. მაგრამ დიდი სინათლის მოლოდინში საქმეს გული მაინც დაუდო.

— კოტე, მაშინ ნადიასთან რომ ცეკვობდა, რა მოხელე იყო ის?

— კარგად არ მახსოვს, შოფერი იყო თუ მებათქაშე.

— რაო, მერედა მუშასთან ცეკვავდა?

— აკი გითხარი!

ალის გაეხარდა, გაეღიმა და კოტეს ორივე ხელით სწვდა ბეჭებზე.

— ა? თუ ასეა, დღეს ღვინოს მე დავლევ და შენ ყურძენი ჰამე.

— ერთიც გავიყოთ და. მეორეც.

* * *

კოტეს გარდა არავინ იცოდა, რომ ალიმ თვის ბოლოს მიღებული ხელფასით კარგი კოსტუმი და ტუფლები შეიძინა, ხოლო დედას კალოშები/გაუგზავნა, თანაც მისწერა, მალე მოგინახულებ და სახამთროდ შეშასაც მოგიმზადებო. წერდობა და კალოშებმა ძალიან გაახარა დედა, მაგრამ შვილს მაინც ესაყვედურებოდა: შენს მეტი არავინ მყავს, შენც დამივიწყე და ამორჩეულ სარძლოზე უარი მითხარიო. დედას არაფერი არ აწუხებდა, გარდა იმისა, რომ სიკვდილის წინ ქმრის დანაბარები შვილს ვერ შეასმინა და პატარაობაშივე ამორჩეული სარძლო ვერ მოაყვანინა.

როგორც კი სალალუმე სამუშაოებს მორჩნენ, ალი კარგ კალატოზს მიაბარეს მოწაფედ. ალიმ ჯერ ბათქაშის გახსნისათვის საჭირო ცემენტის, სილის და კირწყლის დოზები შეისწავლა, შემდეგ ქაფჩის ხმარების წესი, მაგრამ კალატოზი ჯერ მაინც არ აძლევდა ქვის დაშენების უფლებას, ალი კი ოცნებობდა ამ საქვეყნო მშენებლობაზე ერთი ქვა მასაც დაეშენებინა და სინათლის დამკვიდრებაში წილი დაედო.

ერთი თვის შემდეგ ალი გამოცდილი მშენებლის მეთვალყურეობით მუშათა დაბის ახალი საცხოვრებელი სახლის კედლის ამოშენებას შეუდგა.

* * *

ალიმ თითო-ოროლა რუსული სიტყვა ისწავლა, ცისფერთვალა ინჟინერთან აღარ დავმუნჯდებო, მაგრამ შუბლზე სიმწრის ოფლი ასხამდა, როცა ზოგიერთ ქართულ სიტყვას პირდაპირ თარგმნიდა და უაზრობა გამოსდიოდა. არ-

ასოდეს დაავიწყდება მაღაზიაში „გუბნაია გარმოშვა“ რომ მოითხოვა და გამყიდველს გაეცინა... ჩემთვის არ მინდა, ბავშვები უნდა გავახარო, იცრუა. ნამდვილად კი მუშათა კლუბში მოსმენილი მელოდია უტრიალებდა თავში და, სხვების უჩუმრად, სკამით ხელში ტანგოს იღეთებს სწავლობდა ჩაკეტილ ოთახში.

სამუშაოზე მოიკითხეს ალი. გამოუცხადებლობის მიზეზი ვერცინ ახსნა და ბრიგადირი პირდაპირ ალის ოთახს მიადგა. ალი ამ დროს სკამით ხელში ტანგოს სწავლობდა. კარებზე კაკუნი რომ შემოესმა, ეს ვეება კაცი კურდღელივით შეკრთა, აღარ ახსოვდა, როდის მივიდა კარებთან და გააღო.

ოთახში ბრიგადირი შევიდა.

— გამარჯობა, ალი! სახლში ხარ, კაცო, შენ?!

ალიმ რაღაც გაურკვეველად ჩაილულლულა, მაგრამ სკამის დადგმა ვერ მოისახრა. ბრიგადირმა ჯერ სკამს დახედა, მერე ალის გაუსწორა თვალი.

ალი სახეზე წამოწითლდა.

— ეს ისე... რაღაც არ ვარ კარგად, სიცხე მაქვს.

ბრიგადირი ვერაფერს მიხვდა. რა იცოდა, თუ ალი ავად არ იყო და სკამით ხელში ტანგოს ცეკვავდა. ან იმას როგორ იფიქრებდა, რომ კოტეს გარეშე ალიც არ წავიდოდა სამუშაოზე.

— დაწეკი, ძმაო, ავადმყოფი სკამზე სად გაგონილა! მე ახლავე ექიმს გამოვვზავნი. — თქვა და წავიდა.

ექიმის ხსენებაზე ალი კიდევ უფრო დაიბნა. აღარ იცოდა რა ექნა. ბოლოს, ოთახიდან გამოიჭრა და მშენებარე სახლისაკენ გაიქცა.

კოტა ხნის შემდეგ კოტე დაბრუნდა სოფლიდან და დაღლილ-დაქანცული საწოლზე გაიშხლართა. პაპიროსი ბოლომდე არ მოეწია, რომ კარებს ექიმი გოგონა მოადგა.

— თქვენი მისამართი მომცეს... ეს რა არის, არც ავადმყოფობაში ეშვებით პაპიროსს?

კოტე დაიბნა. სახეზე ვაკვირვება და კმაყოფილება გამოეხატა ლამაზი ექიმის სტუმრობით, წამოიჭრა და სკამი შესთავაზა.

ექიმი მაგას უსინჯავდა. კოტე წითლდებოდა. შემდეგ, თითქოს რაღაც მოაგონდა, მაჯა წაართვა, კარადასთან მივიდა და... მაგიდაზე გაჩნდა ხილი, ჩურჩხელები, ღვინო, მოხარშული... უნდოდა გულითადი მასპინძლობით ესიამოვნებინა სტუმარი, მაგრამ ექიმს სხვა ავადმყოფთან მიეჩქარებოდა.

— მოეშვით მაგას და მითხარით რა გაწუხებთ.

— რა ვიცი, ხანდახან თავი მტკივა ხოლმე... — იცრუა კოტემ.

— გაიხადეთ და წამოწეკით, პაპიროსი არ მოსწიოთ. აი ეს ტაბლეტები მიიღეთ...

* * *

„პლატინის“ მუშებმა წყალი მოიმწყვდიეს და კალაპოტის ძირითადი ნაწილი ასწიეს, რომ აკვედუკისა და გვირაბის დონემდე გაეთანასწორებინათ. საღლაც თხმელებისაკენ გადაგდებული წყალი შევიწროებულ, თავდახრილ ფალავანივით მიდიოდა, ხოლო მის მარცხენა მხარეს რკინაბეტონი რკინაბეტონს აღუდებოდა და შენდებოდა მარადიული სინათლის სასახლე. ქვევით, მეორე უბანში კი მარჯვენა და მარცხენა სანაპიროებს ზესადინარი აერთებდა და თვალშეუდგამ კლდეებს უსწორდებოდა. როცა ამას უმზერდა, ალის სიხარულს საზღვარი აღარ ჰქონდა, მაგრამ არაფერი არ აკვირვებდა, გარდა იმისა, რომ ინჟინრებმა კლდის ორივე მხრიდან დაიწყეს სადინარის გაჭრა და მილიმეტრის

სიზუსტით გაიყვანეს გვირაბი. მალე ირგვლივ გამოაცემენტეს, რომ რკინაბეტონის არტახებში მოექციათ დასაბამითვე თავის ნებაზე მიშვებული აჭარის წყალი.

ალიმ ბედნიერად ჩათვალა თავი, რომ სახლის მშენებლობაზე დაოსტატების შემდეგ სადინარ გვირაბზე გადაიყვანეს. თითქოს დასერიოზულდნენო, ალი და კოტე ოხუნჯობას მოეშვნენ და მშენებლის დიდი პასუხისმგებლობით დადინჯებულნი სულ საქმეზე ლაპარაკობდნენ.

— არაფერი ისე არ მიკვირს, კოტე, როგორც ამ ინჟინრების სიზუსტეზედავ, ერთი კილომეტრის მანძილზე საპირისპირო მიმართულებით კლდე განვრიტეს და ერთმანეთს ზუსტი რადიუსით მიადგნენ. რა ერქვა იმ ინჟინერს, თავისთავში რომ დაეჭვდა და...

რადიუსის ხსენებაზე კოტეს გაეღიმა, უსწავლიაო ეს სიტყვა.

ალიმ წუთით ინჟინრობა ინატრა. ნეტარმა ოცნებებმა გაიტაცა, მაგრამ მეგობრის ჩურჩულმა ამ ოცნებიდან გამოიწვია.

„შეხედე, ბიჭო, ნადია მოდის, ნადია!..“

ალი წამოიჭრა.

ინჟინერი მოახლოვდა, ჯერ ჰიდროცემენტის დამჭერუნარიანობა შეამოწმა, შემდეგ შებათქაშებულ კედლებს დააკვირდა და თქვა:

— ყოჩაღ, მეგობრობაც შეგძლებიათ და შრომაც.

ბიჭებმა ერთმანეთს ჩაუღიმეს. ალიმ თითქოს გამბედაობა მოიკრიბა და ინჟინერს მიმართა:

— მართალს ბრძანებთ, მეგობრობაც შეგვიძლია, შრომაც და... სიყვარულიც.

ნადიამ ალის შიშველ კუნთებს შეავლო თვალი, მერე გაიღიმა და მებათქაშებებს ჩაუარა.

ალი თითქოს ცეცხლზე დაიბუგა, ისე ჩასწვდა სადღაც გულის სიღრმეში ცისფერთვალა ქალის ეს ღიმილი.

* * *

„მუშათა კლუბში — დიდი საღამო“, იუწყებოდა მოზრდილი აფიშა.

შელამდა. კლუბის ფოიე და დარბაზი ხალხით აივსო. გაისმა ორკესტრის ხმა და ტანგოს დინჯმა მელოდიათ ყრყოლა მოჰგვარა ალის. კოტეს აინტერესებდა, იცეკვებდა თუ არა იგი.

— ისე გშვენის თეთრი პერანგი და ახალი კოსტუმი, ალი, პირდაპირ გხატავს, აი! ახლა, რა თქმა უნდა, იცეკვებ!

ალის სიამოვნებისაგან გაეღიმა.

— რას იზამ, იცეკვებ?

— ვიცეკვებ, ოღონდ ნადიასთან — ვერა.

— რატომ, კაცო? — გაიკვირვა კოტემ.

— უარი რომ მითხრას?

— სისულელეა! მიდი, მორჩილად დაუკარი თავი და გამოიწვიე.

— რომ არ გამომყვეს, დარდა ველარ გადავიტან. ძალიან მიყვარს და არ მინდა გული გამებზაროს. ხომ იცი, ინჟინერია, მე კი... უბრალო მუშა.

— სიყვარულმა ეგ არ იცის... რაკი მოვიდა, იცეკვებს.

ალის პასუხიც არ გაეცა, რომ აირჩიეს „საღამოს დედოფალი“ და გამოაცხადეს ეგრეთწოდებული „ქალთა ტანგო“, როცა მამაკაცები კი არ იწვევენ ქალებს, არამედ ქალები — მამაკაცებს.

კოტეს ბიბლიოთეკარმა გოგონამ შესთავაზა ცეკვა. არავის შეუნიშნავს, თუ ლამაზი ექიმი როგორ შეიშმუშნა, როცა კოტესთან ცეკვა ასცილდა.

არ გასულა წამი და... ალის ქერათმიანი ნადია მიუახლოვდა და ცეკვა შესთავაზა.

ალი მებრძოლივით წამოიჭრა და დაბნეულად გაიღიმა, მაგრამ ნადიამ ხელი ჩაჰკიდა და ცენტრისაკენ გაიწვია.

— მე ძალიან ცუდად ვცეკვავ, ნადია! — თქვა ალიმ და წელსა და მკლავში გაუბედავად წვადა.

ნადიამ მისი გამხსნევება სცადა.

— აი მასე, სწორედ მასე... ოღონდ რიტმიდან არ ამოვარდე... ტანი სწორად დაიჭირე, ბეჭებში გაიმართე... ხელიც უფრო მაგრად მომკიდე.

ალის თვალწინ უეცრად მოგონებებმა გაიფლავა: სამუშაოზე მოსვლის პირველი დღე, სოფელი, დედა, სოფლის ბიჭები... და გაიფიქრა, „როგორ შორსა ვარ გუშინდელი დღიდან...“

— ალი, შენ რაზე ფიქრობ ახლა?

— ყველაფერზე... იმაზეც, რომ შენი თვალეები ჩემთვის ჩრდილოეთის ცი-ალია!..

— ოო, კომპლიმენტიც შეგძლება. რას გეძახიან შინაურულად?

— რა ვიცი, ალიას!..

— ალია რაა, ალბათ, — ალიოშას.

ამ საუბარში ვილაცას მხრით დაეჯახნენ და შემობრუნდნენ. ალის ფეხი აერია და დათვივით აბაჯბაჯებულმა ქალს ტერფზე ისე მწვავედ დააბიჯა, რომ თვალებიდან ლამის ცრემლები გამდმოაყრევინა.

ისინი წრიდან გავიდნენ.

ალი სირცხვილისაგან იწოდა.

ნადიას გაბუყებული თითები რომ მოუთბა, კვლავ საცეკვაოდ გაუწია გულმა. მაგრამ ალიმ დაითანხმა და... ჩანჩქერისაკენ გაისეირნეს. შემდეგ სახლამდე მიაცილა ლამაზი ინჟინერი, ხელზე აკოცა და უთხრა:

— ნახვამდის, ნადეჟდა, ჩრდილოეთის ციალიო...!

— ოო, ისევ კომპლიმენტი... ნახვამდის, ალიოშა!

ალი მობრუნდა და სიამოვნებით მთვრალი სახლისაკენ წაბარბაცდა.

* * *

კედლები ამოიყვანეს და ბათქაშის დიდრონი ამობურცული ასოებით წააწერეს „აწქესი“. კირწყალში ამოსვრილი ტანსაცმლით ხარაჩოდან გადმომდგარ ალის სიყვარულით უმზერდა ნადია და რწმუნდებოდა, რომ ნათელი ფიქრებითა და იმედებით სავსე ალი ამ ქვეყნად ყველაზე მაღალი იყო.

— ამ ლელეში ეს რა ააშენესო. — იკითხა ერთმა თეთრწვერა მოხუცმა, რომელიც დარახტულ ცხენზე იჯდა და ცხენებისავე ჯოგს მიერეკებოდა სახამთრო საძოვრებზე.

— ელექტროსადგური, — უბასუხეს. მოხუცმა ურწმუნოდ გააქნია თავი და ცხენს მათრახი მოუქნია. ალიმ მიმავალ მოხუცს მოურიდებლად მიაცხა:

— აქეთობას რომ ამოვივლი, ზოგიც მაშინ გავიცინოთ, მოხუცო.

ნათელი დღე იდგა. სამოდ უბერავდა ხევის ნიავი. ფოთლების შარიშური ინთქებოდა მახუნცეთის კლდიდან გადმონაქუხი ჩანჩქერის ჩხრიალში.

მშენებლობა დასასრულს უახლოვდებოდა. „აწქესის“ გახსნის დღეებში მუშებს ახალი ბინები მისცეს და დაამკვიდრეს. ეს პარტკომის მეცადინეობითააო, თქვეს და ერთმანეთს ახალი ბინები მიულოცეს.

ალის ძალიან მოუხდა დედის მონახულება... სურდა გაეგო, დაბაში დარჩენილიყო, სადაც შესანიშნავი ბინა მისცეს, თუ სოფელს დაბრუნებოდა.

იმ საღამოს დედასთან გაემგზავრა. სოფელში ასვლამდე სულ იმას ფიქრობდა, გაემხილა თუ არა ნადიას ამბავი.

— ცოლი უნდა შეირთო, შვილო, მაგრამ იცოდე, სოფელში სხვას ვერავის მოიყვან, გარდა იმისა, ვისაც გადალებენ, თორემ სამძახლოები შეგვიძულდებიან.

ალი დედას პატივისცემისათვის უსმენდა, თორემ სულაც არ სიამოვნებდა ამგვარი საუბარი.

— რას იზამ, შვილო, გადაჭრით მითხარი.

ალი ჩაფიქრდა. შემდეგ თითქოს გამოსავალი ნახაო, წამოდგა და დედას აღერსიანად უთხრა:

— დაბაში მალე დიდი ზეიმი გვექნება, დაგვეწარი და... მერე გადავწყვიტოთ.

* * *

დიდი სიფრთხილითა და სიზუსტით დაამონტაჟეს ტურბინები და დანადგარები. მაღალი ძაბვის ხაზები გაიყვანეს, სახლებსა და ქუჩებში ნათურები ჩამოჰკიდეს...

დაბა სტუმრებითა და მშენებლებით აივსო. ინჟინრები მასპინძლებივით ტრიალებდნენ და მიტინგისათვის ემზადებოდნენ.

იქვე, თამარისეულ თალიან ხიდზე შემდგარიყო ფოტოკორესპონდენტი და მოზღვავებული ხალხისა და ახალმშენებლობათა გასამზიერებს ბეჭდავდა ფირზე.

მაღალი მოსე მთავრობისაგან გამოგზავნილ გარდამავალ დროშას მოაფრიალებდა.

ალი დედამისს ვერ ამჩნევდა, ნადიასთან იდგა და აღარ იცოდა მერამდენეჯერ ეჩურჩულებოდა ერთსა და იმავეს:

— შენი თვალები ჩრდილოეთის ციალია, ნადეჟდა...

ლენტი გაჭრეს და იქაურობა ტაშის გრიალმა გააყრუა. ნათურები აკაშკაშდა და ზევში პირველად ჩადგა დაუშრეტელი ნათელი.

— ეს ყველაფერი ინჟინრებმა გააკეთეთ, ნადია! — სასოებით უთხრა ალიმ და ხელი მოხვია.

— ეს ყველაფერი მუშის მაღლიანმა ხელმა გააკეთა, ალიოშა! — უპასუხა ნადიამ.

იქაურობის ერთბაშად აკაშკაშებამ და სიყვარულის დიდმა ნათელმა ნეტარებით გააბრუა ალი. იგი ვერ ამჩნევდა დედას, რომელიც თვალს არ აცილებდა შვილს და ფიქრობდა: „ნუთუ იმსილამაზე ქალი მეგობრად გაიხდა ჩემმა შვილმა“.

ნადია სიამოვნებითა და ბედნიერებით ავსილიყო და ალის გვერდით ნაბიჯაწყობილი მიდიოდა გაჩირადდებული ქუჩით. დედა კი... ერთხანს შორი-ახლო უყურებდა მათ, ბოლოს, გულმა ვეღარ მოუთმინა, ხალხი გაარღვია და ახალგაზრდებისაკენ გაეშურა.





პაკიენ აჩუა

რუხის ბრძოლა

სამეგრელოს რომ შემოესია
რუხის ციხესთან სულთანის ჯარი,
იმ დღეს ჩიჩუამ ისე იბრძოლა,
რომ ახმიანდა ბესიკის ქნარი.
ეკატერინეც იქ იყო ცხენით,
ის ჯარს უძლოდა, ვით დედოფალი!
ომარ ფაშას ვერ წარმოედგინა,

თუ მას ბრძოლაში დაძლევა
ქალი.
ზურგი უჩვენა მტერმა
კოლხელებს,
იმათ გულს სევდის მოედვა ჟანგი!
ძმა ულოცავდა ძმებს გამარჯვებას
და მქუხარებდა პოეტის ჩანგი!

გუბაზოულთან

გუბაზოულთან გამეხსნა წყლული
და მომაგონდა ის დიდებული,
ვინც ამ მდინარის ატარებს სახელს.
იქ შრიალეზდა ტოტი ჩინართა,
წარსული ისე გაუჩინარდა,
რომ საიდუმლოს ვერ მოფენ ნათელს.
რამ მიაყენა მის სახეს ჩრდილი,
ნუთუ ყველაფერს ჭამს ასე ჩრჩილი?
მასზე რატომ სდუმს მემატთანე?
ვინმემ ამ წყვედიადს ფარდა ახადე,
თვალდასანახი იგი გახადე
და ღამე სხივით გაგვიმზიანე!



მეხია ჰაგანიძე

ფერად-ფერად მდელოში

ო, ამ სახლ-კარს არ შეხედავს მგზავრი?!
აქ სტუმრობას ინატრებდა მეფეც.
ერთი ნახე მისი ვრცელი ზვარი,
ცივიციველა წყაროები ჩქეფენ.

მასპინძელი ბერიკაცი წყნარი,
ტკბილ მამულში გულით ჩანაკორძი,
რომ გვხვდებოდა ხან ღვინით და წყალით,
ცა-ფირუზის ერთი დედაბოძი,

სად წასულა, რომ აღარ ჩანს არსად,
გამომხედე, კაცო სანატრელო!
ვინ მომძახის: — ის გაუდგა გზასა,
მიეფარა ფერად-ფერად მდელოს.

გააყოლე თვალი დაბლარ ვენახს,
სამი ვაყი შიგ ჩამდგარა... ხედავ?!
აგერ ფურცლავს ბიჭი „დედაენას“,
ის ნაწნავს, რომ ხელზე დაიხვევს და,
თითქოს შლამი-მტვერი ეცხოს, ფერთხავს,
ის ბიჭი, რომ მოგაგონებს მერცხალს.

ო, რამდენი ჩამოეთვალო, გითხრა,
დავულოცოთ ამ ტკბილ ოჯახს ფუძე...
ვინ არიან? ნუ იფიქრებ დიდხანს,
ბერიკაცის გულზე ქვეები თუ ძევის.

აჰა, მისი ნაშიერნი, მკვიდრნი...
ჰე, მამულო ასე საყვარელო,
არ ჩაქრება ცად მთიები შვიდი,
არ დაჰკნება შენი მწვანე მდელო.



8258

ადიოდეს ბუხარს ცხელი კვამლი,
ნაპერწყალმა ცისკენ გაიელვოს...
ჰე, რა ვუყოთ, თუ კი ბერიკაცი
მიეფარა ფერად-ფერად მდელოს.

მ თ ე ბ ი

ო, თოვლიანი მთები ამაყი,
ეპარებიან ნისლეები ხოხვით.
მთაო, სად არის შენი ვარაყი?
კვლავ გამობრწყინდი, ვით ყელი ხოხბის.

ჩავცქერ, ჩავყურებ საშიშ წარათებს,
ჰაუ, გაღმა მთის მკერდი მოშვავდა,
თითქოსდა უცებ გული წამართვეს,
თითქოს ვილაცამ მომკლა, მომშანთა.

შემეშინდაო?!

ო, არა, გფიცავ,
ჩემი სიკვდილი რა არის, აბა! —
მე იმას ვდარდობ, ღაღანა მიწავ,
თუ ჩავიბლოტავს შვავები კაბას,
დარჩები რიყის, ლოდთა ამარა,
შენ გაზაფხული აღარ ჩავიხვევს,
დაშლილ-დაშაშრულ მკერდს ვერ დამალავ,
მე კი დარდები გულპირს ჩამიხვეს.

ამიტირდება ჩემი ბულბულიც,
რომ შენ დაკარგავ მარად მშვენებას,
ასე მგონია, მამულ-დედული
ამიოხრდება, გადაშენდება.



აღმსარებელი ჩხაიძე

ქ უ ჩ ა

ოთახში სიჩუმეა.

მე მარტო ვზივარ ფანჯარასთან და გავყურებ ქუჩას.

ოთახში სიწყნარეა, გარეთ კი გაზაფხული ხმაურობს, თუმცა ეს არ მესმის, რადგან ფანჯარა მჭიდროდაა ჩაკეტილი. მაგრამ მე ვგრძნობ ამ ხმაურს მზის სხივების კაშკაშში, ქუჩაში მოსიარულე ადამიანების სახეებზე, ფოთლების შრიალში...

ეს ქუჩა საოცრად ნაცნობი და ბავშვობიდან შეზრდილია ჩემთან. ფანჯარიდან ვხედავ ორი ქუჩის გადაკვეთას. კუთხეში სასურსათო მაღაზიაა. მის გვერდით პატარა ეზო და ერთსართულიანი ბელეტაჟი. ეს სახლი გუშინწინ შეღებეს ვარდისფრად და ტროტუარს ახლაც ემჩნევა მოთეთრო ლაქები. ვხედავ აგრეთვე მწვანე გაზონს და ფინიკურ პალმას. გაზონის თავში აფიშების ქვის მრგვალი ბოძია. მას ზემოდან ელექტროსაათი გადმოსცქერის. საათი ხან მუშაობს, ხან არა. დღეს, მაგალითად, მუშაობს და ახლა უჩვენებს თორმეტის ნახევარს. პალმის ჩრდილქვეშ თავისი ბარგი-ბარხანით მოკალათებულა ფეხსაცმლის მწმენდავი ასირიელი ბიჭუნა.

ეს არის და ეს! ასეთნაირად მახსოვს ეგ კუთხე ხუთი, ათი, ოცი წელია. თითქოს არაფერი შეცვლილა, მხოლოდ ეს კია, აფიშების გასაკრავი ბოძი ბავშვობაში უფრო ლამაზი და განიერი მეჩვენებოდა.

ჰო, კიდევ მე ვხედავ ერთმანეთზე მიჯრილ შენობათა სახურავებს, კრამიტით, შიფერით, თუნუქით დახურულ სახლებს, რომლებიც ჰქმნიან სულ ახალ და ახალ ქუჩებს, ახალ უბნებს. და კიდევ ვხედავ, მოლურჯო, უღრუბლო სივრცეს, რომლის ფონზე ზოგჯერ ზღაპრული ურჩხულივით გამოჩნდება და ისევ მიიძალება კოშკურა ამწის ზეამვერილი ხორთუმი. მე ვერ ვხედავ იმ კაცს, ვის მარჯვენასაც მოძრაობაში მოჰყავს ეს ძლიერი, ჰკვიანი მანქანა, მაგრამ ვიცი, აქედან სულ ახლოს, ამ ქუჩის გადაღმა აგებენ კიდევ ერთ დიდ სახლს და, ხვალ თუ არა ზეგ, მშენებლები იმ სიმაღლეზე აიყვანენ კედლებს, რომ ჩემი ფანჯარიდანაც დავინახავ მის ხარაჩოებს.

მშენებლები მალე, ალბათ, ჩემს ქუჩაზეც მოვლენ, კოშკურა ამწიც მორახრახდება აქ. შეიძლება დაინგრეს აი ის ძველი ბელეტაჟი და მის ადგილას აიგოს ახალი, გაცილებით უფრო დიდი და ლამაზი შენობა. მაშინ აქაურობა შე-

იცვლის სახეს, — ქუჩა აივსება მშენებლებით, მზით დამწვარი ღონიერი ვაკე-კაცებით, შარვლიანი ქალიშვილებით, მანქანებით, ხმაურით, ხარაჩოებით, ტყით, ბეტონით...

დიახ, ყველაფერი ეს იქნება და ყოველივე ეს მოხდება ჩემს თვალწინ, მაგრამ ნუთუ მხოლოდ ამაშია სიახლე? ნუთუ, რაც კი მახსოვს ეს ცხოვრება, სამი ათეული წლის მანძილზე არაფერი შეცვლილა ქუჩის ამ ჩვეულებრივ მონაკვეთზე?

მე ფართოდ ვაღებ ფანჯარას და რაფაზე გადაყრდნობილი გავსცქერი გარეთ, ვცდილობ აღვადგინო მეხსიერებაში ქუჩის იმდროინდელი იერი, როგორადაც იგი პირველად აღიქვა ჩემმა ბავშვურმა გონებამ.

ეს შენობები წინათაც ხომ ასე იდგა, საათიც იმ ადგილას ეკიდა, ელექტრონის რკინის ბოძზე. მახსოვს, იმ საათზე ვისწავლე დროის ცნობა, შემდეგ ბევრჯერ გამოვიცვალე კედლისა და მაჯის საათები, მაგრამ ჩვეულებად დამჩემდა ქუჩის საათისათვის თვალის შევლება სკოლაში, პაემანზე ან სადგურში წასვლის წინ. ყვავილებიც წინანდებურად ჰყვავიან გაზონში, — ზამთარში კვდებიან, თეთრი თოვლით იფარებიან, გაზაფხულზე კი ისევ იწყებენ ახალ ცხოვრებას თვალისა და გულის გასახარად.

...ასირიელმა ბიჭუნამ მუშტარი გაისტუმრა. ფეხსაცმლის საწმენდი ჯაგრი-სები ყონგლიორივით აათამაშა ჰაერში და აღიღინდა.

მე არ მესმის მისი ხმა, მაგრამ ტუჩების მოძრაობაზე ვატყობ, რომ იგი, ალბათ, ღიღინებს რომელიმე სიმღერას ახალი კინოფილმიდან, რადგან ვიცი, ზეროს საოცარი სმენა და სასიამოვნო ხმა აქვს.

ერთხელ, მისი სმენით გოცებულმა, ვურჩიე კიდეც სამუსიკო სასწავლებელში შესვლა, მაგრამ მან თეთრი კბილების კრიალით შემომცინა და მითხრა:

— ჩემი პაპა აქ მჯდარა... მამაჩემიც... მეც შევეჩვიე, ასე მიჩვევია.

ჰო, მამამისი მეც მახსოვს, დიდი, შავი უღვაშები და კეთილი გული ჰქონდა. ისიც სწორედ აი იქ იჯდა, ახლა კი შვილი აგრძელებს მის საქმეს. თითქოს ყველაფერი თავის ადგილზეა, ძველებურად... მხოლოდ ესაა, — ერთი წავიდა და სხვა მოვიდა, ერთმა მეორე შესცვალა...

უცებ გონება ახალმა აზრმა გამინათა! აი რაშია სიახლე! ყველაფერი თავის ადგილზეა, — ის სახლი, აფიშების ბოძი, მაღაზიაც, საათიც... მოძრაობენ მხოლოდ ადამიანები; ისინი დადიან, ქუჩა ცხოვრობს და, რომ ვუკვირდები, ეს ცხოვრება ქალაქის ამ უმცირეს მონაკვეთზე მეტისმეტად დიდია და მნიშვნელოვანი.

მე ფანჯარასთან უფრო მოხერხებულად ვჯდები და დაყინებით გავსცქერი ქუჩას, სულ სხვა თვალთ დანახულ ქუჩას, რომელიც ყოველ საათში, ყოველ წუთში, ყოველ წამში იცვლის სახეს. ამ სახეცვლილებას კი ის იწვევს, რომ ქუჩა არასოდეს არაა ცარიელი, უკაცრიელი, უმიზნო, მასზე დააბიჯებენ ადამიანები — ღიღები და პატარები, ქალები და მამაკაცები, მარტონი და ჯგუფ-ჯგუფად, ზოგი ნელა, აუჩქარებლად, ზოგი კიდეც სწრაფი ნაბიჯით; ზოგიერთი მათგანი მაღალია და გამხდარი, ზოგიც — დაბალი და ჩასუქებული; მათ შორის ვხედავ ნაცნობ სახეებს, არიან უცნობებიც.

მე ვაკვირდები გამვლელებს, ვცდილობ არავინ და არაფერი გამომეპაროს, გავსცქერი ისე, როგორც სარდალი გაჰყურებს სათვალთვალ პუნქტიდან ბრძოლის ველს.

მე ვხედავ მოხუც დედაკაცს კალათით ხელში, იგი, ალბათ, ბაზარში მიიჩქარის.

მას უკან მიჰყვება სქელ-სქელი, მელოტი მამაკაცი, რომელიც მგონი ბუ-
ლალტრად მუშაობს ბანკში.

ახალგაზრდა წყვილი ქუჩას გადადის, ბედნიერებისაგან სახეგანათებულნი
ვერც კი ამჩნევენ, რომ მანქანა ზედ მიადგათ და შოფერი ღიმილით ელოდება
მათ გავლას.

უკვე თვალს მოეფარნენ კალათიანი დედაბერიც, მელოტი ბულალტერიც;
შეყვარებულმა წყვილმაც გადაჭრა ქუჩა და გზა მისცა მანქანას.

მაგრამ გამოჩნდნენ სხვები.

...და ქუჩა ისევ სავსეა ადამიანებით, მოძრაობით, ხმაურით.

რაფაზე იდაყვებით გადაყრდნობილი კვლავ ინტერესით შეეყურებ ქუ-
ჩას, რომელიც დღეს უხილავი ძალით, ახალი ფერ-ხორციით გადაიშალა ჩემს
თვალწინ, როგორც აღმოჩენა.

ქუჩა კი ისევ და ისევ, გამუდმებით იცვლის სახეს და ერთი და იგივე სუ-
რათი არასოდეს არ მეორდება ზუსტად.

ქუჩის ეს მონაკვეთი ორმოცდაათი მეტრი თუ იქნება, მაგრამ ჩემი თვალი
და გონება მაინც ვერ იტევს ყველაფერს, ვერ ახერხებს ყველაფრის შეხედვას
და აღქმას.

ამიტომ ვიწყებ თავიდან და ვაკვირდები ქუჩას ნაწილ-ნაწილ, დაახლოე-
ბით ისეთნაირად, მხატვრები უჯრედებად რომ დაპყოფენ ხოლმე გასადიდე-
ბელ პორტრეტს და შემდეგ გადააქვთ იგი ტილოზე.

ვიწყებ სასურსათო მაღაზიიდან. დიდი ხანი არაა, რაც იგი უგამყიდველო
მაღაზიად გადააკეთეს.

მაღაზიის ერთი კარიდან შედიან, ხოლო მეორედან გამოდიან. ქალები უფ-
რო საფუძვლიანად — კალათებით, ბაღურებით, ჩანთებით, ბოთლებით მო-
დიან, მამაკაცები კი, ალბათ, უკადრისობენ ამ სახით ქალაქში გამოჩენას, ხელ-
მჩატედ შედიან მაღაზიაში და იქიდან ილიაში ამოჩრილი ნავაჭრით გამოდიან.
ვიტრინასთან ორი ბიჭი შეჩერდა, ასე თერთმეტი-თორმეტი წლისანი თუ
იქნებიან.

რალაცამ მიიპყრო მათი ყურადღება. კამფეტმა თუ ნამცხვარმა.

ერთმანეთს გადახედეს.

მე თითქოს მესმის მათი დიალოგი:

— ზური, გიჭამია ასეთი შოკოლადი?

— ხანდახან დედას მოაქვს სახლში. ერთ-ორ ცალს თუ გაიმეტებენ, საძ-
ლომად ვინ მოგცემს!

— რამდენს შეჭამდი?

— რა ვიცი!..

— მაინც?..

— ნახევარ კილოს.. მეტსაც...

— არაფერიც არა! ორას გრამზე მეტს ვერ შეჭამ.

— ორასი გრამი რაა?!

— გულის მომსუყება იცის!

— შევჭამ!

— ვერა!

— დავნიძლავდეთ!

— მოდი. თუმცა ტყუილად ნიძლევს რა ჭკუა აქვს?! ნახევარი კილოს ფუ-
ლი სადაა!

— რამდენი გაქვს?

ჯიბეები მოიხსრია ორივემ.

— ათი შაურია. შენ?

— მანეთი და ექვსი კაპიკი. აქედან სამი კაპიკით „ლელო“ უნდა ვიყიდო.

— ორასი გრამი მაინც მოგვიწევს.

ბიჭები მალაზიის კარებს მიადგნენ, მაგრამ ისევ შეჩერდნენ, ერთმანეთს რალაც გადაულაპარაკეს; შემდეგ აფიშის ბოძთან მიიბრინეს, რეკლამა ჩათვალიერეს და კინოთეატრისკენ გაჰკურცხლეს. შოკოლადს, ალბათ, „განკიცხულნი“ ამჯობინეს.

ვარდისფერ ბელეტაყთან „ვოლგა“ შეჩერდა. იქიდან ორი ქალი გადმოვიდა. ერთი—სქელი და ხნიერი, ძლივს გამოეტია კარებში; მეორე—ახალგაზრდა, ტანმალალი და ლოყებლაყლაყა. ესენი თეიმურაზ ამბაკოვიჩის მეუღლე და შინამოსამსახურე კლავაა. კლავამ ორი გატენილი კალათა შეიტანა სახლში. ერთი მათგანიდან ცოცხალ ინდაურს გადმოიყუო თავი. თეიმურაზ ამბაკოვიჩის ოჯახში ამაღამ, ალბათ, საპურმარილოდ ემზადებიან. ვინმე უფროსთავანი თუ ჩამოუვიდა თბილისიდან.

ეზოს სიღრმეში მოჩიტული ყმაწვილი ბურთს თამაშობს. მისი სახელი ვიცი, ჭუმბერი ჰქვია. დედამისი დღეში რამდენჯერმე გასაქანს ეზოსა და ქუჩაში ფეხბურთს გადაყოლილ შეიღს.

ახლა ჭუმბერი მარტოდმარტო ვარჯიშობს, ცალი ფეხით მიწაზე დაუცემლად ათამაშებს ბურთს. მეც უნებლიეთ მასთან ერთად ვითვლი (მაინც რამოდენა მიმზიდველობა აქვს ამ ტყავის ბურთს!) ...სამი, ოთხი, ხუთი... ბურთი სულ მალლა იწევს... ათი, თერთმეტი, თორმეტი, ცამეტი... უჰ! ბურთი მიწას შეეხა. მეწყინა. რალა ამ თარს რიცხვზე შეეშალა! როგორც ჩანს, თვითონ ჭუმბერსაც არ ესიამოვნა ეს, ბრაზი ისევ ბურთზე იყარა! მძლავრი დარტყმით სტყორცნა კედლისაკენ. იქიდან ბურთი ზუსტად მასვე დაუბრუნდა და კვლავ გაგზავნა უკან....

მიხარია, რომ ჭუმბერი ასეთი მკვირცხლი ბიჭია. გუშინდელივით მასსოვს, სამშობიარო სახლიდან რომ მოიყვანა მამამისმა ცოლი და ახალშეძენილი პირმშო. როგორ დაბნეულად იღიმებოდა ვაჟკაცი. ისე სათუთად მიეკრა მკერდზე ვარდისფერ საბანში გახვეული უძვირფასესი, ცოცხალი არსება, თითქოს საპნის ბუშტიაო. ფანჯრიდან მივულოცე ვაჟიშვილი. შემდეგ ძეობაც ვიზეიმეთ.

ხუთიოდე წლის წინათ ჭუმბერის მამა კიბომ იმსხვერპლა. დედამისი ზრდის ახლა მას. ქმარი შეცვალა ქარხანაში და, რა ვუყოთ, სულ მუდამ თავზე რომ ვერ ადგას შეიღს. ისე ყველაფრით წესიერი ბიჭია, როგორც ვიცი, ცუდადაც არ სწავლობს. ეს კია, ფეხბურთი უყვარს ძალიან და ზოგჯერ მეზობლებს ფანჯრებს უფშენის...

უცებ მინის მტვრევის ხმა გაისმა და ჩამსხვრეულ ფანჯარაში უმალ თეიმურაზ ამბაკოვიჩის მეუღლის თავი გამოჩნდა.

— ხულიგანო!.. შენ მოუკვდი შენს პატრონს! — აკივლდა იგი.

კიდევ კარგი, ჭუმბერის დედა ამ დროს სამუშაოზეა, თვითონ კი სადღაც გაუჩინარდა.

პასუხი რომ არავინ გასცა, თეიმურაზ ამბაკოვიჩის მეუღლემ ერთხელ კიდევ დაკვესა მთელი ეზოს გასაგონად:

— მე შენ გიჩვენებ სეირს, შე არგასაზრდელო, შენ!

სეირის საჩვენებლად, ალბათ, ყოვლისშემძლე მეუღლე ჰყავს მხედველობაში.

ფანჯრების მტვრევა არაა მთლად წესიერი საქციელი; შეიძლება დავტუქ-

სო კიდეც ამისთვის ჯუმბერი, მაგრამ რატომღაც, მაინცა და მაინც, არ დამნა-
ნებია თეიმურაზ ამბაკოვიჩის ფანჯრის მინა. მხოლოდ არ ვიცი, რატომ! იქნებ
იმიტომ, რომ სახლის პატრონს არაფრად უღირს ახალი მინის ჩასმა (კლავა უკ-
ვე გამოვიდა სახლიდან; ალბათ, ოსტატის მოსაყვანად), ან იქნებ იმიტომაც,
რომ ჯუმბერი შეიძლება მართლა სასახელო ფეხბურთელი დადგეს და ერთი-
ორი ჩამსხვრეული ფანჯარა ნამდვილად ღირს ამაღ.

...ქუჩაში მომრავლდნენ გაზეთიანი გამვლელები.

ზოგიერთებს ილღიაში მთელი დასტა გაუჩრიათ და სახლში მიიჩქარიან,
რომ იქ გულდასმით, საფუძვლიანად ჩაიკითხონ სათითოდ მოწინავე წერილი-
დან რედაქტორის ხელმოწერამდე.

სულმოუთქმელ მკითხველებს პირდაპირ ქუჩაში მთელ სიფართოზე გა-
უშლიათ გაზეთები და, ახალ ამბებში მთელი გულისყურით ჩაფლულნი, თავ-
აუღებლივ იკვლევენ გზას ამდენ ხალხში.

კუთხეში ახალგაზრდების ჯგუფი შეჩერდა. ისინი ერთი პატარა ფორმა-
ტის გაზეთს ჩაფრენიან და რალაცას გაფაციცებით კითხულობენ. აქედან ვცნობ
გაზეთს — „ლელა“. ჰო, მართლა, გუშინ თბილისელები შეხვდნენ მოსკოვის
„ტორპედოს“ და მოიგეს კიდეც.

მათ გვერდით ტანმალაღ, სათვლიან მამაკაცს გაზეთი პირდაპირ კედელ-
ზე აუფარებია, ცალ ხელში გადაშლილი ბლოკნოტი უკავია და რალაცას ადა-
რებს. ალბათ, ობლიგაციის ნომრებს. მას არ ესმის ახალგაზრდების აღტაცე-
ბული ქოთქოთი, თუ როგორი ოსტატური ფინტებით მოატყუა მიშა მესხმა ზე-
დიზედ მოწინააღმდეგის სამი დამცველი, შემდეგ მეკარესაც „აჭამა“ და... არა,
სათვლიანი მამაკაცი აუღელვებლად ისმენს ამ „ისტორიული“ ბურთის გატა-
ნის დეტალურ აღწერას, რადგან მას ან ფეხბურთი არ უყვარს, ან კიდეც ფუ-
ლი უყვარს ძალიან. ამ კაცის თავი ზევიდან ქვევით და ქვევიდან ზევით მოძ-
რაობს ციფრების სვეტების გაყოლებით. მე უკვე მაინტერესებს, მოიგებს თუ
არა?! სახის გამომეტყველებაზე შევატყვევ, რომ ვერ მოიგო, მაგრამ, მაინცა და
მაინც, არც სწყენია, მალე მორიგი გათამაშება იქნება და მაშინ...

...მანქანის მკვეთრად დამუხრუჭების უსიამოვნო ხმა გაისმა. ქუჩების გა-
დაკვეთაზე ავტობუსმა გვერდი გაჰკრა „მოსკვიჩს“ და გაზონთან მიაგლო.

უცებ სიჩუმე ჩამოწვა.

„მოსკვიჩიდან“ შვეგვერემანი, თმახუჭუჭა ახალგაზრდა გადმოვიდა. კიდეც
კარგი, საღსალმათად გადარჩენილა, მანქანას ვინ ჩივის! მაგრამ, როგორც ჩანს,
პატრონს მანქანის ბედი ჩემზე მეტად აწუხებს, უმალ ირგვლივ შემოუარა, შე-
ათვალეირა, შემდეგ ავტობუსიდან გადმომხტარ შოფერს მიაშურა. მაშინვე
ხელების ქნევით აყაყანდნენ. ზარალი არ უნდა იყოს დიდი, მაგრამ ახლა მთა-
ვარია ინსპექციის წინაშე იმართლონ თავი.

ამასობაში ქუჩა გაიჭედა. ამდენი ხალხი მაინც საიდან გაჩნდა ასე უცბად!
მოძრაობა შეწყდა.

ავტობუსში მსხდომი მგზავრები უკვე გამოერკნენ პირველი შიშისაგან
და აღარ იციან, ჩამოვიდნენ თუ ავტობუსი კიდეც შეიძლებს განაგრძოს გზა.

ხალხი ემატება.

— რა მოხდა? — კითხულობენ ახალმოსულები.

იმათ გარშემო, ვინც საკუთარი თვალთ დაინახა, თუ როგორ მოხდა ავა-
რია, უკვე შეიკრა პატარ-პატარა ჯგუფები.

ორივე შოფერს გამოუჩნდა მეგობრები და დამცველები.

უმეტესობა მაინც სეირს უცქერის.

მოტოციკლებით მოგრიალდა ინსპექცია.

მილიციელებმა ცნობისმოყვარეთა წრე გაარღვიეს. ხალხი დასწიეს უკან და შემთხვევის ადგილი გაათავისუფლეს.

შოფერები წარდგნენ მილიციის ლეიტენანტის წინაშე. ინსპექტორი ისმენს მათ ახსნა-განმარტებას, შემდეგ ათვალეირებს იქაურობას და ბლოკნოტში რაღაცას ინიშნავს, ალბათ, მანქანების მდგომარეობას ავარიის მომენტში.

შოფერები გაცხარებით ამტკიცებენ თავიანთ სიმართლეს, ღელავენ, ხალხში მოწმეებსა და მომხრეებს ეძებენ. სამაგიეროდ ლეიტენანტია მშვიდად, ძნელი გამოსაცნობია ვის ემხრობა იგი. პასუხს ინსპექციაში მიიღებენ.

პირველად ავტობუსი გაუშვეს, რადგან მგზავრები უკვე პროტესტს აცხადებენ.

ხალხი თანდათან დაიშალა, ყველამ თავის გზას და საქმეს მიაშურა. ზოგიერთმა მათგანმა, ალბათ, ეს პატარა ამბავიც გაიყოლია, რომ შემდეგ ერთიორად გაბერილი და გატენილი ნაცნობებსა და მეზობლებს ჩამოუტრიგოს.

„მოსკვიჩთან“ შოფერი და რამდენიმე მისი ახლობელი ტრიალებს, რადგან ფერდშეჭყლეტილი მანქანა ჯიუტად დუმს და არაფრის გულისთვის არ უნდა ამუშავდეს.

საკესთან მიმდარი შოფერი ფეხს აჭერს სტარტერს. მანქანა მცირე ხნით ათუხთუხდება, ციებიანივით აძაგძაგდება, მაგრამ ძალაგამოლეულს უცებ ისევ უწყდება ხმა.

ბოლოს ბიჭები ხელით მიაწვენ მანქანას და გააგორეს.

მაღე ისინი თვალს მიეფარნენ და ქუჩამ კვლავ მიიღო ჩვეულებრივი იერი.

ასფალტზე დარჩა ავტობუსის დამუხრუჭებისაგან დარჩენილი საბურავების ორი შავი ზოლი და კიდევ ბენზინისა და ზეთის ლაქები იმ ადგილას, სადაც გვერდშელეწილი „მოსკვიჩი“ იდგა.

პალმასთან წარმოსადგე მამაკაცს ვხედავ. ავარია უკვე ყველას მიავიწყდა, იგი კი ისევ დგას და მრავალმნიშვნელოვნად შესცქერის გაჭუჭყიანებულ ასფალტს. შემდეგ თავი გააქნია და ფართო, გაშლილი ნაბიჯებით გაუდგა გზას. იგი მიაბიჯებს თავალმართული და მის გარშემო თითქოს ქუჩაც პატარავდება. ლომის ფაფარივით დაყრილი ხშირი, გრუზა თმა კიდევ უფრო ამალლებს მას. ამ კაცს ყველა ცნობს. გამვლელები მორიდებით უთმობენ გზას, შემდეგ თვალს აყოლებენ. ნაცნობიც ბევრი ჰყავს, მოწიწებით ესალმებიან. ახალწამოჩიტული გოგონები სახელაწილინი, ფეხაჩქარებით ჩაუვლიან გვერდით და, რომ გასცდებიან, შემდეგ მოუხედავენ, დიდხანს უჭკრეტენ ფარულად.

ეს კაცი სახალხო არტისტია. მე მას კარგად ვიცნობ. ახლა იგი გადაჭრის ქუჩას, შევა „ინტურისტის“ კაფეში, მოითხოვს ერთ ფინჯან შავ ყავას და შემდეგ ასევე დინჯად გაუდგება თეატრისაკენ.

აფიშაზე ვარჩევ, დღეს ანტიკურ ტრაგედიას წარმოადგენენ.

უცებ მსახიობი შეჩერდა, რაღაცამ ფიქრებიდან გამოიყვანა. მისი შთაგონებული სახე ამ დიდი მამაკაცისათვის შეუფერებელი ბავშვური ღიმილით გაიბადრა.

მის მზერას გავაყოლე თვალი.

ქუჩას საბავშვო ბაღის აღსაზრდელები გადადიოდნენ. გასაოცრად სერიოზული და სასაცილონი არიან ეს პატარა არსებანი. გარშემო არავის და არაფერს აქცევენ ყურადღებას, ერთმანეთისათვის კალთაში ჩაუკიდიათ ხელები და ასე წეროებივით გამწყრივებულან გადასახვლელებზე.

ამ მოძრავე, ნორჩ კედელს ორივე მხრიდან ადგებიან უზარმაზარი მანქანები და ადგილზე ქვავედებიან.

პატარები აინუნშიაც არ ავლებენ, რომ მათმა მსვლელობამ მოძრაობა შეწყვიტა, მათ სრულებით არ აშინებთ ეს მოუთმენლად მოთუხთუხე, მხრჩოლავი მანქანები.

ალბათ, ცუგრუმელები იმიტომ არიან აგრე გულმშვიდად, რომ ყველას მაგივრად ის ტანწვრილი ქალიშვილი ნერვიულობს, მათი აღმზრდელი, რომლის მხერა წვდება ყველას და ყველაფერს, მთელ ქუჩას, თითოეულ ბავშვს. იგი სულ ახალგაზრდაა, ერთი ციციქნა, ნამდვილად ჯერ საკუთარი შვილიც არ გაუჩენია და, აჰა, უცბათ ამდენი ერთად ჩააბარეს!

სახალხო არტიტი ახლა ანტიკური ტრაგედიის გმირზე უფრო ოჯახის მამას ჰგავს. დგას იგი ნიშანსვეტივით გადასასვლელთან და თავდახრილი ღიმილს და სიტბოს საჩუქარივით ურიგებს პატარებს. მისი დიდი ხელი ეალერსება მათ თავებს.

პატარები ჯერ კიდევ ვერ ცნობენ ამ დიდ ძიას, სამაგიეროდ მათი აღმზრდელი ყველას მაგივრად მადლობის ნიშნად მორცხვად უღიმის სახელოვან მსახიობს.

ბავშვები და მათი აღმზრდელი მიიმაღლნენ.

სახალხო არტიტიც თვალს მიეფარა.

კვლავ ამოძრავდნენ მანქანები.

...და ქუჩა ისევ და ისევ იცვლის სახეს.

მე ახლა მხოლოდ მოძრაობაში როდი ვხედავ სიახლეს, სახეცვლილებას, ყველაფერში, თვით ადამიანთა ჩაცმულობაში. ჩემს საწერ მაგიდასთან, კედელზე, ფოტოსურათი ჰკიდია. რამდენიმე წლის წინათ გადავიღეთ მეგობრებმა სამახსოვროდ. უნებლიეთ ვადარებ ჩვენს მაშინდელ ჩაცმულობას ქუჩაში მოსიარულეთა სამოსს და მეღიმიება. მაგონდება, პირველად ერთმა ჩემმა ნაცნობმა ვიწრო შარვალი და მოკლე პალტო რომ ჩაიცვა, ქუჩაში ირონიული მხერით აცილებდნენ. გაივლის ცოტა ხანი და მაშინ ის მოგვეჩვენება სასაცილოდ. ახლა რომ ევოლუციის უმაღლეს ფორმად მიგვაჩნია. რას იზამ, მოდა მოდა!

ეს გაკრიალებული ავტობუსებიც ხომ ახალია, ყოველ წუთში რომ დაჰქრიან ქუჩაში. თითქოს აგერ ახლა იყო, მთელი საათი რომ უნდა გველოდინა დანჯღრეული ავტობუსისათვის.

ჰო, მართლა, ავტობუსებმა მომავონეს, — ეს ქუჩა, ახლა ასფალტის რუხი ქერქი რომ აკრავს, ჩემს ბავშვობაში ქვაფენილით იყო მოგებული. ისე მიძნელდება იმდროინდელი იერის აღდგენა მეხსიერებაში, თითქოს მთელი საუკუნე გავიდა მას შემდეგ. მაგრამ ერთი რამ ძალიან კარგად მახსოვს: ზოგჯერ ოსტატები მოვიდოდნენ ხოლმე ამ ქუჩაზე, ძალაყინებითა და წერაქვებით მორყეულ ქვაფენილს აპყრიდნენ, შემდეგ ჩაცუცქდებოდნენ და დიდხანს მოთბინებით უკაყუნებდნენ თავიანთ ჩაქუჩებს ზღვისპირიდან მოზიდულ რიყის ქვებს, აგებდნენ ახალ ქვაფენილს.

მაშინ ამ ქუჩაზე ავტომობილის გავლა ნამდვილი მოკლენა იყო, არა პართო ჩვენთვის, ბავშვებისათვის, — დიდებისთვისაც.

მაშინ ამ ქუჩაზე დარახუნობდნენ მენავთის ბოქვა და მენავის ორთვალა. მემწვანილის ურიკა და მთვრალეებით სავსე ეტლი. ზოგჯერ ცხვრის ფარას და ცხენების რემასაც ჩამოატარებდნენ ბოხოხიანი მწყემსები. იდგა ხმაური, მტვრის ბუდი და ორომტრიალი.

ახლა ცხენებს კი არა, ყოველნაირ მანქანასაც არ გაატარებენ აქ. ჰაერში

გამოკიდებული საგზაო ნიშანი კატეგორიულად აფრთხილებს შოფრებს, რომ ამ ქუჩაზე სატვირთო მანქანის გავლა აკრძალულია.

მაგრამ ეს ვეება, ჩარდახიანი მანქანა რატომ არ ებუება ამ ნიშანს? იქნებ, შოფერი არაა აქაური, ან კიდევ ახალბედაა.

მანქანა იმ ეზოსთან შეჩერდა, ჯუმბერი რომ ცხოვრობს.

მე ახლა ვხედავ, რა ტვირთი დააქვს ამ მანქანას და იმასაც ვხელები, თუ რატომ გაბედა შოფერმა ამ ქუჩით გავლა.

მანქანის ძარაზე რამდენიმე ფენად დევს წითელ-წითელი ბალონები, აი სწორედ ისეთი, გაზიანი წყლის კიოსკებში რომ დგას. ეგეც გაზია, მხოლოდ — საწვავი. ესეც ხომ სიახლეა, მერე როგორი! გაზით მომარაგება და მომსახურება მართლაც ჩინებულადაა მოგვარებული ჩვენს ქალაქში. ნეტავ, ყველაფერი ასე იდეალურად იყოს აწყობილი!

ორმა მარჯვე ბიჭმა ისუტა მანქანიდან. ისინი ორივე მხრიდან მიადგნენ უკანა ქიშს, სწრაფი, ნაცადი მოძრაობით ახსნეს ურდულები და გადმოსწიეს ქიმი. შემდეგ ერთ წითელ ბალონს ხელი ჩაავლეს და ეზოში შეარბენინეს. მალე იქედან მსგავსი ბალონით დაბრუნდნენ, მაგრამ ახლა უკვე ისე მსუბუქად მოაქვთ, იგრძნობა, იგი უკვე ცარიელია.

მანქანამ ცოტა გაინაცვლა და ისევ შეჩერდა. მე ახლა უფრო გარკვევით ვხედავ ძარაში აზვინულ წითელ ბალონებს და უნებლიეთ რატომღაც მაგონდება ფრონტული სურათი: სწორედ ასეთნაირად ეწყო მაშინ მანქანებზე ყუმბარები, ბომბები, ნაღმები. მაგრამ რა დიდი განსხვავებაა ამ ორ ტვირთს შორის! ერთი მათგანი ადამიანის სიცოცხლეს ემუქრებოდა, ყველაფერს სპობდა და ანადგურებდა, აი ეს ტვირთი კი ხალხს ცხოვრებას უადვილებს, ემსახურება, სიამოვნებას ანიჭებს.

ამ შედარების შემდეგ ჩემი ფიქრები რატომღაც ისევ ასფალტით მოგებულ ქუჩას უბრუნდება და არ მინდა, ძალიან არ მინდა, რომ ამ ქუჩაზე, ახლახან ჩვენი ქალაქის მომავალი მოქალაქეები სასაცილო ბაჯბაჯით რომ გადადიოდნენ, დაეცეს ომისდროინდელი მომაკვდინებელი ტვირთი, დაამსხვრიოს ჯუმბერის სახლი, დაასახიროს ეს ასფალტი და გამოაჩინოს დავიწყებას მიცემული ქვაფენილი.

მე არ ვიცი, ასევე ფიქრობს თუ არა ის კაციც, მანქანასთან რომ შეჩერებულა და ჩემსავით შეჰყურებს გაზის წითელ ბალონებს, მაგრამ ერთი კი მჯერა, მას ნამდვილად სხვებზე უფრო არ უნდა, რომ კვლავ შემზარავად გაისმას სავანგამო საყვირი, ქალაქის თავზე აწივლდეს ბომბი და მისმა დაცემამ დაანგრიოს ეს ლამაზი ქუჩა.

მე ვიცნობ ამ კაცს. იგი გადამდგარი პოლკოვნიკია. მისი საგმირო საქმეები მრავალგზის ყოფილა მოხსენიებული უმაღლესი მთავარსარდლის ბრძანებებში. ბევრი წამიკითხავს მასზე, კიდევ უფრო მეტი გამიგონია, პირადად მისგანაც მომისმენია თითქოს დაუჯერებელი, მაგრამ მაინც მართალი ამბები; ამ კაცის თავგადასავალს აღტაცებაშიც მოვყავდი და მაძრწუნებდა კიდევ. აი ამიტომ მჯერა ასე დაბეჯითებით, რომ სწორედ მას, ბრძოლის ქარ-ცეცხლში გამოჩვენილ კაცს, ყველაზე მეტად სძულს ომი, მიუხედავად იმისა, რომ სწორედ ომმა მოუტანა სახელი, დიდება და პატივისცემა. მაგრამ ისიც კარგად ვიცი, მის ვაჟკაცურ მკერდში, სამოქალაქო ტანსაცმლის ქვეშ მებრძოლის გული სცემს და, თუ საჭირო იქნება, ყოფილი პოლკოვნიკი კიდევ დაანახებს მომხვედურს, რომ ბებერი ხარის რქანიცა ხნავენ.

...ჩარდახიანი მანქანა თვალს მოეფარა და ყოფილმა პოლკოვნიკმაც განაგ-

რძო გზა. მოსახვევეში იგი ჩია ტანის, მთლად გათეთრებულ მოხუცს შეხვდა და მოკრძალებით მიესალმა. ისინი მცირე ხნით შეჩერდნენ და, ალბათ, ერთმანეთის ჯანმრთელობა მოიკითხეს.

ამ მოხუცს ყველა ასე მოწიწებით ხვდება — დიდი და პატარა. დადის იგი ჩვენი ქალაქის ქუჩებში როგორც სახელოვან ბრძოლათა ცოცხალი მოწმე, ცოცხალი ისტორია. მე მისი სურათი რევოლუციის მუზეუმში მინახავს. ყანდარმთა სამმართველოს არქივიდან ამოჩხრეკილი გამოხუნებული ფოტოსურათიდან იცქირება ხელ-ფეხში ბორკილებშეყრილი, თვალეზბრიალა, უღვაშგადაგრეხილი ახალგაზრდა. ახლა ძნელია მოხუცში იმ შნოიანი ვაჟკაცის ცნობა და იმის დაჯერება, რომ იგი ნახევარ საუკუნეზე მეტი ხნის წინათ წითელი დროშით ხელში დემონსტრანტთა პირველ რიგებში დააბიჯებდა სწორედ ამ ქუჩაზე, არ ეუბებოდა კახაკთა ტყვიებსა და მათრახებს, ხოლო, როცა საჭირო იყო, თოფით ხელში თავზარს სცემდა ალიხანოვის დამსჯელ რაზმებს.

ახლა ის ორი ყოფილი მებრძოლი დგას გზაჯვარედინთან და ტკბილად საუბრობს. ალბათ, ისინი ძალზე უბრალო, ყოველდღიურ, საჭირბოროტო ამბებზე ლაპარაკობენ.

შემდეგ ერთად განაგრძეს გზა.

მე ვიცი, სად მიდიან ისინი. ამ ქუჩის ბოლოს, ქალაქის შუაგულში პატარა სკვერია. ამ სკვერში პენსიონერები იყრიან თავს. სხედან ეს ვალმოხდილი, მრავალჭირნახული დროული კაცები პალმების ჩრდილქვეშ და საუბრობენ დინჯად, აუჩქარებლად. ბუნებრივია, ისინი წარსულს იგონებენ. ზოგჯერ — ტკბილად, ზოგჯერ კიდეც — მწარე სინანულით. მაგრამ უფრო მეტად ეს ხანდაზმული ადამიანები მომავალზე ოცნებობენ, როგორც მათი ბაღიშები, რადგან კარგად ხედავენ, დღევანდელზე უკეთესი დრო მოდის და მათაც საკუთარი თვალით სურთ იხილონ, კიდეც უფრო როგორ იხარებს, ათას ყლორტებად გაიშლება მათ მიერ სათუთად დარგული ნერგი.

მაგრამ მე ძალიან გამიტაცა მოგონებებმა. სჯობს, ისევ ქუჩის ცხოვრებას ვადევნო თვალი. მით უმეტეს, რომ ტროტუარებზე ხალხმა იმატა. ესე იგი, სამუშაო საათები დამთავრდა. ამ ბოლო დროს ხალხი ადრე ბრუნდება სამსახურიდან, ერთი საათით ადრე ამთავრებენ მუშაობას.

მე ისევ ვხედავ იმ მელოტ ბულატერს, რომელსაც ილიაში პორტფელთან ერთად შოთი პური ამოუჩრია.

მე ვხედავ ქარხნიდან დაბრუნებულ ჯუმბერის დედას. იგი შემფოთებით შესცქერის, თუ როგორ ადგამს ოსტატი თეიმურაზ ამბაკოვიჩის ფანჯრის მინას და, ალბათ, გული წინასწარ უგრძნობს, თუ ვისი ნამოქმედარია ეს.

მე ვხედავ მეზობელი ეზოდან გამოსულ ჩვენი უბნის ექიმ ქალს. მას დიდი ხანია ვიცნობ, ვგონებ იმ დღიდან, სამედიცინო ინსტიტუტი რომ დაამთავრა... აუ, რა დრო გავიდა მას შემდეგ! ჩვენი ექიმი, რომ იტყვიან, თვალსა და ხელს შუა შემომამბერდა. ალბათ, ჩვენ მხოლოდ მაშინ ვგრძნობთ წელთა რბოლას, საკუთარ ასაკს, როცა ვხედავთ, თუ როგორ ბერდებიან ჩვენს თვალწინ სხვები. მაგრამ მაშინაც კი არ გინდა გამოუტყდე საკუთარ თავს, რომ დრო ელვის სისწრაფით გარბის, წლებს თავისი მიაქვს და საცხოვრებლად იმაზე ნაკლები დაგრჩა, ვიდრე განვლევ. განვლილი გზა კი ისე მცირეა, ისე უმნიშვნელო, ვითომ სრულებით არ გიცხოვრია ამ ქვეყანაზე.

მე მხოლოდ ახლა შევამჩნიე აფიშების ბოძთან შეჩერებული სამი უცხოელი. ესენი ერთი ოჯახი უნდა იყოს — მამა, დედა და ქალიშვილი. მამა ჭარმაგი კაცია, მაღალსა და ხმელ ფეხებზე შემდგარა ყანჩასავით. მოკლე შარვალი

კიდევ უფრო ამალღებს მას. მხარზე ორი ფოტოაპარატი და პორტატული კინოაპარატი აუკიდია. თვალი წამდაუწუმ ობიექტივზე აქვს მიბჯენილი. ეს უცხოელი ნამდვილად საქართველოში ეგზოტიკის საძებრად და ჩამოსული და შეიძლება უკვირს კიდევ, რომ ამ პატარა საზღვაო ქალაქში ხალხს ისევე აცვია, როგორც მის მშობლიურ მარსელში, შენობებიც ჩვეულებრივია და მანქანებიც არ დაიწუნება.

აი უცხოელი მამა ფესსაცმლის მწმენდავ ასირიელ ბიჭუნას მიადგა და ფოტოაპარატი მიუშვირა.

ზეროს უკვე აღარ აკვირვებს უცხოელები, ცოტა არ იყოს, თავი მოაბეზრეს კიდევ, მაგრამ რას იზამ, სტუმრები არიან, თვითონ კი მასპინძელია და სტუმარ-მასპინძლობის წესს ვერ გადაუხვევს. ამიტომ ზერო ჯაგრისების ვირტუოზული ტრიალით და თეთრი კბილების კრიალით უღიმის მოკლემარევიან ახმასს.

ოჯახის დედაც ქმარივით ტანხმელი და თმადათოვლილია, მაგრამ გარეგნულად არ იმჩნევს, წლებს არ ებუება. — მხიარული ფერის, ფართოფოთლებიანი აბრეშუმის კაბა აცვია, გამხდარი, მზედაუკრავი კანკებიც მოსწავლე გონასავით გაუტიტვლებია.

ქალიშვილი აქედან ლამაზი ჩანს. რომ იტყვიან, შოლტივით გოგოაო, სწორედ ისეთია. ოქროსფერი თმები მხრებზე დაყრია, ყაყაჩოსფერი კოფთა და აბაჟურივით გამობერილი ჭრელი ქვედა კაბა აცვია. ნატიფი ფეხები პირდაპირ ლანჩებზე უდევს, რომლებიც ბალერინასავით კანკებზე თასმებით აუკრავს. უცხოელ ქალიშვილს, როგორც ჩანს, ამ ქალაქში ყველაზე მეტად ტანადი, შავტუხა ქართველი ბიჭები მოსწონს, დიდრონი, მუქლურჯი თვალები მათვენ გაურბის. ბიჭებიც გრძნობენ ამ გამოხედვას, ფეხს ითრევენ და შორი-ახლოდან ფარულად უჭვრეტენ უცხო არსებას. ეს თამამი, ამაყი ბიჭები ახლა საოცრად მორცხვობენ, გამოლაპარაკებას ვერ ბედავენ — ენის უცოდინარობა თუ აფერხებთ. ერთმა მათგანმა, ბოლოს, მაინც გაბედა, საგანგებოდ ჩამორჩენილ ქალიშვილს გვერდით აესვეტა და რაღაც ჩაულაპარაკა, საშუალო სკოლაში ნასწაველი რამდენიმე უცხოური სიტყვა თუ მოიშველია. სახეზე ვატყობ, რომ ქალიშვილი ვერ მიუხვდა, მხრები აიჩეჩა, მაგრამ ბიჭს მაინც გაუღიმა. ბიჭსაც მეტი რა უნდოდა, აღარ მოსცილებია, ერთად განაგრძეს გზა, მალე თვალს მიეფარნენ და დარჩენილი ბიჭების შურისანი მზერა გაიყოლიეს.

ქუჩაში დაგრძელდნენ ჩრდილები. თანდათან დავიწროვდა და მალე სულ გაჰქრა მზის ოქროსფერი ზოლი.

ბინდი ჩამოწვა.

ზერომ თავისი ბარგი-ბარხანა აიკიდა და ღიღინით გასწია შინისკენ.

პირველად სახლებში ჩაირთო სინათლე. განათდა ფანჯრები.

მე ვხედავ მარმამის ფარდებს იქით, თუ როგორ დააბოტებს ოთახებში თეიმურაზ ამბაკოვიჩის პატივცემული მეუღლე. კლავა ქათქათა სუფრას აფარებს მაგიდაზე. თვითონ თეიმურაზ ამბაკოვიჩი ნახევარი საათის უკან მოვიდა სახლში მანქანით. შოფერმა ორი მოზრდილი ღვინის კასრი შედგა სახლში, სამაგიეროდ იქიდან შამფურზე წამოგებული სუნელით გათითხნილი გოჭი გამოიტანა და მახლობელ ფურნეში შესაწვავად გააქანა.

ქუჩაშიც აინთო ფანჯრები.

კუთხეში განათდა საათის ციფერბლატი, — რვას ათი წუთი უკლია.

სათის ქვემოთ ახალგაზრდა ვაჟი შეჩერდა. საგულდაგულოდ გამოყვანილი ქოჩორი გიშერივით უპრიალებს ელექტრონის შუქზე. კიდევ უფრო შავი

კრების კოსტიუმი ლაზათიანად ადგას ნავარჯიშე ტანზე. თეთრად ქათქათებს უპალსტუხო პერანგის საყელო.

გარშემო უამრავი ხალხი ირევა, მაგრამ ბიჭს თვალში არავინ უჩანს, გაზონზე შემდგარი მოსიერნეთა თავებს ზემოთ ერთი მიმართულებით გასცქერის, ვილაცას ელის თუ ეძებს.

მივხვდი, ჩემო ახალგაზრდა მეგობარო, კარგად ვიცი, ვისაც ელი ასე მოუთმენლად! მეც ხშირად ვმდგარვარ ჩემს ყმაწვილკაცობაში ამ საათის ქვეშ. მეც ველოდი იმ „ვილაცას“. სხვათაშორის, მეც მელოდნენ. ამდენად ჩემთვის გასაგებია იმ ბიჭის მდგომარეობა და თითქოს მესმის კიდევ მისი მოხშირებულ გულისცემა.

ვაყი პაპიროსს პაპიროსზე ქაჩავს ნერვიულად. სხვა დროს ნამწვს იგი, ალბათ, პირდაპირ ტროტუარზე ჰყრის ხოლმე, დღეს კი საგანგებოდ მიდის ურნასთან; მალ-მალე ისწორებს თმას და პერანგის საყელოს, ზოგჯერ ვიტრინაში საკუთარ ორეულს შეაველებს თვალს, ეტყობა, ძალიან ღელავს.

მაინც რა ცნობისმოყვარეა ადამიანი! მე უკვე ძალზე მაინტერესებს, თუ როგორია ის „ვილაცა“. ალბათ, პირველად ხვდებიან ერთმანეთს. ეს იმაზეც ემჩნევა, რომ ვაყი ათი წუთით ადრე მოვიდა. პაემანი რვაზე თუ აქვთ დანიშნული. გოგო ნამდვილად დათქმულ დროს მოვა, დიდი-დიდი, ორი-სამი წუთი დააგვიანოს.

დიდი ისარი უკვე თორმეტს გაუსწორდა. ბიჭი მალ-მალე შეჰყურებს საათს და კიდევ უფრო ღელავს. ახლა იგი ყველა მიმართულებით გასცქერის. როგორც ჩანს, არ იცის საიდან გამოჩნდება „ის“. მე ახლა მასზე ნაკლებად როდი ვღელავ. როგორც მამაკაცი, ვაყის მხარეზე ვარ და გული მომდის იმ გოგოზე... თუმცა ჯერ ცხრის სამი წუთიც არ არის. შეიძლება „ისიც“ დათქმულ დროზე ადრე მოვიდა და ახლა იქვე, სადმე შორი-ახლო დგას და თავს იფასებს. ნეტავ მოვიდოდეს კი!

მოვიდა!

მე ამას ვატყობ ბიჭის გაღიმებულ სახეზე. იგი მოწყდა ადგილს, მოსიერნეები გაარღვია და აფიშების ბოძთან შეეგება ვაყურად თმაშეკრეჭილ, ტან-მომცრო ქალიშვილს. კარგი გოგო ყოფილა.

უსიტყვოდ შეხვდნენ ერთმანეთს და მაშინვე დამეკარგნენ თვალთახედვიდან.

თავისუფლად ამოვისუნთქე, თითქოს მძიმე ტვირთი მომეხსნა ზურგიდან. იმათ ჩემი არ ესმით, მაგრამ მე მაინც ხმამაღლა გავძახი:

— ბედნიერებას გისურვებთ, ჩემო ახალგაზრდა მეგობრებო!

შებინდდა თუ არა, თეიმურაზ ამბაკოვიჩის სტუმრებიც გამოჩნდნენ. კლავამ ფანჯრებს სქელი ფარდები ჩამოაფარა. იქ, ალბათ, მიუსხდნენ სუფრას და პირველი სასმისებიც აიღეს, რადგან ვილაც ცდილობს სიმღერის წამოწყებას:

— ვისი სადღეგრძელოც იყოს...

როგორც ჩანს, სულწასულ მომღერალს არავინ აპყვა და მანაც შუა გზაზე შეწყვიტა რაღაც „მრავალყამიერის“ მსგავსი.

მაღაზიის წინ მწვანედ შეღებილი „პობედა“ შეჩერდა. იქიდან ჩია ტანის კაცი გადმოვიდა. ხელში ბრეზენტის ჩანთა უკავია: ეს კაცი ბანკის ინკასატორია. ყოველ საღამოს დადის აქ. იმ ჩანთით ნავაჭრი ფული მიაქვს ბანკში.

ინკასატორი რევოლვერის ბოხჩას ისწორებს და მაღაზიისაკენ მიემართება. ეს საშიში იარაღი რატომღაც სასაცილოდ მოჩანს მის ტანზე, ალბათ, იმიტომ, რომ სამოქალაქო ყაიდის შარვალ-ხალათი აცვია. დარწმუნებული ვარ,

ეს რევოლუერი, ზედმეტი ბარგივით რომ მიუკრავს ფერდზე, არასოდეს დასჭირდება, მაგრამ კანონი ავალებს და ისიც ატარებს. ვინ იცის, ეგებ ნაცნობ-მეგობრებში თავსაც იწონებს.

ხალხი ქუჩაში ხან მატულობს, ხან კიდევ კლებულობს.

ახალგაზრდები ჭარბობენ.

მინც რამდენი ხალხია ამ პატარა ქალაქში! საით მიიჩქარიან ისინი ამ ღამით? — კინოში, თეატრში, ნათესაებთან, სამუშაოზე, პაემანზე...

რაც უფრო მეტი ხალხია გარეთ, მით უფრო მნიშვნელოვნად მეჩვენება ქუჩის ცხოვრება.

თვითეული მათგანი, ალბათ, ღირსია, რომ მასზე დაიწეროს მთელი რომანი. იქნებ, რომელიმე მათგანს ანა კარენინაზე ნაკლებად არ განუცდია სიყვარულის მწველი გრძნობა. გამვლელთა შორის უთუოდ არის ადამიანი, რომელიც დღეს ერთ-ერთ საწარმოში ეწეოდა თავის ჩვეულებრივ საქმეს, მომავალში კი მის სახელს მოწიწებით მოიხსენიებს მემატინე. იქნებ, აი ის პატარა ბიჭი, წიგნით ხელში რომ მიიკვლევს გზას ამ ზღვა ხალხში, ოცნებობს ერთი პირველთაგანი გაფრინდეს მთვარეზე და ამ გმირული საქციელით ასახელოს სამშობლო.

უეცრად საშინლად მომინდა ქუჩაში გასვლა, ამ ხალხთან უფრო ახლო ყოფნა, მათი ხმის მოსმენა, ხელის ჩამორთმევა. მეც ხომ ამ ქუჩის შვილი ვარ!

სწრაფად ჩავრბივარ კიბეებზე და გავდივარ ქუჩაში.

ახლა მე ვხედავ არა ქუჩის მცირე მონაკვეთს, არამედ მთელ ქუჩას, დიდ ქუჩას, მთელი მისი სიგრძე-სიგანით, ხმაურით, მოძრაობით და დაუშრეტელი შინაარსით.

მე ახლა ვხედავ, სულ ახლოს, ჩემს გვერდით ვხედავ ადამიანებს, ვეხები მათ მხრებს, მკლავებს, უფრო კარგად მესმის ხმები, გარკვევით ვარჩევ სიტყვებს.

თეიმურაზ ამბაკოვიჩის ბინიდანაც ახლა უფრო დაწყობილად გაისმის სიმღერა. სიმღერას სცვლის თამადის ხრინწიანი შეძახილი:

— ბატონებო! ნება მომეცით, ამ პატარა სასმისით შევსვათ ჩვენი პატარა, ტურფა საქართველოს სადღეგრძელო...

ეს „პატარა სასმისი“, ალბათ, ნახევარლიტრიანი ლუდის ჭიქა მინც იქნება.

— გაუმარჯოს!

— იცოცხლე!

ხორხოცობს სუფრა.

თამადამ, ეტყობა, ბოკალი დასცალა და მთელი ხმით გასძახის:

— აბა, გავატაროთ ეს სადღეგრძელო!

ვილაც, ალბათ, გაჭირვებულდა, სასმისი დიდი მოეჩვენა, და თამადა არცხვენს:

— არ გყვარებია, ჩემო ძმაო, საქართველო და რა გელაპარაკო!

მე რატომღაც არ მჯერა იმ კაცის, ასე ხმამაღლა რომ გაჰყვიროს საქართველოს სიყვარულზე, სასმისის სიდიდით რომ ზომავს ამ ენით გამოუთქმელ გრძნობას.

სადღაც ეზოს სიღრმიდან თაფლად და ხავერდად იღვრება გამრეკელის მძლავრი ბარიტონი.

ამ ღვთაებრივ მელოდიაში უხეშად იჭრება სუფრის ღრინანცელი და ვილაც თავგამოდებულის ყალბი ტენორი:

— ოხოხოია მრავალყამიეერ... ოხოხოიააა...

კიდევ კარგი, პატარა ზერო რომ არ ისმენს ამ როყიო ხმას.

მე სწრაფად ვშორდები ვარდისფერ ბელეტაჟს და კიდევ დიდხანს, ძალიან დიდხანს დავდივარ ქუჩებში.

...ქუჩის საათის ორივე ისარი თორმეტს გადასცდა, ჩემს ოთახში რომ დავბრუნდი და ისევ მივუჯექი ფანჯარას.

კვლავ გავყურებ დაცარიელებულ ქუჩას.

დრო და დრო მანქანა გაიშრიალებს.

ღამის სიჩუმეში ყრუდ გაისმის ნაგვიანევი მგზავრის ფეხის ხმა.

ერთხელ კიდევ უსიამოვნოდ დაირღვა ეს მყუდროება, როცა თეიმურაზ ამბაკოვიჩის ბინიდან გამოეფინენ მთვრალი სტუმრები და ბანცალით დაიშალნენ.

მეოთხე საათი დაიწყო. ქუჩა თითქოს ცარიელია, მაგრამ იგი კვლავ ცხოვრობს დიდი ცხოვრებით.

უეცრად სასწრაფო დახმარების მანქანამ ჩაიქროლა.

შუა ქუჩაში გაიარა ჩვენი უბნის მილიციის რწმუნებულმა. იგი იცავს წესრიგს, ჩემს მყუდროებას და უნებლიეთ მაგონდება მაიაკოვსკის სიტყვები: „ჩემი მილიცია მე მიფრთხილდება“.

ასფალტზე ხმელი ცოცხის ფხაკუნი მესმის. ეს ჩვენი მეეზოვე ტიგრანა შეუდგა საქმეს. ესე იგი, საცაა გათენდება.

ტიგრანა რომელიღაც აღმოსავლურ ბაიას ღლინებს და საგულდაგულოდ ასუფთავებს ტროტუარს, რათა ქუჩა გაკრიალებული და წმინდა შეხვდეს ახალი დღის განთიადს.

ხვალ ამ ქუჩაზე კვლავ განახლდება დიდი ცხოვრება.

ჰოდა, რამდენი ასეთი ქუჩაა ამ დალოცვილ ქვეყანაზე!



ღევენ გელაძე

ცხრა მთას იქით

როს ამცნობდნენ, დაფერფლაო მეხმა კაცი,
 — ცხრა მთას იქით! —
 შესძახებდა მყისვე დედა.
 — ცხრა მთას იქით!
 კვლავ ჩამესმის მე ხმა მკაცრი,
 ცვარნამდაყრილ მის წამწამებს თითქოს ვხედავ.
 ცხრა მთას იქით ისტუმრებდნენ ჭირს და ეშმაკს,
 ცხრა მთას იქით ბოგინობდა მხოლოდ მტერი,
 ჩამოაგდო შუღლი ზღვის და მთების ეშხმა.
 ოქროდ უჩნდათ ჩვენი მიწა, ქვიშა, მტვერი.
 დრომ წაიღო მოყვიჩაღე და მოძალე,
 ვის შერჩება სხვისი ცრემლი, სხვისი სისხლი!
 დრო მოვიდა, ძმობის თასი გამოვცალეთ,
 დრო მოვიდა, გადაშორდა ცხრა მთას ნისლი.
 ცხრა მთას იქით გაჩნდა სატრფო და მოკეთე,
 დღეს რა კაცი გამოისვრის ჩემსკენ ტყვიას,
 ახლა მარჯვენს დამარცხებულს არ მოჰკვეთენ,
 ახლა გული სხვა ლტოლვის და სწრაფვის ტყვეა.
 ცხრა მთას იქით ჩვენ ვისტუმრებთ ძმებს და მოყვრებს,
 სამტროდ ვინდა მობრუნდება ასეთ დარში,
 — ცხრა მთას იქით, — გადასძახის მოყმეს მოყმე, —
 ჩამოდი და ჩემთან დარჩი.

კახაბრის ველიდან

კახაბრის ველიდან მიმინო აფრინდა,
 კახაბრის ველებზე მომწყურდა სირბილი,
 ქარს მოაქვს სურნელი ფორთოხლის, დაფნის და
 მახელებს ცვრიანი კორდების სირბილე.
 სული მთხოვს, წამოდი კახაბრის ველადა,
 ვიხილოთ ყანები, —

ყანები სამწყერე,
წავილოთ ცივ ღვინით ავსილი ხელადა,
რაც ნახო, რაც იგრძნო, დაწერე... დაწერე...
ნუ მკითხავთ, ნუ-მეთქი, საიდან სად ვართო,
ზღვა ცაზე, ცა ზღვაზე ან ლურჯი რად არი,
გახედე, გამლილა ბაღები სავარდო,
შაშვეების გალობას ყურს უგდებს ქადარი.
კახაბრის ველიდან აფრინდა მიმიწო,
ეჭვი, ვილაცამ ნადირი დათოფა,
სული მთხოვს ჟვავიან ველებზე ვირბინოთ,
წამოდი, თუ გინდა სიცოცხლით დათრობა.

მ ც ხ ე თ ა

მე მბრძანებელი ახლა არა მყავს,
ჩემს ძლიერებას მზე აკლდა მაშინ,
თავს საუკუნე ადგას ამაყად,
ქარიშხალს სძინავს ცივ აკლდამაში.

მე ჩამოვყარე ღმერთები ციდან
და ავამაღლე მიწაზე კაცი.
ჩემს სადღეგრძელოს ქართველი
ცლიდა,
გარეთ მღიმარი და სახლში მკაცრი.

ვიყავ ქალაქი ჟამსა მეფეთა,
ოდეს გუმბათნი ავზიდე ცადა,
ფოლადის ხანა შემომეფეთა,
მკერდზე მახვილი დამკრა და მცადა.

მწარედ ვიგრძენი, რა მაკლდა მაშინ
და შევეფეთე მყისვე უკუნეთს.
სძინავს ქარიშხალს ცივ აკლდამაში,
დარაჯად უდგას თვით საუკუნე.



დავით კვიციანი

ს ა რ მ ც მ ლ ი

წუთისოფელი!

კარგად უთქვამთ სწორედ, მაგრამ გიორგის მაინც ეცინება ამ სიტყვაზე...

წუთისოფელი!

წუთს კი არა, ოთხმოც გრძელ წელიწადს ითვლის, ოთხმოცს...

დიდი დროა, ძალზე დიდი...

ბრძენია ხალხი, მართლაც წუთია ეს სოფელი...

საუკუნეც დიდია!

დიდია?!

აბა რატომ გაირბინა გიორგის თვალწინ მთელმა მისმა სიცოცხლემ ერთ წუთში?!

აქ, ამ ეზოში გაიზარდა.

ჯერ გოგიას ეძახდნენ, მერე გოგის, გვიან გიორგის...

ახლა „ბატონო გიორგიც“ წამოცდება ზოგიერთს.

სად არ ყოფილა, სად არ უვლია, რა არ უნახავს და ბოლოს მაინც აგერ ზის, მამისეულ სართულნახევრიანი სახლის ფანჯარასთან. ზის, გასცქერის ეზოს, ქუჩას და იგონებს.

წინ დიდი ცხოვრებაა. თვალი ძველებურად აღარ უჭრის, მაგრამ ესმის ამ დიდი ცხოვრების ხმაური.

ესმის და უსმენს. ესაა და ეს.

ზის და იძირება საკუთარ ფიქრებში, იგონებს და აღადგენს...

უცნაურია, შარშანდელი არაფერი ახსოვს. შარშანდელი რაა, გუშინდელი ამბებიც მივიწყებია, მაგრამ შორეულ, ძალზე შორეულ სიმწარეს თუ სიხარულს თავისი ადგილი უპოვნია, კაცის გონების ერთ კუნჭულში ჩაბუდრებულა და ახლა ახსენებს თავის არსებობას.

ზაფხულის მშვენიერი დღეა.

მრავალჯერ გათენდება ასეთი დღე, ხვალ, გაისად...

გიორგი დაესწრება ხვალინდელ განთიადს, იქნება გაისადაც, მერე.. ისევ ამოვა მზე, ისევ შეაშრობს ცვარს ბალახზე, ისევ გადაშლის ვარდებს...

წუთია სოფელი...

ბრძენია ხალხი.

ნელა, სულ ნელა ირხევა მოხუცის გული.

ფეთქავს სუსტად, ძალზე სუსტად, მაგრამ მაინც ფეთქავს...

ოთხმოცი წელიწადი!

დაზარდა შვილები, გაჩნდნენ შვილიშვილები, შვილთაშვილები...

დაზარდა და დააფრინა.

ზოგი სად ცხოვრობს და ზოგი სად.

ხანდახან რომელიმე მათგანის ბარათს მოიტანს ფოსტალიონი. ხანდახან დეპეშას, ხან კიდევ თავადაც ჩამოვლენ და აივსება ეზო სიხარულით.

სახლში, ამ მამისეულ სახლში კი მხოლოდ გიორგი და ეკა დარჩნენ. დაფა-ჩუნობენ ოთახებში, ეზოში, უვლიან და ეფერებიან ერთმანეთს.

ეკა!

რა სახელია ეკა?!

ახლა აღარავინ, აღარავინ არკმევს ბავშვს ასეთ სახელს.

არცერთ შვილიშვილს, არცერთ შვილთაშვილს არ ჰქვია ეკა.

გიორგი კი პირველსავე შვილიშვილს დაარქვეს.

ეკა!

რა საამოდ ჟღერდა ეს სახელი ორმოცდაათი წლის წინათ.

იღგა დარცხვენილი ჩიხტაკობით, კოჭებამდე სწვდებოდა ნაწნავები და ჩუ-მად გადახედავდა გიორგის.

ეკა!

ხმამალა ფიქრობს გიორგი.

— რა იყო, კაცო? — ესმის ეკას ხმა.

მობაჩუნობს წელში მოხრილი, დაბატარავებული და...

— არ გაცივდე, კაცო, მოშორდი მაგ ფანჯარას!

ეკა!

ეს არის ეკა, გიორგის მეუღლე. ორმოცდაათი წლის მეგობარი. ერთმანეთს პატიოსნად შეებერებულნი. ერთ სულად, ერთ ხორცად ქცეულნი.

არ უპასუხებს გიორგი. თავსაც არ აბრუნებს. არ უნდა შეხედოს, არ უნდა დაშორდეს ფიქრს.

ეზოს გასცქერის გიორგი და აგერ სულ ახლო, თუთის ძირას ხედავს ეკას. მუხლამდე აუყეცია კაბა. ნაწნავები მკლავებივით შემოხვევია ყელზე. შავი დიდრონი თვალებიდან ნაპერწკლები ცვივა.

— გოგი, გოგი! მოდი მომეშველე!

ეს არის ეკა...

— დაგეძინა, გიორგი? — ბურანში მოესმის ეკას ხმა.

არ მოიხედავს, არ გასცემს პასუხს. რა იქნება ადროს ცოტა ხანს.

— გოგი, გოგი!

— მოვდივარ, მოვფრინავ, ჩემო ეკა!

ვიღაც მხრებზე ახურავს თბილ ხალათს.

— მეგონა ჩაგეძინა.

— ჰო, მეძინა...

ახლა მოუხედა მეუღლეს. დაუკვირდა. ეღიმება ეკას.

უცქერის გიორგის და ეღიმება, თითქოს ხედება მის ფიქრს.

სათვალეს ისწორებს. რალაც უნდა თქვას.

ნუ, ნუ იტყვის, ხმასაც ნუ ამოიღებს...

— წადი, ეკა, დაისვენე! — ამბობს გიორგი.

მეორე ოთახისაკენ მორჩილად მიდის ეკა. გიორგი თვალს გააყოლებს ამოიხრებს.

სუსტად, ძალიან სუსტად სცემს გული, მაგრამ მაინც სცემს.

არასდროს გაგყოფოდეთო სასთუმალი.

ასე ასწავლეს მშობლებმა გიორგის და ეკას.

ასე ასწავლეს შვილებს გიორგიმ და ეკამ.

არასდროს გაგყოფოდეთო სასთუმალი.

არასდროს?!

რამდენი ხანია ცალ-ცალკე ოთახში წვებთან, ცალ-ცალკე საწოლზე...

შუა კარი ღია აქვთ და ღამით გიორგის ესმის როგორ ახველებს და ხან-დახან კვნესის კიდევც ეკა.

ასეა ეკაც.

არასდროს გაგყოფოდეთო სარეცელი...

სამოცდაათს აღარაფერი უკლია ეკას.

ორმოცდაათი წლის წინათ შეუღლდნენ.

ორმოცდაათის?

— ეკა!

მეორე ოთახიდან მობახუნობს ეკა.

— მოდი აქ, დაჯექი, ეკა!

მორჩილად ჯდება მეუღლე გიორგის გვერდით.

— ერთი გახსენი გონება და მოიგონე, თუ ქალი ხარ!

-- რა მოვიგონო, გიორგი?

— რა და აი, ის... — თითქოს დაირცხვინა გიორგიმ და ახლა აღარც უნდა

გამხელა.

ზის ეკა და ელოდება.

— რომელ წელს დავიწერეთ ჯვარი?

პირდაპირ თვალებში ჩახედა ცოლს. არა, თვალებში კი არა, სათვალეში. ეკა ფიქრობს და ანგარიშობს.

ვერა, ვერ მოიგონა ის წელი.

— არ ვიცი! ისე ორმოცდაათი წელი შეგვისრულდა, მგონი...

— ორმოცდაათი, ორმოცდაათი. — ჩიფჩიფებს მოხუცი და უხარია, რომ მანაც სწორად გამოიანგარიშა.

— ეკა!

— რა იყო, გოგი?

გოგიო!

ცემას უმატა გულმა.

— რა იქნება, რომ ერთი პატარა ვახშამი გავმართოთ. ორმოცდაათი წელი ხუმრობა ხომ არ არის! ა, რას იტყვი, ეკა!

ეკა ღუმს, პასუხს აგვიანებს.

გიორგი ელოდება.

— კარგი, გავმართოთ. ქალიშვილს შევეუთვლი, მოვიხმარ!

— არა, ასე არ მინდა. შენ თითონ, შენ თითონ უნდა შეძლო!

თანხმობის ნიშნად თავს უქნევს ცოლი.

— როდის?

— ხვალ!

— კარგი, გოგი, მოვახერხებ!

— მეც მოგეშველები, ეკა!

იცინის, არა, ილიმის ეკა. დგება და მეორე ოთახისაკენ მიბაჩუნობს.

...მეორე საღამოს გაიმართა ვახშამი.

სულ შვიდნი უსხდნენ მაგიდას.

კარის მეზობელი, ვარდენი თამადაობს.

— ოქროს ქორწინებას გილოცავთ. იცოცხლეთ დიდხანს, ძალიან დიდხანს!

სადღეგრძელო ჯერ კიდევ არ ჩამოთავებულია და დაუქაკუნებლად შემოა-
დო კარები ფოსტალიონმა.

— კამპანიას გაუმარჯოს!

ეკა და გიორგი წამოდგნენ.

თორმეტი დეპეშა დაალაგა მაგიდაზე ფიცხალიონმა.

„საყვარელო დედა, ძვირფასო მამა, გილოცავთ ოქროს ქორწინებას“.

„ჩვენო ტკბილო ბებია და ბაბუა, გილოცავთ და გკოცნით უთვალავს“.

ცრემლები, ცრემლები...

ეზოში გამოვიდა გიორგი. ღვინის შემომატება მოიმიზეზა.

იარა და იფიქრა, მერე პატარა დოქით ხელში სტუმრებისაკენ გაემართა, მაგრამ სანამ მათთან შევიდოდა, ერთი ოთახის კარები შეადო. იმ ოთახის, სა-
დაც ათეული წლები ერთ საწოლზე გაატარეს ეკამ და გიორგიმ.

აქ იყო მათი სარეცელი.

კარებშივე გაქვავდა მოხუცი.

ეკას ისევ ძველებურად გაეწყო საწოლი.

ორი თეთრი ბალიში ერთმანეთზე მიედო. ორი ჭრელი საბანი გადაეფარე-
ბინა ლოგინზე.

ცემას უმატა გულმა.

ფრთხილად გამოიხურა კარები. თითქოს იმ სარეცელზე იწვნენ ეკა და
გოგი და არ უნდოდა მათი გაღვიძება...

...ადრე წავიდნენ სტუმრები.

ისევ მარტო დარჩნენ მოხუცები.

სხედან სავსე მაგიდასთან და უციინიან, არა, უღიმიან ერთმანეთს.

დოქი მოიწია გიორგიმ. სასმისი აავსო. ერთხან ატრიალა ხელში ჭიქა. ეტ-
ყობა, რალაც უნდა თქვას და უჭირს.

მორჩილად ზის ეკა.

— ეკა!

— თქვი, გოგი, გისმენ!

— ორმოცდაათი წელი ჩათავებულია. ორმოცდაათი წელი, ნახევარი საუკუ-
ნე დიდი დროა, ძალზე დიდი დრო და მაინც წუთია თურმე... — დაახველა, სა-
ხე შეუწითლდა, ცხვირსახოცი ამოიღო და ტუჩი მოიწმინდა.

— ორმოცდაათი წელიწადი გიერთგულე მე შენ და შენ მე...

დიდი დროა, ძალზე დიდი.

ახლა, ამ ოქროს დღეს გეუბნები:

არასდროს არ მიღალატნია შენთვის, ეკა.

თავდახრილი ლაპარაკობდა გიორგი. უცქერდა მეუღლეს და თითქოს დარწმუნებით
ცხენილიც ჩანდა...

— იქნებ გულში გამივლია, მაგრამ არასდროს არ მიღალატნია შენთვის,
ქალო!

ასე ნამუსიანად შევაბერდი ხელში.

იცოცხლე, შენ გადღეგრძელებ, თანამეცხედრეს და მეგობარს ჩემსას.

შესვა.

ეკა ღუმს.

გიორგი წამოდგა, ჩიბუხი მოიძია, თუთუნით გატენა, ცეცხლი მოუკიდა და
მოქაჩა.

დიდიხანია ხელში არ ჰქვია ჩიბუხი.

ფანჯარასთან მისწია სკამი, ჩამოჯდა.

ვარსკვლავები კაშკაშებდნენ ცაზე. გრილი, ზაფხულის ღამის გრილი სიო
ქროდა.

ჯერ კიდევ არ ეძინა ქალაქს. ჯერ კიდევ ისმოდა დიდი ცხოვრების ხმაური.
ერთბაშად დაიძაბა გიორგი.

ეკას ქვითინი შემოესმა და მოიხედა.

ტიროდა ეკა. ტიროდა თავისთვის, ჩუმად...

— რა გატირებს, ეკა?

ცრემლით სავსე თვალებით უცქირა ერთხანს ქმარს.

— არაფერი! — ამოთქვა და ცრემლი შეიმშრალა.

ახლა გიორგი დააკვირდა ცოლს.

თავი ასწია ეკამ.

წუთით უცქირეს ერთმანეთს.

— თქვი, ეკა, რა გინდოდა...

— ორმოცდაათი წელიწადია ერთად ვცხოვრობთ, გიორგი...

ოღნავ კანკალებდა ქალის ხმა, თრთოდა ტუჩები და ცახცახებდნენ მუხ-
ლებზე დაწყობილი ხელები.

— მეც მინდოდა ვყოფილიყავი შენი ერთგული...

— რაო, რა თქვი?

— მეც მინდოდა ვყოფილიყავი ქმრის ერთგული, მაგრამ ვერ შევძელი..

— ?!

შუბლთან რაღაც მოაწვა გიორგის. უცებ ჩამობნედა, იგი ვეღარ ხედავ-
და ორიოდ ნაბიჯში სკამზე მოკუნტულ ეკას.

მხოლოდ ხმა ესმოდა მისი. თითქოს შორეულ სამარიდან ესაუბრებოდა
ვიღაც.

— გახსოვს, ამ ორმოციოდე წლის წინათ ჯარიდან რომ დაბრუნდი, შენს
სოფელში დაგიხვდი მე... გახსოვს?..

წინა ღამეს, შენი დაბრუნების წინა ღამეს...

ტიროდა ეკა. ხელს იშველიებდა, ეშინოდა არ შეეჩერებინა იგი ქმარს.

— გულში არ მქონია ღალატი, იცოდეს ღმერთმა, მაგრამ მოსახდენი მაინც
მოხდა. იმ ერთხელ მოხდა და მთელი ჩემი სიცოცხლე ლოდან მაწევს ის ღამე.

გულზე. შემინდე, გიორგი, მე არ ვიყავი დამნაშავე. შემინდე და მაშინ მოსვენებით წავალ ამ ქვეყნიდან...

ტიროდა ეკა.

დუმდა გიორგი.

იჭდა ფანჯარასთან და ველარ არჩევდა ვარსკვლავებს, რომლებიც სულ უფრო და უფრო მრავლდებოდნენ ცაზე.

არ ესმოდა შრიალი ზაფხულის გრილი ნიავისა.

იჭდა და აღარ ფიქრობდა.

უხმოდ, უხმაუროდ ტიროდა ეკა.

ასე ისხდნენ ერთხანს.

ძლივს წამოდგა გიორგი.

შეკრთა ქალი.

არ შეუხედავს, ერთხელაც თვალი არ გადაუკრავს ცოლისაკენ.

მიდიოდა და ძლივს მიათრევდა ფეხებს.

წუთისოფელი!

იმ ოთახის კარები შეაღო, სადაც ცოლ-ქმრის სარეცელი იყო გაწყობილი.

საწოლთან შედგა, დაიხარა, მარცხენა ხელით ბალიშის ყურს სწვდა, მარჯვენათი საბანი დაითრია და გავიდა...

თავისი პატარა ოთახის კარი შეაღო, ბალიში საწოლზე დააგდო და ზედ დაემხო...



ჩვეუ ჩხაჩიხი

ს ა ს წ ა უ ლ ი!

ტკბილი სიზმრებით ეძინა მთვარეს,
კდემამოსილი იყო მღუმარი.
თუმცა სიძუნწეს ვერ დაეაბრალებ,
არა ჰყოლია დღემდე სტუმარი.
ცხოვრობდა ასე, მაგრამ ანაზღად
გამოაფხიზლეს ძილისგან იგი.
ჩვენი რაკეტა ავარდა მასთან,
არ უძებნია გზა და ბილიკი.
თუ ზეცა იყო სასწაულების
მიდამო, რაღაც ხელშეუხები,
დღეს საბჭოეთის ძალა იწამონ,
დე, მოიყარონ მის წინ მუხლები.



სოლომონ ღებუხანაშვილი

პატარა ქალიშვილი

სალამოვდებოდა. ჭადრების ხეივანით მივდიოდით. ჩვენს პირდაპირ ორი მანდილოსანი მოსეირნობდა.

ამხანაგი ჩემსკენ დაიხარა და ჩამჩურჩულა:

— მალალი ჩემი ნაცნობია... დაბალი კი...

— მოვეშვით ერთი...

— თუ ძმა ხარ... — მითხრა და ყელი დაიჩქმიტა.

ხათრი ვეღარ გავუტეხე.

მალალი ქალური ალლოთი გრძნობდა ყოველივეს, აინუნშიც არ აგდებდა, არხეინად მოდიოდა, თითქოსდა მთელი ქუჩა თან მოჰქონდა... ჩამოქნულ ტანს განგებისად, სხვათა ყურადღების მისაპყრობად მიარხევდა.

პატარაზე გადავანაცვლე მხერა. შავი ჩამოშლილი თმა ვიწრო ბეჭებს ლამის უფარავდა. დანაოჭებული შავად მოლაპლაპე კაბა ეცვა. ხელი ნაბიჯით მიმავალ ამხანაგს მღუპარედ მიჰყვებოდა.

როცა მივუახლოვდით, მალალმა ქალმა ჩვენსკენ მოიხედა, იცნო ჩემი ამხანაგი, გაუღიმა და გაჩერდა.

დავინახე მისი სიბერეშეპარული სახე, რომლის ნაკვთებს უკვე მოკლებოდა სინატიფე და სირბილე. მშვენება მხოლოდ თვალებს შერჩენოდა, თაფლისფერ თვალებს.

— როგორა ხარ? — ჰკითხა ამხანაგმა, როცა მივუახლოვდით და ხელი გაუწოდა.

— კარგად, ძვირფასო, თქვენ როგორ?

— ძველებურად... იცნობდე, ეს ჩემი ამხანაგია.

გამომიწოდა თავისი ღიმილი ხელი. მალლიდან დამხედა და თავაზიანად ვაიღიმა, რაც სრულიადაც არ უხდებოდა. მერე ტანის უცნაური მიხერამოხერით მიუბრუნდა პატარა ქალიშვილს და გაგვაცნო.

ასე გავიცანი პატარა ქალიშვილი.

გვერდით ამოვუდექი და მღუპარედ გავუყევით გზას. ჩუმ-ჩუმად გადავხედავდი ხოლმე. თავი ჩაელუნა და წარბები მოეჭმუხა. რაღაც უნდა მეთქვა, ასეთ დროს ღუმილი უხერხულია. ის იყო დავაპირე კიდევ ღუმლის დარღვევა... იგი განზე გადადგა და მალალ ამხანაგს აეტუხა. არაფერი შევიმჩნიე, ორიოდვე წუთის შემდეგ განგებისად ჩამოვრჩი, ისევ წამოვეწიე და ისევ გვერდით ამოვუდექი. კვლავ მხარი მაქცია.. მალალმა უსაყვედურა:

— რა განზე გარბიხარ, გოგო! ამ კაცს დიდი ხანია ვიცნობ; ძან კულ-
ტურული რა ზრდილობიანი ბიჭია, — გადმოძხედა და განავრძო: — გგონივნი,
ნი, არც ამხანაგი ეყოლება ისეთი...

პატარა ქალიშვილმა ხმა არ ამოიღო, თავი ჩაღუნა და ბოცოცა ტუჩე-
ბი ისე ააცმაცუნა, თითქოს ლოცულობსო.

ოდნავ დაეჭინაურდით. აღარ გამიბოდა. თავჩაღუნული მოდიოდა.

— რა გქვიათ? — უცებ შევეკითხე და ღიმილით დავაცქერდი.

ცერად გამოძხედა, დამცინავი ბალღური ღიმილით გამიღიმა და მითხ-
რა: თეკლო.

— ქართველი ხართ?

— დიახ!

— რაღაც არ გეტყობათ!

— ვითომ?

— ნამდვილად!

გაჩერდა, უკან მიიხედა.

— მარინე დეიდა, წავიდეთ რა...

— რა სულწასული ხარ, გოგო! — ყასიდად გაწყრა მარინე, — ისევე
ჩაგაბარებ პატრონს, როგორც წამოგიყვანე აქ.

„თამაშობენ“, — გავიფიქრე და დავძინე: „ძლიერ გაცნეილი ხერხია“.

გზა განავარძეთ. ისევ უმძრახებივით მივდიოდით. მესმოდა ჩემი ამხა-
ნავი და მაღალი ქალი როგორ საუბრობდნენ.

მივდიოდი და ვფიქრობდი:

„ბოლოსდაბოლოს, ვეღარ გავიგე ვისთან მაქვს საქმე. ისეთი ქალი-
შვილი სომ არ არსებობს. რომ კაცმა მისი გული ვერ იპოვოს. ოღონდ
უნდა იცოდეს, უნდა მონახოს მისი სუსტი ქალური მხარე“...

ქუჩა გადავქერით. კვლავ დუმილით მივდიოდით. არ ვიცი რატომ. მიუუ-
ბრუნდი და ისე საკიჟმაკიჟოდ ვუთხარი:

— თქვენ მსახიობი სომ არა ხართ?

უცებ გამოცოცხლდა, თვალბში შემომხედა.

— თქვენ რა იცით? დიახ, ვარ! — მითხრა და დაყინებით დამაცქერდა.

— თვალბზე გეტყობათ.

პატარა ტუჩებში ცბიერად გაიღიმა და ქვეყვეად შემომხედა.

— იქნებ იცრუეთ, მაგრამ თქვენ ისეთი თვალბები გაქვთ, სამწუხაროა,
თუ არა ხართ მსახიობი.

ძალზე ახლობელივით გამიღიმა, ჩამაცქერდა თვალბში და მითხრა:

— მართლა მსახიობის თვალბები მაქვს, მართლა?

— მართლა, განა მარტო თვალბები, — სახეც!

მოუსვენრობა შევამჩნიე. უცნაური აღელვება, ყველაფერზე — თითე-
ბისა თუ თვალბების მოძრაობაზე ველური და უზომო სიხარული ემჩნეოდა.
ერთბაშად ენად გაიკრიფა.

— იცით რა, კინოში უნდა მეტამაშა. სურათი გადამიღეს და სტუდია-
შიც კი მიმიყვანეს. მაგრამ... — ყელზე დაადგა სიტყვა. უხერხულად შეიმშუ-
შნა და ბოლოს მაინც ამოღერდა:

— ძალიან ცუდი ხალხი ყოფილა. რატომ არის იქ ცუდი ხალხი? ავდე-
ქი და წამოველი.

ამაზე ვერაფერი ვუთხარი, სიტყვა ბანზე შევეუბღე.

— აი რა, თეკლე...

ტუჩებზე ღიმილი გამოუკრთა, ღიმილი გამოუკრთა ფართო თვალბ-
ში. ღიღხანს მიუყრებდა ამ ღიმილით და მიეხვდი, ასეთი ნაზი და კარგი
ღიმილით ეს მე მაჯილდოებდა.

— მართლა თეკლე კი არა მქვია, გაგეხუმრე.

— მაინა დეკლის დაგიძახებ. — გაიღიმი და განაპარტე: — იმას გეუ-
ზნებოდი, ჩემი მეგობარი რეჟისორია, ამ საქმეში მე დაგეხმარები.

— რომელი რეჟისორია თქვენი მეგობარი?

— თქვენთვის სულ ერთი არ არის?

— არ ხუმრობთ?

რამდენადაც შემძლო, დავუმტკიცე, რომ არ ვხუმრობდი. მან ეს ძალ-
ზე ადვილად დაიჯერა.

— იციო რა. — ისევ აცმუჯდა. ისევ აღფრთოვანდა, — თუ თქვენ
მაგას გააკეთებთ, მერე, აი, ჩვენ კარგი მეგობრები ვიყოთ, აი, როგორც...

— კარგი მეგობრები?

ღიმილით შემომხედა, მატყლივით მძიმე შავი თმა გაეშალა და მხრებ-
ზე დაეფინა.

— ეჰე. — თავი დამიქნია.

მაშინ მე სულ უბრალოდ და მშვიდად ვუთხარი.

— კარგი შეყვარებულები რომ ვიყოთ?!

მიწას ჩააშტერდა და გაინაბა.

— რად გაჩუმდი?

კვლავ შემომხედა, ღიღხანს მიცქერდა.

— ეგრე უცვებ? როდის მიმიყვან იმ რეჟისორთან. ჩქარა?!

გაჩუმდა. ასე მღუმაჩედ მივლითღივით ერთხანს. შევამჩნიე: იღიმებოდა.

ეს ღიმილი არ იყო ბოროტი ღიმილი, არც დამცინავი; ნამდვილად ვილაც
უჩინარს უღიმოდა, ან რაღაც ფიქრში იყო ჩაძირული. ერთი სიტყვით, ბე-
დნიერი ღიმილით იღიმებოდა.

— რად იცინი?

უფრო გაიცინა და მითხრა:

— მე ერთი მეზობელი გოგო მყავს. ამას რომ გაიგებს, შურით გასკდებ-
ბა. ამიტყდება, მეც გამაცანი ის კაციო. იცი, რასა გავს? ქვაზე დახატული ეშ-
მაკია. იმას გონია კინოში ათამაშებენ. ყველას კი არ ათამაშებენ. არა?

— რა თქმა უნდა, არა.

ამასობაში ჩემი ამხანაგი და მალალი ქალი წამოგვეწივნენ. ბაღში შევე-
ლით, თავისუფალ მაგიდას თხზივანი შემოვუჯექით და ნაყინი შევუკვეთეთ.
ამხანაგი დამაცქერდა, გაიღიმა და თვალი მიყო. ამით მანიშნა, ჩემი საქმე
გაეჩარხეო.

ის ნაზად შეექცეოდა უკვე გამდნარ ნაყინს, დროდადრო გაჩერდებოდა,
თითქოს სული მოითქვაო, კაბის სახელოდან პაწია მოქარგულ ცხვირსახოცს
გამოაჩოჩებდა და მოიწმენდა ხოლმე რძით დანამულ პაწია ტუჩებს, მერე
ჩემსკენ გამოიხედავდა და ალერსიანად გამიღიმებდა.

— მართლა დამეხმარები? — მითხრა უბრალოდ, შინაურულად. თითქოს
ჩვენს შორის ერთი წლის ნაცნობობა ყოფილიყო. გამიკვირდა, მაგრამ არა
შევიმჩნიე რა.

რამდენიმე წუთის შემდეგ ჩვენ ისევ დავწყვილდით და იქვე ახლად შე-
ღებულ მერხზე ჩამოვჯექით.

ბაღში ნათურები აკაშკაშდა და უცებ ჩემს სულში გაიღვია მთვლელობის მოვლეობამ. სახლიდან გამოსვლისას ცოლს ამბავი დავუტოვე. ერთ საათში მოვბრუნდები-მეთქი. ერთი საათი უკვე გავიდა, იგი ახლა გზაზე იყურება და წრიალებს. ათასი სისულელე მოსდის თავში, წარმოიდგენს, რომ ტრამვაი ან მანქანა დამეჯახა... ერთი სიტყვით, ყველა საშინელებას წარმოიდგენს, რაც ამ ქვეყნად არსებობს და რაც ყველა მიწიშვილს შეიძლება მოულოდნელად დაატყდეს თავზე. გული აღარ ეტევა საგულეში, მაგრამ ახლა არ შემიძლია მივატოვო აქაურობა. მეტი რა გზაა, უნდა შემინდოს მეუღლემ.

ჩვენს წინ ოციოდე ნაბიჯზე ლამპიონების მკრთალი სხივების ქვეშ მიიგრავნებოდა თონისფერი მტკვარი. მისი ხმაური ერწყმოდა ხეთა ფოთლების ნელ შრიალს და ერთ გრძელ დაუსრულებელ სიმფონიად იღვრებოდა გარშემო.

ახლოს მივიწიე, ის განზე გაჩოჩდა და წარბებქვემოდან ალერსიანი წყრომით შემომხედა. მე არ შევიმჩინე, ვითომდა არაფერი მომხდარიყო.

საუბარს მალე მოვაბით თავი. მან მითხრა: წელს საშუალო დავამთავრე და სამუშაოდ მექათმეობის ფერმაში გამაგზავნესო, თუმცა ვერას დიდებით ვერ მოიგონა რა ჰქვიოდა იმ სოფელს. დამეფიცა, მთელ დღეს გარეთ არ გამოვდივარო. მხოლოდ ერთხელ, როცა ჩემმა დამ წყალზე გამგზავნა, ვიდაც ბიჭი ამედევნაო.

— ბრაზი მომივიდა, — მეუბნებოდა და მიცქეროდა თავისი დიდი, ალალი თვალებით. — იმ საზიზღარს ჩემი დისთვის უთქვამს, შენი სიძე უნდა გავხდეთ. რატომ ერთი არ მივუბრუნდი და არა ვცემე?! რას იცინი! — დაეჭმუჭნა წარბები და განაგრძო: — მართლა ვცემდი. შარშან ხომ ერთ ბიჭს გავარტყი სილა. ისიც ასე, სკოლიდან რომ გამოვდიოდი, დამიხვდებოდა ხოლმე გზაზე.

გავიციე და ვუთხარი:

— მეშინია მეც არ მცემო.

გამიღიმა და თავი ჩაღუნა. მრავლისმეტყველი იყო ეს ღიმილი. იგი ვერ ფარავდა მისი სულის მოძრაობას, ისე როგორც ბავშვები ვერ ფარავენ თავიანთ ფიქრებსა და სურვილებს, სანამ ფეხს არ შედგამენ მიწიერ ცოდვეში, სანამ ცხოვრება არ აიძულებთ ასე მოიქცნენ.

ამასობაში შეუმჩნევლად ახლო მივუჩოჩდი. ვგრძნობდი მისი სახის სითბოს, ჩაცურებდი დიდ ჩაქუფრულ თვალებში, რომლებიც ჯადოსავით მიზიდავდნენ და მაცდუნებდნენ.

ხელი ფრთხილად დავადე მხარზე. რბილი და თბილი მხარი ჰქონდა. უცებ შეცბა, მხარი აიჩეჩა და განზე გასხლტა.

— რად მოხველ ახლოს?

— მერე რა?

— არა, რაც არ შეიძლება, არ შეიძლება.

თავი ჩაღუნა. ისევ გაეშალა სქელი თმა. სკამის საზურგეზე თითოთ რაღაცას ხაზავდა.

— იცი, რა უნდა გითხრა? — კვლავ მოუსვენრად დასრიალებდა მის სულში დიდი სურვილი. — რეჟისორმა რომ დამიწუნოს? აი, მე ხომ დაბალი ვარ?

— მაგისი ნუ გეშინია.

— მერე შენ არ გეწყინება, შეყვარებულის როლი რომ ვითამაშო?

— ბავშვის როლს ითამაშებ.

— ჰო, მართლა. მე ხომ შემიძლია ბავშვი ვითამაშო, მაინც ხომ ვგვეპარ ბავშვს?

ამაზე საუბარი მის სულს სიტკბოებას ჰკვრიდა, ჩემს სულს კი ჯიჯენიდა. მე ნაცნობი რეჟისორი არასოდეს მყოლია.

ისევ მის ახლოს აღმოვჩნდი, ჩავხედე თვალებში და სულ უბრალოდ ოდნავი ღიმილით ვუთხარი: თვალებში მაკოცნინე-მეთქი.

— აბა, რას ამბობ! იცოდე, გაგიწყრები. შენ ეგეთი სულაც არ შეგონე-ჯერ ხომ შენი არა ვარ. როცა შენი ვიქნები... იცი რა უნდა გითხრა, ერთმა მეზობელმა თქვა ჩემზე, ვულგარული სილამაზე აქვსო. რა არის ვულგარული?

— როცა თვალებში მაკოცნინებ, მაშინ გეტყვი.

— არა, არა, არა! — ჯიუტად გააქნია თავი.

კვლავ ქება შევასხი მის თვალებს და ვუთხარი, რომ ისინი ძილშიაც არ მომასვენებენ, რომ მკვავდა მათი კოცნის სურვილი და, თუ ამ სურვილს არ მოვიკლავდი, ისე გავებოროტდებოდი, რომ რეჟისორს ვეღარც კი ვნახავდი.

იოლად დაიჯერა და საგონებელში ჩავარდა.

ასე თუ ისე, მაინც ვაკოცე. მიღულა თვალები და ტანში გააყრყოლა-ღიგრძენი ქუთუთოების სირბილე, გრძელი წამწამების ხამხამი.

გაწითლდა, თავი ჩაღუნა და ალერსიანად ჩამჩურჩულა:

— ახლა რა შეგემატა?

მერე შემომხედა, თმაზე დამაკვირდა, გადმოიხარა და ამაცალა პატარა ფოთოლი. აწეწილი თმა გამისწორა და ისევ დამაცქერდა. ვერ გეტყვი, იმ წუთიდან ნაღველი რად შემომმენტო გულზე, ერთბაშად რად მოვდუნდი, რად დავკარგე ინტერესი.

— იცი, რა უნდა გკითხო? — ისევ მეტიკტიკებოდა: — აი, მარინეს ხომ ქმარი ჰყავს, რატომ დადის შენს ამხანაგთან?

— რა ვიცი, ჰკითხე და გეტყვის.

— ქუჩაში რომ მოვდიოდით, ყველა მარინეს უყურებდა. ხომ ლამაზი არ არის, მამ რატომ უყურებდნენ? მაგასთან აღარ გავივლი, რა ვქნა, თუნდაც ეწყინოს.

ჩვენ შორის ღუმილი ჩამოვარდა. უგუნებობა შემატყო.

— რად მოიწყინე.

— ისე, ვიცი ხოლმე.

გაჩუმდა. დიდხანს ორივენი ჩუმად ვიყავით. შევამჩნიე, ჩემი მოწყენილობა გადაედო. არაფერი ვუთხარი. ისევ თვითონ ალაპარაკდა.

— არ დაგავიწყდეს, შვიდში რვა საათზე ოპერის წინ რომ უნდა მოხვიდე.

— არა!...

— იქნებ, ვერ მიცნო! იცოდე, თეთრი კაბა მეცმება. შეიძლება მე აღარც კი წავიდე ფერმაში. იქ რომ ვიყო, ხშირად ვერ შევხვდებით ხოლმე, არა?!

— ჰო, — მე ზედ არ შევხვდე, ისე ვუპასუხე.

— წავიდეთ ახლა. გამაცილე.

— რა გეჩქარება?!

— გვიანია უკვე. მამაჩემი ცოტა ავად არის. მარინემ მითხრა, შენ წა-
დი, მე აქ უნდა დავრჩეო.

ყოველ მოძრაობასა და ღუმელშიც კი ვამჩნევდი მას დიდ კმაყო-
ფილებასა და აღტაცებას.

— იცი რა, შენ ორ გაჩერებაზე გამაცილე და მერე ჩამოდი.

მივხვდი, საგზაო ფული არ ჰქონდა. იმიტომაც უნდოდა ჩემი გაყოლა
ორიოდე გაჩერებაზე. ამასობაში ბილეთს ავუღებდი. ტროლეიბუსში რო-
გორც კი ავედით. მაშინვე ავიღე ბილეთები და მთხოვა, პირველ გაჩერე-
ბაზევე ჩავსულიყავ.

ჩამოვედი პირველ გაჩერებაზე; ვიდექი, სანამ ტროლეიბუსი წავიდოდა.
როცა დაიძრა, იგი უცებ წამოხტა. ფანჯარას გადმოეყრდნო და დიდხანს
მიქნევდა პაწია ხელს, დიდხანს იდიმებოდა.

ფეხით დავადექი გზას. რაღაც ხალვათობას ვგრძნობდი.

ახლა მე არავისი დარდი არ მქონდა, არაფერი მაწუხებდა და არაფერ-
ზე ვფიქრობდი.

შინისაკენ რომ მივდიოდი, ჩემთვის ვჩურჩულებდი:

— ათარ მოვალ პაემანზე, პატარა გულუბრყვილო ქალიშვილო, წადი
შენს გზაზე.

შვიდი რიცხვისათვის საგანგებოდ ჩამოხვალ თბილისში. თუ არ გა-
ზოგიშვეს ფერმიდან — გამოიქცევი, თეთრ კაბაში გამოწყობილი დამე-
ლოდები ოპერის წინ, დიდხანს დამელოდები და მერე ცრემლიანი თვა-
ლებით გაეცლები ხმაურიან ქუჩებსა და გაცრუებული იმედების სამყაროს.

ვინ იცის, იქნებ აგრე სჯობდის შენთვის! ასე რომ არ იყოს, პაემანზე
შოსვლით რა ფეხს მოვიტეხავდი!



აკაკი ჩხიტი

ჩემო აჭარავ!

დიდი სიცოცხლის გედვრება ჩქერი
და ნარინჯები ზღვასავით ღელავს,
კვლავ უფრო მძლავრად გაშალე ფრთები
და შენი წინსვლა ახარე ყველას!
მათრობს ლურჯთვალა ჩაის სურნელი
და სიყვარული მთელი აჭარის.
ციდან იღვრება შუქი უღვევი
და სისხლი მიღულს, როგორც მაჭარი.
გუგუნებს შრომა და სიმღერების
ხმები აჭრილა თითქოს ხომლამდი;
მოჩანს ბათუმი ზღვის ლურჯ ზვირთებში,
როგორც ამაყი მკერდი ხომალდის.
მეც ზღვის ზვირთივით გულში გეხვევი,
დავალ ნამიან შენს ვრცელ ველებზე,
მოვედი შენთან დღეს სიმღერებით
შენი გაზრდილი ერთი მეღექსე
და აქაფებულ ჭორობს გავუხურებ;
ვეძებ ბავშვობას რძიან ჭალებთან...
კვოცნი შენა მიწას, შენს სიჭაბუკეს
და ვდგავარ მე შენს ღია კარებთან.
სად ავახილე პირველად თვალი
და შევიცანი მთელი ქვეყანა...
აქ ყრია ჩემი აკვნის ნათალი,
თმაში ჭაღარაც აქ შემეპარა.
დიდი სიცოცხლის გედვრება ჩქერი
და ნარინჯები ზღვასავით ღელავს,
კვლავ უფრო მძლავრად გაშალე მხრები
და შენი წინსვლა ახარე ყველას!



მეღა კაკიგაძე

ღედის გული

სამსახურიდან დაღლილი დაბრუნდი. მაშინვე ბიჭი იკითხე. ეზოში თამაშობს-მეთქი ვითხარი და მოსაყვანად გავეშურე. გულმა აღარ მოგიტმინა. კრებებზე დამეწიე. ძნელი იყო გამოცნობა, რა ფერის შარვალი ეცვა ჩვენს ბიჭუნას. ხელ-ფეხი სილასა და ტალახში ამოესვარა. სახეზეც აჩნდა ხელის ანაბეჭდი. შინ დაბრუნება არ ისურვა. გაჭირვეულდა. ტირილით შემოვიყვანე სახლში. ხომ ხედავ, რა დღეში გვყავს ბავშვი, მითხარი საყვედურით, წაიყვანე სოფელში ბებიასთან, თვითონაც უკეთ იქნება და მეც მოვისვენებო. აგისრულე თხოვნა. როცა დავბრუნდი, ფერმკრთალი მეჩვენე. ქუთუთოები შეგშუბებოდა ღამენათევს. უთქმელადაც მივხვდი მიზეზს. ორი დღის წასულს, ასეთ კითხვებს მაძლევდი:

- კარგად ეძინა?..
- ხომ არ იტირა?..
- ხშირად მახსენებდა?..
- როგორ შეატყვე, გაძლებს უჩვენოდ?..

მე დაგიმალე, თუ როგორ ზღუქუნებდა ის ძილის წინ. ისიც დაგიმალე. როგორ გამოვეპარე დილით. შენ მაინც წუხდი. ძილი გაგიტყდა. მოუსვენრობას გრძნობდი. გახდი კიდეც.

მერე დაყინებით მთხოვე ბიჭი ჩამომეყვანა. მე შენი ნათქვამი მოგაგონე, წაიყვანე. თვითონაც უკეთ იქნება და მეც მოვისვენებო.

არაფერი გითქვამს. თვალი მომარიდე და მეორე ოთახში გადი. ვიგრძენი ტიროდი... არც გამკვირვებია...

ღარღს, აბა, რა დაუღევს

ჩამი-ჩუმი არ ისმოდა. საამოდ იზმორებოდნენ გაზაფხულისაგან დამსკდარი ატმისა და ტყემლის კვირტები. ძეწნის ფოთლებიც არ ირხეოდნენ. ბაღის განუყრელი მეგობრები ია და ველის გვირილა ძველი ნაცნობივით მილიმოდნენ.

გალურსული ვზივარ ამ სამოთხის უბეში და მიხარია, რომ არავინ მირღვევს მყუდროებას. უეცრად ზღვის მძლავრმა გუგუნმა ყურთა სმენა დამიხ-

შო. ქარი არ ქროდა, ზღვა კი თავდავიწყებით ბობოქრობდა. მეზადურივით ზღვის პირას გავჩნდი.

— რა გაღელვებს, რა გადარდებს, მითხარ, იქნებ გიშველო?

თეთრქოჩორა ტალღის ზვირთებმა უფრო მაღლა აიწიეს და ზათქითა და ხმაურით დაენარცხნენ ნაპირებს. მერე ზღვა ისევ ატორტმანდა და თითქოს ზეცას შეანარცხა მოქნეული ტალღები. თავაწყვეტით შეებრძოლა მოფარფატე თოლიებს. გული მაინც ვერ დააცხრო. დაგეშილი მღევარივით დაედევნა მორიალუ ხომალდებს. ხომალდები ნაფოტივით ათამაშდნენ. გემბანები მეზღვაურებით აივსო.

ზღვის მოულოდნელი მღელვარებით ოდნავ შემფოთებულმა კაპიტანმა ნაძალადევი ღიმილით გადახედა ეკიპაჟს...

— ზღვის გულისკენ! — მოისმა მისი მშვიდი ხმა.

— ზღვის გულისკენ! — გავიმეორე ჩურჩულით.

უენო ხომალდებმა ზღვის გულისკენ მოჰკურცხლეს.

აღარ მიკვირს ზღვის შფოთვა თუ მწუხარება ამდენი. თურმე გული ჰქონია და დარდს, აბა, რა დაუღევს!



ინება ბერიძე

შენ მეუბნები...

შენ მეუბნები, ლექსები ვწერო,
მე კი ამისთვის არა მცალია:
მოენახვ სადმე პალმების ჩეროს,
შემოვუჯდები ბალახს ცვარიანს.

და ასე დიდხანს... სამყაროს დაშლის
და სიდიადის დამღლის ფიქრები,
მერე ნიავი დაივლის ბაღში
და ვარდის მტკვრით დავიფიფქები.

შენ მეუბნები, შევეუნთო რითმას,
თუ რამ გამაჩნდეს მაღლი ციური,
ამ სილამაზეს, ამ ბარს და იმ მთას
ვუმღერო ჰიმნი მარადიული,

შენ მეუბნები... მაგრამ დაიცა,
მო, ქვეყნის სუნთქვას დავუდარაჯოთ,
ჩუმად ვუცქიროთ ამ ზღვას, ა, იმ ცას,
განა არა ჯობს?..

იცი? არ იცი...

გინდა იცოდე გულში რა მიდევს,
რა ნალველი მკლავს, რა მიხარია,
ასე რად ვეძებ მზიან ამინდებს,
თაყვანს ვცემ რუსთველს, ომარ ხაიამს?
მოყვარე თუ ხარ, მითხარი ბარემ,
თუ გამჭირდავის სენით იწვეები?
ვერხვის ფოთლებში დაეშვა მთვარე,
განა მიწვდები?
მამ ხელებს სულში რად მიფათურებ,

სულს ხომ ვერ დაშლი ცალკე
მძივებად?
იქ სიკეთეს და სიძულვილს თურმე
ერთი გზის გავლა არ ემძიმებათ.
შენ კი არ გჯერა გულწრფელი ფიცი,
შენა გგონია ნილაბს ვატარებ.
იცი?
არ იცი,
რა გაადარებს.



გიორგი უკუშაძე

სისხლიანი სურათი

(მეოპრის დღიურადან)

ეს იყო დიდი სამამულო ომის დროს...

საბჭოთა არმიის რიგებში ერთად გავიწვიეს ძმები.

ანაპის ცნობილ წითელდროშოვან დივიზიაში ვირიცხებოდით.

პირველი საბრძოლო ნათლობაც ერთად მივიღეთ ქერჩის მისადგომებთან სივარის გადალახვისას...

ჩვენს ოცეულს ნაბრძანები ჰქონდა მხარი დაეჭირა იმ შენაერთისათვის, რომელიც მტრის ერთ-ერთ გამაგრებულ წერტს უტედა...

მესამე გასროლაზე ჩემმა ძმამ ყუმბარა მიზანში მოახვედრა.

— დაცხე! გენაცვალე მარჯვენაში! — შეაქო იგი ოცეულის შეთაურმა და ჩქარი ჯერით ცეცხლის გახსნა უბრძანა.

— არის, ამხანაგო ლეიტენანტო! — დაიყვირა მან.

მე ვხედავდი საბრძოლო უნით ანთებული მეტრძოლები როგორ გაფაციცებით აწვდიდნენ ჩემს ძმას ყუმბარებს, რომლებსაც ერთიმეორებზე ნიყოლებით უშვებდა იგი ნალმსატყორცნის ლულაში...

მე კი... ხელთ ავიღე ყუმბარები და, თუმცა ნაბრძანები არ მქონდა, მაინც რიგრიგობით ჩავყარე მტრისკენ მიშვერილი ნალმსატყორცნის ლულაში და საბრძოლოდ მივმართე.

ალბათ, დიდხანს გავრძელებოდა ასე, რომ მტრის ყუმბარას ჩემი ძმა ნალმსატყორცნიდან შორს არ გადაესროლა.

ყუმბარის ზატყმა ყურთასმენა წაიღო, გავშეშდი... თავზე ხელი მოგიჭირე, შინელის სახელო გამურულ სახეზე მოვისვი და ძმას მივევარდი. მძიმედ კვნესოდა... ხალათს ღილები ავავლიჯე და მკერდის არეში ჭრილობა მოვუძებნე. იღლის ახლოს თითებზე თბილი სისხლი წამეცხო... გავმხეცი, გული ბუდიდან ამოვარდნას ლამობდა... ჭრილობა მკლავზე აღმოაჩინდა. ოდნავ დაემშვიდდი.

დაყოვნების დრო არ იყო. ძმა წინახაზიდან გავიყვანე.

მედიცინის დამ მოიბრძინა და პირველი დახმარება აღმოუჩინა...

როცა ძმის ხალათის ჯიბე გავხსენი და საბუთები ამოვიღე, კომკავშირის მანდატსა და სამხედრო ბილეთს შორის ქაღალდში შეხვეული ჩემთვის უცნობი ქალის სურათი აღმოვაჩინე. დავაკვირდი, მიმზიდველი სახე და

წყლიანი თვალები ჰქონდა. მეშინაურა. რაღაც ახლობელი და მშობლიური
დავინახე მე ამ სურათში. გულში სიხარული მომიზღვედა...

სურათის კიდეები სისხლით იყო შეღებილი... მეორე გვერდზე წარწერა
აღვადგიინე: „ჩვენი სიყვარულის საჩუქარი იყოს, მომიგონე და დახედე“.

„ოჰო, ჩემს ძმას გულისვარდი ჰყოლია“, — გავიფიქრე და დაიმედე-
ბული — ძმას მზრუნველობას არ მოაკლებდნენ, ნაღმსატყორცნისაკენ გა-
ვებმართე.

მალე მტრის გამაგრებული წერტი დავიკავეთ.
ირგვლივ თოფის წამლის სუნი იდგა...
ყუმბარებით მოხნული მიწა კვნესოდა...

* * *

იმ დღეს ჩვენ ერთმანეთს სიცოცხლეში პირველად (ისიც ოთხი წლით)
დავშორდით. ამ ხნის განმავლობაში ხანგრძლივი და ცხარე ბრძოლების მო-
ნაწილე გავხდი, მაგრამ პირველმა საბრძოლო ნათლობამ ისეთი მძაფრი და
დაუვიწყარი შთაბეჭდილება მოახდინა, რომ, ასე მეჩვენებოდა, ჩემი ძმა
თითქოს ბრძოლების დამთავრებამდე ერთი წუთითაც არ მომშორებია, გვე-
რდით მედგა იმედად, მამხნევებდა, ვამხნევებდი და ერთად ვებრძოდით
მტერს.

* * *

სამამულო ომის დამთავრების შემდეგ უმადლესი სასწავლებელი და-
ვამთავრე, ცოლი შევირთე და ორივემ მასწავლებლად დავიწყეთ მუშაობა.

ჩემი ძმა ჩემს შემდეგ დაქორწინდა.

მის საცოლეს არ ვიცნობდი: ქორწილზე პირველად ვნახე. ძალიან ნაც-
ნობი სახე ჰქონდა, მაგრამ ვერ მოვიგონე სად და როდის მენახა იგი.

ქორწილის მეორე დღეს სამსახურში მეჩქარებოდა და ადრე ავდექით,
მაგრამ თეოს (ასე ერქვა ჩემს რძალს) მაინც ვერ ავასწარი.

მან ჩვენს ოთახში შემოსვლის ნება ითხოვა. შემოვიდა, სათითოდ გა-
დაგვეხვია, გადაგვკოცნა და საჩუქრები დაგვირიგა.

სიხარულის ყრუანტელმა ფეხის ფრჩხილებამდე დამიარა... გულში სი-
თბო ვიგრძენი... მოხვეული ხელები არ მომიშორებია, მის მიმზიდველ
წყლიან თვალებს ისე ჩავაცქერდი....

თეო მაშინ ვიცანი: მასხოვრობაში აღდგა სისხლიანი სურათი, დაჭრი-
ლი ძმის ხალათის ჯიბეში რომ ვნახე...



ეთარ მუჯირი

განთიადისას

განთიადისას ზღვა მიუყრდება
და თეთრი ქედები ჩანან ლანდებად,
მერე ჰორიზონტიც გაფერმკრთალდება,
მერე თანდათან ზეცაც ლურჯდება.
ხომალდის აფრა თეთრად პრიალებს.
მზე ამოდის და კიდევ ეძნელება,
ზღვაზე თოლიები ჩანან ენძელებად,
ზღვა მინდორია თითქოს ტრიალი...

* * *

მატარებლები წავლენ და მოვლენ, ბოლი ღიმილად შერჩება ბორცვებს, გთხოვე, „დარჩი“ და ვერ დაგიყოლე. წახველ და, რა ვქნა, მაინც დაგლოცე. ჰოდა, დღეები მიჰქრიან სწრაფად, ჰოდა, სისინებს მავთულზე ქარი. შენ გიპოვნია სადგური, ალბათ, სადგურზე დაგხვდა პატარა ქალი...	მატარებლები წავლენ და მოვლენ, ბაქანზე რჩება მაისის თქეში, შენ უკვე სხვაგან დაეძებ ტოლებს. ამ ვარდობის და ღიმილის თვეში. ... ახლა ეაგონებს შეაცვდათ ფარჩა, ... ახლა სარკმლიდან სხვა გამიღიმებს. მხოლოდ მეისრე იგივე დარჩა, მხოლოდ ბაქანი დარჩა იგივე.
---	---



იანეს კამინსკი

კანარის ჩიტი ქალიშვილისათვის

მატარებელმა ჩაუქროლა წაგრძელებულ აგურის სახლს, რომელსაც ბალი ეკრა, და ოთხი პალმის ჩეროში მაგიდები იდგა. აქეთა მხარეს ზღვა გადაშლილიყო. მერე გამოჩნდა ქვისა და თიხის ფერდობები და ზღვის ზედაპირი იშვიათად თუ გამოკრთებოდა შორს, კლდეების მიღმა.

„ის მე პალერმოში ვიყიდე. — თქვა ამერიკელმა ქალმა, — ჩვენ მხოლოდ ერთ საათს დავყავით იქ. კვირადღე იყო. მის პატრონს სურდა დოლარებით გავსწორებოდი; მეც ავიღე და მიგეცი დოლარნახევარი. რომ იცოდეთ, რა მშვენიერად გალობს!“

მატარებელში ძლიერ ცხელოდა. კუბეშიც აუტანელი სიცხე იდგა. ღია ფანჯარა ვერაფერს გვშველოდა. ამერიკელმა ქალმა ფარდა ჩამოუშვა. ახლა უკვე სრულებით აღარ ჩანდა ზღვა, გაკვრითაც აღარ ჩანდა. ჭვირვალი მინის კარს იქით მოჩანდა დერეფანი და ღია ფანჯარა, ფანჯრის იქით — მტვრიანი ხეები, გზატკეცილი და გადაშლილი ზერები, რომელთა უკან რუხი ბორცვები აღმართულიყო.

მარსელს მივუახლოვდით. მაღალი საკვამლე მიწებიდან ბოლქვა-ბოლქვად ამოდიოდა კვამლი. მატარებელმა სვლას უკლო, ლიანდაგების ლაბირინთში რომელიღაც ხაზს დაადგა და ვაგზალში შევიდა. მარსელში მატარებელი ოცდახუთ წუთს გაჩერდა. ამერიკელმა ქალმა იცოდა „დეილი მეილი“ და ნახევარი ბოთლი მინერალური წყალი. მერე ბაქანზე გაიარ-გამოიარა, მაგრამ ერთთავად ვაგონთან ტრიალებდა. თურმე კანში, სადაც თორმეტ წუთს მდგარიყვნენ, მატარებელი ნიშნის მიუცემლად გასულიყო და მას ბეწვზე მოესწრო ვაგონზე შეხტომა. ამ ქალს ცოტადი ყურს აკლდა და ეშინოდა, ვაითუ გასვლის ნიშანი მისცენ და ვერ გავიგონოო.

მატარებელი გამოვიდა მარსელის ვაგზლიდან. ახლა უკვე სამანევრო ხაზებისა და ფაბრიკის კვამლის გარდა გარკვევით მოჩანდა მთელი ქალაქი, მთებით შემოკარული ნავსადგური და ჩამავალი მზის სუსტი სხივებით მოჩითული ზღვა. დაბინდებისას მატარებელმა ჩაუქროლა ახანძრებულ ფერმას მინდორში. გზაზე მსუბუქი ავტომანქანები ჩაემწკრივებინათ. ქვეშაგები და საოჯახო ნივთები გარეთ გამოეტანათ. უამრავ ხალხს მოეყარა თავი სეირის საყურებლად. დამებნელში მატარებელმა ავინიონს მიატანა. მგზავრები გადიოდნენ და შემოდიოდნენ ვაგონში. პარიზს მიმავალმა ფრანგმა კიოსკში ფრანგული გაზეთების

დღევანდელი ნომერი იყიდა. ბაქანზე ზანგი ჯარისკაცები იდგნენ. ხაკისფერი მუნდირები ეცვათ და მალღები იყვნენ. ელექტრონის შუქზე სახეები უბრწყინავდათ. ძალიან შავები იყვნენ და ისე ძალიან მალღები, რომ ფანჯარაში ადვილად იხედებოდნენ. მატარებელმა დატოვა ავინიონის ვაგზალი და ზანგი ჯარისკაცები. მათთან იყო ჩია ტანის თეთრი სერჟანტი.

ჩვენს კუბეში გამცილებელმა სამი საწოლი გამართა და ლოგინი დააგო. ამერიკელ ქალს მთელი ღამე თვალი არ მოუხუტავს, რადგან მატარებელი ჩქარი იყო და საშინელი სისწრაფით მიჰქროდა. მას კი ეშინოდა ღამით ჩქარი სვლისა. იგი ფანჯარასთან იწვა. პალერმოელი კანარის ჩიტი შეფუთვნილი გალით დერეფანში გამოიტანეს, გამჭოლ ქარს რომ მოერიდებინათ. დერეფანში ლურჯი სინათლე ენთო. მატარებელი მთელი ღამე გიჟივით მიჰქროდა და ამერიკელ ქალს ძილი არ ეკარებოდა, რადგან დარწმუნებული იყო უბედურება მოხდებოდა.

ღილით მატარებელი პარიზს მიუახლოვდა. ამერიკელი ქალი საპირფარეშოდან გამოვიდა. თეთრად გატეხილი ღამის მიუხედავად, ძალზე მხნედ გამოიყურებოდა. ეს იყო შუახნის ჩვეულებრივი ამერიკელი ქალი. გალიას სახვევი მოხსნა, მზეზე დაჰკიდა და სასაუზმოდ ვაგონ-რესტორანში გავიდა. როცა კუბეში დაბრუნდა, საწოლები უკვე აელაგებინათ, კანარის ჩიტი ფანჯრიდან ჩამოდვრილ მზის შუქზე ფრთხილდებდა და მატარებელი საცაა პარიზში შევიდოდა.

„მას უყვარს მზე, — თქვა ამერიკელმა ქალმა. — ცოტა კიდევ და ამღერდება“. კანარის ჩიტმა შეიფრთხილა და ფრთების წმენდას მოჰყვა.

„მე ყოველთვის მიყვარდა ფრინველები, — თქვა ამერიკელმა ქალმა, — იგი შინ მიმყავს, ჩემს ქალიშვილს უნდა მივუყვანო. აი, ამღერდა კიდევაც!“ კანარის ჩიტმა ჟღერტული მორთო, ყელზე ბუმბული აეშალა, მერე თავი დახარა და ფრთებში ჩაინისკარტა. მატარებელმა მდინარე გადასერა და ახლად ატეხილ ტყიანზე მიდიოდა. ერთმანეთს ენაცვლებოდნენ პარიზის გარეუბნები. აქაურობა სავსე იყო ტრამვაის ვაგონებითა და კედელზე აკრული უშველებელი რეკლამებით: ბელ ჯარტინიე, დიუბონი და პერნო. რამდენიმე ხანს მე არ ვუსმენდი ამერიკელ ქალს, რომელიც ჩემს ცოლს ელაპარაკებოდა.

„თქვენი მეუღლეც ამერიკელია?“ — ჰკითხა მან.

„დიახ, — უთხრა ჩემმა ცოლმა, — ორივე ამერიკელი ვართ“.

„მე მეგონა ინგლისელები იყავით“.

„ო, არა!“

„იმიტომ ხომ არ გეგონათ, რომ საბეჭურებს ვატარებ?“ — ვუთხარი მე.

მას არ გაუგონია. ყურს თითქმის სულ არ ესმოდა და სხვის აზრს ტუჩების მოძრაობით კითხულობდა. მე კი მისთვის არ შემიხედავს. ფანჯარაში ვიყურებოდი. იგი კვლავ ესაუბრებოდა ჩემს ცოლს.

„მიხარია, რომ ამერიკელები ყოფილხართ. ამერიკელი მამაკაცი ყველაზე კარგი ქმარია მთელ ქვეყანაზე, — ამბობდა ამერიკელი ქალი, — სწორედ ამიტომ მივატოვეთ ევროპა. ვევეში ჩემს ქალიშვილს ერთი კაცი შეუყვარდა, — იგი შეჩერდა. — პირდაპირ გაგიყვებით უყვარდათ ერთმანეთი. — იგი ისევ შეჩერდა. — მე, რასაკვირველია, ჩემი ქალიშვილი წავიყვანე იქიდან“.

„და მან ყველაფერი დაივიწყა?“ — ჰკითხა ჩემმა ცოლმა.

„არა მგონია, — უთხრა ამერიკელმა ქალმა, — იგი სრულებით არაფერს ჭამს, არ ძინავს. რამდენი არ ვეცადე, მაგრამ აღარაფერი აინტერესებს. ყველაფერს გულგრილად უყურებს. მაგრამ, აბა, იმის ნებას ხომ ვერ მივცემდი, რომ უცხოელს ცოლად გაჰყოლოდა! — იგი შეჩერდა. — ერთი ჩემი ახლო მე-

გობარი მეუბნებოდა ოდესღაც, ამერიკელ ქალს უცხოელი კარგ ქმრობას ვერ გაუწევსო“.

„ჰო, — უთხრა ჩემმა ცოლმა, — მეც აგრე ვფიქრობ“.

ამერიკელ ქალს მოეწონა ჩემი ცოლის სამგზავრო პალტო. თურმე ისიც კარგა ოცი წელია თავის ტანსაცმელს იმავე „მეზონ დე კუტურიეს“ უკვეთავდა ხოლმე სენტ-ონორეს ქუჩაზე. იმათ აქვთ მისი ტანის ზომა. იქვეა ნაცნობი ქალიც, რომელმაც ცის მისი გემოვნება, ტანსაცმელს ურჩევს და ამერიკაში უგზავნის. ამანათები ნიუ-იორკის საფოსტო განყოფილებაში მიდის, მისი სახლის გვერდით. იქ ამანათებს ხსნიან, რომ შეაფასონ. ბაჟი დიდი არაა, რადგან კაბები ძალზე უბრალოდ გამოიყურება, ყოველგვარი ოქრომკედისა და მორთულობის გარეშე და ძვირფასი არ გეგონება. ახლანდელი გამყიდველის ტერეზას წინ იქ იყო სხვა გამყიდველი — ამელი. ამ ოცი წლის მანძილზე ისინი მხოლოდ ორნი იყვნენ. გამომჭრელი ყოველთვის ერთი და იგივე რჩებოდა. მაგრამ ესაა, ფასები აიწია. თუმცა ფულის ახლანდელ კურსზე ეს დიდი უბედურება არაა. იმათ მისი ქალიშვილის ზომაც აქვთ. ახლა იგი დიდია და ზომის შეცვლა, ალბათ, არც იქნება საჭირო.

მატარებელი პარიზში შედიოდა. ლიანდაგებზე ბევრი ვაგონი იდგა — ყავისფერი ხის ვაგონ-რესტორანები და საწოლი ვაგონები, რომლებიც ხუთ საათზე იტალიისაკენ დაიძრებიან, თუ მატარებელი ძველებურად ხუთზე გადის. ვაგონებზე ეწერა პარიზი—რომი. აქვე იდგა ვაგონები, რომელთაც საჯდომები სახურავზე ჰქონდათ და რომლებიც ყოველთვის სავსე იყო ხალხით. ეს მატარებელი გარეუბნებს აერთებდა. გზაზე მოჩანდა სახლების თეთრი კედლები და ფანჯრები.

„ამერიკელი ყველაზე კარგი ქმარია მთელ ქვეყანაზე“, — ეუბნებოდა ამერიკელი ქალი ჩემს ცოლს. მე ბარგს ვაწყობდი დაბლა.

„მთელ ქვეყანაზე მარტო ამერიკელი მამაკაცია ცოლად გაყოლის ღირსი“.

„დიდიხანია ვევედან წახვედით?“ — ჰკითხა ჩემმა ცოლმა.

„ამ შემოდგომაზე ორი წელი იქნება. ეს კანარის ჩიტი ახლა მისთვის მიმყავს საჩუქრად“.

„თქვენი ქალიშვილის რჩეული შვეიცარიელი იყო?“

„ჰო, — უპასუხა ამერიკელმა ქალმა, — ვეველი იყო, კარგი ოჯახის შვილი. ინჟინრობა უნდოდა. ისინი ვევეში შეხვდნენ ერთმანეთს. ხშირად სეირნობდნენ ერთად“.

„მე ვიცი ვევე, — თქვა ჩემმა ცოლმა, — ჩვენ იქ გავატარეთ თაფლობის თეე“.

„მართლა? ალბათ, ყველაფერი ეს საუცხოო იყო. მე, ცხადია, აზრადაც არ მომსვლია, თუ მას ის კაცი შეუყვარდებოდა“.

„რა მშვენიერი ადგილია!“ — თქვა ჩემმა ცოლმა.

„ჰო, — თქვა ამერიკელმა ქალმა, — მშვენიერი ადგილია. თქვენ იქ სად ცხოვრობდით?“

„ჩვენ „სამ გვირგვინში“ ვცხოვრობდით“, — უთხრა ჩემმა ცოლმა.

„ჩინებული ძველი სასტუმროა“, — თქვა ამერიკელმა ქალმა.

„ჰო, — თქვა ჩემმა ცოლმა, — ჩვენ ძალიან კარგი ოთახი გვეჭირა, და შემოდგომაზე იქაურობას ხომ არაფერი სჯობს.“

„თქვენ იქ შემოდგომაზე იყავით?“

„ღიახ“, — უთხრა ჩემმა ცოლმა.

ფანჯრიდან გამოჩნდა სამი დამსხვრეული ვაგონი. სახურავები და კედლები შეჭეპყილი ჰქონდათ.

„შეხედეთ, — ეთქვი მე, — კატასტროფა მომხდარა“.

ამერიკელმა ქალმა გაიხედა და დაინახა ბოლო ვაგონი.

„სწორედ ამის მეშინოდა მთელი ღამე, — თქვა მან. — ხანდახან საშინელი წინათგრძნობა შემიპყრობს ხოლმე. ჩქარ მატარებელში ღამით ჩემს სიცოცხლეში აღარ ჩავჯდები. განა ცოტაა სხვა მატარებელი, რომელიც უფრო მოსახერხებელიცაა და ასე გიყივით არ დადის“.

ამასობაში მატარებელი ლიონის ვაგზალში შევიდა და გაჩერდა. მეზარგულები ფანჯრებს მოაწყდნენ. ბარგი ფანჯრიდან გადავაწოდე და გრძელ ჩაბნელებულ ბაქანზე გადმოვედით. ამერიკელმა ქალმა თავისი თავი კუკის სამი აგენტიდან ერთ-ერთს ჩააბარა, რომელმაც უთხრა:

„ამ წუთში, ქალბატონო, თქვენს გვარს მოვნახავ სიაში“.

მეზარგულემ ურიკა მოაყენა და ბარგი ზედ დააწყო. მე და ჩემი ცოლი გამოვემშვიდობეთ ამერიკელ ქალს, რომლის გვარი უკვე იპოვა კუკის აგენტმა, და სია ჯიბეში ჩაიღო.

ჩვენ მეზარგულეს გავყევით უკან მატარებლის გასწვრივ ბაქანზე. ბაქნის ბოლოს კარები იყო, სადაც ბილეთები ჩავაბარეთ.

ჩვენ ვბრუნდებოდით პარიზს, რათა ერთმანეთს გავშორებოდით და ამიერიდან ცალ-ცალკე დაგვეწყო ცხოვრება.

ინგლისურიდან თარგმნა მიოკოჩი მაჭუტაძემ.



ზაბილო ატიდაყვა

3. ი. ლენინი საქართველოს შესახებ

უმაგალითო პოლიტიკური და შრომითი აღმავლობის ვითარებაში აღნიშნავენ საქართველოს მშრომლები საქართველოში საბჭოთა ხელისუფლების დამყარების ორმოცი წლისთავს. თავიანთი დიდი სამშობლოს — სსრ კავშირის ყველა მშრომელთან ერთად, ისინი უდიდესი ენთუზიაზმით აშენებენ ახალ, კომუნისტურ საზოგადოებას და სამართლიანად ამყობენ საბურთალოს-კულტურულ მშენებლობაში მოპოვებული გრანდიოზული წარმატებებით, რომლებიც განუყრელად არიან დაკავშირებული მსოფლიოში პირველი სოციალისტური სახელმწიფოსა და ჩვენი სახელოვანი კომუნისტური პარტიის გენიალური შემქმნელის, მთელი მოწინავე და პროგრესული კაცობრიობის დიდი ბელადის ვ. ი. ლენინის სახელთან.

ჯერ კიდევ საქართველოში საბჭოთა ხელისუფლების დამყარებამდე ვ. ი. ლენინი უდიდეს ყურადღებას უთმობდა საქართველოსა და მთელი ამიერკავკასიის მშრომელთა რევოლუციურ ბრძოლას და სწორი, მარქსისტული გზით წარმართავდა მას. ქართველი რევოლუციონერები ყოველთვის განუხრელად ახორციელებდნენ დიდი ლენინის მითითებებს, რჩევადარიებებს და ხელმძღვანელობდნენ მისი მეცნიერული შრომებით, როცა საქართველოს მშრომლებს რაზმადნენ მარქსისტულ-ლენინური დროშის ქვეშ. თავის ცნობილ წიგნში „ვ. ი. ლენინი და საქართველოს ბოლშევიკური ორგანიზაციები“ ვ. ესაიაშვილი ამის თაობაზე სამართლიანად წერს: „1897-1898 წლებში სოციალ-დემოკრატი მუშები და ინტელიგენცია გატაცებით სწავლობდნენ ვ. ი. ლენინის ნაშრომებს და ეწეოდნენ მათ პროპაგანდას პრესის საშუალებით...“ ვ. ი. ლენინის ნაშრომების გავრცელებით „საქართველოში დაიწყო ახალი ეტაპი მარქსიზმის პროპაგანდაში და საერთოდ საქართველოს რევოლუციური სოციალ-დემო-

კრატული ორგანიზაციების მთელ იდეურ მოღვაწეობაში“ (გვ. 51-52).

თვალისწინებდა რა საქართველოსა და ამიერკავკასიის მშრომელთა ეროვნული შემადგენლობის ნაირფერობას, ვ. ი. ლენინი განსაკუთრებით ზრუნავდა მათი აღზრდისათვის პროლეტარული ინტერნაციონალიზმის სულისკვეთებით. ერთი მხრივ, იგი მკაცრად აკრიტიკებდა ქართველი მენშევიკების ნაციონალისტურ მიწრაფებებს, სოლო მეროე მხრივ, ყოველნაირად ხელს უწყობდა და უპარტესად მაღალ შეფასებას აძლევდა საქართველოსა და ამიერკავკასიის ბოლშევიკების ფრიად ნაყოფიერ მუშაობას, რასაც ისინი ეწეოდნენ სხვადასხვა ეროვნებათა მშრომლებს შორის ძმური სოლიდარობისა და ინტერნაციონალური ერთიანობის შესაქმნელად და განსამტკიცებლად. ასე, მაგალითად, 1913 წლის თებერვლის მეორე ნახევარში ვ. ი. ლენინი მაქსიმ გორკის წერდა: „ჩვენში და კავკასიაში ს.-დ. ქართველები + სომხები + თათრები + რუსები ათ წელი-

1 ასე, მაგალითად, სტატიაში „კიდევ სასკოლო საქმის დაყოფის შესახებ ეროვნებათა მიხედვით“ ვ. ი. ლენინმა მკაცრად გააკრიტიკა ქართველ მენშევიკთა მამამთავარი ნ. ყორდანი, რომელიც ამღვრევდა წყალს და სწამლავდა ამიერკავკასიის მშრომლებს ბურჟუაზიული ნაციონალიზმის შხამით: „ბ-ნ ანის (ვ. ი. ნოე ყორდანის—ზ. ა.) ასეთი ხერხი შეიძლება მხოლოდ სასაცილოდ ავიგდოთ, რადგან ყველამ იცის, რომ პრავდისტები იცავენ ენათა უპარტესად სრულ თანასწორუფლებიანობას... ბ-ნ ანს უილაჯო მრისხანების გამო თავგზა ებნევა...“ და იქვე დასძენს, თუ „ბ-ნ ანს როგორ აშორებს ლიკვიდატორობა სოციალიზმს და აახლოებს ნაციონალიზმს“ (ვ. ი. ლენინი, თხზ., ტ. 19, გვ. 659-660).

წაღზე მეტ ხანს მუშაობდნენ ერთად ერთიან ს.-დ ორგანიზაციაში. ეს ფრაზა არ არის, არამედ ეროვნული საკითხის პროლეტარული გადაწყვეტა. ერთადერთი გადაწყვეტა“ (თხზ., ტ. 35, გვ. 76).

ვ. ი. ლენინი მხურვალედ მიესალმა საქართველოში საბჭოთა ხელისუფლების დამყარებას და თავის საბოლოო სიტყვაში პროფკავშირთა სრულიად რუსეთის ცენტრალური საბჭოს კომუნისტური ფრაქციის სხდომაზე დიდი კმაყოფილებით აღნიშნა, რომ ახლა საქართველო საბჭოთა ქვეყანა გახდაო. მანვე პირველმა დასახა ახლად შექმნილი საბჭოთა რესპუბლიკის თავდაცვისუნარიანობის განმტკიცებისა და სოციალისტური მშენებლობის ამოცანები, მათი განხორციელების გზები და საშუალებანი. ეკრძოდ, საქართველოს ეკონომიური აღორძინების ერთ-ერთ აუცილებელ პირობად ვ. ი. ლენინს მიაჩნდა ამიერკავკასიის სამივე საბჭოთა რესპუბლიკის — საქართველოს, აზერბაიჯანისა და სომხეთის ერთიანი სამეურნეო ორგანოს შექმნა. „დაბეჯითებით მოვითხოვ შექმნათ საოლქო სამეურნეო ორგანო მთელი ამიერკავკასიისათვის“, წერდა იგი (თხზ., ტ. 35, გვ. 510).

1921 წლის 14 აპრილს ვ. ი. ლენინი კავკასიის კომუნისტებისათვის გამოგზავნილ წერილში მიუთითებს კავკასიის რესპუბლიკების მკიდრო კავშირის პოლიტიკურ მნიშვნელობაზეც, იმაზე, რომ ეს კავშირი შექმნის ეროვნული მშვიდობიანობის ნიშნულს: „ნებას ვაძლევ თავს გამოეთქვა იმედი, რომ მათი მკიდრო კავშირი შექმნის ბურჟუაზიის დროს არნახული და ბურჟუაზიულ წყობილებაში შეუძლებელი ეროვნული მშვიდობიანობის ნიშნულს“ (თხზ., ტ. 32, გვ. 397). „მშრომელი მასა ჩვენს მხარეზეა. — წერდა ის. — ამაშია ჩვენი ძალა. ამაშია წყარო მსოფლიო კომუნისმის უძლეველობისა“ (თხზ., ტ. 30, გვ. 60).

ვ. ი. ლენინს აუცილებლად მიაჩნდა და ქართველ კომუნისტებს დაბეჯითებით ურჩევდა ფართოდ გამოეყენებინათ რუსი კომუნისტების დიდი და ძვირფასი გამოცდილება, მაგრამ გამოეყენებინათ შემოქმედებითად, ადგილობრივი პირობების გათვალისწინებით. „ბრძალ კი არ უნდა გადაიღოთ ჩვენი ტაქტიკა, — წერდა ის. — არამედ დამოუკიდებლად უნდა გაიაზროთ მისი თავისებურების მიზეზები, მისი პირობები და შედეგები, ადგილობრივ უნდა გამოიყენოთ 1917-1921 წლების გამოცდილების არა ანბან-სიტყვა, არამედ სული, აზრი, ვაკეიდლები“ (თხზ., ტ. 32, გვ. 399). საქართველოს კომუნისტური პარტიის დროებითი ცენტრალური კომიტეტი, რომელიც 1920 წლის მაისში შეიქმნა, განუხრებლად ახორციელებდა ვ. ი. ლენინის ამ ფრიად დიდმნიშვნელოვან მითითებას. ჩვენთვის გასუთხვა საჭირო არ არის, მაგრამ ჩვენთვის საჭიროა ფაქტების ცოდნა, მეხსიერების განვითარება... „შეცდომის აშკარა აღიარება, მი-

სი მიზეზების გამორკვევა, მისი გამომწვევი ვითარების ანალიზი, შეცდომის გასწორების საშუალებათა ყურადღებით განხილვა — აი ეს არის სერიოზული პარტიის ნიშანი, აი ეს არის მის მიერ თავის მოვალეობათა შესრულება, აი ეს არის კლასის, ხოლო შემდეგ აგრეთვე მასის ზრდა და სწავლება“ (თხზ., ტ. 31, გვ. 52). ამიტომ ვ. ი. ლენინი დარწმუნებით წერდა, რომ საზოგადოების სოციალისტური გარდაქმნა არ შეიძლება განხორციელდეს, თუ მშრომელი მასები მთლიანად არ იქნებიან ჩაბმულნი ახალი ცხოვრების ნაყოფიერ მშენებლობაში. „რაც უფრო დიდია გაქანება, რაც უფრო დიდია ისტორიულ მოქმედებათა მოცულობა, მით უფრო მეტია იმ ადამიანთა რაოდენობა, რომლებიც ამ მოქმედებაში მონაწილეობენ, და, პირიქით, რაც უფრო ღრმაა გარდაქმნა, რომლის მოხდენა ჩვენ ვგსურს, მით უფრო უნდა გავაძლიეროთ მისდამი ინტერესი და შეგნებული დამოკიდებულება, დავარწმუნოთ ამ აუცილებლობაში ახალ-ახალი მილიონები და ათეული მილიონები. საბოლოო ანგარიშით ჩვენმა რევოლუციამ იმითმე მოიტევა შორს ყველა დანარჩენი რევოლუცია, რომ მან საბჭოთა ხელისუფლების მეშვეობით სახელმწიფო მშენებლობაში აქტიური მონაწილეობისათვის ამომარავე იმ ადამიანთა ათეული მილიონები, რომლებიც წინათ დაინტერესებული არ იყვნენ ამ მშენებლობით“ (თხზ., ტ. 31, გვ. 612).

სტატიაში „ოქტომბრის რევოლუციის ოთხი წლისთავისათვის“ ვ. ი. ლენინმა ხაზგასმით აღნიშნა, რომ პარტია სოციალიზმისა და კომუნისმის აშენების მთელი პერიოდის განმავლობაში უნდა ითვალისწინებდეს პირადი დაინტერესების პრინციპს. ლენინი გვასწავლიდა, რომ კომუნისმზე გადასვლის მრავალი წლის პერიოდში უნდა ვაშენოთ „არა უშუალოდ ენთუზიანობაზე დაყრდნობით, არამედ დიდი რევოლუციის მიერ წარმოშობილი ენთუზიანობის დახმარებით, პირად ინტერესზე, პირად დაინტერესებაზე, სამეურნეო ანგარიშობაზე დაყრდნობით... სხვანაირად თქვენ ვერ მიხვალთ კომუნისმთან, სხვანაირად თქვენ ვერ მიიყვანთ კომუნისმთან მრავალ ათეულ მილიონ ადამიანს“ (თხზ., ტ. 33, გვ. 46-47).

სახალხო-სამეურნეო ამოცანების განხორციელებასთან ერთად ვ. ი. ლენინი ქართველი კომუნისტებისაგან მოითხოვდა სოციალისტური რევოლუციის მონაპოვრის მტკიცე და საიმედო დამცველის შექმნას. „2-3 ათასი წითელი კურსანტი, აქედან ათას ხუთასი კომუნისტი, რომ ამ კურსანტებს (როგორც კადრებს) შეეძლოთ არმიად გაშლა, როცა ეს საჭირო გახდებოდა. — ეს აბსოლუტურად აუცილებელია“ (თხზ., ტ. 33, გვ. 226). დიდი ბელადის ამ ბრძნული მითითებით საქართველოში ჯერ დაარსდა სამხედრო-პოლიტიკური სკოლა, ხოლო შემდეგ შეიქმნა ქართველ კურსანტთა შეერთებული სკო-



ლა და ჩამოყალიბდა ქართული დივიზია, რომელმაც უდიდესი როლი შეასრულა ქართველი მუშებისა და გლეხების რევოლუციური მონაპოვრის დაცვის საქმეში.

ვ. ი. ლენინს საქართველოს კომუნისტების უპირველეს საბრძოლო ამოცანად მიაჩნდა ქარგად შეესწავლა და შეეთვისებინათ ახალი ეკონომიური პოლიტიკის არსი, ფართოდ განემატათ იგი მასებისათვის, პირველ რიგში თვით კომუნისტებისათვის. მართალია, საქართველოს არ გაუვლია სამხედრო კომუნიზმის ხანა და, მაშასადამე, მისთვის უცხო იყო სასურსათო გაწერის პოლიტიკა, მაგრამ ვ. ი. ლენინი სერგო ორჯონიკიძეს მაინც აფრთხილებდა: „თქვენ და ქართველმა ამხანაგებმა შეითვლიეთ თუ არა მნიშვნელობა ჩვენი ახალი პოლიტიკისა სასურსათო გადასახადთან დაკავშირებით? წაუკითხეთ ეს მათ და უფრო ხშირად მიგზავნეთ ცნობები“ (თხზ., ტ. 35, გვ. 510).

ვ. ი. ლენინი დაუცხრომლად ზრუნავდა საქართველოს მდინარეების გამოყენებისა და ზაქსის მშენებლობისა და დაფინანსებისათვის, ქობების ამოშრობისა და სარწყავი არხების მშენებლობისათვის და ა. შ. „მორწყვა ყველაზე მეტად საჭიროა და ყველაზე უფრო გარდაქმნის მხარეს, ააღორძინებს მას, დასამარებს წარსულს, განამტკიცებს სოციალიზმზე გადასვლას“ (თხზ., ტ. 32, გვ. 399-400).

ამიერკავკასიის გაფართოებულ პარტიულ თათბირზე ს. ორჯონიკიძემ 1926 წელს განაცხადა: „საიერკავკასიო სამუშაოთა დარგში, მიყვებოდით არა ანხ. ლენინისაგან მიღებულ დირექტივას..., ჩვენ არა მარტო აღვადგინეთ ძველი, მიტოვებული სარწყავი სისტემის ქსელი, არამედ ავაშენეთ და შენდებამ მთელი რიგი ახალი არხები, რომლებიც ადიდებენ გამოსადეგ მიწების ფართობს“ (ვ. ესაიაშვილი, დასახელებული წიგნი, გვ. 355).

ვ. ი. ლენინი შეუწელებელი ყურადღებით აღევნებდა თვალ-ყურს უცხოელ კაპიტალისტებთან საქართველოს მთავრობის მოლაპარაკებას, სახელმწიფოებო პირობების აღდგას და აფრთხილებდა საქართველოს ხელმძღვანელ კომუნისტებს, რათა არ დაედოთ ხელშეკრულება რაიმე არახელსაყრელ პირობებში. იცოდა რა ამ მხრივ გადადგმული ყოველი ნაბიჯი, იგი ნამდვილ მამობრივ მზრუნველობას იჩენდა საქართველოს მშრომელებისათვის. პარტიის X ყრილობაზე წარმოთქმულ სიტყვაში ვ. ი. ლენინი ყრილობის დღეგატებს მიმართავდა: „წაიკითხეთ თუ არა გაზეთში, რომ იხსნება ბაქო-თბილისის ნავთსადენი? თქვენ მალე წაიკითხავთ, რომ ასეთივე ნავთსადენი გაყვანილია ბათუმამდე. ეს გზას გაგვიხსნის მსოფლიო ბაზრისაკენ. საქმე ის არის, რომ გავაუმჯობესოთ ჩვენი ეკონომიური მდგომარეობა, გავაძლიეროთ ჩვენი რესპუბლიკის ტექნიკური მოწყობილობა, გავაძლიეროთ პროდუქტების რაოდენო-

ბა, სურსათისა და მოხმარების საგნების დენობა ჩვენი მუშებისათვის“ (თხზ., ტ. 32, გვ. 329). ეხებოდა რა ბაქოს ნავთის წარმოების გაუმჯობესების ღონისძიებებს, განიხილავდა რა ბაქოდან ნავთის გამოზიდვის საკითხს, ვ. ი. ლენინს საჭიროდ მიაჩნდა აზერბაიჯანისა და საქართველოს სამეურნეო ღონისძიებათა გაერთიანება.

და მართლაც, ვ. ი. ლენინის მითითებათა საფუძველზე, როგორც ცნობილია, ამიერკავკასიის კომუნისტურმა ორგანიზაციებმა სამხარეო კომიტეტის ხელმძღვანელობით ფართო პროპაგანდისტულ-სააგიტაციო და ორგანიზატორული მუშაობა გააჩაღეს და უკვე 1921 წლის აპრილში გადაიდგა პირველი ნაბიჯი სამეურნეო გაერთიანებათა გზაზე. საქართველოს, აზერბაიჯანისა და სომხეთს შორის დაიდო ხელშეკრულება რკინიგზების გაერთიანების შესახებ. ამიტომ იყო, რომ ს. ორჯონიკიძემ კმაყოფილებით აღნიშნა: „კედელი ვარღვევლია. ამიერკავკასიის რკინიგზების გაერთიანება მომხდარი ფაქტია. ეს არის პირველი ნაბიჯი კავკასიის ეკონომიური გაერთიანების გზაზე“ (თხზ., ტ. 1, გვ. 232).

გაითვალისწინებს რა ეს გარემოება, საქართველოს კომუნისტებმა გააჩაღეს ბრძოლა საქართველოსა და ამიერკავკასიის ხალხთა ერთიან ძმურ ოჯახში გაერთიანებისათვის, რამაც უზრუნველყო არა მარტო ამ რესპუბლიკების ეკონომიური აღორძინება, არამედ ამასთან ერთად ბურჟუაზიული ნაციონალიზმის ელემენტების აღმოფხვრაც და კავკასიის ხალხთა ძმობისა და მეგობრობის სრული განმტკიცება.

1922 წლის გაზაფხულზე (1 მარტს) შეიკრიბა საქართველოს, აზერბაიჯანისა და სომხეთის სრულუფლებიან წარმომადგენელთა კონფერენცია. დადებულ იქნა სამოკავშირეო ხელშეკრულება და გამოცხადდა ამიერკავკასიის საბჭოთა სოციალისტური რესპუბლიკების ფედერაციული კავშირის შექმნა. ამიერკავკასიის რესპუბლიკების ურთიერთობამ თავისი განვითარებაში შესანიშნავი გზა განვლო. ჯერ კიდევ მანამ, ვიდრე სსრ კავშირი შეიქმნებოდა, ამიერკავკასიის რესპუბლიკებმა დაამყარეს კავშირი რუსეთის სფს რესპუბლიკასთან.

როგორც ცნობილია, ამ პერიოდში, ი. ბ. სტალინმა შეიმუშავა საბჭოთა რესპუბლიკების გაერთიანების პროექტი, რომელსაც ეწოდებოდა „თეზისები ავტონომიზაციის შესახებ“. მაგრამ ვ. ი. ლენინმა მიუღებლად ჩასთვალა ეს თეზისები და წამოაყენა თავისი წინადადება, რომლის მიხედვით საბჭოთა რესპუბლიკები უნდა შესულიყვნენ არა უკვე არსებულ რუსეთის სფს რესპუბლიკის შემადგენლობაში, არამედ ყველა საბჭოთა რესპუბლიკის თანასწორუფლებიანობის საფუძველზე შეექმნათ სრულიად ახალი სახელმწიფოებრივი გაერთიანება — საბჭოთა სოციალისტური რესპუბლიკების კავშირი. ი. ბ. სტალინმა უსიტყვოდ მიიღო ვ. ი. ლენინის

ეს წინადადება. ვ. ი. ლენინი კონკრეტულად აყენებდა საკითხს ყველა პარტიული ორგანიზაციის წინაშე, რათა საბჭოთა კავშირის სახელმწიფო ორგანოები ისეთნაირად აგებულყო, რომ საეხებით დაცევით მოკავშირე რესპუბლიკების სუვერენიტეტი და გასაქანა არ მისცემოდა ველიკორუსულ შოვინიზმს.

ამიერკავკასიის საბჭოების პირველმა ყრილობამ 1922 წლის 13 დეკემბერს თავის რეზოლუციაში ჩაწერა, რომ სოციალისტური რესპუბლიკების კავშირი უნდა შექმნან შემდეგმა რესპუბლიკებმა: რსფსრ, უკრაინამ, ბელორუსიამ და ამიერკავკასიის ფედერაციამ (საქართველო, სომხეთი, აზერბაიჯანი). ეს იყო სრული საბჭოთა ფედერაციის ნიმუში, რომელიც განსხვავდებოდა რუსეთის საბჭოთა ფედერაციული სოციალისტური რესპუბლიკისაგან, რადგანაც აქ ფედერაცია აგებული იყო არა ავტონომიის საფუძველზე, არამედ ყველა თანასწორუფლებიანი, დამოუკიდებელი რესპუბლიკის კავშირის საფუძველზე, მასში შემავალი თითოეული რესპუბლიკის სუვერენიტეტის დაცვით.

ჩვენი ქვეყნის შემდგომი პოლიტიკური და სამეურნეო განვითარებისა და განმტკიცების მიზნით, პარტიამ და საბჭოთა მთავრობამ ამ ბოლო დროს მთელი რიგი ახალი ღონისძიებანი განახორციელეს მოკავშირე რესპუბლიკების უფლებათა გაფართოებისათვის, რის შედეგადაც კიდევ უფრო ამაღლდა მასების პოლიტიკური და შრომითი ინიციატივა და თვითმოქმედება, გაუმჯობესდა სამეურნეო-კულტურული მშენებლობისადმი ხელმძღვანელობა, კიდევ უფრო გაფართოვდა მოკავშირე რესპუბლიკების სუვერენული უფლებები და განმტკიცდა მათი ძმობა და მეგობრობა.

ახლა სსრ კავშირში არ არის ისეთი რესპუბლიკა, რომელსაც არ ჰქონდეს არა მარტო ფართოდ განვითარებული სახალხო მეურნეობა, არამედ ფრად მაღალი კულტურაც. ყველა რესპუბლიკაში შექმნილია საკუთარი საკვლეო-სამეცნიერო ინსტიტუტები, საშუალო, ტექნიკური და უმაღლესი სასწავლებლების ფართო ქსელი, მეცნიერებათა აკადემიები და სპეციალისტთა ისეთი კადრები ჰყავს, რომ თითოეულ მათგანს შეუძლია ამერიკის შეერთებული შტატების ოდენა ქვეყანა თვითონ დააკომპლექტოს საკუთარი კადრებით. ყველაფერი ეს შესაძლებელი გახდა იმის მეოხებით, რომ საბჭოთა კავშირის კომუნისტური პარტია განუხრელად ასრულებს ლენინურ ეროვნულ პოლიტიკას, რომ ყველა მოკავშირე რესპუბლიკა თავისუფალია და ნამდვილად დამოუკიდებელი.

ამჟამად მთელი ქართველი ხალხი, სსრ კავშირის ყველა მშრომელთან ერთად, ენერგიულად იბრძვის პარტიის XXI ყრილობის მიერ მეცნიერულად დასაბუთებული საბრძოლო პროგრამის განხორციელებისათვის, თავდადებით იბრძვის შვიდწლიანი გეგმის შესრულებისათვის, რათა ახალი წარმატებებით შეზედეს თავის დიდ ეროვნულ დღესასწაულს — საქართველოში საბჭოთა ხელისუფლების დამყარების ორმოცი წლისთავს და სკკპ მორიგ XXII ყრილობას.

ჩვენი სოციალისტური ქვეყანა თავისი ძალების გაფურჩქვნის ხანაში იმყოფება. ლენინიზმის დროში, კომუნისტური პარტიის ბრძნული ხელმძღვანელობით საბჭოთა ადამიანები ძლევენ ყველა დაბრკოლებას და მტკიცე რწმენით მიდიან წინ, კომუნიზმის ნათელი მწვერვალები-საკენ.



ნალი ღუმბაქა

„არსენა მერაბილის“ ზოგიათი მხაზველი ხეხი

მხატვრული ნაწარმოების სპეციფიკა, როგორც ცნობილია, სახეებით აზროვნებაა. ნაწარმოები მხატვრულია მაშინ, როცა მწერალი იღებს გადმოგვცემს არა სილოგიზმებით, არამედ მხატვრული სახეების მეშვეობით. რამდენადაც მწერალი უკეთ შეძლებს იღეს წარმოგვიდგინოს ცოცხალი ადამიანების ყოველდღიური საქმიანობაში, ისე რომ არ ახდენდეს გარედან შეტანილის შთაბეჭდილებას, იმდენად უფრო მხატვრულია ნაწარმოები. პერსონაჟის ხასიათი უპირველეს ყოვლისა უნდა ჩანდეს მოქმედებაში და არა მარტო მის მიერ წარმოთქმულ „არგუმენტურ სიტყვაში“.

მაშასადამე, კარგი მხატვრული ნაწარმოები რომ შეიქმნას, ამისათვის არ კმარა მარტო ცხოვრების ცოდნა. ამასთან ერთად მწერალს უნდა შეეძლოს იღეს მხატვრული განსხვავლება, მისი მხატვრულად გადმოცემა. მიხეილ ჯავახიშვილის ცნობილი რომანის „არსენა მარაბდელის“ უდიდესი ღირსებაც სწორედ ის არის, რომ მწერალი თავის იდეებს მშრალად, პუბლიცისტური გზით კი არ გადმოგვცემს, არამედ გვაჩვენებს პერსონაჟთა მოქმედებაში, მათს ყოველდღიურ საქმიანობაში და ცხოვრების თითქმის ყველა მხარეს, მთელ ეპოქას რევალისტურად და დიდი დამაჯერებლობით წარმოგვისახავს.

ქართულ სალიტერატურო კრიტიკაში უკვე დიდი ხანია მიხეილ ჯავახიშვილი მიჩნეულია ფაბულის, სიუჟეტის გაშლა-განვითარების და საერთოდ კომპოზიციის დიდოსტატად, რომელიც ადვილად ახერხებს დაიპყროს და გაიტაცოს მკითხველი.

სამართლიანად წერს ამის შესახებ კრიტიკოსი ტარიელ კვანცილაშვილი: „მიხეილ ჯავა-

ხიშვილი თხრობის ოსტატი. მისი წაქიფება ყოველთვის მიმზიდველია...“

ეს შედეგი მიღწეულია მწერლის თავისებური ხერხებით, რომელსაც იგი ხატვისა და ჩვენების დროს იყენებს.

- აი, ეს ხერხები:
1. მწერლის თხრობა,
 2. პერსონაჟის მოქმედება,
 3. პერსონაჟის თვალთ დანახულის გადმოცემა,
 4. პერსონაჟის მიერ ნაფიქრალის გადმოცემა,
 5. დიალოგები პერსონაჟთა შორის“.

ხუთივე ამ ხერხს მწერალი ერთმანეთის მოწინააღმდეგეობით იყენებს და ნაწარმოების აგებულებაში ნაირფეროვანი და საინტერესოა.

განსაკუთრებით ოსტატურად არჩევს და იყენებს მწერალი მხატვრულ დეტალს, რომელსაც ყოველთვის აკისრებს ერთ ამოცანას — მისი მეშვეობით გახსნას პერსონაჟის ხასიათი, გვიჩვენოს ხასიათის ესა თუ ის ნიშან-თვისება. ამ მხრივ უპირველეს ყოვლისა ყურადღებას იპყრობს პაპა მახარას მიერ არსენას ნებისყოფის გამოცდის ეპიზოდი. მწერალი აქ შემდეგ მხატვრულ დეტალს იყენებს:

„გაჯობილი მარაბდელეები საჭინბოში შეყარეს. დაპატიმრებულია არსენაც. გაჯობილები ბოლმას ანთხვევენ, ბატონყმობის დანგრევით იმუქრებიან. მახარამ სცადა დაემშვიდებინა ისინი, უქადაგა მოთმინება, ურჩია, სისხლს ნუ დაღვრიოთ, მაგრამ მანც თავისას გაიძახოდნენ: „— დაღვრიოთ!.. გადაუხდით! არ შევარჩინეთ!““

და, აი, პაპა მახარას სურს თვითონ დარწმუნდეს მებრძოლთა ნებისყოფასა და ჭირთამტანობაში:

1 ტარიელ კვანცილაშვილი, „ლიტერატურული წერილები“, გვ. 58, 1959 წ.

„მხარა ისევ ტახტზე ჩამოვდა, ქისა და ჩიბუხი ამოიღო და არსენას აპხედა. მარაბდელი მიუხედა და მასას დაუწყო ძებნა, მაგრამ ვერ იპოვა. მისი პაპა კი უცნაურად ილიმებოდა, სდუმდა და თითქოს სხვა რაღაცას ელოდებოდა. არსენამ ხელით აიტაცა ნაკვერცხალი, მხარა კი კვლავ ილიმებოდა და ქისის ძირში ნელი-ნელ აფათურებდა თითებს. მარაბდელი ნაკვერცხალს ჯერ ხელის გულზე ატრიალებდა, მერე ორ თითში გაჩერდა, კრიჭა შეიკრა და გახევედა. პაპა არა ჩქარობდა, თითქოს არსენას არ ამჩნევდა, ნამდვილად კი ყველაფერს ხედავდა და ილიმებოდა. ყველანი გაჩუმებული იყვნენ და არსენას მისჩერებოდნენ. ისინიც მიხვდნენ, რომ პაპა მხარა თავის შვილიშვილს სასტიკი და უღმობელი ფანდით სცილიდა. მათ ეგონათ, უკვე ერთი საათი გავიდა და ცეცხლი არსენას ძვალზე დავიდა. მწუხარებამ სული შეუგუბა მათ, მაგრამ ჯერ მაინც ითმენდნენ და გამოცდის დასასრულს ელოდებოდნენ. მხარაც ვადის მოწვევას ელოდებოდა. არსენას კი თითებზე შინი ასდიოდა. როცა პაერში დამწვარი ხორცის სუნი დატრიალდა, პაპამ ამაყი ღიმილით აპხედა თავის ჩამომავალს და ჩიბუხი გაუწოდა. მარაბდელმა ნაკვერცხალი დაუღო, დიწკად შეუსწორა და ისევ ბუხარს მიეყუდა.“

ამ მრავალმხრივ საინტერესო დეტალში უშუალოდ, პირდაპირებით და გამბედაობით გვხიბლავს როგორც პაპა მხარას საგამოცდო გაკვეთილი, ისე არსენას მტკიცე ნებისყოფა და გმირული სული. ამავე დროს მისი მეშვეობით მწერალმა ხაზი გაუსვა მშრომელი გლეხობის გადაწყვეტილების ურყევობას და ჯანსაღ სულიერ სამყაროს.

ბრწყინვალედ იყენებს მიხეილ ჯავახიშვილი დეტალს ექსპლოატატორთა სილაჩრისა და სულიერი სიღატაკის ნათელსაყოფადაც. გავიხსენოთ თუნდაც ის ეპიზოდი, როცა მაიორ არლოვს ნაღობზე მხარს მკურნალობდა დასტაქარი ზაქრო ბაჯიაშვილი. არლოვმა ტკივილი ვერ მოითმინა და მკურნალს დამბაჩით მოკვლა დაუპირა. ამის შესახებ რომანში ვკითხულობთ:

„მუხათიდან მოყვანილმა დოსტაქარმა ზაქრო ბაჯიაშვილმა მაიორს მკლავი გაუსინჯა და ოღონე მოსწია. ბასილა ისე აბდავლდა, რომ მისი ხმა ალგეთის ნაპირზედაც კი გააგეს. შემდეგ დამბაჩა იძრო და ფერწახულ ექიმს დაუმოხნა: — მოგვლავ! გესვრი, შენი... — და ხუთსართულიანი რუსული საცხონებელი მიაცოლა“.

ორივე ამ დეტალს შეპირისპირება ნათლად გვარწმუნებს, რომ მწერალი შესანიშნავად იცნობს ცხოვრებას, ადამიანთა ფსიქოლოგიას და უნარი შესწევს დეტალის მეშვეობით გახსნას ხასიათი, ხაზი გაუსვას მის ამა თუ იმ ძირითად ნიშან-თვისებას.

„არსენა მარაბდელში“ ბევრი პერსონაჟია. რა თქმა უნდა, პერსონაჟთა სიმრავლე თავისთავად არაფერს მატებს მხატვრულ ნაწარმოებს,

მაგრამ საგულისხმო ის არის, რომ ოცდაათზე მეტი პერსონაჟი, რომლებიც რომანში მოქმედებენ, მწერალმა გვიჩვენა ზრდასა და განვითარებაში. ისინიც კი, რომლებიც მეორეხარისხოვანია და სულ რამდენჯერმე გამოჩნდებიან, დაუვიწყარ შთაბეჭდილებას ტოვებენ მკითხველზე. ყველა მათგანს რომანში საკუთარი ადგილი აქვს და გარკვეულ როლს ასრულებს როგორც სიუჟეტის განვითარებაში, ისე რომანის იდეურ გადაწყვეტაში.

მხატვრული ლიტერატურის ვრცელი ისტორია მოწმობს, რომ ნაწარმოებში პერსონაჟის შემოყვანის რამდენიმე ხერხი არსებობს. ზოგი მწერალი პერსონაჟის პორტრეტის აღწერით იწყებს მის შემოყვანას ნაწარმოებში, ზოგი თავდადასავლის თხრობით, ზოგიც კიდევ პერსონაჟს მოქმედებაში გვიჩვენებს.

მ. ჯავახიშვილი უმთავრესად მიმართავს პერსონაჟის მოქმედებაში ჩვენებით შემოყვანის ხერხს. ამის ნათელსაყოფად საკმარისია დავასახელოთ რომანის დასაწყისი. „— ფუჰ, შეგარცხვინოს ღმერთმა! — ბრახით წამოიძახა ზაალ ბარათაშვილმა...“ თხრობის დაწყება და პერსონაჟის შემოყვანა ერთდროულად ხდება. შემდეგ ფაბულა იშლება, თანდათანობით შემოდიან სხვა მოქმედი პირები — არსენა, კუჭატნელი, ერეკლე, დავითი, ორბელიანები, ბარათაშვილი და სხვები.

რომანში არის ჩართული ეპიზოდები, რომელთა ჩამოთვლა შორს წავიყვანდა. აღსანიშნავია, რომ ყველა მათგანი ხელს უწყობს სიუჟეტის განვითარებას და რომანის ძირითადი იდეის გახსნას. განსაკუთრებით საგულისხმოა ამ თვალსაზრისით გლეხური სუფრის ეპიზოდი და დალი ჰასანის მიერ არსენას შეპყრობა.

გლეხური სუფრის ეპიზოდი საინტერესოა უპირველეს ყოვლისა იმით, თუ როგორ იყენებს ხალხურ პოეტურ ზეპირსიტყვიერებას მ. ჯავახიშვილი. მწერლის მიზანი ერთია — გავაცნოს ბატონყმობის წინააღმდეგ ამხედრებულ გლეხების ფიქრები და მისწრაფებანი — მოისპოს ძალპომრეობა და უსამართლობა. ამ მიზნით მწერალი არჩევს ისეთ ლექსებსა და სიმღერებს, რომლებშიც მსილებულია ექსპლოატატორთა წყობილება. დალი ჰასანის ტყეობიდან თავდახსნის ეპიზოდში კი ხაზგასმულია არსენას გმირული ბუნება და პატიების გრძნობა. ამგვარად, ჩართული ეპიზოდები ხელს უწყობს რომანის იდეურ სისრულეს.

„არსენა მარაბდელი“ გვხიბლავს შესანიშნავი პორტრეტებითაც. მათი დახატვისას მწერალი მთავარ ყურადღებას უთმობს ფერების, ხაზებისა და ნიშანდობლივი კომპონენტების შერჩევას, რომლებშიც მკაფიოდ მქადავდება პერსონაჟის სულიერი სამყარო, ამასთან არ მალავს თავის დამოკიდებულებას პერსონაჟისადმი.

მაგალითისათვის მოვიგონოთ მაიორ არლო-



ვის პორტრეტი. ხის სალფათოვით გაჩაჩხული, სახალწლო ბასილასავით დაჭყეტილი, პაწაწინა წყლისფერი თვალები, გაბერილი თავპირი, რომელიც გოგრას მიუგავს, წითელი თმა, გაცვეთილი ჭილობით დაყრილი წვერულვაში, თხილის ოდენა აბზეკილი წითელლურჯო ცხვირი და სხვა ამგვარი „სამკაულოთ“ არის დამშვენებული მეფის მოხელის პორტრეტი. ყველა ჩამოთვლილი კომპონენტი ადასტურებს არა მარტო არლოვის სულიერ სილატაკეს, არამედ რომანისტის ანტიპათიასაც მისდამი.

ასევე „ამკობს“ მ. ჯავახიშვილი გიორგი კუჭატენლს, ვიგოლას, ივანიჩას, ზაალ ბარათაშვილსა და ხალხის ყველა მტერს.

ზაალის ჩაცმულობა, მისი აქრელებული ტანსაცმელი და მისაკუთრებული ჩინ-მედლები მშვენივრად მეტყველი დეტალებია, რომლებიც მწერალმა რუსეთის მეფის ტახტის წინაშე მხოხავი, გადაგვარებული მებატონის მხატვრული სახის შესაქმნელად მოიმარჯვა და ამით პერსონაჟის სულიერი სამყაროც დღესავით ნათლად გადაუშალა მკითხველს.

„მარბდის ბატონს ინგლისური მაუდის შავი კაბა და ლურჯი აბრეშუმის გულისპირი ეცვა, თავზე მაღალი და ჩატეხილი ყალმუხის ბოხობი ეხურა, ფეხებზე — ჭკინტიანი თალათინის ჩექმები ჩაეცვა, ხოლო წელზე ოქრო-ვერცხლით მოჭედილი ხმალ-ხანჯალი ჩამოეკიდნა, რომელიც ათასი წლის ტვირთით და ხავსით იყო დაქორფილი.“

მეფეთა და მთავარმართველთა ჯილდოებიც ზედ ჰქონდა ასხმული. მთუდი თვაღდმა ვასილ-ჩიკოვაში მოუტანა პეტერბურგიდან, ლალის დიდი ბუქედი ერეკლე მეფის ნაჩუქარი იყო, ხოლო ოქროთი და ძვლით შეჭედილი კვერთხი, რომელიც ახლა არქივსავით დაქმონდა, უდღეურმა იმპერატორმა დესპანის კოვალენსკის ხელით გამოუგზავნა“.

როგორც ვხედავთ, ათასგვარი ზიზილ-პიპილოებით აქრელებულა ზაალი, რა არ ჩაუცვამს, რა არ შეუტამს, რა არ მიუტმანინა, რათა საკუთარი სულიერი სილატაკე დაფაროს! მებატონის ასეთ ჩაცმულობაში აშკარად ჩანს მისი დიდი სურვილი — შეივსოს ის, რაც დრომ წაართვა, რაც შემოუბრუნებლად უკან, წარსულში დარჩა. ეს იყო უპირველეს ყოვლისა ძალაუფლება, რომელიც ზაალს ყმის დასამორჩილებლად ისევე ესაჭიროებოდა, როგორც ქვიშაზე გამორიყულ თევზს წყალს.

ამრიგად, ზაალ ბარათაშვილის სახით მ. ჯავახიშვილმა დახატა მებატონე თვაღდთა ტიპური წარმომადგენელი. იგი იმ თაობის ღვიძლი შვილია, რომელმაც ჩინ-მედლებზე გაცვალა სამშობლო, რუსეთის მეფის ტახტის ერთგულებაში ჰპოვა ბატონობის შენარჩუნების ერთადერთი გზა და აი ზაალიც მეფის მოხელეების წინაშე ხოხავს, ყმებთან კი მრისხანე და დაუნდობელი მტარვალა. ზაალის ტანსაცმელი

ამ შემთხვევაში მშვენივრად ესტყევა მისთვის გარყვნილ და გაძარცულ სულიერ სამყაროს.

მ. ჯავახიშვილის მხატვრული სტილის თავისებურებას ისიც წარმოადგენს, რომ მწერალი ერიდება პორტრეტის ერთბაშად ხატვას. „არსენა მარაბდელის“ ბევრი პორტრეტი მოქმედებაშია მოხატული და მათ თანდათანობით აქანდაკებს რომანისტი.

საილუსტრაციოდ ავიღოთ ნაწარმოების მთავარი პერსონაჟის არსენა ოძელაშვილი-მარაბდელის პორტრეტი.

არსენას პორტრეტს მ. ჯავახიშვილი რომანის მთელ მანძილზე ხატავს. სხვადასხვა ეპიზოდსა და სიტუაციებში მის სხვადასხვა მხარეს გვიჩვენებს. ასე, მაგალითად, ჭიდაობის ეპიზოდში, რომლითაც რომანი იწყება, არსენას პორტრეტის მხოლოდ შტრიხებია მოცემული. მაგრამ ეს შტრიხები ძლიერ მკვეთრი, სახასიათო და გარკვეულ წარმოდგენას გვაძლევს არსენაზე.

აი ზაალ ბარათაშვილს ორბელიანების ფალავანმა გიორგი კუჭატენლმა სამი ფალავანი წაუჭკია. ბატონი განრისხებულია, ლელავენ მარაბდელელები და იმედოდ დარჩენიით არსენა, რომელიც ცხვარშია და იგვიანებს. ბოლოს, არსენაც გამოჩნდა.

„არსენამ ბოძივით დაარქო ცხენი და გადმოხტა, ისე გადმოხტა, რომ ვერავინ ვერ შეამჩნია, ცხენი უფრო ადრე შეჩერდა თუ მისი მხედარი გაჩნდა მიწაზე“. აქ მწერალი პორტრეტს არ ხატავს, მაგრამ მკითხველი უკვე ხედავს გმირს. ის მარდია, მკლავკლიერი, რომელმაც „ბოძივით“ დაარქო ცხენი. ამის შემდეგ ჩნდება პორტრეტის სილუეტო.

„ასვეტილი არსენა უკვე ფეხდაფეხ მიდიოდა ზაალისაკენ — ტანგაშლით, ლალად და თამამად მიბიჯებდა. სავსე კისერი უდნავ მოედრიკა და საერთო სალაშში ისევ ძველებური თავადური კილო ჩააქსოვა“. „ასვეტილი არსენაო“, ამბობს მწერალი და წარმოგვიდგება მაღალი, მხარბუკიანი, ჩასკენილი ვაჟაკი, რომელსაც შესატყვისი კბეღელული და თამამი მოძრაობაც ახასიათებს. „ცხენი მხოლოდ ათ ნაბიჯზე შეაჩერა და ისე მიადგა ბატონს, როგორც თავის თანასწორს. ზაალს ახლაც ტოლსავით შესცქერის, წამწამსაც არ ახამხამებს და კიდევაც ილიძება“. პორტრეტი თანდათან იცხება, მაგრამ ჯერ დამთავრებულ არ არის.

რომანის მეორე ეპიზოდ მარაბდელისა და კუჭატენლის შეჯიყვებით იწყება. მწერალი გვიჩვენებს არსენას პორტრეტს კიდაობის მომენტში და თანდათან ავსებს მას. „უტეებ ფონზე არსენას მკერდ-განიერი თეთრი და ამოზნექილი ბალიში გამოვარდა. გამოვარდა და ძელივით დაერქო“. ამ ფიგურალურ გამოქმევაში ხაზგასმულია არსენას ფიზიკური სიძლიერე. შემდეგ არსენა იწყებს ცეკვას: „მუხლებამდე აკრული შავი ტუღალები ისედაც სქელ წვივებს უფრო მეტად უსქელებდა“. ასე თანდათანობით ძერ-



წავს რომანისტი არსენას პორტრეტს, და არა მარტო არსენას, არამედ თითქმის ყველა პერსონაჟის პორტრეტს.

პორტრეტთან ერთად დიდი მნიშვნელობა აქვს პერსონაჟის ინდივიდუალური ნიშნის გამოკვეთას, დასამახსოვრებელი დეტალის ხაზგასმას. მწერალი ამასაც დიდი ოსტატობით ახერხებს. აი რამდენიმე მაგალითი.

ღვთისავარი ცალთვალა და ზედმეტსახელადაც ცალთვალა დევს ეძახიან. კარპიჩა კოკლია და ცალი ფეხით მიწას ჰპარავს. ლაცაბიძეს ეშვები მუდამ ჩამოშვებული აქვს. არსენას მარჯვენა წარბი უტოკავს. მაგდანა შავი ანგლოსია, დათუნას „სულერთია“ შერაქვეს და ა. შ. მკვლევარ ტ. კვანჭილაშვილის აზრით, ეს გარეგნული ნიშნები „პერსონაჟის ინდივიდუალური სახის გამოკვეთას, გამოძერწვას ემსახურება“ („ლიტერატურული წერილები“, გვ. 60-61).

ჩვენ ამ მოსაზრებას მხოლოდ დავაზუსტებთ. ინდივიდუალური ნიშნები, რომლებიც რომანისტმა თავის პერსონაჟებს დაუძებნა, სახასიათოა, მარტოოდენ გარეგნული არ არის, ე. ი. მათი მეშვეობით მწერალი ხასიათის თვისებასაც გვიჩვენებს. სეიასტის რომ ეშვი მუდამ ჩამოშვებული აქვს, ცხადყოფს ამ პერსონაჟის შურისმაძიებლურ ბუნებას. იგი დავეშვილია, მზადაა დაგლიჯოს ბატონები, ამოწყვეტოს ისინი, სისხლის გუბე დააყენოს, სამაგიერო უზღლოს მათ, რომლებმაც სიცოცხლე გაუშწარეს.

კოკლი კარპიჩა რომ ცალი ფეხით მიწას ჰპარავს და პუგაჩოვს უხმობს, იმის მაჩვენებელია, რაც ამ პერსონაჟს ამოძრავებს, რაც მისი ხასიათის განმსაზღვრელია, მისი მოზანია. კარპიჩა განასახიერებს რუს გლეხს, რომელიც დაუძობილდა მარაბდელ გლეხებს და მათში თესავს პუგაჩოვის ჯანყის თესლს, მიწასაც იმიტომ ჰპარავს, რომ ეს თესლი გააღივოს.

ცალთვალა ღვთისავარი. განა ეს მარტო გარეგნული ნიშანია და მხოლოდ პერსონაჟის ფიზიკურ ნაკლს აღნიშნავს? ჩვენ გვგონია, რომ ამის საჭიროებას სრულიად არ გრძნობდა რომანისტი. ცალთვალობის გარეშეც შესანიშნავად დავიხსომებდით ამ საპატიო გლეხკაცს. ღვთისავარი რომანში წარმოგვიდგება ხალხური სიბრძნით, ჰირთამძლე და ჰირთამთმენი მშრომელის სახით. მან მთელი მისი სიცოცხლე მოახმარა სამშობლოს გარეშე მტრებთან ბრძოლას და „ცალი თვალი ივრის ბრძოლაში დათესა“. ღვთისავარმა კარგად იცის, რომ სადაც არა სჯობს, ვაცლა სჯობს. იმიტომაც არ დაეთანხმა იგი ახალგაზრდა არსენას, თორემ არც გაუბედავია და არც მხდალი... ღვთისავარის ცალ თვალში იმდენი ძალა, გამოცდილება და სიბრძნე გამოსკვივის, რომ მას ბევრი ორთვალა ინატრებდა. იგი მართალი და პატიოსანი მშრომელია, ბრძენი და დინჯი ვაჟკაცი, სამაგალითო მეგრძალი, სამშობლოს დამცველი და მოამავე. მან არ იცის, როდის

მოსთხოვს სამშობლო მეორე თვალსაც, მაგრამ ის კი იცის, რომ თუ მოსთხოვს, „დაშვალ პანტასავით მიუგდებს მეორესაც“. შეუდარებლად ძლიერი და სახასიათოა, ჩვენი აზრით, ეს მხატვრული შტრიხი.

მთელი რომანის მანძილზე მიხილ ჯავახიშვილი ამყლავნებს სიტუაციების ზედმიწევნით ზუსტად და მოხდენილად შერჩევის უნარს, რასაც დიდი მნიშვნელობა აქვს, კერძოდ, პერსონაჟთა ხასიათის სწორად გახსენსათვის. უნარიანად შერჩეულ სიტუაციაში ჩანს არა მარტო მოქმედება, არამედ მოქმედის ხასიათიც. აი როგორ მოხდენილად გვაცნობს გიორგი კუჭატელის „ლანდს“, ლეკ გამზათს მწერალი ერთ პატარა სიტუაციაში:

„უცებ მიუჭრიდან კუჭატელის მხლებელი გამზათი ამოძვრა, ბოროტი ღმეჭით მივარდა არსენას და მის პირსახესთან ხელის ქნევას და ენის ჰარტალს მოჰყვა:

— შენ ჩემი გივარგის მტერი და მეც შენი მტერი... მე შენ ამ ხანჯალზე გააკეთო.

— ეგ ხელი იქით წაიღე, წუშაკო! — და არსენამ ოღნე გაპკრა მკლავში და მერე კუჭატელს მიუბრუნდა:

— გიორგი, ეს ძალი დააბი, თორემ ზოგჯერ ძაღლის ნაცვლად პასუხი პატრონს მოეთხოვების.

ასე გააფრთხილა ლეკის ბატონი და თავის გზით წამოვიდა. ხუთიოდე ნაბიჯი გამოდგა და უკან მოიხედა. ლეკს ხელში დამბაჩა ეჭირა და მას უმიზნებდა. არსენა შედგა და დააშტერდა. არც გაინძრა და არც იარაღზე გაივლო ხელი. უშბლი შეკრული ჰქონდა, თვალბეში კი მტკიცე რწმენა და ბრძანება ეწერა: „ვერ გაპბედავ, ხელი დაუშვი!“

კუჭატელი ზურგმუქეული იღვა და ლეკს ვერ ჰხედავდა. ლეკმა დამბაჩა დაუშვა.

— ზურგში? — გაიღიმა არსენამ. — აგრე ხარ შეჩვეული?

— ზურგში, ზურგში მოგყლავ, — მიამახა გამზათმა. — ვალაჰ, აგრე იქნების!“

ეს ეპიზოდი გამზათის ხასიათის სარკეა. გამზათი მიმავალ არსენას ზურგში უმიზნებს რევოლვერს. აქ ასეაჩრად ჩანს ნერვიულობა, ლაჩარი და ბოროტი ადამიანი, რომელიც მუხანათურად უბირებს სიკვდილს არსენას. უდავოა, რომ სიტუაცია, რომელშიც ლეკი გამზათი გვიჩვენა მწერალმა, მოხდენილად არის დაძებნილი და შესანიშნავად გადმოგვეცემს პერსონაჟის ხასიათს.

ძლიერ საინტერესოა „არსენა მარაბდელის“ მხატვრული ენა, მწერლის ენობრივი სტილის სპეციფიკა. მ. ჯავახიშვილმა თავის მღელვარე აზრებსა და იდეებს უარღესად დინამიკური სიტყვიერი მასალა მოუძებნა. მან მშვენივრად გამოიყენა ქართული ენის ბუნება აზრისა და განწყობილების რაც შეიძლება ექსპრესიულ

ფორმებში გამოსახატავად. ამ მიზნით მწერალი ხშირად მიმართავს ზმნების განმეორებას, რაც დიდად აძლიერებს და ღრმად შთამბეჭდავს ხდის აზრს.

მოგვყავს ზოგიერთი მაგალითი:

„...ხელი ადლიან ხანჯალზე დაიდო. დაიდო და სალი თვალი ბასილას ჩაურჭო თვალეში...“

„თვალეები მუხის კერს მიაპყრო. მიაპყრო და გახვედა“.

„არსენამ ცხრამეტი ცხენოსანი ჩამოავდო და მეოცეს მიეწია. მიეწია და ჭაბუკი თავადი ამილახორი იცნო“.

„და მაშინვე ყველა გლეხი მიხვდა სად იყო ოძელაშვილი. მიხვდა და იმ ზარივით შინაგანი გუგუნით გაიტენა და აფორიაქდა“.

მ. ჯავახიშვილის „არსენა მარაბდელის“ ლექსიცა საინტერესოა არა მარტო თავისთავად, ცალკე აღებული. იგი მნიშვნელოვანია იმ მხრივაც, რომ მწერლის პოეტურ სტილში შეაქვს გარკვეული ელფერი და სურათოვნება. თავიდან ბოლომდე იგრძნობა ქართული სიტყვის მომაჯადოებელი ძალა. ეს იმიტომ, რომ მისი ენა მდიდარია ხალხური თქმებით, ხატოვანი ფრაზებით. ყოველთვის, როცა ხატოვან თქმებს მიმართავს, მწერალი მათ გულმოდგინედ არჩევს და უფარდებს შინაარსს:

„ცისფერი თვალეები ორი ანთებული სანთელივით გამოანათა“, „არსენამ ბოძივით დაარჭო ცხენი“, „ელიზბარი ქარბუქივით დაქრის. მარაბდელი გრიგალივით დასდევს“, „ნაქანდაკევი თავი აუქნია და რკინის ნაჭერივით მიუგდო — ვაგლახ შენს ვაჟაკობას, კუჭატნელო!“, „ფიქრის უმაღვე ჩამოერეცხა ალის-ფერი, წელანდელზე მეტად გაფითრდა და ტანში ყრუანტელმა ჩაურბინა“, „მედროშე ღვთისაგარმა დროშა დაუშვა და თვითონაც იმავე დროშასავით დაერჭო“.

მ. ჯავახიშვილის „არსენა მარაბდელის“ დიდი მხატვრული ღირსებაა ხალხური ანდაზებისა და

აფორიზმების შემოქმედებითად მოხმარება. რომანის ძირითადი წყაროები ხალხური შემოქმედებიდან მოედინება, მწერალი მათ ორგანულად აქსოვს ნაწარმოებში. რომანის ყველა თავს წამძღვარებული აქვს ეპიგრაფი. ეპიგრაფებად ძირითადად გამოყენებულია ანდაზები, გვხვდება ხალხური ლექსიც, ისტორიული წყაროც, აფორიზმიც და ყველა მათგანი ისეა შერჩეული, რომ გადმოცემული ამბის იდეურ გასაღებს წარმოადგენს.

„არსენა მარაბდელში“ მრავალი შესანიშნავი დიალოგია. როგორც ცნობილია, დიალოგი პერსონაჟთა ურთიერთშორის საუბარს ნიშნავს.

„არსენა მარაბდელში“ მწერალი ხშირად ერევა პერსონაჟთა დიალოგში, ე. ი. დიალოგში ორი კი არა, სამი მონაწილეობს. აქ საქმე გვაქვს ისეთ მხატვრულ ხერხთან, რომელიც ფორმით გაბასებას უახლოვდება. მოგვყავს სათანადო მაგალითი:

„— შენ რა ჰქენი ერეკლე. — ჰკითხა უმცროს ძმას უფროსმა.

— სამი წავაქციე. — ისე მორცხვად უბასუხა ერეკლემ, თითქოს ბოდიშს იხდიდა, რომ სამზე მეტი ვერ წააქცია.

— შეგერგოს. ჩემი გაფუჭებისა ხომ არ გეშინიან. ბიჭო? — არა, არ ეშინიან. მაგრამ არსენა მაინც ფრთხილად უნდა იყოს. ის ოხერი კუჭატნელი ტყვიასავით მოდის და ლელო ღონით გააქვს ხოლმე.

— ეიცე ვინც არის, მინახავს“.

აქ, როგორც ვხედავთ, დიალოგი პირდაპირ არ მიიმართება, მწერალი ერევა ერეკლესა და არსენას საუბარში.

„არა, არ ეშინიანო...“ ჩართულია რეპლიკა, მაგრამ რეპლიკაში მწერალი თავს არ ამქლავნებს. ამით მიღწეულია სათანადო მხატვრული ეფექტი.

ასეთია ჩვენი შენიშვნები მიხეილ ჯავახიშვილის „არსენა მარაბდელის“ ზოგიერთი მხატვრული ხერხის შესახებ.





დავით კომახიძე

მწვანე მშენებლობის გარეუღებელი პრობლემები

საბჭოთა ქალაქმშენებლობის პრაქტიკაში სულ უფრო მეტი ყურადღება ეთმობა მწვანე ნარგავებს, როგორც ქალაქის მიდამოების კლიმატის გაჯანსაღების მნიშვნელოვან ფაქტორსა და მძლავრ არქიტექტურულ ელემენტს. ამ მხრივ ბევრი რამ გაკეთდა ბათუმშიც, სადაც მწვანე მშენებლობის მეტად ხელსაყრელი პირობებია. საკმარისია ითქვას, რომ აქ შეიძლება გაშენდეს დედამიწის თითქმის ყველა კუთხის მცენარე.

ბათუმის სტუმრებს განსაკუთრებით აოცებთ და ხიბლავთ ყვავილნარების ნაირფეროვნება, უზარმაზარი მაროსებური პალმები და ფართოფოთლიანი კანები, რომლებიც ღია ცის ქვეშ. პირდაპირ გრუნტში იზრდებიან; მარადმწვანე ოლენდრები. მრავალფეროვანი ვარდის ბუჩქები და ბევრი სხვა იშვიათი მცენარე, რომლებიც განსაკუთრებით ლამაზია ყვავილობის ეპოქს. ქალაქის ბევრ ქუჩაზე წლის სხვადასხვა დროს შეიძლება დაინახოთ მაგნოლიები სპილოსძვლისფერი ყვავილებით, აგავეები, პალმები და სხვა მარადმწვანე მცენარეები. აქ დეკემბერშიც კი ჰყვავის ია და ვარდი. მწვანე საფარველის ასეთ მძლავრ განვითარებას და მდიდრულ ყვავილობას ხელს უწყობს ჰარბი ტენიანობა და შშის სიუხვე, აგრეთვე ნიადაგების სპეციფიკური ხასიათი.

მწვანე მშენებლობის არსებულ შესაძლებლობათა გამოყენება ჯერ კიდევ გასულ საუკუნეში დაიწყო, მაგრამ რევოლუციამდე იგი ძალიან ნელი ტემპით მიმდინარეობდა. ამასთან მცენარეთა ასორტიმენტი ყოველთვის როდი შეესაბამებოდა ადგილობრივი კლიმატის თავისებურებას. მხოლოდ საბჭოთა ხელისუფლების დამყარების შემდეგ გახდა შესაძლებელი ბათუმის გამწვანების სამუშაოების უფრო მოკლე

ვადებში და ორგანიზებულად განხორციელება. მაგრამ ამ საქმეში, ჩვენი აზრით, მაინც შეინიშნება ზოგიერთი სერიოზული ნაკლი.

ცნობილია, რომ მწვანე ნარგავები უნდა ემსახურებოდეს არა მარტო ქალაქის გალამაზებას, კარგი დასასვენებელი ადგილების შექმნას, არამედ მიკროკლიმატის გაუმჯობესებასაც. ამიტომ ქალაქის მთლიანი, ინტენსიური გამწვანება მარადმწვანე მცენარეებით (ცრუქაფურის ხეებით, ლიგუსტრუმებითა და სხვ.), როგორც ეს არის, მაგალითად, ლენინისა და რუსთაველის ქუჩებზე, ჩვენს პირობებში დადებით შედეგს არ იძლევა. ყველამ იცის, რომ ბათუმს ერთ-ერთი პირველი ადგილი უკავია სსრ კავშირში ატმოსფერული ნალექების სიუხვეით და შენობათა მნიშვნელოვანი ნაწილი განიცდის სინესტის ძლიერ ზემოქმედებას. ამის გამო დიდი ფოთლოვანი ხეები არა თუ ხელს არ უწყობს მოსახლეობის საცხოვრებელი პირობების გაუმჯობესებას (განსაკუთრებით ზაფხულის ბოლო ხანებში), არამედ, პირიქით, აუარესებს მათ.

ბათუმის გამწვანების ერთ-ერთი მთავარი ნაკლია აგრეთვე ის, რომ ქალაქის ქუჩები გაწვანებულია ერთფეროვანი მცენარეებით, ჯერ კიდევ არ არის გამოყენებული სუბტროპიკული ფლორის მდიდარი შესაძლებლობანი. იშვიათად თუ შეხვდება კაცი ბათუმის ქუჩებში ისეთ ლამაზ ფოთლოვან ხეებს, როგორცაა ჭადარი, მუხა, ხეტიტა, ცაცხვი და სხვ. ღარბია ყვავილების ასორტიმენტიც; უფრო სზირია ყველგან კულტივირებული ყვავილოვანი მცენარეები — კვირისტავა, ქალისინა და პეტუნია, მაშინ როცა მადლიანი სუბტროპიკული კლიმატის წყალობით ქალაქის ქუჩებში შეიძლება დიდი რაოდენობით გაშენდეს ტუბეროზები, გლადიოლუსები, ბევონიები, მიხაიკი და სხვ.



ჯერ კიდევ ვერ მივალწვიეთ იმას, რომ ქალაქის პარკებსა და ბაღებში განუწყვეტელი ყვავილდის წლის სხვადასხვა დროის შესაფერი ყვავილები. ამასთან ბევრი სკვერი გადატვირთულია შემთხვევითი მცენარეებით. იქ თითქმის ვერ ნახავთ ხეს, რომლის ჩრდილშიაც შეიძლებოდა დასვენება; ძალიან ცოტა ან თითქმის სულ არ არის ყვავილები. სკვერებში ისევ და ისევ ლიუსტრუმებს, სპირეებსა და ტუიებს ვხვდებით. გაზონები იშვიათად ითიბება და ხშირად გათეულია.

აქვე უნდა აღინიშნოს, რომ ქალაქს ჯერ კიდევ არ ყოფნის სკვერები. სულ ქალაქში თექვსმეტი სკვერია, რომელთა საერთო ფართობი 19,5 ჰექტარს შეადგენს. მიუხედავად ამისა, უკანასკნელ წლებში იყო სკვერების გაუქმებისა და ნასკვერალზე საცხოვრებელი სახლების მშენებლობის შემთხვევები.

მწვანე მშენებლობის ყველა ეს ნაკლი არასაკმარის გეგმიანობის შედეგია და იმისათვის, რომ ქალაქი სანიმუშოდ გაემწვანოთ, აუცილებელია გამწვანების მთელი სამუშაოები გეგმიანად და რაციონალურად წარგმართოთ, მოვახდინოთ მთელი რიგი ქუჩებისა და სკვერების ღრმად მოფიქრებული რეკონსტრუქცია ნარგავთა სისტემის შენარჩუნებითა და განვითარებით.

ბათუმის მოედნებისა და ქუჩების გამწვანებისას უმჯობესია დავრგოთ არა ერთი ტიპის მარადმწვანე, არამედ შერეული დეკორატიული მცენარეები (პალმა, დაფნა, კვიპაროსი, ფოთლოვანი სურნელოვანი და ლამაზყვავილენიანი ხე-მცენარეები). მსხვილ ნარგავებს შორის საჭიროა გავრცელდეს ციტრუსოვნები და მორჩილი ზომის ხეხილი, რომლებიც შენობებს არ დაჩრდილავენ.

გაზონებში მიზანშეწონილია ხეთა შორის დავრგოთ ყვავილები და მარადმწვანე დაბალი ბუჩქები, რის მეოხებითაც ქალაქის მოედნებსა და ქუჩებს მთელი წლის მანძილზე მწვანე საზომი ექნებათ. გარდა იმისა, რომ სხვადასხვა სახის მცენარეების — ხეების, ყვავილებისა და ბუჩქების ასეთი შეხამება მეტად მშვენიერ შთაბეჭდილებას შექმნის, შენობებსაც საკმაო რაოდენობით მიწვდება მზის სხივები და მკვეთრად შემცირდება მათი დანესტიანებაც. რაც შეეხება მარადმწვანე ფოთლოვან ხეებს, რომლებიც დიდ სიმაღლეს აღწევენ და ფართო გვირგვინი აქვთ (ქაფურის ხეები, ლიგუსტრუმები და სხვ.), უფრო მიზანშეწონილია ისინი დავრგოთ პარკებში, ბაღებსა და სკვერებში, აგრეთვე ზხატკეილების გასწვრივ.

ქალაქის ნამდვილი მშვენება ზღვისპირა პარკი. რეკონსტრუქციისა და გაფართოების შემდეგ, რაც დიდი სამაჟლო ომის დამთავრებისთანავე გაჩაღდა, მან განსაკუთრებით იცვალა სახე. მისი ზღვისპირა ხეივანი ახლა შედგება ორი მოსაფლავებული ზოლისაგან, რომელიც ემსახურება ორმხრივ მოძრაობას და გაზონებით

არის გაყოფილი. ძირეულად გადაკეთდა ცენტრალური ხეივანიც. პროექტით დასახულია პარკის ტერიტორიის შემდგომი გაფართოება ზღვისპირა ზოლის გასწვრივ (ლერმონტოვის ქუჩიდან ტალისმკვეთ კონცხამდე) და რამდენიმე ახალი ნაგებობის შექმნა.

მიუხედავად იმ დიდი სამუშაოებისა, რომლებიც სტალინის სახელობის ზღვისპირა პარკის გაფართოებისა და კეთილმოწყობისათვის შესრულდა, აქ ჯერ კიდევ ყველაფერი რიგზე არ არის. ასე, მაგალითად, პარკში დღემდე არაგვაქვს ბანანის ქალები, პალმების ხეივნები, თითქმის არ არის ლორიოდენდრონის, ქადრის, ცაცხვის, წიფლის, ზეისხილის, თუთისა და ტირიფის ნარგავები, აგრეთვე ისეთი ლამაზი ხეივანი მცენარეები, როგორცაა ლიანები, ბევონიები, კლემატისი, პუერარია და სხვ. არ არის არც მწვანე ფანჯარები. გარდა ამისა, ზღვისპირა პარკის ახალ ნაწილში ძლიერ ცოტაა ჩრდილოვანი ხეები, ძველი ნაწილი კი კვრამაყოფილებს ქალაქის მოსახლეობას.

არანაკლებ მნიშვნელოვან მწვანე მასივს წარმოადგენს ვ. ი. ლენინის სახელობის პიონერთა პარკი. თუ წინათ მისი ფართობი ექვს ჰექტარს არ აღემატებოდა, ამჟამად იგი სამჯერ უფრო მეტია. მდიდარ და ხშირ მცენარეულობასთან ერთად აქ არის აგრეთვე მშვენიერი ტბა. პარკის უხვი მცენარეულობა ხშირფოთლებაა და ჩრდილით აესებს ფართო ხეივნებს.

სულ ამჟამად ბათუმში მწვანე ნარგავთა საერთო ფართობი ოთხმოცდარვა ჰექტარს შეადგენს, ე. ი. თითო მცხოვრებზე დაახლოებით ათ კვადრატულ მეტრამდე მწვანე ნარგავი მოდის. მწვანე ნარგავთა ეს ფართობი, ერთი შეხედვით, თითქმის არ არის საკმარისი, რადგან შუაზონის ქალაქებისათვის მათი ნორმა ერთ მცხოვრებზე დაახლოებით თხუთმეტი კვადრატული მეტრია, მაგრამ მწვანე ნარგავთა ფართობის დადგენისას არ შეიძლება ორიენტირება ჩვეულებრივი ნორმებით, რადგან აქ ზედმეტ მცენარეებს სპეციფიკური ბუნებრივი პირობების გამო შეუძლია ზიანიც კი მოგვიტანოს. ამასთან ქალაქის ტერიტორიის გამწვანების ნორმებზე გავლენას ხომ ახდენს მწვანე ნარგავთა ქალაქგარეთ არსებული ზოლიც, რომლის განვითარების პერსპექტივა დიდადაა დამოკიდებული ადგილობრივ პირობებზე?

რა თქმა უნდა, ეს იმას არ ნიშნავს, რომ ხელი ავიღოთ ქალაქის შემდგომ გამწვანებაზე, მაგრამ მწვანე მშენებლობის დროს აუცილებელია მხედველობაში ვიქონიოთ მისი სპეციფიკური კლიმატური, გეოგრაფიული, სანიტარული და სხვა თავისებურებანი. კერძოდ, ჩვენი აზრით, საჭიროა ავითვისოთ ისეთი ტერიტორიები, რომლებიც პრაქტიკულად ნაკლებ გამოსადეგია ახალ შენობათა ასაგებად (ქალაქის ჩრდილოდასავლეთი მხარის ზღვის სანაპირო, რომე-

ლიც ზღვის მოქმედებით თითქმის ყოველწლი-
ურად იცვლის მოხაზულობას), ქალაქის ყველა
მწვანე ნარგავიანი ნაკვეთი გავაერთიანოთ ერთ
მთლიან სისტემად და ორგანულად ჩავრთოთ
იგი ქალაქის საერთო სტრუქტურაში. ამიტომ
ახლავე, ქალაქის რეკონსტრუქციის პროცესში
მწვანე ნარგავთა ყველა სახეობა მიზანშეწონი-
ლია თანდათან შევუერთოთ ერთიმეორეს ისე,
რომ დროთა განმავლობაში მათ შეადგინონ უწ-
ყვეტი მწვანე მასივი და ეს უკანასკნელი დაუკა-
ვშირდეს მწვანე კონცხის საპარკო ზონას.

შეტი ყურადღება უნდა მივაქციოთ აგრეთვე
შენობათა ვერტიკალურ გაფორმებას, რაც
ჩვენს პირობებში, ვფიქრობთ, ძლიერ ეფექ-
ტური იქნება, და ქალაქის მომიჯნავე მთების
კალთებზე პარკების გაშენებას. სოხუმის გამო-
ცდილება ამ მხრივ შეიძლება ჩვენთვის ძალიან
სასარგებლო დარჩეს. ბათუმის გარეუბანში
მდებარე ისეთი შესანიშნავი მწვანე მასივიც კი,

როგორც ბოტანიკური ბაღია, ხომ ვერ ცვლის
ქალაქის ფარგლებში გაშენებულ კეთილმოწყო-
ბილ ზღვისპირა პარკს? ამიტომ ქალაქის ქუჩე-
ბის, მოედნების, ბულვარებისა და სკვერების
სწორად გამწვანებასთან ერთად მხედველობა-
ში უნდა გვექონდეს ისეთი კაპიტალური ღონის-
ძიების განხორციელებაც, როგორცაა ქალაქის
მთიან ნაწილში ვრცელი პარკის გაშენება.

დასასრულ, საჭიროდ მიგვაჩნია ადგილობ-
რივი პირობების სრული გათვალისწინებით
დავადგინოთ მწვანე ნარგავთა სულაობრივი
ნორმა, რაც დაგვეხმარება გეგმაზომიერად წარ-
ვმართოთ პარკების, სკვერებისა და კვარტალ-
შიდა ბაღებისა და ბულვარების რეკონსტრუქ-
ცია და გაშენება, ბოლომდე აღმოვფხვრათ
მწვანე მშენებლობის ნაკლოვანებები და ჩვენი
მშობლიური ბათუმი გადავაქციოთ ნამდვილ
ქალაქ-ბაღად.





აღ. ჩავეციანი

შაღვა დადიანის ერთი კეჩო ნაჩილი

როგორც ცნობილია, ყოველი მწერლის ცხოვრებისა და შემოქმედების გაშუქებისათვის დიდი მნიშვნელობა აქვს მის ეპისტოლარულ მემკვიდრეობას. ზოგიერთ მწერალს იმდენი კერძო წერილი მოეპოვება, რომ ცალკე წიგნებადაც კი გამოდის. უნდა ვიფიქროთ, რომ ჩვენმა სახელოვანმა ბელეტრისტმა და დრამატურგმა შალვა დადიანამაც საკმაოდ მდიდარი ეპისტოლარული მემკვიდრეობა დაგვიტოვა, რადგან არცთუ იშვიათი მიწერ-მოწერა ჰქონდა თავის მკითხველებთან. დარწმუნებული უნდა ვიყოთ, რომ უახლოეს მომავალში თანდათანობით გამოქვეყნდება მწერლის კერძო წერილები, რომლებიც გულდასმით უნდა შევისწავლოთ და გამოვიყენოთ მისი ცხოვრებისა და შემოქმედების მეცნიერული შესწავლის დროს.

პირადად მე მაქვს შალვა დადიანის ორი ბარათი. ამჟამად ვაქვეყნებ მხოლოდ ერთ მათგანს, რომელიც მწერალმა გამოიმგზავნა 1956 წლის 23 ოქტომბერს და შეიცავს ჩემი რამდენიმე კითხვის პასუხს. ვფიქრობ, მას გარკვეული მნიშვნელობა აქვს და ხელს შეუწყობს ჩვენი საყვარელი მწერლის ესთეტიკურ შეხედულებათა შესწავლას.

აი ეს წერილი:

„პატივცემულო ამხანაგო ალექსანდრე!

მივიღე თქვენი კითხვებით დატვირთული წერილი. შევეცადები, რომ შეძლებისამებრ გიპასუხოთ, მხოლოდ ნუ დაივიწყებთ, რომ მე არავითარი სისტემატიური და სპეციალი განათლება არ მიმიღია. და ვაი თუ ჩემმა განმარტებებმა ვერ დაგაკმაყოფილოთ, ან მეტად პრიმიტიულად მიიჩნით.

მაინცდამაინც დავიწყეთ. თქვენ კითხვებს აქ აღარ ჩამოვწერ, რადგან მე მგონი ამ კითხვების პირი თქვენც გექნებათ. მე მივეყვები თქვენს ნომერაციას (მკითხველისათვის რომ გა-

საგები გახდეს, მე ჯერ მოვიყვან ჩემს კითხვას, შემდეგ კი მწერლის პასუხს — ა. ჩ.).

რაში ხედავთ ხელოვნების, მხატვრული ლიტერატურის სპეციფიკას? მხოლოდ თქვენი გაგებით და არა არსებული თეორიების მიხედვით?

მხატვრული ლიტერატურის სპეციფიკას ჩემი ფიქრითაც შეადგენს სახეებით აზროვნება. მთავარი ეს არის.

არსებობს თუ არა განსაკუთრებული პოეტური ნიჭი, მადლი, უნარი და, თუ არსებობს, რაში მდგომარეობს იგი?

ყველა ადამიანს არ შეუძლიან გახდეს მხატვრულ ნაწარმოებთა მწერლად, თუნდაც სათანადო პირობებიც ჰქონდეს ამისათვის. ამ შემთხვევაში ის შეიძლება გახდეს მოაზროვნე, მაგრამ უფრო პუბლიცისტური განხრისა. მხატვარ მწერალს უთუოდ უნდა ჰქონდეს განსაკუთრებული პოეტური ნიჭი, მადლი, უნარი.

თქვენ ჯერ ცნებებით, ლოგიკური კატეგორიებით იმეცნებთ სინამდვილეს და შემდეგ აფორმებთ სახეობრივად შემეცნების შედეგს, თუ სინამდვილის გაგების პროცესი თქვენთვის იმთავითვე სახეობრივია?

ამ კითხვაზე ცოტა მიკირს პასუხის გაცემა. რასაკვირველია, პირველად მეზადება იღეა და მიზანდასახულობა. ამა თუ იმ ნაწარმოების შექმნისა და სინამდვილის გაგების პროცესიც იმ თავითვე ჩემთვის სახეობრივია.

თუ დაგისზმრებიათ ფაბულა, სახე და საერთოდ როგორია ქვეცნობიერების როლი თქვენს შემოქმედებაში?

ამაზე ის უნდა ვთქვა, რომ ქვეცნობიერების როლს ჩემს შემოქმედებაში ადგილი არა აქვს, არც თუ ოდესმე დამისზმრებია ფაბულა, ამბავი. მეტად მშრალი მწერალი ვარ.

თუ დაგიწერიათ რაიმე დაკვეთით? დაკვეთით მეც დამიწერია ნაწარმოები და-

უნდა ვეღიარო, რომ ძალიან შეზღუდული ვი-
ყავი ჩემს შემოქმედებაში და გავწვალბულ-
ვარ.

წერის დროს გეგმას თუ ადგენთ?

წერის დროს გეგმას ვადგენ. არა ყოველ-
თვის.

თუ გაქვთ და იყენებთ უბის წიგნაკს?

უბის წიგნაკსაც ვხმარობ. ესეც არა ყოველ-
თვის. ნახსოვრობა კარგი მაქვს და მხატვრუ-
ლად გრძლად ფიქრს მიჩვეული ვარ.

**თქვენი შემოქმედებითი პრაქტიკის მიხედვით
პროტოტიპი აუცილებელია, თუ შემთხვევითი
შემოქმედებითს პროცესში?**

პროტოტიპი აუცილებელია, მაგრამ ქვეით ჩა-
იკითხეთ.

**შეგიქმნიათ თუ არა ისეთი ტიპი, რომელსაც
არ ჰყოლია პროტოტიპი?**

ისეთი ტიპი არ შემიქმნია, რომელსაც არ ჰყა-
ვდა პროტოტიპი.

**თუ გყავთ ისეთი ტიპი, რომელსაც ჰყავს
რამდენიმე პროტოტიპი?**

უფრო ხშირად ერთ რომელიმე პროტოტიპს
არ დაეტრიალებ თავს, არამედ რამდენიმე მყავს
სახეში. მათი ტიპიურობა ვადამაქვს ქალაღ-
ზე. მე უფრო შემკრებელობითი სახე მიტაცებს
და არა პირდაპირი ფოტოგრაფია ივანესი ან
პეტრესი.

**ისტორიული პიროვნებების გამოსატვის დროს
პროტოტიპი და ტიპი ხომ არ ემთხვევა ერთმა-
ნეთს?**

ისტორიული პიროვნებების გამოსატვის დროს
აგრეთვე ტიპიურობა მიპყრობს სახისა და არა
პროტოტიპი.

**„გვირგვლიანების ოჯახში“ ვინ გყავთ გამო-
ყენებული პროტოტიპებად?**

„გვირგვლიანების ოჯახში“ ნექტარინა, მა-
გალითად, ერთ რომელიმე კნეინიდან არ არის
აღებული, არამედ ესეც შემკრებელობითი სახეა.
ამისთანები იყენენ ერთ დროს. აგრეთვე ბარა-

მი, ბეგი, გლეხებიც. ეს სულყველა ჩემი ნაც-
ნობებია, მხოლოდ მათგან მაქვს ნასესხები სხვა-
დასხვა მხარე მათი მეობისა. ფოტოგრაფია კი
არც ერთისა არ არის.

**ვამეხი? ამისთანა ინტელიგენტები იყენენ მე-
70-თე წლების თაობაში და მათ მოაღწიეს (ზო-
გიერთმა) რევოლუციამდე. ისე კი ვამეხის ბი-
ოგრაფიამ შეიძლება მოგვავიგონოს თა-
ვის დროზე კარგად ცნობილი პუბლი-
ცისტი დავით ჩქოტუა, მაგრამ პირდაპირ დავი-
თი მაინც არ არის.**

**პროტოტიპის ტიპად ქცევის პროცესში რას
აქცევთ მთავარ ყურადღებას?**

ტიპის კანონად მე მიმაჩნია ის გარემოება,
რასაც ზემოთაც ვეხები გაკვირით. ცოტ-ცოტა
ყველასაგან ამაღამ ეპოქაში ისე გამოვლინე-
ბული, როგორც მე ეს მეხატება.

თქვენი ურთიერთობა მკითხველებთან?

მკითხველებთან ჩემი დამოკიდებულება მი-
წერ-მოწერაში გამოიხატება, რაც არც თუ ისე
მდიდარი მაქვს. გულსა მწყყეტს ის, რომ უფ-
რო პანეგირისტები მყავს.

გაქვთ თუ არა ნაწარმოებთა ვარიანტები?

ვარიანტები საერთოდ ნაკლებად მაქვს. ჩემი
ჩვეულებაა — დიდხანს ვფიქრობ განზრახულ
ნაწარმოებზე, ზოგჯერ წლობითაც. წერით კი,
როცა შევტყობ, რომ თავში მომწიფდა ნაწა-
რმოების კიდე-განი, მაშინ ჩქარა ვწერ. ჩემი
დედანიც თითქო გადაწერილს ჰგავს. იშვიათად
თუ ჩავასწორო რაიმე დედანში. ნაწარმოების
შემდეგ ვადახედვის და შესწორების უნარი
ძალზე მაკლია.

აი სულ, რაც თქვენდა საპასუხოდ უნდა მო-
მეწოდებინა.

ბოდიშს ვიხდი თუ თქვენი იმედები ვერ გა-
ვამართლეთ და ღირსეული პასუხი ვერ გაგიცით.
ასეთი ღარიბი კაცი ვარ.

გისურვებთ ყოველთვის კარგს.

შალვა დადიანი.
23. X. 56 წ.“



დიდი ხელოვნების ზრახვები

მიმდინარე წლის თორმეტ იანვარს აღინიშნა დიდი ამერიკელი მწერლის ჯეკ ლონდონის დაბადების ოთხმოცდახუთი წლისთავი.

ჯეკ ლონდონმა უაღრესად რთული შემოქმედებითი გზა განვლო. ჯონ გრიფიტი, რომელიც მსოფლიო ლიტერატურაში ჯეკ ლონდონის სახელით შევიდა, დაიბადა სან-ფრანცისკოში, გალატაკებული ფერმერის ოჯახში. ბავშვობიდანვე უსიხარულოდ წარიმართა მომავალი დიდი მწერლის ბედი. თავიდანვე მძიმე ბრძოლა მოუხდა კაპიტალისტურ ჯუნგლებში გზის გაკაფვისათვის, ადრევე დასჭირდა ლუკმაპურისათვის ბრძოლა და ბევრჯერ დაიწყო დაადგა მძიმე შრომითს გზას. ჯერ კიდევ სავსებით ბავშვი სან-ფრანცისკოს ქუჩებში გაზუთებს ჰყილდა, შემდეგ მუშაობდა საკონსერვო ქარხანაში, სადაც ბავშვები არაადამიანურ ექსპლოატაციას განიცდიდნენ. თოთხმეტი წლისამ ხელი მოჰკიდა აკრძალულ საქმეს — თევზების ჭერას. რამაც ის არაერთხელ მიიყვანა პოლიციის კარამდე. რამდენიმე ხნის შემდეგ ჯეკ ლონდონი უბრალო მეზღვაურად გაჰყვა იაპონიაში მიმავალ გემს. სამშობლოში დაბრუნებული ჯერ ჯუთის ქარხანაში, ხოლო შემდეგ ელექტროსადგურში მუშაობდა, სადაც ძლიერ მცირე გასამრჩელოს აძლევდნენ. მომქანცველი სამუშაოთი გადადილი და აუტანელი ექსპლოატაციისაგან აღფრთოებული დემონსტრაციულად ტოვებს სამუშაოს და ეწაფება თვითგანათლებას, წერს მოთხრობებს, მაგრამ გამოუცდელ დამწყებ მწერალს აქაც ხელი მოეცა. ბოლოს, მას ბედმა გაუღიმა. დედის რჩევით, წარსდგა სან-ფრანცისკოს ერთ-ერთი გაზეთის მიერ გამოცხადებულ კონკურსზე და დაბეჭდა ნარკვევი „ტაიფუნი იაპონიის ნაპირებთან“, რისთვისაც პრემიაც კი დაიმსახურა.

მძიმე ეკონომიური კრიზისის დროს იგი აღმოჩნდა მაწანწალის მდგომარეობაში და მთელი ამერიკა მოიარა.

ამ ხეტიალმა დიდად შეუწყო ხელი ჯეკ ლონდონის შემდგომ სამწერლო მოღვაწეობას. იგი ახლო გაეცნო ამერიკის მშრომელ ხალხს, მის

პირ-ეარამს, ფიქრებსა და აზრებს და დააგროვა დიდი ცხოვრებითი გამოცდილება.

ჯეკ ლონდონმა მტკიცედ გადაწყვიტა მოეპოვებინა თავისი ადგილი ცხოვრებაში. მას საინჟინერო ოცნებად გადაექცა უნივერსიტეტში შესვლა, მაგრამ მისი განხორციელება არ დასცალდა. მამის მძიმე ავადმყოფობამ ოჯახის მზრუნველობა დააკისრა, რის გამოც მიატოვა უნივერსიტეტი პირველი სემესტრის შემდეგ და სამრეცხაოში დაიწყო მუშაობა, სადაც იგი დიდიან გვიან დამემდეგ რეცხავდა და აუთოვბდა თეთრეულს ორიოდ გრომისათვის. თავისუფალ დროს კი ჯეკ ლონდონი კვლავ მოთხრობებს წერდა, მაგრამ ჟურნალები უკანვე უბრუნებდნენ მათ.

მას შემდეგ, რაც ალიასკაზე, კლონდაიკზე აღმოაჩინეს ოქრო. „ოქროს ციბე-ცხელებამ“ ჯეკ ლონდონიც გაიტაცა. კლონდაიკზე ერთი წლის ყოფნის შემდეგ იგი ცინკით დაავადებული ისევ დატაკად დაბრუნდა, მაგრამ ახლოს გაეცნო ოქროს მომპოვებელთა რომანტიკას, თან ჩამოიტანა მდიდარი მასალა, რაც ასე ოსტატურად გამოიყენა შემდგომ თავის ცნობილ „ჩრდილოეთის მოთხრობებში“.

სან-ფრანცისკოში დაბრუნებული ლონდონი დაიწყო მიილტვის თავისი მიზნისაკენ, მაგრამ აქაც კვალდაკვალ დასდევს გაპირვება. „შეუპოვრობა — აი მწერლის ოსტატობის საიდუმლო, როგორც ყოველივე დანარჩენისა“, — ამბობდა იგი, შემდეგ უკვე გამოჩენილი მწერალი.

ჯეკ ლონდონი არაჩვეულებრივ ენერჯიას იჩენდა. მან შემოიღო მტკიცე, თითქმის აუტანელი რეჟიმი. დღე-ღამეში ზოგჯერ 19 საათს მუშაობდა, წერდა მოთხრობებს, ავზავნიდა სხვადასხვა ჟურნალში, მაგრამ დიდი რეალისტური ძალითა და სიღრმით დაწერილი ნაწარმოებები არ მოსწონდათ ბურჟუაზიულ გამოცემლებს. რაოდენ მართალი იყო ლენინი, როცა იგი ბურჟუაზიულ ხელოვანთა შესახებ ლაპარაკობდა: „ბურჟუაზიული მწერლის, მხატვრის, მსახიობი ქალის თავისუფლება — ეს არის



მხოლოდ შენიღბული (ანდა ფარისევლურად წიღაბაფარებულ) დამოკიდებულება ფულის ქისისაგან, მოსყიდვისაგან, ხასობისაგან“. რა თქმა უნდა, ჯეკ ლონდონი თავისი რეალისტური მოთხრობებით ადგილს ვერ დაკავებდა გადაგვარებულ ბურჟუაზიულ მწერალთა შორის. მიუხედავად ამისა, მისი ზოგიერთი მოთხრობა მაინც დაიბეჭდა, რომლებმაც თავისი სიახლით საყოველთაო ყურადღება მიიპყრეს, ხოლო 1900 წლიდან, როცა გამოიცა მოთხრობების პირველი კრებული „მგლის შვილი“, იგი ცნობილი მწერალი გახდა. ასე, ნებისყოფის უდიდესი დაძაბვისა და უჩვეულო შრომის წყალობით ლონდონმა მოახერხა სამწერლო ასპარეზზე გამოსვლა და დიდი მწერლის სახელს მოხვეჭა.

მძიმე ცხოვრებამ, უუფლებო სოციალურმა მდგომარეობამ ჯეკ ლონდონი თავიდანვე სოციალისტურ იდეებამდე მიიყვანა, თუმცა არასოდეს არ ყოფილა თანმიმდევრული სოციალისტი. იგი ადრე გაეცნო მარქსის შრომებს, კერძოდ „კომუნისტური პარტიის მანიფესტს“, დაუახლოვდა ამერიკის სოციალისტურ მუშათა პარტიას და მალე მისი წევრიც გახდა. ამავე დროს პუბლიცისტურ წერილებსა (კრებულები „რევოლუცია“ და „კლასთა ბრძოლა“) და საჯარო გამოსვლებში ჯეკ ლონდონი თავგამოდებით ეწეოდა სოციალიზმის პროპაგანდას, მაგრამ აქვე უნდა ითქვას, რომ მან ბოლომდე ვერ გაიგო მეცნიერული სოციალიზმის არსი. მოძღვრება პროლეტარიატის დიქტატურაზე. იგი ვერ აფასებდა მასების როლს ისტორიაში, რევოლუციური პროლეტარული პარტიის მნიშვნელობას და აზვიადებდა ცალკეულ გამოჩენილ პიროვნებათა როლს. მწერალს კარგად ესმოდა, რომ კაპიტალისტური წყობილების მოსპობა ისტორიულად კანონზომიერი, აუცილებელი და გარდუვალი იყო, მაგრამ რევოლუციური ბრძოლის ძირითად საშუალებად ინდივიდუალური ტერორი მიიჩნდა. ყველა ეს შეცდომა აიხსნებოდა სოციალისტური მოძრაობის განვითარების სისუსტით ამერიკაში. ამ შეცდომებმა მწერალი თანდათანობით ჩამოაცილა მუშათა მოძრაობას.

1902 წელს ლონდონი სამხედრო კორესპონდენტად სამხრეთ აფრიკაში გაემგზავრა, სადაც მიმდინარეობდა ინგლის-ბურების ომი, მაგრამ მალე მოუწურა ომის დამთავრების ცნობამ. მაშინ იმ მიზნით, რომ არაფის ეცნო, მაწანწალად გადაცემულმა მწერალმა დაიარა ინგლისის დედაქალაქის ლარბთა უბნები და უშუალოდ გაეცნო მათ აუტანელ ცხოვრებას, სიღატაკის საზარელ სურათებს. ამას მოჰყვა მრისხანებით სავსე ნარკვევთა კრებული „უფსკრულის ადამიანები“, რომელშიც ჯეკ ლონდონმა, კონკრეტულ ფაქტებზე დაყრდნობით, რეალისტური დამაჯერებლობით ასახა ბრიტანეთის დედაქა-

ლაქის მუშათა აუტანელი ცხოვრების პირობები, უმუშევრობა, შიმშილი, სიცივე და თვითმკვლელობის ბევრი შემთხვევა. „საზოგადოება რეორგანიზებულ უნდა იქნეს და გადაეცეს იგი საიმედო მმართველობის ხელში“, — ასეთ რევოლუციურ დასკვნამდე მივიდა იგი.

ამერიკის სოციალისტური მოძრაობის, 1905 წლის რუსეთის რევოლუციისა და მაქსიმ გორკის შემოქმედების გავლენით ჯეკ ლონდონი განიცდის დიდ შემოქმედებით აღმავლობას, რომლის უმაღლეს წერტილს მისი ცნობილი რომანი „რკინის ქუსლი“ წარმოადგენს. ამ ნაწარმოებმა დიდი რევოლუციური როლი შეასრულა ამერიკაში და ჯეკ ლონდონის სახელი ძლიერ პოპულარული გახადა მუშების შორის. ამერიკულ ლიტერატურაში ჯეკ ლონდონამდე არ ყოფილა არც ერთი მხატვრული ნაწარმოები, სადაც ასე მკვეთრად და აშკარად მოეწოდებინათ რევოლუციისაკენ, პროლეტარიატის გაერთიანებისაკენ. მწერალმა მწვავედ აშხილა მშრომელ ხალხთა ცრემლითა და სისხლით აგებული ბურჟუაზიული ცივილიზაცია, მეცნიერება, რელიგია, ხელოვნება, ლიტერატურა. პრესა, რომლებიც ექვემდებარებიან გაბატონებული კლასების ინტერესებს. მან დაუნდობლად გააკრიტიკა ევრეთწოდებული „ამერიკული დემოკრატია“, ფარდა ახადა მას და გვიჩვენა მთელი მისი სიყალბე. რკინის ქუსლი — ეს ფაშისტური ტიპის ბურჟუაზიული მთავრობაა, მონოპოლისტური კაპიტალის იარაღი, რომელიც თავისი რკინის ქუსლით თელავს და არარად აქცევს თავისუფლების, დემოკრატის ყოველგვარ ნასახსაც კი. უილიამ ფოსტერი ამ ნაწარმოების შესახებ ამბობდა: „თავის „რკინის ქუსლში“ მან ზოგადად გვიჩინასწარმეტყველა ფაშიზმის წარმოშობა და ის მწვავე ბრძოლა, რომელიც საჭირო იქნება მის დასაძლევად“. ამავე დროს ჯეკ ლონდონმა ამ რომანში იჩინასწარმეტყველა, რომ ამერიკის შეერთებული შტატები იქცეოდნენ მსოფლიო რეაქციის ცენტრად და მსოფლიო ხალხების თავისუფლების საფრთხედ. „რკინის ქუსლი“ ამერიკის ბურჟუაზიის წინააღმდეგ მიმართული ბასრი იარაღი იყო და ამიტომაც გასაკვირი არაა, რომ ბურჟუაზიული კრიტიკა გულისწყრომით შეხვდა ამ ნაწარმოებს, იგი „სოციალისტურ პროპაგანდად“ მონათლა და „მწერლის ტალანტის დაკნინებაზე“ მიუთითა.

ჯეკ ლონდონმა თანდათანობით ამერიკის ერთ-ერთი უდიდესი მწერლის სახელი მოიხვეჭა და ბოლოსადმოლო ეზიარა წოდებრივ და ქონებრივ კეთილდღეობას.

1907 წელს საკუთარი გემით „სნარკით“ ჯეკ ლონდონმა იმოგზაურა დედამიწის გარშემო. სწორედ „სნარკზე“ დაიწყო მან თავისი ყველაზე ცნობილი რომანის „მარტინ იდენის“ წერა. ამ რომანის შექმნის წლები მეტად მძიმე იყო მწერლის ცხოვრებაში. რუსეთის 1905 წლის



რევოლუციის დამარცხების შემდეგ რეაქცია გაძლიერდა ამერიკაშიც. ამავე დროს ხალხს მოწყვეტილ მწერალზე სულ უფრო და უფრო ძლიერდება ბურჟუაზიული იდეოლოგიის ზეგავლენა. მოგზაურობიდან დაბრუნებულმა შეიძინა მამული და ჩაიკეტა თავისთავში. ყოველივე ამან უარყოფითი დალი დაასვა „მარტინ იდენის“ იდეურ დასასრულს.

„მარტინ იდენი“ ძირითადად ავტობიოგრაფიული ხასიათის ნაწარმოებია, რომელიც ასახავს ხელოვანის ტრაგიკულ ბედს ბურჟუაზიულ საზოგადოებაში. რომანის გმირი ყოფილი მწვლეური, დაბალი წრიდან გამოსული მარტინ იდენი არაჩვეულებრივი ენერჯის, არაადამიანური შრომისა და რკინისებური ნებისყოფის წყალობით გზას იკაფავს ბურჟუაზიულ საზოგადოებაში, სადაც ყოველგვარი ადამიანური გრძნობა ფულზე ხურდავდება. და აღწევს თავის მიზანს — ხდება ცნობილი მწერალი და მდიდარი ადამიანი. მაგრამ ბურჟუაზიულ საზოგადოებასთან ხანგრძლივ და სასტიკ ბრძოლაში იგი იღლება და მარცხდება. მარტინ იდენი ჰკარგავს ცხოვრების ყოველგვარ ინტერესს, თავს ვერ აღწევს მის წინაშე წამოჭრილ წინააღმდეგობებს და ერთადერთ გამოსავალს თვითმკვლელობაში ხედავს.

მარტინ იდენის ტრაგედია თვით მწერლის ტრაგედიაც იყო. იგი ან უნდა დაღუპულიყო როგორც მხატვარი, ან დადგომოდა ბურჟუაზიულ სინამდვილესთან შერიგების გზას. მართლაც, უკანასკნელი პერიოდის ნაწარმოებები მიგვითითებენ იმაზე, რომ ჯექ ლონდონი დაადგა ბურჟუაზიულ სინამდვილესთან შერიგების გზას და ეს თვითმკვლელობას გაუთანაბრდა. ლიტერატურასა და ხელოვნებაზე ბურჟუაზიული საზოგადოებრივი ურთიერთობის გამხრწნელმა ზეგავლენამ ჯექ ლონდონის დიდი შემოქმედების დაკნინებაც გამოიწვია. ბოლო წლებში იგი ქმნიდა სულ უფრო და უფრო მძარე მხატვრული ხასიათის გასართობ ნაწარმოებებს. მწერალი სავსებით მოწყდა ცხოვრებას. დაკარგა ცხოვრების სიმაართის ალღო და შექმნა ისეთი ანტიმხატვრული და კაცთმოძულე ნაწარმოებები, როგორიცაა „თავგადასავალი“ და „წითელი ჭირი“. 1912 წლიდან იგი მჭიდროდ დაუკავშირდა ჰერსტის გამომცემლობას. სულ უფრო და უფრო იზრდება მასზე რეაქციული იდეოლოგიის ზეგავლენა. იგი იქამდეც კი მივიდა, რომ ამართლებდა ამერიკის შეერთებული შტატების აგრესიას მექსიკაში. ამავე დროს

თანდათან ძლიერდება მწერლის პესიმიზტური განწყობილება („მოვარის ველი“, „დიდი სახლის პატარა დიასახლისი“, „სამთა გული“), ხოლო 1915 წელს დაწერილ მეტად რეაქციულ მოთხრობაში „წითელი ჭირი“ მან კაცობრიობის მომავლის საშინელი სურათი დაგვიხატა. იგი სრულიად მოწყდა მუშათა მოძრაობას, ხალხს და სიკვდილამდე არც ისე დიდი ხნის წინ გამოვიდა სოციალისტური პარტიის რიგებიდან, რომელიც თუმცა მაშინ ოპორტუნისტების გზას დაადგა. ამ წლებში ჯექ ლონდონს არცერთი მნიშვნელოვანი ნაწარმოები არ შეუქმნია. ასე ჩაკლა ბურჟუაზიულმა საზოგადოებამ დიდი მწერლის ტალანტი. ლონდონის სულიერი ტრაგედია ის იყო, რომ მას მთელი არსებით სძულდა ბურჟუაზიული საზოგადოება, მაგრამ უსუსური აღმოჩნდა კავშირი გაეწყვიტა მასთან და მის მონობაში აღმოჩნდა. მწერალი მხოლოდ გვიან მიხვდა, რომ სიმდიდრისა და სახელის გამოდევნება დამღუპველია. თავის დიდ ტრაგედიას ჯექ ლონდონი კარგად გრძნობდა და მეტად მტკივნეულად განიცდიდა. ბოლო წლებში იგი დაეწაფა ღვინოს და თავისი ცხოვრება მარტინ იდენის მსგავსად ტრაგიკულად დაამთავრა. როგორც ფიქრობენ, ორმოცი წლის ჯექ ლონდონმა თავი მოიწამლა.

ამერიკის ბურჟუაზიული ლიტერატურათმცოდნეობა ყოველმხრივ ცდილობს გააყალბოს ჯექ ლონდონის შემოქმედების პროგრესული მხარე, მიჩქმლოს მისი, როგორც დიდი მწერლის, სახელი.

ჯექ ლონდონის შემოქმედება მხოლოდ საბჭოთა ქვეყანაში დაფასდა. მისი ნაწარმოებები რამდენჯერმე გამოიცა საბჭოთა კავშირის ხალხთა ენებზე. ქართულად თარგმნილია „მარტინ იდენი“, „რკინის ქუსლი“ და მთელი რიგი მოთხრობები. საბჭოთა კავშირში ეკრანიზებულია მისი ცნობილი ნაწარმოებები „თეთრი ეშვი“ და „მექსიკელი“. მალე გამოვა მისი მოთხრობის მიხედვით გადაღებული ფილმი „მოიკლას ადამიანი“.

ჩვენთვის ძვირფასია ჯექ ლონდონი, როგორც ჰუმანისტი და დიდი მხატვარი, ამერიკელი ხალხისა და მთელი კაცობრიობის უკეთესი მომავლისათვის მებრძოლი.

3. ჯოკაბენაძე.



ბრძოლა საბჭოთა ხელისუფლების დამყარებისა და განმატყვევებისათვის აჭაბუგში

1920 წლის დამლევა და 1921 წლის დამ-
დევს მენშევიკური დიქტატურის კრახის ვარ-
დუვალობა აჭარა გახდა. მენშევიკურმა პარ-
ტიამ საბოლოოდ დაკარგა ყოველგვარი ნდობა.
მშრომელი მასების დიდი უმრავლესობა მტკი-
ცელ უჭერდა მხარს კომუნისტურ პარტიას...
1921 წლის 11 თებერვალს სომხეთის მოსაზღვე-
რე ქართულ სოფლებში დაიწყო მშრომელთა
შეიარაღებული აჯანყება, რომელიც სწრაფად
გავრცელდა და თითქმის მთელ საქართველოს
მოედო. 16 თებერვალს შექმნილმა რევკომმა
საქართველო საბჭოთა სოციალისტურ რესპუ-
ბლიკად გამოაცხადა და დახმარებისათვის მი-
მართა რსფსრ მთავრობას, პირადად ვ. ი. ლენინს.
საქართველოს რევკომის თხოვნა დაკმა-
ყოფილებულ იქნა და ვ. ი. ლენინის მითითე-
ბით მე-11 წითელი არმია, რომელსაც სათავე-
ში ედგნენ ს. ორჯონიკიძე და ს. კიროვი, სას-
წრაფოდ მიეშველა აჯანყებულ ქართველ
ხალხს. 25 თებერვალს წითელი არმიის მეომ-
რები აჯანყებულთა რაზმებთან ერთად თბილი-
სში შევიდნენ.

16 თებერვალს, ღამის 12 საათზე, ნ. ყორდა-
ნიას კაბინეტში გაიმართა დამფუძნებელი კრე-
ბის წევრთა საგანგებო თათბირი, რომელმაც
განიხილა საკითხი პოლიტიკური მდგომარეო-
ბის შესახებ. ყორდანის მოხსენება მთავრობის
სრულ სასოწარკვეთილებას მოასწავებდა. დე-
პუტატთა მცირე ნაწილი, მათ შორის ქართუ-
ლი კულტურის ცნობილი მოღვაწე გერონტი
ქიქოძე, ბოლშევიკებთან შეთანხმებას და სის-
ხლის ღვრის თავიდან აცილებას მოითხოვდა.
მაგრამ ყორდანია-რამიშვილის მთავრობამ
კვლავ თავისი ავანტიურისტული პოლიტიკა
განაგრძო.

აღსასრულის ეკამს მენშევიკურმა მთავრობამ
მასობრივად დააპატიმრა ბოლშევიკური პარ-
ტიის ხელმძღვანელი მუშაკები, აქტივისტები
და რიგითი წევრებიც. დააპატიმრეს აგრეთვე
რსფს რესპუბლიკის, აზერბაიჯანისა და სომხე-

თის საბჭოთა სოციალისტური რესპუბლიკების
დიპლომატიური წარმომადგენლები.

გაყოტრებული მენშევიკური მთავრობა
მთელ იმედებს ბათუმის ოლქზე ამყარებდა და
ამიტომ სცადა ზურგის გაწმენდა „მავენ“ ელე-
მენტებისაგან. შინაგან საქმეთა მინისტრის ნ.
რამიშვილის განკარგულებით, 18 თებერვალს
მენშევიკების საგანგებო რწმუნებულმა გრ. გი-
ორგაძემ დააპატიმრა რსფსრ, აზერბაიჯანისა
და სომხეთის სსრ საკონსულოთა მთელი შემა-
დგენლობა ბათუმში.

ამავე დროს მენშევიკური მთავრობა შეეცა-
და მობილიზაციის ჩატარებას და ახალი სამხე-
დრო ნაწილების შექმნას. 1921 წლის 17 თებერ-
ვალს ნ. ყორდანამ დეპუტით მიმართა ბათუმ-
ში გრ. გიორგაძეს — გააძლიერეთ სამხედრო
მუშაობა, გამოუყვავეთ მთავრობას ახალ-ახალ-
ლი ძალები და მტერს საბოლოოდ დეამარც-
ხებთო. ამ უკანასკნელმა თავის მხრივ მოწო-
დებით მიმართა აჭარის მოსახლეობას: ქართვე-
ლო მუსულმანებო, თქვენც უნდა შეიტანოთ
წვლილი სამშობლოს დაცვაში, ხელი მოკიდეთ
იარაღსო.

მთავრობის დავალებით აჭარაში მოხალისეთა
რაზმის შედგენას შეუდგა ასლან აბაშიძე. სო-
ფლებში იწვევდნენ კრებებს და მოსახლეო-
ბას მოუწოდებდნენ შესულიყვენ მოხალისე-
თა რაზმებში. მაგრამ მიუხედავად იმისა, რომ
ზოგან კრება ჩატარდა ნ. ყორდანისა და ნ. რა-
მიშვილის ხელმძღვანელობით, მენშევიკების ამ
ავანტიურას აჭარის მოსახლეობა კატეგორიუ-
ლად გაემიჯნა, ვადაკრით უარი განაცხადა საბ-
ჭოთა ხელისუფლების წინააღმდეგ გალაშქრე-
ბაზე.

წითელი არმია სწრაფად მოიწვედა წინ ოთხი
მიმართულებით: მამისონისა და სურამის უღ-
ელტეხილებიდან ქუთაისის მიმართულებით,
ბორჯომ-ახალციხიდან — აჭარისაკენ და შავი
ზღვის სანაპიროებიდან — სოხუმისაკენ.

მარტის დამდეგს მენშევიკური ჯარის ნა-



წილებმა თავი მოიყარეს ქუთაისში. მათი მდგომარეობა სრულიად უნდგემო იყო: აღარ არსებობდა გუნდები და ათასეულები. ჯარი სოფლებში გაიფანტა. ქუთაისის მაზრის სოფლებს კალიებივით მოედევნენ აგრეთვე კელიას განსაკუთრებული რაზმის წევრები. ისინი აპატიმრებდნენ და ციხეში ყრიდნენ კომუნისტებსა და მათ მომხრეებს, ამასთან ძარცვავდნენ მოსახლეობას და ნაძარცვ ქონებას ბათუმში გზავნიდნენ. ქუთაისში მათ ელექტრონის მავთულებიც კი დახსნეს და წაიღეს (გაზ. „კომუნისტი“, № 18, 1921 წ.).

5 მარტს ქუთაისში შეიქმნა თავდაცვის საბჭო, რომელიც სათავეში ჩაუდგა საბჭოთა ხელისუფლების დამყარებისათვის ბრძოლას. მენშევიკებმა პირი ბათუმისაკენ იბრუნეს და აქ ახალი ვერაგობა ჩაიდინეს: ბათუმი და ბათუმის მთელი ოლქი თურქეთს გადაეცა. 11 მარტს თურქეთის ჯარის მეწინავე ნაწილი ბათუმში შემოვიდა. 16 მარტისათვის თურქ ჯარისკაცთა რიცხვი აქ 3.500-მდე აღწევდა (გაზ. „კომუნისტი“, № 238, 1921 წ.).

როგორც შემდეგ გახდა ცნობილი, თურქებს გადაწყვეტილი ჰქონდათ 17 მარტს ხელში ჩაეგდოთ ბათუმის მთელი გამაგრებული რაიონი, ხოლო 18 მარტს განეიარაღებინათ მენშევიკური ჯარი და ბათუმის ოლქი თურქეთთან შეერთებინათ. ამავე დროს საქართველოს ყოფილი მთავრობა ზავის საკითხზე მოლაპარაკებას აწარმოებდა საქართველოს რევკომთან. ამაზე მეტი ორპირობა და ვერაგობა შეიძლება?!

ასე გადაიქცა ბათუმი საბჭოთა ხელისუფლების წინააღმდეგ ინტრიგის ცენტრად. მას ებღაუჭებოდნენ, ერთ მხრივ, თურქეთის აგენტები, მეორე მხრივ, ანტანტის იმპერიალისტები. მაგრამ საქართველოს რევკომმა გააფრთხილა ისინი: ვინც ბათუმს თავს დაესხმის, მედგარ წინააღმდეგობას შეხედებაო (გაზ. „კავკასიის კომუნარი“, 1921 წ.).

თურქი დამპყრობლები დაინტერესებული იყვნენ არა მენშევიკური დიქტატურის დაცვით, არამედ ბათუმით და ბათუმის ოლქით. თურქებმა საიდუმლო კავშირი დაამყარეს „სედაი მილეთის“ წარმომადგენლებთან და ამზადებდნენ თურქეთთან ბათუმის ოლქის შეერთებას.

16 მარტს მოსკოვში ხელი მოაწერეს რსფსრსა და თურქეთის „მეგობრობისა და ძმობის ზელშეკრულებას“, რომლის ძალით ბათუმი საქართველოს რესპუბლიკის განუყოფელი ნაწილი გახდა და, მაშასადამე, თურქეთის ჯარის მიწის ანექსიის უფლება არ ჰქონდა. მიუხედავად ამისა, 17 მარტს დღის 12 საათიდან თურქი ჯარისკაცები შეუდგნენ ბათუმის ციხე-სიმაგრეთა რაიონის დაპყრობას. მენშევიკები ცდილობდნენ გამოეწვიათ წითელი არმიის ნაწილებისა და თურქეთის ჯარის შეტაკება, რათა თვითონ შეენარჩუნებინათ ძალაუფლება. თუ ეს არ მოხ-

რბდებოდა, ამ მოწამულ ატმოსფეროში ვილად შეძლებდნენ მოსალოდნელი განსაცდელისაგან თავის დაღწევას და საზღვარგარეთ გაქცევას. მაგრამ ძალაუფლების შენარჩუნების ვარაუდი მენშევიკებს არ გაუმართლდათ. 16-17 მარტს საქართველოს მენშევიკური მთავრობა მცირერიცხოვანი ამალით საზღვარგარეთ გაიქცა. ნაძარცვი ქონება 20 ვემს მიჰქონდა.

17 მარტს, საღამოს 8 საათზე, ს. ქავთარაძის თავმჯდომარეობით შეიქმნა ბათუმის დროებითი რევკომი, რომელმაც უმაღლეს მიიღო საჭირო ზომები საბჭოთა ხელისუფლების ორგანიზაციისათვის. რევკომის ხელმძღვანელობით შედგა ოთხი მეგრძოლი რაზმი, რომელშიც გაერთიანდნენ ციხიდან განთავისუფლებული კომუნისტები და მოწინავე მუშები. მათი რიცხვი ათასს აღემატებოდა. ცხადია, ეს მეგრძოლი რაზმი არ კმაროდა თურქ მოძალადეთა აჯარიდან განსადევნად. ამიტომ რევკომის დაჯალბებით განაზიარდა (მენშევიკური ჯარის ყოფილი მთავარსარდალი) შეუდგა დაშლილი ყოფილი მენშევიკური ჯარის აღდგენას და ქალაქის დაცვას. ამასობაში თურქებმა მოასწრეს მთელი რიგ მთავარ დაწესებულებათა შენობების დაკავება.

17 მარტს ღამის 12 საათზე, როცა თათბირი მიმდინარეობდა დროებითი ხელისუფლების შექმნისა და ქალაქიდან თურქეთის ჯარის განდევნის ორგანიზაციის შესახებ, რევკომში გამოცხადდა თურქი ოფიცერი ქიაზიმ-ბეის ულტიმატუმით: თურქეთის მთავრობის გადაწყვეტილებით, ბათუმის ოლქი შეერთებულია თურქეთთან, ხოლო ის, ვინც შემჩნეულ იქნება ბოროტმოქმედებაში თურქეთის მთავრობისა და ჯარის წინააღმდეგ, დაუყოვნებლივ გადაეცემა სამხედრო-საველე სასამართლოსო (გაზ. „კომუნისტი“ № 239, 1921 წ.).

რევკომმა კატეგორულად უარყო თურქთა ულტიმატუმი, ამასთან გააფრთხილა ისინი, რომ ქართველი ხალხი ბათუმს არავის არ დაუთმობდა.

18 მარტს ბათუმსა და მის მიდამოებში დილიდანვე სისხლისმღვრელი ბრძოლები გაჩაღდა. თურქები თავს დაესხნენ ციხე-სიმაგრის შტაბს და მისი ხელში ჩაგდება სცადეს, მაგრამ ამაოდ. დაიკავეს კი გორბოდოკის მდლობები და ქვემეხები ქალაქს მიუშვირეს. მათვე ხელთ იგდეს რადიოსადგური და გადატრეს ბათუმ-ქობულეთის რკინიგზის ლიანდაგი, რის შედეგადაც ამ უბანზე დროებით შეწყდა სარკინიგზო მიმოსვლა (გაზეთი „სოციალისტ-ტვედრალისტი“, № 60, 1921 წ.).

მაღე თურქებმა კახაბრის ფორტიც დაიკავეს და უშუალო საფრთხე შეუქმნეს ბათუმს, მაგრამ რევკომის მეგრძოლმა რაზმმა ყოფილი მენშევიკური ჯარის ნაწილებთან ერთად დაუყოვნებლივ გარეკა ისინი. ბრძოლა სულ უფრო შეუპოვარ ხასიათს იღებდა. თურქები უსისხ-



ლოდ არაფერს არ თმობდნენ, მაგრამ ქართველი მეომრები შეუპოვარი ბრძოლით წინ მიიწევდნენ და იკავებდნენ ახალ-ახალ პოზიციებს.

18 მარტს დღის 4-5 საათისათვის თურქეთის ჯარის დამარცხება ფაქტი გახდა. და სწორედ ამ დროს ბათუმში შემოვიდნენ წითელი არმიის ცხენოსნებიც (გაზ. „სოციალისტ-ფედერალისტი“, № 60, 1921 წ.). ამის შემდეგ კიდევ შეწყდა საომარი მოქმედება, დაიღო დროებითი ზავი. იმავე საღამოს წითელი არმიის ცხენოსნები ქართველ ცხენოსნებთან ერთად ბათუმ-ნატანების რკინიგზის ლიანდაგის დასაცავად გაეშურნენ. თურქებმა დრო იხელთეს და დაზავების პირობები დაარღვიეს, სროლა აუტეხეს ქართველ მეომრებს.

19 მარტს ბარცხანაში სისხლისმღვრელი ბრძოლა გაჩაღდა თურქებსა და ქართველებს შორის. ქართველმა მეომრებმა სასტიკად დაამარცხეს თურქი დამპყრობლები და ტყვედ იგდეს 60-მდე ასკერი, 20 ოფიცერი და ერთი ტყვიამფრქვევი (გაზ. „სოციალისტ-ფედერალისტი“, № 73, 1921 წ.).

დამფრთხლმა თვითმარქვია გუბერნატორმა ქიაზიმ-ბეიმ კაპიტულაციის ნიშნად თეთრი დროშა აღმართა. 21 მარტისათვის ბათუმში მთლიანად გაიწმინდა თურქებისაგან. წითელი არმიის ნაწილებმა დიდი დახმარება აღმოუჩინეს რევკომს წესრიგის აღდგენაში.

ჩვენი ქალაქი უკვე აღარ განიცდიდა თურქთა თავდასხმის საშიშროებას. მაგრამ აჭარის სოფლებში შეფარებული თურქები წყალწაღებულივით ხავს ებღაუბებოდნენ. იწვევდნენ კრებებს და მოსახლეობას მოუწოდებდნენ საბჭოთა ხელისუფლების წინააღმდეგ ბრძოლისაკენ, ამასთან საჩუქრად პირდებოდნენ ოქროებსა და იარაღს. თურქების მიზანი იყო მოსახლეობის აჯანყების მოწყობით დამეტკიცებინათ, რომ მაჰმადიან ქართველობას თითქოს არ სურდა საქართველოს შემადგენლობაში დარჩენა. მაგრამ ისინი ამჯერადაც მწარედ მოტყუვდნენ. „თურქებს არ მიემხრო არც ერთი მაჰმადიანი ქართველი“ (გაზ. „სოციალისტ-ფედერალისტი“, № 21, 1921 წ.).

ქართველმა ხალხმა წითელი არმიის დახმარებით აჭარიდან საბოლოოდ განდევნა მოძალადე თურქები.

20 მარტს შეიქმნა ბათუმის ოქმის რევკომი,

რომლის შემადგენლობაში შევიდნენ ს. ქავთარაძე (თავმჯდომარე), მ. ტორიშელიძე, თ. ელენტი, ი. პევეცივი, დ. მახარაძე, მ. აბაშიძე, კ. თავებერიძე, რ. ნიყარაძე, კ. საჯაია.

აჭარის მშრომელები აღფრთოვანებით შეხვდნენ საბჭოთა ხელისუფლების გამარჯვებას მთელ საქართველოში. 27 მარტს ბათუმში გაიმართა დიდი მიტინგი, რომელმაც მისალმება გაუგზავნა ვ. ი. ლენინს.

ხალხმრავალი მიტინგები გაიმართა აგრეთვე ხულოში, ქედაში, ქობულეთში, ჩაქვში, ხუტუბანში, გონიოში და სხვა სოფლებში.

თურქები დიდ იმედებს ამყარებდნენ სასახლვრო სოფლების მოსახლეობაზე, ცდილობდნენ მათს ანკესზე წამოგებას. 1921 წლის 11 აპრილს სოფ. მარადიდში გაიმართა დიდი მიტინგი. თურქებისა და მათი აგენტების ვარაუდი — მიტინგი ანტისაბჭოთა ხასიათს მიიღებსო. არ გამართლდა. მიტინგმა ერთსულოვნად მოიწონა საბჭოთა ხელისუფლების დამყარება და კომუნისტური პარტიისადმი ერთგულების ნიშნად მოითხოვა კომუჩარედის ჩამოყალიბება. იმავე დღეს პარტიის რიგებში შევიდა თერამეტი გვინი.

ეს იყო აჭარაში საბჭოთა ხელისუფლების ზეიმის ერთ-ერთი მკაფიო მაჩვენებელი.

1921 წლის ნოემბერში აჭარის მშრომელებმა აირჩიეს აჭარის ასსრ უმაღლესი ორგანო — წითელი მეჯლისი, რომლის შემადგენლობაში შევიდნენ რესპუბლიკის მოწინავე ადამიანები რ. ნიყარაძე, ს. დიასამიძე, ქ. ნოლაიძელი, ზ. თხილაიშვილი, რ. გოგიტიძე, ს. კომახიძე, ხ. ჯიჯავაძე, ი. კაკიციშვილი, ა. ხალვაში, ჯ. მკავანაძე და სხვ.

შეიქმნა აგრეთვე რესპუბლიკის აღმასრულებელი ორგანოები, რომლებსაც სათავეში ჩაუდგნენ რ. ნიყარაძე, ს. დიასამიძე, მ. გათენაძე, ჯ. ფალავა და სხვები.

ამ ღირსსახსოვარი დღეების შემდეგ ორმოცი წელი გავიდა. ამ ხნის განმავლობაში აჭარის მშრომელებმა წინათ ჩამორჩენილი და ლატაყი აჭარა საქართველოს ერთ-ერთ მოწინავე აუთხედ გადააქციეს.

3. ცეპიტარია,

ისტორიის მეცნიერებათა კანდიდატი.



ფეხდრეკელი პატრიოტი

აჭარის სახელმწიფო გამომცემლობამ გამოსცა ს. გერსამიას ნარკვევი „მემედ აბაშიძე“. ამ პატარა მოცულობის გულთბილად დაწერილ წიგნს მკითხველები დიდი ინტერესით შეხედნენ. ავტორი მშრალად, მოწყვეტილად კი არ განიხილავს ამ გაბედული და ენერგიული პატრიოტის ცხოვრებას, არამედ მკიდროდ უკავშირებს მას საზოგადოებრივ და პოლიტიკურ სიტუაციებს, ხელშეშავებლად წარმოგივლებს მემედ აბაშიძის ნათელ პორტრეტს — პირადულ ცხოვრებას და საზოგადოებრივ საქმიანობას, მის მგზნებარე პატრიოტულ მოღვაწეობას.

ს. გერსამიას პირველი სტრუქტურული მონებრებულად შეკაყავს მკითხველი საქმის კურსში. „მ. აბაშიძე, — წერს იგი, — იყო პირველი ქართველი მუსლიმანი მწერალი. პუბლიცისტი და ფართო დიპლომატიის საზოგადო მოღვაწე, რომელიც მოგვცა ოსმალთა სამსწლოვანი ბატონობის უღლისაგან გამოსხნილმა და დედასამშობლოსთან კვლავ შემოერთებულმა აჭარამ. მთელი თავისი შინაარსიანი ცხოვრება მ. აბაშიძემ მოახმარა ქრისტიან და მუსლიმან ქართველთა შორის „ჩატეხილი ხიდი“ გამართვლებისათვის. ბარბაროსთა უღლისაგან განთავისუფლებული თავისი კუთხის მოსახლეობის ეროვნული თვითშეგნების ამაღლებისათვის, საქართველოს მთლიანობისათვის დაუცხრომელ ბრძოლას“.

მ. აბაშიძის პორტრეტის ამ ზოგადი დანახათების შემდეგ ავტორს გაეაუყვართ იმდროინდელ სამყაროში. ნარკვევში ფაქტები უხვად დაა. ეფიქრობთ, ზოგიერთის გაყოფება ზედმეტი არ იქნება.

მ. აბაშიძე ქართველი ერის ნამდვილად ღირსეული შვილია. მიუხედავად იმისა, რომ ფეოდალური წრიდან გამოვიდა, ქართველი ხალხის პროგრესული ძალების რიგებში უყოყმანოდ ჩადგა და ჩვენი კუთხის — აჭარის კირავარამის მძიმე უღელი უმშობრად ასწია თავისი ღონიერი ქედით. ისიც უნდა აღინიშნოს, რომ იგი არა მარტო სიმპათიურად იყო განწყობილი რევო-

ლუციის მიმორბევილი ძალებისადმი, არამედ აქტიურადაც ეხმარებოდა მათ და მხარს უჭერდა. დროის კარნახით. მან მიზნად დაისახა „ბრძოლა საქართველოს მთლიანობისათვის“. და ეს მარტო ლიტონი სტრეილი როდი იყო, მას სორცს ასხამდა მრავალმხრივი მოღვაწეობით — კალმით, სიტყვით და საქმით. ის აქვეყნებდა პუბლიცისტურ წერილებს. ეკამათებოდა იმ დროის გამოჩენილ მოღვაწეებს (პ. მირიანაშვილი, გ. გვახავა) „ვეფხისტყაოსნის“ გპირთა სარწმუნოების შესახებ. ამ მსჯელობის არსს დღესაც არა აქვს დაკარგული მნიშვნელობა, სადაც მან გამოამკლავნა მაღალი ნიჭი და ქართული და უცხო ენების (არაბული, თურქული, სპარსული) ღრმა ცოდნა.

მ. აბაშიძე ახალგაზრდობიდანვე დაუკარგა და ქართველი ხალხის პროგრესულ ძალებს, გამოჩენილ საზოგადო მოღვაწეებს, როგორც იყვნენ ილია ჭავჭავაძე, აკაკი წერეთელი. იაკობ გოგებაშვილი, თედო სახოკია, სოფრომ მგალობლიშვილი, რაფიელ ერისთავი, ვალერიან გუნია და სხვ. იგი ახლო კავშირში იყო ბათუმში მოღვაწე სახელოვან ადამიანებთან ი. მესხთან, გრ. იოლსკისთან, დ. კლდიაშვილთან და სხვ. აი ის ნიადაგი და ატმოსფერო, რომლითაც უხვად იკვებებოდა და სუნთქავდა, ყოველდღიურად იზრდებოდა და კავდებოდა მ. აბაშიძე.

მ. აბაშიძე ერთა შორის ინტერნაციონალური დამოკიდებულების მომხრე იყო. მთავრობის ვერავითარმა ნაციონალისტურ-შოლინისტურმა ხრიკებმა ის ვერ ჩააბა ერთა შორის ხოცველეთის სამარცხვინო საქმეში. პირიქით, ჩვენი სასიქადულო საზოგადო მოღვაწე მოუწოდებდა მათ ერთიანობისა და ძმობა-მეგობრობისაკენ. ამითაც არ კმაყოფილდებოდა, იგი ნილაბს ხდიდა მთავრობის რეაქციულ პოლიტიკას — „დააქუცმაცე და იბატონე“.

ოხრანკა შეეცადა მოესყიდა მ. აბაშიძე და მეფის სამსახურში ჩაეყენებინა, ესარგებლა ხალხში მისი დიდი ავტორიტეტითა და ნდობით. მაგრამ ამაოდ. ბოლოს გადაწყვიტეს თავიდან



მოეშორებინათ იგი ადმინისტრაციული წესით. ამ ვერაგული განზრახვის განხორციელებაში მთავრობას ხელს უწყობდნენ რეაქციონერი ბეგები. მ. აბაშიძე იმუღბული გახდა დეტოვებინა რუსეთი და თავი შეეფარებინა თურქეთისათვის, მაგრამ თავისუფლების ნაცვლად ტრაპიზონის ციხეში აღმოჩნდა, როგორც რევოლუციონერი... ამ მის თავს დაატყვება მოულოდნელი პირადი უბედურება: ორი ვაჟი იშვილი ქვამალი და ბექირი დაკარგა. მ. აბაშიძე მძიმე ავადმყოფი უმცროსი შვილით (იბრაჰიმით) ხელში ტყე-ღრით მალულად დაბრუნდა ბათუმში (1913 წ.), მაგრამ რუსეთის ცარიზმის ოხრანკა იგი მაშინვე დააპატიმრა და ციხიდან ციხეში გადასაყვდა.

1917 წელს მემედ აბაშიძე კვლავ ბათუმშია. კარგად ერკვეოდა რა ეროვნულ და სარწმუნოებრივ საკითხებში, მ. აბაშიძე ამბობდა, სარწმუნოების სხვაობა ხელს არ უშლის ერის ერთიანობას, კერძოდ ქართველთა ერთიანობას. იგი სარწმუნოებას უყურებდა როგორც ქუჩის ადამიანის სხეულზე, რომელიც სწავლა-განათლებლით ჩამორეცხება და დავერჩება ერთი ხალასი ცნება — ქართული. ამიტომ არ იზიარებდა მისიონერთა „მოღვაწეობას“ აქარაში, რომელმაც ხელი შეუწყო მუჰაჯირობას და დიდი გასაქანი მისცა ხოჯა-მოლეების თარეშს. გააძნელა ქართველთა ურთიერთ გათვითცნობიერება, კულტურული აღმადგობისათვის ზრუნვა ადგილობრივ მოსახლეობაში.

მ. აბაშიძე ბათუმის ქართულ სკოლაში თურქული ენის მასწავლებლადაც მიუწვევიათ, მაგრამ იგი ეროვნულ საკითხს ერთი წუთითაც არ ივიწყებდა. გაკვეთილებზე მოსწავლეებს უამბობდა ქართველი ხალხის ისტორიას, აღიევებდა მათ ეროვნულ-პატრიოტულ შეგნებას. ამიტომ მალე გაათავისუფლეს სამუშაოდან.

მხოლოდ მშობელი ერის დიდ მოსიყვარულესა და სულთ რაინდს შეეძლო გაებდა თურქეთის სამხედრო მინისტრის ნენერ-ფაშისათვის, რომ თქვენ სტუმრად ხართ ჩამოსული ჩვენს ქვეყანაში და „იმედი გვაქვს მოკლე დროში ბათუმსა და მის ოლქს დატოვებთ“. მაგრამ მომხდურთა ჩინიანი წარმომადგენლების წინაშე ასეთი გაბედული ვალაშქრება მას იოლად არ დაუჯდა — ტრაპიზონის ციხეში ამოაყვინეს თავი და სასტიკადაც დასჯიდნენ, მაგრამ იქ მცხოვრებმა მადლიერმა ლაზებმა და აქარლებმა გამოაპარეს. მ. აბაშიძე დაბრუნდა სამშობლოში და კვლავ სათავეში ჩაუდგა საყვარელ საქმეს: გააძლიერა განმათავისუფლებელი მოძრაობის კომიტეტის მუშაობა, ღარაზმა ფართო მასები თურქ ინტერვენტთა წინააღმდეგ. კომიტეტის გადაწყვეტილებით, მ. აბაშიძემ დააარსა გაზეთი „სამუსლიმანო საქართველო“, რომელსაც თვითონ ჩაუდგა სათავეში, როგორც რედაქტორი. მიუხედავად ინგლისელი ინტერვენტების წინააღმდეგობისა,

მან მოიწვია აქარის მშრომელთა ყრილობა, გამოაშკარავა თურქ ინტერვენტთა და ადგილობრივი თურქოფილი ბეგების, ხოჯა-მოლეების უღირსი საქციელი, რაც გამოიხატა ხალხის მოტყუებაში რეფერენდუმის ჩატარების შესახებ. მ. აბაშიძემ მოუწოდა ხალხს ერთიანი საქართველოს დროშის ქვეშ დარაზმულიყო და მოითხოვა, რათა თურქეთის ჯარებს სასწრაფოდ დაეტოვებინათ არა მარტო აქარა-ქობულეთი, არამედ ქართველი ხალხის მთელი მიწა-წყალი.

მ. აბაშიძე, განვლო რა მკაცრი და სახელოვანი ბრძოლის სკოლა ერთგულ არჩეული გზით, საბჭოთა ხელისუფლების დამყარების შემდეგ ქართველი ერის მოწინავე შვილებთან ერთად კვლავ აქტიურად ჩაება საზოგადოებრივ-კულტურულ საქმიანობაში.

1926 წელს მ. აბაშიძემ თურნალში „ქართული მწერლობა“ მოათავსა წერილი „ქართული ენის განწმენდისათვის“ და მონაწილეობა მიიღო სრულიად საქართველოს გაერთიანებულ მწერალთა ყრილობაში, სადაც დღის წესრიგში ენის სიწმინდის საკითხი იდგა.

მ. აბაშიძე მოითხოვდა მშობლიური ენის დაცვას უცხოურის გავლენისაგან და მისი გაუხეხვების ძირითად წყაროდ მიაჩნდა ქართული ხალხის ენა. იგი ამბობდა: „ჩვენ ჩვენი მშობლიური მეტყველების საღაროს სიღრმეში მოგვეპოვება სანაცვლო სიტყვები, მხოლოდ მათ შესწავლა უნდა, გამოტანა და წარმოება“.

სამართლიანად ასენის ს. გერსამია წარმოდგენილ ნაშრომში: „ამგვარად, მეზობელ ერთა ენებიდან სიტყვების სესხების აუცილებლად საჭიროების შესახებ საკითხი მწერლობაში გადაქრით და ოფიციალურად პირველად მ. აბაშიძემ დააყენა“.

აღსანიშნავია მ. აბაშიძის მთავრწმუნობითი მუშაობაც. იგი თარგმნიდა პროგრესული თურქული და ირანული მწერლობის ნიმუშებს, აგრეთვე საუკეთესო ქმნილებებს ქართულიდან თურქულად. ბოლოს, იგი შეუდგა უკუდავი „ვეფხისტყაოსნის“ თურქულად თარგმნას.

ასეთია ჩვენი სახელოვანი მამულიშვილის ცხოვრების გზა და უკვე სიბერეში შესული მ. აბაშიძე საესებით სამართლიანად წერდა: „ჩემი ისტორიული მისია პირნათლად შევასრულეთ. თუ რამე შეცდომები მქონდა, ერი მომიტყუებს და შემინახავს, არ დამიფრცებს, მაოცხლებს“. მადლიერ ერს რომ არ დაეწიებია იგი, ამას მოწმობს ს. გერსამიას ნარკვევით.

ს. გერსამიას ეს წიგნი ნათელი შინაარსითა და ფაქიზი შესრულებით უდავოდ კარგ შთაბეჭდილებას ტოვებს, მაგრამ გვაქვს ცოტა სასაყვედუროც. იგი მეტისმეტად მოკლეა და მთელი სისრულით ვერ ასახავს მ. აბაშიძის მრავალფეროვან საზოგადოებრივ-ლიტერატურულ მოღვაწეობას. სულ მალე, 1963 წელს, შესრულდება მისი დაბადების 90 წლისთავი და სასურველია აღნიშნული ნარკვევი შევისოს ახალი



მასალებით და გამოიცეს გაცილებით უფრო ვრცელი მონოგრაფია მ. აბაშიძის ცხოვრებისა და მოღვაწეობის შესახებ. ჩვენი თვალსაჩინო მწერალი და საზოგადო მოღვაწე უდავოდ ამის ღირსია.

სასურველი იყო აგრეთვე ავტორს მოეცა ცნობები იმერელ და ბათუმელ აბაშიძეთა ის-

ტორული და ნათესაური დამოკიდებულებების შესახებ. ნარკვევს დაამშვენებდა მ. აბაშიძის თურქეთიდან გამოგზავნილი წერილი რომანო-ესკისადმი, სადაც აგრეთვე ნათლადაა გამოხატული მისი ეროვნული და პოლიტიკური მრწამსი.

დოც. ნ. ხალვაში.

საინტერესო ანტირელიგიური წიგნი

აქარის სახელგამმა გამოსცა კ. ლილუაშვილისა და ხ. ახვლედიანის წიგნი, რომელიც ორი ნაწილისაგან შედგება: „ისლამი და მისი ზოგიერთი გადმონაშთი“ (ავტორი კ. ლილუაშვილი) და „ისლამის ზოგიერთი გადმონაშთი აქარაში“ (ავტორი ხ. ახვლედიანი).

სარეცენზიო ნაშრომში კრიტიკულად არის განხილული მუსლიმანთა საღვთო წიგნი ყურანი და მასზე დამყარებული მუსლიმანური კანონმდებლობა — შარიათი და ადათი.

ნარკვევში განხილულია სხვადასხვა მუსლიმანური სექტები, მიმდინარეობანი და დოგმები. განსაკუთრებული ყურადღება ეთმობა მარხვას ანუ რამაზანს, ბაირამს, ყურბან-ბაირამს და სხვ. მდიდარ ფაქტიურ მასალაზე დაყრდნობით მხილებულია ამ რელიგიური დოგმების რეაქციული და მვენე ხასიათი.

წიგნის მეორე თავში განხილულია აქარაში ისლამის ძალდატანებით გავრცელების ისტორია, ქართველი ხალხის თავდადებული ბრძოლა გამაჰმადიანების წინააღმდეგ. მდიდარ ფაქტიურ მასალაზე დაყრდნობით ნაჩვენებია, თუ როგორ და რა საშუალებებით ნერგავდნენ თურქები აქარაში ისლამს.

აქარაში საბჭოთა ხელისუფლების გამარჯვების შემდეგ კომუნისტური პარტიისა და საბჭოთა მთავრობის ზრუნვის მეოხებით მშრომელმა მოსახლეობამ დიდი ხანია დაგმო ისლამი, მაგრამ, როგორც ნარკვევშია ნათქვამი, მისი ზოგიერთი წეს-ჩვეულება, გადმონაშთის სახით, აქა-იქ დღესაც იჩენს თავს. ზოგან, განსაკუთრებით სოფლად, კვლავ შემორჩენილია მცირე-წლოვანი ქალების გათხოვება, იძულებითი ქორწინება, მომშობიარების უხეში წესები, წინდაცვეთა, მარხვა (რამაზანი), შელოცვებითა და „ნუსხით“ მკურნალობა, ბაირამობა და სხვ.

კარგად არის ნაჩვენები კომუნისტური პარტიისა და საბჭოთა მთავრობის ღონისძიებანი ხალხის მასების კულტურული ღონის ამალეებისა და ისლამის გადმონაშთების დასაძლევად. სარეცენზიო წიგნს, ღირსებებთან ერთად,

გააჩნია ზოგიერთი ნაკლიც. კერძოდ, გვხვდება ქრონოლოგიური უზუსტობანი. ასე, მაგალითად, ნარკვევის მიხედვით „მე-16 საუკუნის დამდეგიდან ოსმალთა ბატონობა გავრცელებას იწყებს ბალკანეთის ნახევარკუნძულზე“ (გვ. 15), მაშინ როცა ოსმალებმა აღმოსავლეთ ევროპის დაპყრობა ჯერ კიდევ XIV საუკუნის 40-იანი წლებიდან დაიწყეს და XVI საუკუნის დამდეგისათვის მათ სამხრეთ-აღმოსავლეთ ევროპის დიდი ნაწილი და მთელი ბალკანეთის ნახევარკუნძული უკვე დაპყრობილი ჰქონდათ. აქვე ნათქვამია, რომ „მე-16 საუკუნის პირველ ნახევარში ოსმალებმა დაიპყრეს სამხრეთ საქართველოს უმეტესი ნაწილი და მათ შორის აქარის მიწა-წყალიც“ (გვ. 52). როგორც სათანადო წყაროებიდან ირკვევა, ოსმალებმა აქარა XVI საუკუნის პირველ ნახევარში კი არა, XVI საუკუნის უკანასკნელ მეოთხედში დაიპყრეს.

საინტერესო იქნებოდა ყურადღება მიქცეოდა იმ ფაქტს, რომ აქარაში მეჩეთებისა და მედრესეების მშენებლობა მხოლოდ XIX საუკუნის 40-50-იან წლებიდან დაიწყო. რა იყო ამის მიზეზი, რით იყო გამოწვეული ეს მოვლენა?

„არაბეთის მოსახლეობის ფართო ნაწილი, — ნათქვამია ნარკვევში, — ბინადარ ცხოვრებას ეწეოდა, არაბთა უმრავლესობას კი შეადგენდნენ მეჯოგე-მომთაბარე ტომები, ანუ ბედუინები“ (გვ. 5). ეს სწორი არ არის. თუ არაბეთის მოსახლეობის ფართო ნაწილი ბინადარ ცხოვრებას ეწეოდა, მაშინ როგორღა შეადგენდა არაბთა უმრავლესობა მეჯოგე-მომთაბარე ტომებს?

იბნ-სინა (ავიცენა) იყო არა არაბი (გვ. 39), არამედ ტაჯიკი ფილოსოფოსი და მეცნიერი.

კარგი იქნებოდა, ნაშრომში გარკვეული ადგილი დათმობოდა თანამედროვე პანისლამისტურ მიმდინარეობათა კრიტიკას.

მ. სვანიძე.



შალვა შუბლაძე

ს ა რ ე კ ე ლ ა

ღარში წყალი გუგუნებს და,
 ქვაზე რომ ხტის სარეკელა,
 თუმც ხმას არცინ უწუნებდა,
 უჩიოდა თავად ყველას:
 — წყალს შეხედეთ, რარიგ ჰგოდებს,
 დამაყრუოს მალე მგონი.
 ნეტავი ხმას არ მიხშობდეს,
 ვიქნებოდი იადონი.
 სხვებიც წუხილს გამოსთქვამდნენ,
 უჯერებდნენ და მოსთქვამდნენ.
 ერთხელ მოჰყვა დარებს დარი,
 დარჩა ყანა უთესავი.
 ღარში ჩადგეს საგუბარი,
 წყალს მინდვრისკენ უკრეს თავი.
 წისქვილს გული მოწყდა თითქოს,
 მყის დადუმდა სარეკელაც.
 ხმა სულაც ვერ ამოიღო,
 თუმც ეხვია თავზე ყველა.
 თქვეს: საბრალო გარდაცვლილა, —
 და უნთებდნენ სანთლებს წყვილად.
 აი მალე ლეგა-ლეგა
 ღრუბლებს მოჰყვა ქარიშხალი
 და წისქვილის მაცოცხლებლად
 კვლავ ამღერდა ღარში წყალი.
 რომ დაბრუნდა ქვა, ვით ჯარა,
 ტრახახს მოჰყვა სარეკელა.
 მაშინ ბრიყვს და მეტიჩარას
 შეაქცია ზურგი ყველამ.



აქესანდრა სამსონია

სველენგოკა და სიყვარული

დ ღ ე მ ბ ა

მაშასადამე, გადაწყდა — დღეიდან მე ქეთინოს არ ვიცი! — შევეფიცე ჩემს თავს ლექციებზე წასვლის წინ, მორჩა და გათავდა შენი სამიჯნურო თავგადასავალი, სიმონ მდინარაძე. პაემანზე სიარული და გულის კანკალი შენი საქმეა არაა, შენ მხოლოდ წიგნი იკითხე და გამოცდებისათვის მოემზადე.

როგორც კი ეს გადაწყვიტე, იმ წუთში შეგება ვიგრძენი. და აი ბედნიერი კაცის კმაყოფილი ნაბიჯებით ავღივარ ინსტიტუტის კიბეებზე. გარშემო ედემის ბალი გეგონება — ერთმანეთში ირევიან წითელკაბიანი და შავკაბიანი, თეთრკაბიანი და ცისფერკაბიანი ქალიშვილები, ილიმიან, იცინიან და კისკისებენ, ალბათ, უხარიათ, ლამაზები რომ არიან. ღმერთმა ყველას ხელი მოგიმართოთ, ყველა გათხოვილიყო და ქორწილები გადაგეხადოთ, ოღონდ მე ნუ მიყურებთ ასეთი თვალებით. ბევრიც რომ ეცადოთ, მაინც არაფერი გამოვა — ჩემი გულის კარები სიყვარულისათვის ჩაკეტილია, დღეიდან მე მხოლოდ წიგნები მიყვარს და მეცნიერებას უნდა შევწირო თავი!

და უცებ ქორივით შემომადრინდა რალაცა გულზე, შემომადრინდა და სიმები ჩამორეკა. ქეთინო!

ორიოდე ნაბიჯით წინ მიდის ქეთინო — თეთრი ქალიშვილი, მიდის და უკან არ იხედება. არც კი იცის, რომ უკან სიმონია, სოფელი ბიჭი, რომელმაც გუშინ ერთი საათი უცადა პაემანზე.

დალუპულია, სიმონ, შენი საქმე, ქვეყანაზე აწი ვერაფერი გიშველის! ნუთუ არ გესმის შენი გულის ხმაური, სიმონ? აბა, კარგად

დაუგდე ყური! სიყვარულია მაგი, წიგნებში რომ კითხულობდი და გიკვირდა. შენ ახლა გადარეული ხარ, სიმონ, და მაგის წამალი აფთიაქში არ იშოვება. დროს ნუ აცდენ, მიდი და უთხარი რალაცა.

— ქეთინო!

გაჩერდა.

მობრუნდა.

შემხედა.

გავფუქდი.

— ო, გამარჯობა, სიმონ, როგორა ხარ?

— არა მიშვს, შენ?

— ისე, საშუალოდ. რა ამბავია ახალი სტუდენტულაქში?

გამაგრდი, სიმონ, ვაქეცი არა ხარ? მართალია, მან შორიდან დაგიწყო, მაგრამ შენ პირდაპირ უთხარი სათქმელი!

— სტუდენტულაქი ქეა ადგილზე, მარა შენ ნუ იციან, ქეთინო, სერიოზულად უნდა გელაპარაკო.

— მოიცა, კარგად შეგხედო, სიმონ მდინარაძე ხომ ხარ?

— ვარ და ერთი საათი გიცადე გუშინ ვერაზე.

— ოო, რაში ყოფილა საქმე! მაშასადამე, ბრაზობ, არა?

— მე სრულიადაც არ ვბრაზობ.

— ნამდვილად ცუდ ხასიათზე ხარ, სიმონ.

— მაგას მნიშვნელობა არა აქვს. შენ ის მითხარი, რომ დამპირდი, რატომ მომატყუე?

— არავითარი პირობა, მე ვთქვი ვნახოთ-მეთქი, მაგრამ ვერ მოვიცალე.

— აბა ვერ მოიცალე, ხომ?

— ვერა.

* მეორე ნაწილი. პირველი ნაწილი იხ. „ლიტ. აპარა“, № 5, 1960 წ.

— კარგი, ბატონო, მეტს აღარ შეგაწუხებ არაფერზე, — რაც შეიძლება მტკიცედ ვთქვი მე და აუდიტორიაში შევედი.

ქეთინოს ჯიბრზე იმ დღეს სულ ნანას გვერდით ვიჯექი და ანეგდოტებს ვუყვებოდი, რომლებზეც მხოლოდ მე ვიცინოდი.

— შეხვდა ერთმანეთს ორი კინტო და...

ნანა გაკვირებული მიყურებდა.

— რაღაც უცნაური გახდი, სიმონ.

— დღეიდან მე, ნანა, ახალ ცხოვრებას ვიწყებ.

— ეს როგორ გავიგოთ?

— მალე გაიგებ ყველაფერს.

ნანა მიყურებს და ღიმილი დგება მის ლურჯ თვალებში. მაინც როგორ უხდება ეს ღიმილი. შეგხედავს და რატომღაც ყოველთვის ზღვა გაგახსენდება, ლურჯი ზღვა, წყნარი და მოალერსე. ნანა რომ კარგი გოგოა, ამას მტკიცება არ უნდა. რითაა ახლა ქეთინოზე ნაყლები? — არაფრით! მერე შენ თვალი სად გქონდა, სიმონა მდინარააკე?.. ჰო, კარგი გოგოა ნანა, მაგრამ ქეთინო მაინც სხვანაირია, თუმცა მე რა, ჩემთვის ახლა სულერთია.

შემთხვევით მოხდა თუ ბედი იყო, ლექციების შემდეგ მე და ქეთინოს კვლავ ერთად მოგივწია კიბეებზე ჩასვლა.

— ქეთინო! — ეს მე არ მინდოდა, ვილაცა ჩემს მაგივრად შეაჩერა ქეთინო.

— რა იყო, სიმონ, თავი ხომ არ გტკივა?

— თავი არა, მარა მარცხენა წარბი კი მთამაშებს.

— მარტო ეს გინდოდა გეთქვა?

— ეს არა, მარა...

— რა მარა?

— იგი, რომ... მოიწი აქეთ, ორი სიტყვა უნდა ვითხრა.

ქეთინოს გაეცინა და მეც გავთამამდი.

— ჰო, იმას გეუბნებოდი, გუშინ თუ ვერ მოახერხე, მაშინ დღეს წავიდეთ კინოში, იმისთანა სურათი გადის თურმე, ბავშვები თქვენსმეტ წლამდე რომ არ დაიშვებიან.

— არა, სიმონ, დღესაც არ მცალია.

— მაშ როდის?

— რა ვიცი, ისე ვარ დაკავებული, რომ... გამოცდაზე ჩაპრილი სტუდენტებით სახელაწილი ვიდექი ქეთინოს წინაშე და ჩემი თავისთვის სალანძღავი ეპითეტი ვერ მომეგონებინა.

ალბათ, ძალზე შესაბრალო ვიყავი, ქეთინომ რომ თანაგრძნობით შემხედა.

— კარგი, ცხვირი ნუ ჩამოუშვი. ამელამ დღეობა მაქვს, ხომ მოხვალ?

— მე?

— ჰო, შენ, ნუ გრცხვენი, სულ ჩვენები იქნებიან.

ქეთინო წავიდა. მე კი ამ მოულოდნელმა

წინადადებამ ისე დამაფიქრა, რომ სტუდენტობაში როგორ ავედი, არც გამიგია.

— დღობაზე წასვლა საერთოდ კარგია, ოღონდ ცუდი ისაა, მისატანი რომ უნდა. — მითხრა ნოდარმა.

— ჰო, უფულობა ცუდია, — დავეთანხმე მე. — რა ვქნა, არ წავალ და ისაა.

ნოდარმა მიყურა, მიყურა და გაიცინა.

— აი ხუთი თუმანი, მეტი რომ მიხვოვ, არა მაქვს და არც გინდა. იყიდე ყველაზე დიდი ტორტი და მიიტანე.

გახარებული, ბედნიერი და აღელვებული ჩემს მხსენელს კისერზე ჩამოვეკიდე.

— ნოდარ, ძაო და ძაოზე უტკბესო, შენ ხარ მოვლენა, შენ საოცრება ხარ, მეკი მხოლოდ და მხოლოდ სიმონი ვარ და არ ვიცი, რა უნდა გაგიკეთო სამაგიერო.

— შენ ახლა წახვალ და შარვალს დაივიწროებ. — მითხრა ნოდარმა.

— როგორ?

— როგორ და ოცდახუთ სანტიმეტრზე დაიყვან.

— მომკალი და მაგას ვერ ვიზამ.

— რატომ?

— რატომ და სტილიაგას დამიძახებენ.

— ახლა რას გეძახინა?

— ახლა სიმონის მეტს არაფერს.

— ჰოდა, სიმონ, დამიჯერე, ამ შარელით დღეობაზე წასვლა არ იქნება.

შევეყოყმანდი.

— რაკი მასეა და რაკი შენ მიხვოვ... ჯანდაბას, დავაიწროებ. არ მომკლავენ კი ვიცი და მეტი რა უნდა მომივიდეს!

სამკერვალო სტუდენტობის ახლოსაა. მთელი ვაკის ბიჭები იქ დადიან. მე რომ მივედი, ვილაც ახალგაზრდას კოსტუმს არგებდნენ.

— ესეც ასე! — კმაყოფილმა ჩილაპარაკა მკერავმა, — გახტამს პირდაპირ. ეინა თქვა ქართველობა გადავარდაო?... ახლა უკან მობრუნდი, პაეალსტა! კარგია ჩემმა მზემ, არა?

— ბეჭებში როგორია, თამაზ, — მიუბრუნდა ახალი კოსტუმის პატრონი თავის ამხანაგს.

— მხეცურია. ძვირად კერავს, თორემ სარქისას ხელობა უფარვა.

მკერავს შექება ესამოვნა.

— სულ სიხარულსა და პურის ჭამაში დავიხიოს, ჯიგარო!

— ეხ, სარქის, ახალი გვითხარი რამე, მაგი ძველია.

— ახალი თქვენ უნდა მითხრათ, პრაფესორებისა და ნასწავლი ხალხის შეილები თქვენა ხართ. აბა საწყალ სარქისას წიგნს ვინ წაკითხებს.

როცა ახალგაზრდები წავიდნენ, სარქისამ მეც შემამჩნია, უფრო სწორად ჩემს ტანსაცმელს შეავლო თვალი.

— შენც კოსტუმი გინდა, არა? რა ვქნა,

ძმო, მე კალხოზნი ხალხს არ ვუქერამ, დრო არა მაქვს.

— მე, ბატონო, შარგლის დავიწროება მინდა.

— ჰაჯან?

— დავიწროება მინდა-ამეთქი.

— ქართულად მითხარი, რაღა!

— აი, დაბუტილებას რომ ეძახიან.

— ჰოო, ბუტილკა?! მასეთ რამეებს მე არ ვაკეთებ, ეგერ უგლაოში ედიკასთან მიდი.

ბევრი რომ არ გავაგრძელო, ედიკამ დამიბუტილკა შარვალი, მერე საღამოც მოვიდა. მე ტორტი ვიყიდე და დღეობაზე წავედი.

მივდივარ, მაგრამ ასე მეჩვენება, მთელი ქალაქი მე მიყურებს. ვინმე გაიცინებს და შუამგონია ჩემს შარვალზე იცინიან. ერთი სიტყვით, სულ ცივი ოფლი მასხამდა, ხოლო როცა ქეთინოს სახლს მიუახლოვდი, ნაშიმშილევი კაცივით მუხლები მომეკვეთა და თავში ფიქრები დატრიალდა.

— აქამდე კი მოაღწიე, სიმონა მდინარაძე, მაგრამ ახლა სად მიხვალ? რა შენი საქმეა დღეობა, რა გებუტილკებოდა და გეტორტებოდა, ყოფილიყავი წყნარად სტუდქალაქში, დაგელია ჩაი და დაგეძინა. არ ჯობდა ასე? არა ხომ? კარგი აბა, ნახავ რა მოგივს!

ხელის კანკალით დავრეკე ზარი.

კარები ქეთინომ გაშიღო.

— ოო, სიმონ, სადა ხარ ამდენ ხანს? შემოდი!

— მომილოცავს ქეთინო, — რაც შეიძლება რიხიანად ვთქვი მე და ტორტი გავუწოდე, — ამ კოლოფში რაცაა, ჩემდა ნახელავად გქონდეს და მე ქე წავალ ახლა.

— რაო, რაო?

— ბოღიში, მარა შიგ ვერ შემოვალ.

— შენ მთვრალი ხომ არა ხარ, შემოდი ახლავე! — ხელი მომიკიდა და თითქმის ძალით შემათრია.

კარები გაიღო და ხალხით გაქედილი ოთახი კითხვის ნიშნად გადაიქცა.

— სიმონი მოვიდა! — გამოაცხადა ქეთინომ, — ვინც არ იცნობს, გთხოვთ გაიცნოთ.

— ოო, სიმონი?

— გამარჯობა, სიმონ!

— სიმონს სალაშო!

ახმაურდა ოთახი.

ოცზე მეტი კაცი კი იქნება და ყველას სათითოდ ხელს ვართმევ, სანახევროდ ვიღიმები, სანახევროდ ვიცინი და ვამბობ სიტყვებს: „ძალიან სასიამოვნოა“, „ო, როგორ გამახარეთ“, „არ გადამრიოთ“ და ასე შემდეგ.

ქართლოსი დიდი ამბით მომესალმა.

— ბიჭოს, ბუტილკა! მხეცი ხარ, რამდენი სანტიმეტრია?

— ოცდახუთი.

— რამდენი გქონდა?

— ოცდაათი.

— დიდი პროგრესია. მასე თუ გააგრძელებ, ბოღების გამოფენაზე წაგიყვანებენ.

ჩვენს საუბარს ყურს უგდებენ. თითქოს განგებ, თვითელ სიტყვას ქართლოსი ხმამალა და მკაფიოდ გამოთქვამს. მე ვწითლებდი. მასხამს ოფლი და არ ვიცი, სად წავილო ჩემი დაბუტილებული ფეხები.

ისევ ნანამ მიხსნა გაკირვებიდან, ჩამიკიდა ხელი და კუთხეში გამოიყვანა.

— რა დაგეშართა, ასე რატომ დამორცხვე?

მე ვუღწრფულად გამოვუტყდი:

— პირველად ვარ დღეობაზე და არ ვიცი როგორ მოვიქცე.

— როგორც სხვები მოიქცევიან, ისე. ახლა, მაგალათად, როიალზე დაუქრავენ და იმღებენ. შენ იცი სიმღერა?

— რომ დავთვრები, კი.

— დღეობაზე დათრობა არ ვარგა, — გაიცინა ნანამ.

— ეს ისე ვთქვი, თორემ მე ღვინო არ მათრობს.

— შენ რა ტრაბახი გცოდნია.

— ა, ბატონო, სმა თუ იქნა, ნახავ რამდენს დაგლევი.

როცა მაგიდას შემოვუსხედით, თამადად ქართლოსი დასახელეს დ მისი კანდიდატურა ერთხმად გავიდა.

ქართლოსმა სუფრას გადახედა.

— მეგობრებო, გთხოვთ ავწიოთ ქიქები და ყველამ ბოლომდე დავცალოთ ქეთინოს სადღეობაქლო! მე ორატორი არა ვარ, მჭევრმეტყველებით რომ გაგაკვირვოთ. მე მხოლოდ მინდა უბრალოდ ორიოდ ტკბილი სიტყვა ეთხრა ქეთინოს. — და ნახევარ საათს ილაპარაკა რისი თქმაც უნდოდა: რომ ქეთინო გადასარევი ქალიშვილია, რომ იგი უმაღლესში სწავლობს, რომ მას კარგი მეგობრები ჰყავს და ასე შემდეგ.

მე პირდაღებული ვუსმენდი ქართლოსს და მშურდა, ასეთ ლამაზ სიტყვებს რომ გამოთქვამდა.

ქეთინოს სადღეობაქლო ყველამ ფეხზე ადგომით დალია.

ჩემი ჯერაც მოვიდა.

— აბა, სიწყნარე იყოს, სიმონი გვეტყვის ორ სიტყვას. — გამოაცხადა ქართლოსმა.

დარცხვენილი წამოვდექი. წინასწარ დალაგებული აზრები ერთხმად გაიფანტა და თავში მხოლოდ სიცარიელე დარჩა.

— ჰო, მიდი, სიმონ, ნუ გეშინია, — გამამხნევა ქართლოსმა.

რა გაწყობოდა, ჩავახველე და დავიწყე.

— ქეთინო, მე... მე სოფლელი ბიჭი ვარ, მზიანეთში ვცხოვრობ. მზიანეთში დღეობებს არ იხდიან. ღვინოს მხოლოდ ქორწილში და ქელხში სვამენ, ამიტომ მე პირველად ვარ ასეთ დღეობაზე და სწორედ ამიტომ, ქეთინო, მე მინდა...



რა გინდა შენ, სიმონა მდინარაძე? როდის იყავი ოქროპირი, ახლა რომ გააფინე უნა შარაზე? დალიე მაგი ღვინო და დაჯექი შენთვის ლამაზად!

როგორც იქნა, მოვეუყარე თავი წინადადებებს და სადღეგრძელოს წერტილი დაეუსვი.

— მოკლედ, სულ ბედნიერებას ვისურვებ. — ვთქვი და ჭიქა გამოვცალე.

მადლობის ნიშნად ქეთინომ თავი დამიქნია. ქართლოსი მისკენ გადაიხარა და რაღაცა გადაულაპარაკა, რაღაცა კი არა, ბევრმა გაიგონა და მეც ყური მოვყარი.

„შეყვარებული ქაჯი!“

ვილაცამ გაიღიმა.

ვილაცამ გაიცინა.

თვალეში რაღაც დატრიალდა. მერე სუფრას ვინც უხსნდა, ლანდებად იქცნენ და ცეცვა დაიწყეს.

„შეყვარებული ქაჯი, შეყვარებული ქაჯი!“ — ყვიროდნენ ისინი.

გაისმა ჭახანის ხმა (ეს ჩხუბი არ დაწყებულა. მე თურმე ჭიქა გამიტეხია).

სკამი მივწიე. ნანამ ხელი მომკიდა.

— სიმონ, გეხვეწები, ნურაფერს ეტყვი! მაგრამ ჩემი გაჩერება უკვე აღარ შეიძლება.

ერთბაშად უხერხული სიჩუმე ჩამოწვა ოთახში.

მე ნელ-ნელა მივდივარ ქართლოსისაკენ. ისიც წამოდგა და აი ჩვენ პირისპირ ვდგევართ.

— გაიმეორე, რა თქვი! — რაც შეიძლება წყნარად ვეუბნები მე.

უცებ ჩვენს შორის ქეთინო ჩადგა.

— არ გაბედო, შე მართლა ქაჯო!

არ მინდა ყურებს დავეუჯერო, მაგრამ ნამდვილად ასეა. ამ სიტყვებს ამბობს ქეთინო, თეთრი ქალიშვილი, ვინც მე დღეობაზე დამპატიყა და ვისაც მე ტორტი ვუყუდე.

რატომღაც ერთბაშად დავმშვიდდი. წყენამ გამიარა.

— უმორჩილესად გთხოვთ მამატიოთ, ქაჯი ახლაც დაგტოვებთ.

სუფრა გამოერკვა.

ოთახში ჩოჩქოლი ატყდა.

კარებთან მისულს ნაწყვეტ-ნაწყვეტად მესმის:

— ნახე რა გაბედა!

— სად გაიქცევა, ყბებს დაუშვებრევეთ მაგ ლაწირაკს!

— ოღონდ ახლა არა.

წვიმს.

მე უარყოფითი ვხდები

როცა ამ მოთხრობის წერას ვიწყებდი, გადაწყვეტილი მქონდა ჩემი თავი დადებით გმირად გამომეყვანა და მხოლოდ მტრები დამემუხტა უარყოფითად, მაგრამ ასეთი მტკიცე განზრახვის მიუხედავად, მე მაინც უარყოფითობი-

ქუჩაში კანტიკუნტად დადიან გამვლელზე, მე მილიტრულით შუაში თეთრ ხაზს მივყვები და ყურადღებას არ ვაქცევ მანქანებს. მაგრამ ეს ვინ არის, ვინ მეძახის, სიმონ დაიცადეო. ნანას ხმაა, ისაა ნამდვილად, მაგრამ რატომ უნდა დავუცადო, ჩანდაბას ყველა ნანა და ქეთინო! მე ხომ ქაჯი ვარ, მე ხომ სიმონი ვარ და ჩემი გზა მაქვს.

— დაიცადე-მეთქი, — ხელს მკიდებს ნანა. იგი სულ სველია.

— ძალიან გთხოვ, ნურაფერს მეტყვი, — ვეუბნები მე.

— არა, უნდა ვითხრა.

— ხომ მითხარით და იცინეთ უკვე, აღარ გეყოფათ ახლა?

— სიმონ, აბა რას ამბობ!

მაგრამ სიმონი ყურადღებას არ აქცევს, სიმონი მიდის და ტოვებს ნანას.

— რა უგულო ყოფილხარ!

ისეთნაირადაა თქმული ეს სიტყვები, რომ წამსვე ადვილზე მაჩერებს, შემდეგ ვბრუნდები და ახლა მე თვითონ მივდივარ მისკენ.

— რაო, რა თქვი, ნანა?

ნანა არაფერს ამბობს, ან რა უნდა თქვას, როცა თვალები ამბობენ სათქმელს, ლურჯი თვალები, სველი თვალები.

ნუთუ?

ჩვენ უსიტყვოდ შევეცქერით ერთმანეთს, მერე ნანა ზურგს მაქცევს და მიდის.

— ნანა!

ნანა არ ჩერდება.

წვიმს.

ნანა თვალს მიეფარა.

ისევ წვიმს.

მე ვდგავარ შუა ქუჩაში და მასველებს წვიმა. შემდეგ გვიან. ძალიან გვიან ვბრუნდები სტულქალაქში. გრძელ დერეფანში არააინაა. მე ფანჯარას ვეყრდნობი. კარგია, რომ არააინაა და დამშვიდებით შევიძლია იფიქრო.

ეს წვიმა ხმაურობს თუ ქართლოსის სიტყვები მესმის:

„შეყვარებული ქაჯი!“

და შემდეგ ნანა:

„რა უგულო ყოფილხარ!“

მე მართლაც ქაჯი ვარ და უგულოც, არა, უგულო არ უნდა ვიყო, პირიქით, მე ჩვილი გული მაქვს.

ვილაცა მხარზე ხელს მკიდებს. თავი ავიღე, ნოდარი ყოფილა. ვუცქერით ერთმანეთს და არაფერს ვამბობთ. კარგა ხნის შემდეგ ჩვენ უხმოდ ავდივართ კიბეებზე.

წვიმს...

საკენ გადავიხარე, უფრო მეტიც, მე უარყოფითი ვაგხდი და არც კი ვიცი, მოთხრობის ბოლოს თუ გამოვსწორდები.

ისე, კაცმა რომ თქვას, უარყოფითობა ზოგჯერ კარგია. როცა უარყოფითი ხარ, შევიძლია

ჩაიცვა ვიწრო შარვალი, შეიყვარო ქალაქელი „სტილია“ ქალიშვილი, გააცდინო ლექცია და დალიო ღვინო. ყოველივე ეს შეიძლება დადებითმა გმირმაც გააკეთოს, მაგრამ როცა ამას გააკეთებს, ის უკვე დადებითი გმირი აღარ იქნება.

ამ თეორიული დებულების დასასაბუთებლად კონკრეტულ მაგალითებს ჩემი ცხოვრებიდან მოვიყვან.

მამასადამე, როგორც ვითხარით, დღეობაზე მე ამირიეს, შემდეგ მე ავურიე. ეს მოხდა წინა ღამით. მეორე დღით კი, ის იყო ლექციების დაწყების ზარი დარეკეს, რომ სიკომ მითხრა:

— დაბლა ბიჭები გიცდიან, ჩამოვიდესო.

— ვინ ბიჭები?

— ერთი კალათბურთელი რომაა, ისტორიკოსი, დანარჩენებს არ ვიცნობ.

მიხვდი, რაშიც იყო საქმე.

— სიკო, წამომყევი, იქნებ საჭირო დარჩე.

— სად წამოგყევი, უნდა იხსუბო?

— მაგი მეც არ ვიცი, მაგრამ ჩემთან იყავი.

— რა ვქნა, ხიდაშელმა უნდა გამიძახოს სემინარზე.

რალა უნდა მეთქვა, ხელი ჩავიქნიე და კიბეებზე დაევშვი. ინსტიტუტის გაჩერებასთან ტრამვაში ნოდარი შევნიშნე. ხელით ვანიშნე ჩამოსულიყო.

ქართლოსი და მისი ძმაკაცები კუთხეში მიცდიდნენ.

— ხევში ჩავიდეთ. — მითხრა ქართლოსმა.

— ახლა?

— ჰო, ახლა.

— კარგი, ჩავიდეთ.

ნოდარი წამოგვეწია.

— ოო, ნოდარ, გამარჯობა! — მიესალმნენ ბიჭები. ეტყობა, ყველანი კარგად იცნობდნენ.

— გაგიმარჯოთ. საით გავიწვევიათ?

ქართლოსმა ჩემზე მიუთითა.

— ცოტა სალაპარაკო გვაქვს ამ ამხანაგთან.

ნოდარი შუაში ჩავვიდგა.

— ახლა მე მომიხმინეთ, რას გეტყვით. ეს ამხანაგი ჩემი მეგობარი სიმონ მდინარაძეა, გასაგებია?

— სიმონი რომ არის, ჩვენც გავვიგია, — თქვა ქართლოსმა, — მაგრამ შენი მეგობარი თუ იყო, არ ვიცოდით.

— ახლა ხომ გაიგეთ? ისე, ხუთი კაცის ერთთან გასვლა ვერაფერი ვაქვაცობაა.

— ნოდარ, შენ არ იცი, რაში იყო საქმე.

— არა, მე ყველაფერი ვიცი, სიმონმა მითხრა.

მე ლაპარაკში ჩავერიე.

— შეიძლება გადავაჭარბე, მაგრამ იმ დროს სხვანაირად არ შემეძლო მოვქცეულიყავი.

— ალბათ, მეც არ ვიყავი სწორი, — თქვა ქართლოსმა, — რაც იყო, იყო, გახსენებდაც აღარ ღირს.

— ახლა ჩამოართვით ხელი ერთმანეთს, გვიოხრა ნოდარმა.

ჩვენ შევერიდით.

— ეს სხვა საქმეა! — თქვეს ბიჭებმა, — ურიგო არ იქნება, სათანადოდ აღვნიშნოთ. შენ რას იტყვი, ნოდარ?

— მე პირადად საქმეზე მივდივარ, სიმონსაც, ალბათ, ლექცია აქვს.

— კარგი, რა დროს ლექციაა. — გაიცინა ქართლოსმა.

— მაინც გავაცდინე და აწი სულერთია, — ვთქვი მე.

ტრამვაის გაჩერებასთან ნოდარი დავემშვიდობა და წავიდა. ჩვენ ფეხით ვაუყუყვიით.

რესტორანში რომ ჩავდიოდით, ოფიციალტი ძველი ნაცნობივით შემოგვეგება.

— აბა, ერასტი, ჯიგარო, კარგი რა გაქვს? — შეეკითხა ქართლოსი.

— ოღონდ თქვენ მითხარით და ჩიტის რძესაც გავაჩენ, — თქვა ჯიგარმა.

სუფრა გაიშალა.

სადღეგრძელოები სადღეგრძელოებს მიყვება.

ნელ-ნელა იცლება ბოთლები.

ღვინო თავში მიიწვეს.

მე კარგ ხასიათზე ვარ, ქართლოსიც არაა ნაკლებზე.

— ჩემზე არ იეჭვიანო, — მეუბნება იგი. — სინდისს გეფიცები. მე ქეთინოსთან არაფერი მაქვს სერიოზული.

— ჩემთვის ახლა სულერთია, — ვამბობ მე.

— რა, უკვე შეიძულე? თუმცა სწორი ხარ, არაფერი საინტერესო მაგ გოგოში არ არის. მეგობრებიც მასავით თავქარიანი ჰყავს, მხოლოდ ნანა... რატომ მიყურებ ასე? ნანა სხვანაირი გოგოა.

— კი, სხვანაირი გოგოა. — ვეთანხმები მე.

— ნანას ლურჯი თვალები აქვს და, როცა უყურებ, ზღვა გახსენდება.

ქართლოსმა ღვინო დაასხა.

— მოდი, ამით ჩვენს სიყვარულს გაუმარჯოს!

— მე აღარავინ მიყვარს ამ ქვეყანაზე.

— ხომ გიყვარდა?

— კი მიყვარდა, მაგრამ ახლა აღარ მიყვარს.

— ჰოდა, როცა შეყვარებული იყავი, მოდი იმ გრძობას გაუმარჯოს. ეი, თქვენ, ვაქვაცობო, — მიუბრუნდა ბიჭებს, — რას ჩამოგძინებიათ სუფრაზე, ჰიქები შეავსეთ, სიყვარულის სადღეგრძელო ისმება!

ამ ლაპარაკში მეორე სუფრიდან ვილაცა წამოღდა, ბარბაცით წამოვიდა და ქართლოსს მხარი გაკრა.

— წესიერად ვერ გაივლი? — მიუბრუნდა ქართლოსი.

— ბოდიში რა, თუ გაწყენინე, — უპასუხა მან და ისევ დაეჯახა.



ქართლოსს კვიციან ღვინო გადაეღვარა და კრების კოსტუმზე დატოვა კვალი.

ყველაფერი ელვის სისწრაფით მოხდა. გაცეცხლებულმა ქართლოსმა კიჰაში დარჩენილი ღვინო იმ კაცს სახეში შეასხა. როგორც კი მეზობელ სუფრაზე ამ სურათს თვალი მოკრეს, პროტესტის ნიშნად ჩვენი ტერიტორიისაკენ ბოთლი წამოვიდა, რომელიც საბედნიეროდ ჩემს თავს აცდა და კედელზე მიემსხვრა.

ეს იყო პირდაპირი ავრესია.
— ბიჭებო, გვემენ! — იყვირა ქართლოსმა და ვეფხვივით გადახტა მტრების ბანაკში.

ბიჭები წამოიშალნენ, მეც უკან მივეყვი, მაგრამ თავში სკამი მომხვდა და ჩაივყეცე. როცა თვლებიდან ბინდი ჩამოშორდა, ჩხუბი ზენიტში იყო ასული. ისე, კაცმა რომ თქვას, კარგი სანახავია, ოღონდ ძნელია ვაარჩიო, ვინ ვის ურტყამს.

იმსხვრევა ბოთლები, თეფშები, თავები. შეშინებული ოფიციანტები ზევით არბიან. ზემოდან ჩამორბიან მილიციელები. სასტვენის ხმა.

პურის ჭამა დამთავრდა!
შემდეგ მილიცია, სასამართლო და განაჩენი — თხუთმეტი დღე ხელიგნობისათვის.

როგორც იქნა, გავიდა ის თხუთმეტი დღე. გამოგვიშვეს.

ბიჭებს თვალს ვერ ვუსწორებ. ასე მგონია, მთელი ინსტიტუტი ჩემზე ლაპარაკობს:
„აი ეს არის ნაციხარი სიმონი!“

დაბრუნებისთანავე ახალი სასამართლო მელოდა. იმავე დღესვე ჯგუფში კრება მოიწვიეს და ტყავი გამაძერეს, როგორც გამოუსწორებელ მოჩხუბარსა და ალკოპოლისტს.

მე თავდახრილი ვუსმენდი და ცივი ოფლი მასხამდა.

გათავდა, სიმონ მდინარაძე, შენი უსახელო ცხოვრების გზა, შენი გამოსწორება აწი აღარ იქნება, შენ უარყოფითი ხარ და უნდა დაისაჯო!

დამსაჯეს კიდეც. გარიცხვით არ გაურიცხივარ, მაგრამ უკანასკნელი საყვედური მომაკრეს. კომკავშირის კომიტეტის მდივანმა ვახტანგმა თქვა, დრო მივცეთ და ვნახოთ როგორ წაიყვანს საქმესო, თუ გამოსწორდება, მაშინ სხვანაირად ვიმსჯელებთო.

ჩემი გამოსწორება იმავე დღეს დაიწყო. კრების დამთავრების შემდეგ ქართლოსი და მისი ძმაკაცები შემხვდნენ და ციხიდან გამოსვლის აღსანიშნავად ისევ რესტორანში ჩაუხვებეთ.

— ვახ, ცოცხლები ხართ? — გაუკვირდათ ოფიციანტებს.

— ცოცხლებიც ვართ და პურიც უნდა ვჭამოთ, — მიუგო ქართლოსმა.

— ჩვენი თავი თქვენ გენაცვალოთ! დავლიეთ.

ისე ტკბილად ვაქსოვდით სადღეგრძელოებში გრძნობებს, რომ თვალეზზე ცრემლი მომადგა.

— ჩვენ ძმობას გაუმარჯოს, — გულახტუვით ვთქვი. — იმ გრძნობას, რომელიც ბული ვამბობდი მე, — იმ გრძნობას, რომელიც ციხის კედლებში გამოიწროთ. მეგობრებო, მე დაჩაგრული კაცი ვარ, ჯერ იყო და სიყვარულში არ მქონდა ბედი, დღეს კიდე უკანასკნელად გამაფრთხილეს, ხვალ ან ზეგ, ალბათ, ინსტიტუტიდანაც გამრიცხავენ.

— საყვედურებს ვერც ჩვენ ავცდებით, მაგრამ მაგის ნუ გეშინია, — დამამშვიდა ქართლოსმა.

გვიან დავიშალეთ. სტუდქალაქში რომ ავედი, პირველი საათი იყო. ასეთ დროს უმეტესობას ძინავს, მაგრამ ჩვენს ოთახში სინათლე ენთო. კარები ოდნავ ღია იყო და ლაპარაკი ისმოდა. პირდაპირ ხელებით რომ ამტკიცებს რალაცას, ეს სიკოა. დაიცა, როგორ? — მაგრად შეახურეს სიმონი და ღირსია სწორდაცო, არ მეგონა გარიცხვას თუ გადარჩებოდაო.

— შენ რა, გიხარია მერე? — შეეკითხა მანუჩარი.

— ხომ იცი, ვიტყვებ ერთბაშად. სხვისი რატომ უნდა ვიღარდო, ჩემიც მეყოფა.

— კიდეც კარგი, შენისთანა ხალხი არც ისე ბევრია ინსტიტუტში. — ჩაერია ლაპარაკში გიგანტი.

— ღირსეული მეგობარი კი არის სწორედ: მოვხსნათ, დავსაჯოთ, გავრიცხოთ!.. ეხ, სიკო, სიკო! — ამოიხხრა მანუჩარმა.

— რას ვაღამეკიდეთ, რა გინდათ ჩემგან? — იყვირა სიკომ.

— კაცი გვინდა გამოგიყვანოთ, — უთხრა ნოდარმა. — ისეთი მეცნიერება უნდა შეგასწავლოთ. მატრიკულში რომ არ იწერება.

— სიმონი ქვეყანას აქცევს და ხმას არ ეუბნებით. ყველამ ჩემს წინააღმდეგ შეკარით პირი?

— სიმონს ცალკე ვეტყვი. ნეტავ, ამდენ ხანს სად არის ის ყმაწვილი?

როგორც კი ეს სიტყვები თქვა ნოდარმა, მე კარები შევაღე.

— აქა ვარ, აქ, ჩემო ძმებო და მეგობრებო, გამარჯობა თქვენი კაი! რა, კრებას ხომ არ აგრძელებთ? თავმჯდომარე. ალბათ, სიკო იქნება. პატივცემულო თავმჯდომარეც, მაპატიეთ დაგვიანებისათვის. ამხანაგო მდივანო, გთხოვთ ოქმში შეიტანოთ ჩემი სიტყვები. მამ საყვედური გამომიცხადეთ, დამსაჯეთ, არა? კეთილი. ოღონდ ჯერ კენჭი ვუყაროთ, ვინ არის მომხრე? ბიჭოს, მლუპავთ, ყველა ხელს სწევთ? წინააღმდეგი? არავინ. ეს არის თქვენი ძმაკაცობა? რას მიყურებთ? — უღირსი კომკავშირელი უღირსი საქციელის შემდეგ დავგებრუნდათ. რა, ღვინის სმას მიკრძალავთ?

ყველანი ღუმლით შემომძებროდნენ. ნოდარი წამოღდა და პირდაპირ დამიდგა.

— დამთავრე?

— კი, დავამთავრე.

საშინელი დარტყმა ვიგრძენი სახეში. თვალებში ნაპერწკლები დატრიალდა.

— ნოდარ, შენ?! — გაოგნებული ვიკითხე და ინსტინქტურად საპასუხოდ მოვემზადე, მაგრამ მაშინვე ხელები დაეშვი და მეორე ლოყა ვუჩვენე.

— ახლა აქაც გამარტყი.

წერილი მზინათილას

„შვილო, სიმონ!

გავივირდა ხომ, ცოცხალი რომ ვარ და წერილს რომ გწერ? კი, ბაბა, არ მომეცდარვარ ჯერ, სული ქე მიდგას პირში. შენი შემხედვარე ასე რომ ვარ, მაგიც დიდი გასაკვირია. იკითხავ, ალბათ, რამ გამამწარა, ასე მაგარ-მაგარ სიტყვებს რომ გწერ. რამ გამამწარა და გეტყვი ახლა, კარგად დამაყურე.

აგია, შვილი ვაგზარდე-მეთქი რომ მიხაროდა, ცაზე რომ ვიყავი გამოიდებულე? რა დავიშავე ამისთანა, წყალში რომ ჩავიყარე ყველაფერი?! ბიჭო, მამა ვარ შენი, ხომ არ დავგიწყებია?

მომითმინე ერთი წუთი, თავს ნუ იმართლებ. მე ყველაფერი ვიცი. საიდან? მაგი არაა შენი საქმე, ჩიტმა მომიტანა ამბავი. ისე, რავე ფიქრობ, შენს ვარდა სხვაიც დადის თბილისში!

ბიჭო-მეთქი, რა ჭკუაზე ხარ, რა დავემართა, მიიხარო ერთი. გალოთი ხომ, ბაბა, კალენიკა გაგუასავით, მოგეპრა თავი და მეც დამასხი თავსლაფი ხომ? დიდი მადლობელი ვარ, ჩემო შვილო და ჩემო ნუგეშო! რავე, სოფელში რომ იყავი, არ გიყვარდა აი ოტკა და ღვინო და თბილისში რა პაერია მაგისთანა, დღე და ღამე დასპირტული რომ დადიხარ თურმე. შენ რავე ფიქრობ, უმალესში იმიზა ვავიშვი, ღვინო დეისხი თავზე და ჭკუა დაკარგე-მეთქი? ვთქვათ, სვამ და ჯანდაბანს შენი თავი, მარა იმაზე თუ დაფიქრდი, რამდენი ასიანები უნდა ქონდეს მამაშენს, რესტორნებში სასიარულოდ რომ გაძლიოს?

ბიჭო, შე შეჩვენებულო, მე და დედაშენი კაპიკს კაპიკზე ვაწებებთ, ბალანას არ მოშვიდეს თბილისში, უმალესი დაამთავროს და კაცი გამოვიდესო. თურმე რავე ტყულა გწვალობ! შეყარე კედელს ცერცვი და მერე ურტყი თავი შენმა შემხედვარემ!

აი ყველაფერი კაი, ამას კიდომ გოუძლებდა კაცი, მარა გუშინ იმისთანა ამბავი გვივიგე შენზე, რომ დარდით კინაღამ გული გამისკდა. იხხუბე, ბაბა, და ციხეში წაგაბრძანეს მერე? მართალია მაგი თუ მოგიგონა ვილაკამ? თუ მაგი მართალია, მზინათისკენ პირი რომ არ ქნა, კი ჯობია, მე და ჩემმა ღმერთმა! რა ქენი მაგი, რა გვიგონა ავი ჩემმა ყურებმა! მომეცა შენი თავი ახლა, კი ვიცი, რასაც გიზამ. იმდენს ვირტყამ, რუსის ბარაბანს რომ არ მოწვევია, ყურებს

კვლავ დარტყმა და კვლავ ნაპერწკლები თვალებში.

— დიდი მადლობელი ვარ, — ვთქვი მე. მერე ბარბაცით მივედი ლოგინთან და ჩავემხე.

ბოლმა მახრჩობდა. მინდოდა მეტირა, მაგრამ ცრემლები გამშრობოდა რატომღაც.

ხელში მოგცემ, შე მამაძაღლო! კი, ასე ვიზამ ნამდვილად, იცი შენ ჩემი ამბავი.

დღესვე მინდოდა წამოსვლა თბილისში, ამ ცხელ გულზე შემომაკედებოდი, ალბათ, მარა დედაშენმა შემახერა. მერე მეც დავწყყნარდი ერთი დაწყყნარება. მოგიცდი პატარას, დავაყურებ აწი რა ჭკუაზე იქნები. არა და ჩამოვალ მაქანე, მოგივლებ ხელს და ჩამოგიყვან სოფელში და მერე მე მკითხე შენი პატივისცემა. არც მაგისთანა უმალესი მინდა და არც მაგისთანა დიპლომი!

ახლა რასაც გწერ, კარგად დაიმახსოვრე, ერთხელ თუ ვერ გაიგო, მეორედ წვიკითხე და მერე ჭკუას მოუხმე, თუ დაგრჩა რამე მაგ თავში. ფულის იმედი ნუ გექნება. სანამდი შენ კარგს არ გვევიგონებ, მანამდე კაპიკს ვერ ეღირსები ჩემი ხელიდან.

ახლა დედაშენს დააყურე, ერთი განაწერა უნდა გითხრას რალაცა.

ნენა, სიმონა!

რაფერ ხარ, ბიჭო. ცოცხალი თუ ხარ მაინც? მართლა ციხეში იჯექი, ნენა? მოგიკვდა ჩემი თავი. სიზმარი მქონდა მე უბედურს იმისთანა, რომ რაცხა ფარცაკი რომ არ მოგხვლოდა, არ იქნებოდა. ვითომ, ნენა, ჩვენ რომ კოპიტი გვაქვს ალავესთან, იმაზე გასულიყავი. ჩამომეთქი, გეხვეწებოდი, მარა შენ მაინც კატარში აღიოდი. მოგიტყდა მერე ერთი ბოლი, ვიკივლე მე და შენ მეორეს ჩამოეკიდე. მეორეც მოგიტყდა, კიდომ ვიკივლე მე და ქე გამეღვიძა ამასობაში. ა, ხომ ხედავ რაფერ კაცლა-კაცლად ამისრულდა ყორიფელი. არ მინდა დევიჯერო ახლა მაი. სხეისი გულიზა, მოგიწია, ალბათ, თვარა შენ არ იყავი მაგისთანა. მამაშენმა რომ შეიტყო, გადარეულივით დეიწყო სირბილი ეზოში, ცოცხალი თუ დააღამებდა, არ მეგონა. მეც აღარ ვიყავი ერი სოი, მარა, თმას ხომ არ გვეიშლიდი და ხომ არ ვიკივლებდი შუკაში. ისე კი მოგვჯაყე ამდენ ხალხში და სხვაი შენი იცი.

მე კი ვატყობ, რეიზა დავემართა მაგი ამბავი. გული მიჩივდა, ქალია გარეული მაგ საქმეში, მაგი ვადაგრედა, მაგენს ქონდეს შენი ცოდვა და მავენმა არ გეიხარა ამ ქვეყანაზე. თმავი, ტუჩები და თითები არ კმაროდა ვითომ, ახლა ფეხის ფრჩხილებიც გუთუწითლებიათ თურმე ანთიმოზას მამალივით და ისე დათოხარიკობენ შარა-

შარა! დედა, დედა, რას არ გეიგონებს კაცი ამ დასაფსებ ყურებში!

ნენა, შენს მეტი ქვეყანაზე არიყავი მყავს და ამას გეხვეწები, ნუ აყვები მავენს, თვარა და- გიბნევენ ტარაბუას და წასულია შენი საქმე. კაბას ნუ უყურებ, შვილო, წიგნს დააკალი თა- ვი. მაგიზა გავიშვი უმაღლესში, თვარა ქალს მზიანეთშიც კი გიშონიდი.

კილომ გიჩივი, ნენა, ჭკუით იყავი. ნუ მოგვი- შხამავ ამ ორი დღის სიცოცხლეს მე და მამა-

შენს. ა, შენ იცი ახლა, რასაც კარგს იზამ რასაც გულს გავეიხარებ. მაგიორში მე მკითხე შენი პარტიისცემა.

ახლა კილომ მინდოდა რაცხა მომეწერა, მარა მეტი აღარ დამანება მამაშენმა და ქალაღლიც ქი გათავდა.

კარგად იყავი და იანვარში რომ ჩამოხვალ, კაი ნიშნები ჩამოგვიტანე. ფულის ნუ გეშინია, მამაშენს არ ვეტყვი, ისე გამოგვგზავნი“.

თოვლი, ხსნივანი და ნანა

დეკემბერი დადგა თუ არა, თოვლი მოვიდა. პირველი თოვლის სიხარულს თბილისში ფეხ- ბურთის სეზონის გახსნა თუ შეედრება. ისეთი ყრიაშული ატყდება, ისე ახმაურდება ქალაქი, რომ რუსთველის ჭადრებზე ბელურების ყიფ- ყივი იფარება. მოდის პირველი თოვლი და მოაწმინდაზე იხსნება სვიტრების გამოფენა. ეს არის გენერალური რეპეტიცია ბაკურიაში წა- სვლის წინ.

ახალგაზრდა ბიჭები საქმეს პოულობენ. აგერ ქალიშვილი მოდის, არავინ ახლავს. მი- სი ბრალია, რატომ დადის მარტო თოვლში? გუნდებიანი ხელები მალა აღიმართება.

— აბა, ლამაზო, მოემზადე.
— ძალიან ვთხოვთ ნუ დამარტყამთ, — ეხვე- წება ლამაზი.
— აბა, დედიკო დაიფიცე.
დანარჩენები, რომლებიც სეირს უყურებენ, იცინიან.

— რაო, სიყვარულს ხომ არ გიხსნის?
— დაარტყი, რაღას უტდი!
— შენ იცი, თუ არ დააცდენ.
თოვლის კისერში ჩაყრას მართლაც დიდი ვა- ქაცაობა უნდა. ქალიშვილს თვალები ცრემლით ევსება. სამაგიეროდ ბიჭები იცინიან.
— დედა, როგორ უხდება ტირილი!
— დედა, რა გადასარევი!
გზად მიმავალი მოხუცი აღშფოთებული უყუ- რებს ამ სცენას.

— არ გრცხვენიათ, ახალგაზრდებო?
ახალგაზრდებს, პირიქით, უხარიათ, საოხუნ- ჯო რომ იშოვებს.
— ბაბუ, ნაძვის ხეზე არ გავკვიანდება?
— წადი რა, ტოლი ნახე!
— აბა გაეიაროთ, ნუ გავჩერდებით!
და მოხუციც მიდის, არ ჩერდება, რა ქნას მოხუცმა!

ზამთრის სუსხი ჩვენს ინსტიტუტშიც დგება. ორ კვირაში იწყება სესიები და საგამოცდო ციებ-ცხელება. ლექციებსა და სემინარებს არა- ვინ აცდენს, ბიბლიოთეკაში ერთბაშად ივსება ცარიელი ადგილები. ყველაზე ბეჯითები ათეთ- რებენ კონსპექტებს, ყველაზე ზარმატები ექე- ბენ ლექტორის ნაცნობებს. ერთი სიტყვით, ყვე- ლას ეშინია და ყველას იმედი აქვს.

მე ინერტულ მდგომარეობაში ვიმყოფები. არც მეშინია და არც იმედი მაქვს. საერთოდ მე უიმედო კაცი ვარ.

დღეობის შემდეგ მე და ქეთინო სათოფედ არ ვეკარებთ ერთმანეთს. თვალს მოვკრავ თუ არა, ვითომც არაფერი, არც გული შემეიქანდება და არც გამოლაპარაკების სურვილი მაქვს.

გამიფრინდა გულიდან სიყვარული! რამხელა სულელი ვიყავი თურმე, თუმცა დიდი ჭკვიანი არც ახლა ვარ. კიდეც კარგი, რომ ყველაფერი ასე ადრე დამთავრდა.

ნახვამდის, სიყვარულო, კარგად იყავი, ქეთი- ნო! არ გიყვარდი, მაგრამ არ იყო შენი ბრალი. ნანა?

ნანა ქეა მიზდა. მეც ჩემთვის ვარ. მას შემდეგ, რაც უარყო- ფითი გავხდი, ყველაფრის ხალისი დამეკარგა. აღარც კალათბურთს ვთამაშობ და აღარც ღვი- ნოს ვსვამ (ფული არაა). მოკლედ, მეც არ ვი- ცი, რას ვაკეთებ.

დავვლახდი ამას ჰქვია. ისე საცოდავად და- ეჩალიჩობ, რომ ძია მოსე სტუდენტილეთსაც აღარ მთხოვს შესასვლელში. ჩემმა სისაწყლემ ხიდა- შელის ქვის გულიც კი მოაღბო და ბიჭებს უთხრა თურმე, ცოდვია, დაეხმარეთ და გამო- ასწორეთო.

აბა რა უნდა დამეხმარონ! თუმცა რაც მარ- თალია, დარიგებას არ მაკლებენ.

— დღეს საღამოს ხიდაშელის მომზადებას ვიწყებთ. ამოდი ჩემთან. ხომ იცი სად ვცხოვ- რობ? — ვაკეში, ტექნიკუმის პირდაპირ, — მეუბნება ჯუმბერი.

— საღამოს არ ვიცი თუ მეცლება,
— უნდა მოიცალო, გესმის? ამოდი, ნანაც ჩვენთან იქნება.
— ნანაც?
— ჰო, ერთად ვიმეცადინებთ, მოდი უსათუ- ოდ.

ახლა ნანა მინდა მე? არა, მეცადინეობა კი მინდა. მაგრამ ნანა? თუმცა რა, ნანა კარგი გო- გოა, ლურჯი თვალები აქვს. მაშინ დღეობაზე... არა, ნანა კარგი გოგოა, მაგრამ მე არაფერ შუ- აში ვარ, მე საერთოდ სიმონი ვარ და რა ჩემი საქმეა, როგორი გოგოა ნანა, ან რა ფერის თვალები აქვს.

ზღვისფერი გაქვს თვალები და თავით
გავხარ ზღვას,
თუ არ შეგებრალე და მითხოვდები
სხვას...

ბიკოს, შენ მღერი, სიმონ, კარგ ხასიათზე ხარ? კაცი შენ ყოფილხარ, აბა! ისე, ჩვენში დარჩეს და, რა გაქვს სასიმღერო? ორ კვირაში გამოცდები დაიწყება და შენ წიგნი არ ავილი ხელში. ნეტავ, რა გიხარია ასე, პირველი თველი, არა?

ჰო, კარგია თოვლი თბილისში, სიყვარულიც კარგია, სიმონ, მაგრამ სადა?

ზღვისფერი გაქვს თვალები და თავით
გავხარ ზღვას...

სტუდენტალაქის კინკართან ნოღარი შემომხე-
და.

— დაბრუნდი, ისევ წასასვლელი ხარ, —
მითხრა მან.

— სად?

— ჯუმბერთან.

— რა, ჯუმბერი იყო ჩვენთან?

— ჯუმბერი კი არა, ერთი ქალიშვილი იყო.

— ვინ ქალიშვილი?

— არ იცი ვითომ, აი, ლურჯი თვალები რომ
აქვს.

— ნანა?

— შე ბოთე, კაცს ასეთი გოგო გაეთხადეს
და სახლში არ დაუხვდეს?

— მერე რა მინდაო?

— ცოლად თუ წამოიყვანო. ნუ იკრიპები უშ-
ნოდ, ჯუმბერთან ამოვიდეს, უმიხოსოდ მეცადი-
ნეობას არ დაეიწყებოთ.

— რა მინდა მაგათთან, გადაღეჭილი აქვთ
მთელი საგანი.

— ჰოდა, ახლა შენც დაღეჭე, — ხელი მომ-
კიდა ნოღარმა. — წავედით აბა, მეც ქვემოთ
მოვდივარ.

თოვს.

ფანჯარაზე თოვლის ფანტელები ცვივა.

ჯუმბერის ოთახში თბილა, რალაც საამური
სიტბოა.

ნანა კითხულობს, მე და ჯუმბერი ვუსმენთ.

„მეორე მნიშვნელოვანი პუნქტი ქრისტიანუ-
ლი აღმოსავლეთისა არის სინას მთა. ქართვე-
ლთა სამონასტრო კოლონია იქ გაჩენილა მეთუ
საუკუნის მეორე ნახევრისათვის...“

კითხულობს ნანა. გარეთ კი თოვს და ფანჯ-
რებს თეთრი ფანტელები აცვივა. მერე ეს
ფანტელები სიტბოსგან დნება და მინაზე რჩება
წყლის ზოლები.

ბარდნის გადაუღებლად, ხვავიანად. ალბათ,
სინას მთაზეც თოვს ახლა და ჩემი მზიანეთიც
თოვს დაუფარავს. ბუხრებიდან ამოდის იის-
ფერი კეამლი. ჭალაში პატრონს ეძახის მარტოდ
დარჩენილი საქონელი. სუროზე ქახუახებენ შა-
შვები. მერე გავარდება ბეგლარა მუჯირის
სტრაქნიკობისდროინდელი ფილთა, შუქაში
აყუფდებიან შეციებული ძაღლები, ალაგეზე

ყვირილ-ყვირილით გადაცივდებიან ბავშვები
და მეზობლებს ახარებენ, ბაბაიამ ჩიტი მოკლაო.

კარგია ახლა სოფელში! ხარ შენთვის, არ გა-
წუხებს გამოცდა, წამოწობი ბუხრის პარას და
წრუპავ ადესას.

...ცხრაას თოთხმეტ წელს საქართველოსა და
სომხეთს შემოესია არაბთა სარდალი აბულ-
ყასიმი, რომელმაც სომხულად გაანადგურა ორი-
ვე ქვეყანა. მოკლა და ძელზე ჩამოკიდა სომეხ-
თა მეფე სუმბატი“.

ნანა წიგნს ხურავს.

— დავამთავროთ, დღეს გვეყოფა.

— მაშ ხვალაც ამ დროზე, — ამბობს ჯუმ-
ბერი.

ნანა საათს უყურებს.

— რა დრო გასულა, კიდევ კარგი, გამცილე-
ბელი მყავს.

გამცილებელი ეს მე ვარ, სიმონი.

ჩვენ გამოვდივართ ქუჩაში. ტრამვაი იქვე
ჩერდება. მაგრამ ნანას ავიწყდება, რომ ეჩქა-
რებოდა და, ფეხით წავიდეთო, ამბობს.

მე რა მენაღვლება!

მივდივართ.

უხვად ბარდნის. ჩვენ თეთრად ვიბურებით
და თოვლს ვიბერტყავთ.

— რა თოვლია! იცი, როგორ მიყვარს თოვ-
ლი, შენ, სიმონ? — მეკითხება ნანა.

— კი, მეც მიყვარს.

— გამოცდებს მოერჩები თუ არა, ბაკურიან-
ში წავალ. შენ, სიმონ?

— მე... მე მზიანეთში წავალ.

— მერე რომ დაბრუნდები?

— რომ დაბრუნდები, ქე ვიქნები თბილისში.

— რა უცნაურად იცი ლაპარაკი. — იცინის
ნანა.

კვლავ თოვს და კვლავ მივდივართ.

უცებ ნანას ფეხი უტურდება და, რომ არ წა-
იქცეს, ხელს მკიდებს, შემდეგ მკლავს მიყრის.

— ასე ჯობს, თორემ კიდევ დავცემი.

სიმონ, რა ამბავია შენს თავზე? გამაგრდი,
სიმონ, ნუ გეშინია. აბა, რა მიგარბენინებს, ნე-
ლა გაიარე, ყური დაუგდე, რას გეუბნება ნანა.
არაფერსაც არ ამბობს? თუმცა რა საქირთა
ასეთ დროს ლაპარაკი.

— აი ჩემი სახლიც. — შეჩერდა ნანა, —
მეორე სართულზე მარჯვნივ ჩვენი ფანჯარაა.

ჩემი სახლიო? რა უცებ მოვსულვართ!

— ნახვამდის, სიმონ.

— ნახვამდის, ნანა.

ნანა ზევით ადის.

მე დაბლა ვრჩები.

თოვნი კი ბარდნის და ბარდნის.

ჩემი ყოველდღე ვმეცადინეობთ და ყოველ-
დღე მეცადინეობის შემდეგ მე ნანას სახლამდე
ვაცილებ. მე კმაყოფილი ვარ, მიხარია, რომ
ერთად ვმეცადინეობთ და რომ ნანას ყოველ-
დღე სახლამდე ვაცილებ.

მერე ახალი წელი გავითენეთ.

ბიჭები ჩვენს ოთახში შეიკრიბნენ. ცოტა ვსვით, ბერევი ვილაპარაკეთ, ვიცეკვეთ, ვიმღერეთ და დავიძინეთ. ჩხუბი არ ყოფილა.

ახალი წლის შემდეგ სესიები დაიწყო.

პირველი გამოცდა ხიდაშელთან გვექონდა. გამწურა, რაც ვიცოდი და რაც არ ვიცოდი, ყველაფერი ვუთხარი. თვითონაც გაუჭვირდა, მერე მეც გამაკვირვა და ოთხიანი დამიწერა.

ჯუმბერმა და ნანამ ხუთები მიიღეს.

კიდეც ორი გამოცდა ჩავაბარეთ და ამოკბუსუნთქეთ.

მერე არდადეგები დაიწყო.

დაცარიელდა სტუდენტული.

გაიფანტნენ სტუდენტები.

ნანა ბაკურიანში წავიდა, მე — მზიანეთში. ჯუმბერი თბილისში დარჩა.

გაზაფხულის სიმღერა

იწურება ზამთარი.

თებერვალი ყველაზე ბედნიერი თვეა — ადრე გადის და სტეპენდიასაც ადრე ვიღებთ.

მერე გაზაფხული დგება.

ზოპარკე ვადარევიან მხეცები, ინსტიტუტში — სტუდენტები. აფორიაქებული გული ბუნების წილში გავლას ითხოვს, ტოვებ ლექციას, ჟურნალში გიწერენ „არას“, გიბარებს დეკანი და შენ ამაოდ უხსნი, რომ ყვოდა ნუში და უღრუბლო ცაზე მზე იციანოდა.

ჩემს ცხოვრებაში ერთი შეხედვით თითქოს მნიშვნელოვანი არაფერია, მაგრამ ეს მხოლოდ ერთი შეხედვით.

რაც მთავარია, მე უკვე აღარა ვარ უარყოფითი, მართალია, არც მთლად დადებითი ვარ. მაგრამ დადებითობისაკენ მივისწრაფი და, როცა მთლად დადებითი გავხდები, უკანასკნელ-გაფრთხილებიან საყვედურს მომიხსნიან, ასე ამბობს ვანტანგი და მეც ვახარებელი ვარ. საერთოდ გაზაფხულზე კაცი იშვიათადაა მოწყენილი. გაზაფხულზე მოწყენა არ შეიძლება. რაც უნდა სადარდებელი გქონდეს, მარტო ფეხბურთის სეზონი მოგიყვანს ხასიათზე. მას შემდეგ, რაც სტადიონის კარები გაიღება, გადარჩენილი ხარ!

მე ფეხბურთიც მიყვარს, გაზაფხულიც და არ ვიცი კიდეც რა მიყვარს. მიყვარს ჩემი მძაკეობი, ნოღარი, გიგანტი, ჯუმბერი და...

ნანა კარგი გოგოა,

ნანას ზღვისფერი თვალები აქვს.

მე და ნანა დილით ტრამვაიში ვხვდებით ერთმანეთს. ბილეთს ხან მე ვყიდულობ, ხან ის. მერე ლექციებზე ვართ.

ლექციებიდან სახლში ფეხით მივდივართ. გაზაფხულზე ფეხით სიარულს არაფერი ჯობია. მე ყოველთვის მიხარია ნანას დანახვა და მინდა სულ ერთად ვიყოთ.

„დღეს კინოში ახალი სურათი გადის“, — იტყვის ზოგჯერ ნანა.

„ჰო, ბავშვები თექვსმეტ წლამდე არ დაიშვებიან“, — ვუმატებ მე.

„მარჯანიშვილის თეატრში კარგი სპექტაკლია თურმე“, — ამბობს ნანა.

„ჰო, კარგი ყოფილა“, — ვამბობ მე და მერე ენაზე კბილს ვაჭერ. მეშინია, პაემანი არ დავუნიშნო. საერთოდ პაემანის მეშინია. ვთქვით, უარი მითხრა და მერე?

მერე რა?

არაფერი!

აკი ერთად დავდივართ და სახლამდე ვაცილებო?

დღი ამბავი! უბრალოდ ერთი გზა გვაქვს, ასე რომ მეტისმეტად თავს ნუ დაიიმედებ, სიმონა მდინარაძე.

ერთ დღეს, როცა ჩვეულებრივად ლექციების შემდეგ ერთად მივდიოდით, ნანამ მკითხა:

— დღეს კლუბში ჩვენი ინსტიტუტის კონცერტია, ხომ მოხვალ?

— კი მინდოდა, მაგრამ მოსაწყვევი არა მაქვს.

— აი მოსაწყვევი, — გამომიწორდა ნანამ, — ახლა აღარაფერი შეგიშლის ხელს.

— იმხელა მადლობა, რომ... მოიცა, შენთვის თუ დაგჩრჩა?

— მონაწილეებს ისე უშვებენ.

— როგორ, შენ გამოდიხარ?

— რა გაგიკვირდა, გამოვდივარ, მამ! — დიმილით თავი დამიქნია ნანამ.

— მღერი, ცეკვავ თუ ლექსებს კითხულობ?

— მოხვალ და გაიგებ.

როგორც იქნა, დადგა საღამო.

ხალხით გაკედილ კლუბში დასაჯდომი კი არა, დასადგომი ადგილიც არაა, როგორც იტყვიან, ნემსი არსად ჩავარდება.

წინა რიგში ქართლოსს მოვკარი თვალი. მანინა ჩემთან ჩამოგეჭიო. დიდი გაკვირვებით მოვთავსდით ორივე ერთ სკამზე.

სინათლე ჩაქრა და დაიწყო კონცერტი.

ერთმანეთს ცვლიან მომღერლები და მოცეკვავეები.

ზოგს ტაშს უკრავენ და ზოგსაც არ უკრავენ. მე მოუთმენლად ველი ნანას გამოჩენას, ქართლოსიც თურმე.

— იცი, ნანა უნდა გამოვიდეს. — მეუბნება იგი.

— ვიცი.

— საიდან იცი?

— შენ საიდან იცი?

— მე ნანამ მითხრა.

— მეც ნანამ მითხრა.

— ჰოო!

— აბა რა გეგონა! — ამაყად ვეუბნები მე.

— ქეთინომ არაფერი გითხრა?

— მოკითხვა დამაბარა შენთან.

„გაზაფხულის სიმღერა“, ასრულებს პირველი კურსის სტუდენტი ნანა კახიანი“, გამოაცხადა კონფერანსიემ.



ჩვენ შევიშუშუნეთ და თითქოს ახლა შევნიშნეთ, რომ ორივე ერთ სკამზე ვისხედით.

ღარბაზი მოლოდინში გაინაბა.

მე თვალები დავხუჭე და, როცა გავახილე, სცენაზე ნანა იდგა, ლურჯ კაბაში, ნანა ლამაზი, ლამაზი კი არა, გადასარევი.

ნანამ სიმღერა დაიწყო. მართალია, მე უნიჭო ვარ და სმენა არა მაქვს, მაგრამ ვიცი, რომ ძალიან კარგად მღერის, რადგან ყველა ასე დაძაბულად უსმენს.

ქართლოსი ლამის სკამიდან წამოდგეს. ეს რა უცნაურად ანთებია თვალები. ნუთუ? არა, ალბათ, მე მეჩვენება ასე. უბრალოდ, ნანა ძალიან კარგად მღერის და ქართლოსსაც მოსწონს ეს სიმღერა.

მღერის ნანა. ეს არის გაზაფხულის სიმღერა. სიცოცხლის, სიყვარულის სიმღერა. ეს არის ნუშის ყვავილობა, მთვარიანი ღამე, ქუჩაში ხეტიალი, მზე და წვიმა, სევდა და სიხარული. ეს მე ვარ, პაემანზე რომ ველოდები... ქეთინოს კი არა, ნანას ველოდები... ეს კიდეც ნანაა, წვიმა რომ ასველებს და ცრემლები ჩადგომია ლურჯ თვალებში: „რა უფელო ყოფილხარ“.

უღსმენ გაზაფხულის სიმღერას მე, უნიჭო სიმონი, და გული ჩიტვით მიფართხალებს. რატომღაც მე ბედნიერი ვარ. მიხარია, რომ ნანას ვიცნობ და კონცერტის შემდეგ სახლამდე მივაცილებ.

დამთავრდა სიმღერა. ჩემს გარდა, ყველა ტაშს უკრავს. მე კი სახელაწილი ვდგევარ და, ასე მგონია, ყველა მე მიყურებს, თითქოს ეს ტაში ნანას კი არა, მე მეკუთვნოდეს.

კონცერტის შემდეგ ჩვენ ერთად გამოვედით ინსტიტუტიდან.

— მაშ, არც ისე ცუდი იყო? — შეკითხვა ნანა.

— ცუდი კი არა, კარგი იყო, ძალიან კარგი. — ვუმტყიცებ მე.

ქართლოსი წამოგვეწია.

— მომილოცავს, ნანა, პირდაპირ თურაორი მოახდინე. — ეუბნება იგი, შემდეგ ხელს კიდებს და ვითომც არაფერი, ასე ლაპარაკით მიჰყავს ქუჩაში.

მე ჩამოვჩივი და ერთბაშად არარაობად ვიქცევი. მე ვიყავი კაცი, რომელიც სუთი წუთის წინ ბედნიერი იყო, და ახლა გულის მავიერ მკერდში სიცარიელე ღარჩა.

არც მეორე სიყვარულში გქონია ბედი, გაჭირებულ სიმონა მდინარაძე! აბა რა შენი საქმე იყო ნანა, ქალაქელი გოგო! შენ სოფელი ბიჭი ხარ და ქართლოსს რატომ ედრები? ხომ იცი წიგნებსა და კინოებში როგორაა — სოფელმა სოფელი უნდა მოიყვანოსო, ტოლი უნდა ნახოსო. შენ შენი გზით იარე, სიმონ, ნანა და ქართლოსი თავიანთ გზას მონახებენ, ისინი ბედნიერები იქნებიან, შენ — უბედური. ისინი ხელს მოაწერენ, დაქორწინდებიან. შეილი ეყოლებათ და შენს გასახსენებლად სიმონს დაარქმევენ.

მაშასადამე, ყველაფერი გადაწყვეტილია!

მე მარტო მივდივარ, გულმოკლული, ფიქრებით დამძიმებული.

უეცრად ვიღაცა ხელს მკიდებს და თვალს არ ვუჭერებ.

ნანა!

— რა ჩქარი სიარული გცოდნია, ძლივს დაგეწიე.

მე არაფერს ვამბობ. მე ახლა ბედნიერი ვარ, მე გადარეული ვარ და არ ვიცი, რას ვაკეთებ.

— სიმონ, სიმონ. — ჩურჩულებენ ნანას ტუჩები. იქნებ ეს წყენაა, საყვედურია, ან იქნებ სიხარულია, მე არაფერი ვიცი. მე ახლა არაფერი მესმის.

— სიმონ, სიმონ. — ისევ ჩურჩულებენ ნანას ტუჩები.

ღიახ, მე სიმონი ვარ, მე მიყვარს ნანა და კაციშვილს არ დავუთმობ ამ ქვეყანაზე!..

გაზაფხულის ღამეა.

ტელევიზორის ანძაზე შემომკდარა ნამგალა მთვარე.

ძინავს ქალაქს.

მორიგე მილიციელსაც ძინავს ჯიხურში.

მარტო ჩვენ არ გვეძინება.

ჩვენ ქუჩაში დავხეტიალობთ და ჩვენ ბედნიერები ვართ.

გ ა ც ი ლ მ ბ ა

სიყვარულის საკითხი როცა გადაიჭრება, მოთხრობას წერტილი უნდა დაესვას. მეც ასე მქონდა განზრახული, მაგრამ გადავიფიქრე და ორი წერტილი დავსვი: ჩვენს მოთხრობაში ზაფხულის გარდა წელიწადის ყველა დროა აღწერილი. რა დაშავა ზაფხულმა? არაფერი.

მაშასადამე, როგორც წესი და რიგია, გაზაფხულს ზაფხული მოყვა და შორეულ ყაზახეთში დამწიფდა პურის ყანები.

ჩვენ ყამირმა მოგვიხზო.

კომიტეტის სახელზე დავწერეთ განცხადებები და შევიწვევლეთ სიმღერა „ბიჭო, იქნებ პაპა იყო შენი“.

კომიტეტში კარგა ხანს ატრიალეს ჩემი განცხადება და მითხრეს:

— თქვენ ხომ იცით, ყველას არ ვეპატივებით ამ ღიდ საქმეში.

— კი მაგრამ, მე ხომ... —

— თქვენ ნუ დაგავიწყდებათ, რომ პირად საქმეში საყვედური გიწერიათ.

საუბარში ვახტანგი ჩაერია.

— მე მგონი, დროა ამ საყვედურის მოხსნაზე ვილაპარაკოთ. აი როცა ყამირიდან დაბრუნდები, მაშინ ენახოთ.

— ღიღი მადლობელი ვარ, — გახარებულმა

ვთქვი მე, — მაშასადამე, უკვე უარყოფითი აღ-
არა ვარ?

ალარ ხარო, სიცილით დამიდასტურა ვახტან-
გმა.

— მთლად დადებითი რომ არ ვარ, ეს კი ვი-
ცი, მაგრამ მე უსათუოდ ვიქნები დადებითი! —
პირობა მივეცი ვახტანგს.

მერე კლუბში მიტინგი გვექონდა, ყამირზე წა-
მსვლელებს გაცილება მოგვიწყევს. დარბაზში
ტევა არ იყო, ერთი კონკრეტი ხალხი მოვიდა.
რა მუსიკა იყო, რა ყვავილები! იმდენი გვაქვს,
რომ სიხარულისაგან გული კინადამ ჩიტვიით
ამოგვიფრინდა. ყველაფერი კარგი, მაგრამ ხი-
დაშელს თუ გაცინებულს ვნახავდი, აღარ მე-
გონა. თადაოზა კომენდანტიც კი არ დარჩენილა,
სიტყვით რომ არ გამოსულიყო. ჩვენს ვეფხ-
ებს ვენაცვალეო, — თქვა თადაოზმა, — ოლ-
ონდ თავი ისახელონ და მე მკითხონ პატივის-
ცემო, იმისთანა საწოლებს დავახვედრებ, ინს-
ტიტუტის დამთავრებამდე ზამბარები ვერ დაა-
წყვიტონო, ახალი წლიდან წყალიც გვექნება
და გათბობაცო, ბორშიც გემრიელი იქნება და
სალიანკაცო.

ჩვენც ვუსმენთ და ვუკრავთ ტაშს. თურმე რა
ვყოფილვართ და აქამდე კაცმა არ იცოდა.

სადგურზეც უამრავი ხალხი იყო, ნანა და
ქეთინოც მოვიდნენ გასაცილებლად.

მე უხერხულად ვიდექი და არ ვიცოდი, რო-
გორ მოვქცეულიყავი, რა მეთქვა.

ქეთინომ ხელი გამომიწოდა.

— შევრიგდეთ, სიმონ, ნულარ გავიხსენებთ,
რაც იყო.

მეც ხელი ჩამოვართვი.

— ახლა დიდი ქაჯი მგონი აღარ უნდა ვიყო,
ცოტა რქები დავიმტვრიე.

ჩვენ სამივე ვიცინით და მე კმაყოფილი ვარ,
რომ ყველაფერი ასე დამთავრდა.

მატარებლის გასვლის ნიშანი მისცეს.

დავემშვიდობე და კიბეზე შევდექი.

— წერილი მოიწერე, გესმის, შე ქაჯო, — მე-
უბნება ნანა.

მე ვპასუხობ, რომ უსათუოდ მოვიწერ.

მატარებელი ნელ-ნელა დაიძრა.

თბილისი უკან რჩება.

ერთხანს ყველა ჩუმდაა, მაგრამ აი ვილაცამ
სიმღერა წამოიწყო, დანარჩენებმა აიტაცეს და
მალე მთელი ვაგონი ამღერდა.

ეს არის ჩვენი სტუდენტური სიმღერა. მე მა-
გონდება გამოცდები, სტეპენდიის აღება და
სტეპენდიის დაკარგვა, ხორციანი და უხორციო
ბორში, ჭადრების ხეივანი, ჩოლკიანი ქა-
ლიშვილი და პირველი პაემანი.

ეს არის სიმღერა სტუდენტობასა და სიყვა-
რულზე.

სტუდენტობასა და სიყვარულზე ტკბილი
ქვეყანაზე არაფერია.

მღერიან ბიჭები.

ფანჯრებში ციციანთელებივით იელეებს ელ-
ნათურების შუქი, შემდეგ კვლავ სიბნელე ჩამო-
წვება. მატარებელი კი მიარდევს წყვილიად და
იჩქარის სინათლის შესახვედრად.



უჩინაღ ,, ღიჯიკაჯუკიდი აჯიკის“ 1960 წლის წომიკების შინაიკისი



3. ი. ლენინის ღაბაღების 90 წლისთავისათვის

- არველაძე ს.** — ვ. ი. ლენინი საზღვარგარეთულ პოეზიაში, № 2.
ართილაყვა ზ. — ვ. ი. ლენინი მშვიდობიანი თანაარსებობის შესახებ, № 2.
ართილაყვა რ. — ლენინის ძეგლი ბათუმში, № 2.
გელაძე ლ. — მთა ელოდა, № 2.
ღოლიძე კ. — ვ. ი. ლენინი — კომუნისტური პარტიის ორგანიზატორი და ბელადი, № 2.
ესენინი ს. — ლენინი, № 2.
მალაზონია ნ. — დიდი ლენინი იბადებოდა, № 2.
რამიშვილი თ. — ლენინი, № 2.
როყვა შ. — შორსმკვრეტელობა, № 2.
სანადირაძე გ. — ყველაზე ძვირფასი, № 2.
სურგულაძე ა. — ვ. ი. ლენინი ბათუმის შესახებ, № 2.
ფედინი კ. — ნახატი ლენინის სახიდან, № 2.
ქათამაძე თ. — ლენინის ხსოვნას, № 2.
შაშილაძე ჯ. — ლენინის სახელით გულში, № 2.
შუბლაძე შ. — აპრილი და ლენინი, № 2.
ჭაყელი ჯ. — დიდი ზამთარი, № 2.

ღმისხები, ბალაღები, პოეზიები

- აბრამია პ.** — ზღვას, თეთრი აფრები, № 5.
ართილაყვა რ. — ვაჟის სოფელში, გულამაყრული. მეწისქვილის სიყვარული, № 5.
ახობაძე დ. — ნაძვი ზღვასთან, № 1.
ბერიაშვილი ბ. — იქნებ..., № 4.
ბეროძე რ. — მშვიდობას სალაში, № 1.
ბააზოვი ა. — ისევ გამოიღარა, № 5.
გელაძე ლ. — გონიოს ციხესთან, მარადიდი, მე ვაგებ პასუხს, *** (რად გიკვირს...), № 1; რა ლამაზ დროს, ერთი სიტყვა, დედას, № 4; ბულბულის ციხე, № 6.
გიგაური გ. — ხევსური ზღვაზე, № 1.
გორგილაძე ზ. — მაინც, როგორ ფიქრობ, ლურჯო ზღვაო, № 1; გაფრინდი, შავო მერცხალო..., ნუ მეტყვი, № 6.
თოფურია გ. — რას შრიალეღს ეს ვერხევი? სურათი, წვიმის წინ, № 1.
თევზაძე ვ. — ხომალდი, № 5.
მალაზონია ნ. — ავტობუსში, № 3; შენ და მთვარე, მამა, დედა, მამული, სიტყვა, გოგონას, ზღვა, № 4; ამხანაგი და მეგობარი მყავს, მდინარესთან, ტინი და გული, დრო, უჩინონი, № 6.

- მარიჯან** — ბეშუმის ცის ქვეშ, რომ ვაჯეღდავ, გოდერძის უღელტეხილზე, ნალიმზე, ეთერქალს, № 3.
მელია ი. — ილია ქავჭავაძეს, სიმღერა თბილისზე, *** (არ მინდა მე სიტყვა...), № 4.
მუავია ქ. — საგზაფხულო, № 3; ცაცხვების ხეივანი, სურათი მტკვრის სანაპიროზე, წაბლის ხის ნათქვამი, № 5.
რამიშვილი თ. — ერთი შვილით, № 4.
როყვა შ. — არწივები ტევრის ბულვარზე, აეროპორტი, *** (ქარს მიაქვს...), № 5.
რურუა პ. — რამ შეგაყრეოლა, შაბლონს ლექსი თუ აცღება, № 3.
უშვერიძე ი. — გალაკტიონს, ნუ გამიმეტებ..., იცი? № 1; ქიაკოკონა, ტკილი ხმები, მე..., № 3; ჩანჩქერი, უეცრად, *** (ახლაგაზრდული ეღვარებანი), იმ ზაფხულზე, მრისხანე სული, № 4.
ფოცხიშვილი მ. — ქალღალღის ნავები, № 4.
სალუქვაძე გიორგი — სიმღერა ბათუმზე, ვაზაფხული, ქარი, ტბას გაეკრა ჩრდილი, მატარებელში, *** (შენ ოქროყანის...), *** (მოღერებული შველივით ყელი...), *** (ბაღის კარებთან...), *** (ფერღობს ანათებს იელი...), № 5.
სალუქვაძე გული — პატარა ლექსები, № 4.
შამანაძე ნ. — საქართველოში იმგვარი მზე..., № 6.
შუბლაძე შ. — ქაქუთელთა სიმღერა, სიმღერა ხულოზე, № 6.
ჩიტიშვილი შ. — ჩემო მთაო და ზეცაო, *** (უძირო ცა ზღვისღვერი), № 4.
ჩიქვილაძე ქ. — დედას, № 1; მშობლიური წყარო, ქარი აშარი, № 5.
ჩხაიძე ა. — თენღება, მამადავითზე, № 1; ჩემო ალუჩავ!, № 4.
ხალვაში ფრ. — ჩადრი, № 3; ატლანტიკაზე, ბროღვეი, სიყვარული მიჩიგანის ტბასთან, ნიაგარას კენჭები, „მთების იმედი“, № 6.
ჯალაღონია ნ. — ლოთს, ქართველი ქალი, მე ღამიტოვა მხოლოდ სურათი, № 1; ორი ლექსი, № 4.
ჭაყელი ჯ. — ასე ამბობდა სოფელი პაპა, ფრთამაღალ საარწივეთო, სიჭაბუკე, № 3; მოღრეკილი სატევარი, № 5.
ჭინჭინაძე დ. — აკაცია, № 6.

თარგმნილი ლექსები, იბავ-არაკები

- ბრიუსოვი ვ. — ასურული ლურსმული წარწერა, პირველყოფილ ადამიანთა სიმღერები, № 6.
- კოფშტინი ა. — ლექსები აპარაზე, № 6.
- მიცევიჩი ა. — ძალი და მგელი, № 5.

მოთხრობები, ნოველები, მინიატურები

- კაკიტაძე გ. — უსახელო ბარათი, № 5.
- ლოლაძე ო. — შერეგება, № 1.
- ლორია პ. — მამა, № 3; უცნობის ჩანაწერები, № 6.
- მოდებაძე ნ. — ჩემი სახლის პირდაპირ დგას ორი სახლი, № 3; წითელხილაბანდიანი ქალიშვილი, № 4; ის იწვედა მალა, მალა..., № 5.
- რუსიძე კ. — ნიგარი, № 3.
- სანადირაძე გ. — სარიდანი, № 4; ყველაზე ლამაზი ზღაპარი, № 5.
- ურუშაძე გ. — სარძლოს ღიმილი, № 4.
- ყაჭეიშვილი ი. — ქალაღის ყვავილები, № 6.
- შერვაშიძე ა. — მღელვარე დღეები, № 4; მემედი, № 5.
- ქანტუია ვ. — „ქარიშხლის თვალი“, № 4.
- ხალვაში ფრ. — მარტში გასროლილი ტყვია, № 1.
- ხელაძე ს. — დაბადების დღე, № 5.

თარგმნილი მოთხრობები, ნოველები, მინიატურები

- ბაკუნცი ა. — ციკარი, № 1.
- დეღავრანაზ ბ. — ფანტაჩელა, № 3.
- კრუშელი ჰ. — ათი ფოთოლი და აღსასრულიც დადგება, № 4.
- კუპრინი ა. — სპილო, № 5.
- მანი პ. — სტერნი, № 5.
- პლატონოვი ა. — ბედნიერების პირისპირ, № 3.
- უაილი ო. — ქველმოქმედი, მოქანდაკე, № 1.
- ქემალი ო. — პატარა ჯამბაზი, № 4.
- ჩეხოვი ა. — სტუმარი, წესები დამწყები ავტორებისათვის, ცხოვრება მშვენიერია, № 1.
- ჭერომი ჯ. კ. — როგორ დაკარგა ჰერისმა ცოლი, № 5.

დღეები და აღაგიანები

- სხვიტარიძე რ. — მწვანე ოქროს მძივებელი, № 1.
- ჩხაიძე აღ. — ძნელი კილომეტრები, № 2; ზღვის კაცი, № 4.

პუბლიკაცია

- გალაკტიონ ტაბიძის ერთი უცნობი ლექსი, № 2.

- იმედაშვილი ი. — აბაშიძე, ჰაიდარ ალის-ძე, № 3.
- მებუჯე გ. — გალაკტიონ ტაბიძის ერთი დაუბეჭდავი იუმორისტული ლექსი, № 1.
- ფრანგი ორიენტალისტი ბათუმის შესახებ, № 6.
- შალვა დადიანის გამოუქვეყნებელი ლეგენდა, № 2.

მწიგნობის აკივიდან

- იოსელიანი შ. — ამ ლექსის ავტორს, თბილისიდან ბათუმამდე, № 3.

მთხრობები

- ჩავლეიშვილი აღ. საუბრები იოსებ გრიშაშვილთან, № 5.

აკრიტიკა და კუბლიცისტობა

- აბაშიძე ლ. — მხატვრული სახის ბუნების შესახებ, № 6.
- ბოლქვაძე ს. — თვითომმხატვრება — შრომითი აღზრდის შემადგენელი ნაწილი, № 3.
- ლიასამიძე ი. — აპარის კურორტები მიმდინარე შეიღწეულში, № 6.
- ვადაქკორია ს. — შენიშვნები ახალგაზრდობის ესთეტიკური აღზრდის შესახებ, № 1.
- თურნავა ს. — ახალი მასალები „დიდოსტატის მარკვენის“ ფრანგულ თარგმანზე, № 3.

- კალანდაძე შ. — კურორტი ცისკარი, № 4.
- კომახიძე დ. — ქალაქ ბათუმის რეკონსტრუქციის პრობლემები, № 2.
- ნიუარაძე შ. — ზოგიერთი შენიშვნა „ჩაისა“ და „მეგლუდის“ მხატვრული ენის შესახებ“, № 5.
- ნუცუბიძე ვრ. — დასავლეთის ახალგაზრდობის ტრაგედია, № 2.
- სანადირაძე ა. — ნანა გვარამიშვილის პოეზია, № 2.

- ქურიძე შ. — იოსებ გრიშაშვილის სატრფიალო ლირიკა, № 3; სიცოცხლისა და სიხარულის პოეტი, № 4; ნამდვილი და ყალბი განძი, № 5.

- შერვაშიძე ა. — ქართველი მხედართმთავრების რუსეთის არმიის, № 1.

- ჩავლეიშვილი აღ. — ერთი მოთხრობის ტიპური პერსონაჟები, № 2; ეგნატე ნინოშვილის ისტორიული რომანის გამოქვეყნების საკითხისათვის, № 4.

- ჩხეიძე ნ. — ლიტერატურული სახე და ცნება, № 1.

- ხინთიბიძე ტ. — საბჭოთა ხალხის მატერიალური კეთილდღეობის შემდგომი გაუმჯობესების შეიღწეული, № 1.



ლიტერატურული კალენდარი

- ბაბილოძე გრ.** — დიდი ქართველი პედაგოგი, № 6.
- დუმბაძე ნ.** — დიდი ხალხის დიდი მწერალი, № 6.
- ქაშიბაძე ი.** — სიტყვის გენიალური ოსტატი, № 1.
- ცინცაძე მ.** — აკაკი წერეთლის პატრიოტული ლირიკა, № 3.
- ხმალაძე პ.** — პოეტი, მკვლევარი, საზოგადო მოღვაწე, № 2.

აკაკი წერეთლის დაბადების 120 წლისთავი

- აბაშიძე ჰ.** — აკაკი და აჰარა, № 6.
- ღონაძე კ.** — რომანტიკული სტილი აკაკის შემოქმედებაში, № 6.
- ნაცვალაძე დ.** — აკაკი ბათუმში, № 6.
- ქიქოძე ბ.** — აკაკი წერეთელი და ძველი ქართული ლიტერატურა, № 6.
- ქურიძე შ.** — აკაკი წერეთელი და ქართველი ქალი, № 6.

ხ ე ლ ო ვ ე ნ ა

- დავითაია ე.** — „ოტელო“ ბათუმის დრამატულ თეატრში, № 1; „როცა ასეთი სიყვარულია“, № 6.
- კომისაროვა ქ.** — შინაარსიანად და საინტერესოდ, № 5.

წიგნის თარო

- არველაძე ს.** — გიორგი ჯიბლაძის „კრიტიკული ეტიუდები“, № 1.
- ელიზბარაშვილი კ.** — ვაჟრობის ისტორიის ღრმად შესწავლისათვის, № 4.
- თალაკვაძე ნ.** — სიცოცხლის სიმღერა, № 5.
- მგელაძე ვლ.** — ისტორიული ნარკვევი ბათუმის შესახებ, № 2.
- ნიუარაძე შ.** — წარმატებითი დებიუტი, № 2.
- ნოღაიდელი ნ.** — საინტერესო საბავშვო წიგნი, № 1.
- სიჭინავა ვ.** — საინტერესო გამოკვლევა, № 4.
- ღლონტი კ.** — საქართველო-ამიერკავკასიაში კაპიტალიზმის განვითარების შესახებ, № 4.
- ჩახვაშვილი ნ.** — წიგნი აჰარაში რევოლუციური მოძრაობის ისტორიის შესახებ, № 4.

- ცქვიტარია პ.** — წიგნი რუსეთის პირველი რევოლუციაზე, № 1.
- ხმალაძე პ.** — პატრიოტული ლექსები, № 6.
- ჩიჭეიშვილი მ.** — აჰარის ასსრ სახელმწიფო მუზეუმის შრომები, № 6.

სატირა და იუმორი

- ლორია პ.** — უცხოელი ჟურნალისტი საქართველოს შესახებ, № 1.
- სამსონია აღ.** — სტუდენტობა და სიყვარული, № 5.
- შუბლაძე შ.** — კიბო და ბონის კანცლერი, № 1; შაშვსა ჰკითხეს, გუგული, № 3; დისერტანტი კოდალა, ქურდი, № 5.
- ჩხაიძე გრ.** — თქვენ რომ ეძებთ, სწორედ ისა ვარ, № 3.

ზოგჯერის ჩანაწერები

- მახარაძე ფ.** — თორმეტი დღე ამერიკის შეერთებულ შტატებში, № 4.

1945—1960

- გურგენიძე ა.** — მარადთოვლიან ალპებში, № 3.
- თვაძე ი.** — სიკვდილზე ძლიერნი, № 4.
- ცერცვაძე ი.** — ბრძოლით განვლილი გზა, № 3.

აჰარის წაკსულიდან

- მალაზონია ირ.** — ამაღლარი პედაგოგი, № 1.
- სიხარულიძე ი.** — მონღოლი უფლისწულის ურდო აჰარაში, № 1.
- შიშვინა-ახალაძე ა.** — ნესტორ კალანდარიშვილის რევოლუციური მოღვაწეობა ბათუმში, № 1.
- ცქვიტარია პ.** — აჰარაში საბჭოთა ხელისუფლებისათვის ბრძოლის უმნიშვნელოვანესი ეპიზოდი, № 2; სახელოვანი ბრძოლის ისტორიიდან, № 6.

ს ზ ო რ ტ ი

- გამრეკელი გ.** — ტურნირი დამთავრდა, № 2.
- შაშიკაშვილი მ.** — ასე იბადება წარმატება, № 1.

ბათუმის სიხალენი

- მარგველაშვილი ვ.** — მშვიდობიანი ატომის ქალაქი, № 4

ხელმოწერილია დასაბეჭდად 13/II, 1961 წ. საბეჭდი 6 (პირობითი 8), საგამომცემლო 7 თაბახი. შეკვეთის № 551, ემ 00601, ქალაქის ზომა 70X108, ტირაჟი 2.000.

საქართველოს სსრ კულტურის სამინისტროს
მთავარბოლიგრაფსამმართველოს ბათუმის სტამბა-ლითოგრაფია
(ბათუმი, ლუქსემბურგის, 22).

Батумская типография Главполиграфиздата
Министерства культуры Грузинской ССР
Батуми, ул. Р. Люксембург, 22.



6. 3/61

3366 40 333.

ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ
„Литератури Аджара“
ОРГАН АДЖАРСКОГО ОТДЕЛЕНИЯ
СОЮЗА ПИСАТЕЛЕЙ ГРУЗИИ